






ANTVERPIÆ  
Apud Henricum Aertssens  
M. DC. XXXII.

*Cum gratia et privilegio.*

*Eremitar Camaldulens' Mon' Desjy  
prope Parisiæ  
Pascet illi Deus si Vult  
Co. nylar pietasie obrutkow*



F. III. 48



SANCTISSIMO  
D. NOSTRO  
V R B A N O  
O C T A V O  
P O N T I F I C I  
M A X I M O .



Vi secundum  
Deum, P I A  
DESIDERIA,  
nisi Desiderio  
orbis Christia-  
ni, Tibi, inquam, BEATISSI-  
ME PATER, dedicarem? Cer-  
tè videntur Diuinâ quâdam  
designatione destinata, quæ  
iam dudum Tibi olim Car-  
dinali, maximo literatorum  
Patrono, à me fuerant tacitâ

cogitatione consecrata.

Iam quidem Sacra Tua Pontificis Majestas tantum deterrebat quantum nuper MAPHÆI CARDINALIS BARBERINI notissima humanitas inuitabat: ambiciosus tamen hic libellus meus, omnibus DESIDERIIS suis, ampliùs etiam Pontificis quàm Cardinalis patrocínio vindicari expetebat.

Venit ergo suo sibi argumento, cultuque diffidens, Tuarum verò Virtutum inuitatu audax, ne dicam inuerecundus. Vt optaret, Tuus in literas meliores amor



amor impulit ; vt auderet,  
VRBANI nomen suafit ; vt  
timeret, sua infantia, Tuaq;  
summa eruditio fecit. Urbani-  
tatem, cum BARBERI-  
NVS esses, expertum se pro-  
lixissimè indicabat Carolus  
Scribani noster, oblato nu-  
per Prodigio suo. Amorem in  
literatos omnes & publica  
fama loquebatur, & confir-  
mabat testimonium Tar-  
quinij Gallutij, qui inscri-  
ptâ Tibi suarum Oratio-  
num præfatione narrat : Ita  
*Te solitum eos excipere, qui musis hi-  
sce mansuetioribus delectantur, vt  
exterorum prope nemo Romam in-  
grediatur, qui Te non conueniat,*

conuentumque sic admiretur , vt pa-  
lâm pronunciare non dubitet , vnum  
Te esse, cui , si facultas daretur , vo-  
luntas etiam esset, fugientes literas à  
situ atque ab interitu vindicandi.

Eruditionem denique e-  
tiamnum testantur politif-  
simorum poëmatum Tuo-  
rum immortalia monimen-  
ta.

Etenim VRBANE PON-  
TIFEX MAXIME , ( quod  
sine adulationis notâ de-  
prædicant omnes)

*Seu per audaces noua dithyrambos  
Verba deuoluis, numerisq̃ue ferris  
Lege solutis;*

*Seu Deum , Regesq̃ue —  
Concinis majore....plectro,  
Multa te Cælo leuat aura Cynnum.*

Et



Et quid ego, ad aras Tuas,  
semipaganus afferam, quæ

— *Apis Matinæ*

*More modoque*

— *operosa parvus*

*Carmina finxi?*

Hic metus, ne Marfiæ calamitate multarer, ad rudiores aures trepidantem relegabat, cum denuò blandissimi nominis Tui venit in mentem, plusque ab VRBANO sperare iussit, quàm Marfyæ licuit ab inurbano Apolline.

Cogitabam præterea excusari me quoque temeritatis posse; si venissem, non quasi interpellaturas sacratissimas *Tuæ Beatitudinis*

\*

5

curas,

curas, reuocatione studio-  
rum iam pridem deposito-  
rum, sed valedicturus tan-  
tum. Sic enim intelligebam,  
ad sacrum Conclaue ( cū  
in eo degeres Pontifex de-  
signandus ) aduolasse apes  
( Musis olim sacras ) cellas-  
que suas, haud procul fene-  
strâ Musæi Tui construxisse,  
non alio, vt ego quidem au-  
guro portento, quàm quasi  
valedicerent Phœbo suo;  
prædicerentque Maiorum  
tuorum ceras, insigniaque  
abs se expressa, deinceps  
Pontificiæ Tiaræ velut sacro  
alucari supponenda.

O vaticinium cœlesti omi-  
ne



ne designatum, euentu cẽr-  
tissimo approbatum! Quam-  
quam non apibus modò na-  
tura sua diuinantibus, verùm  
etiã cuiuis vel crassissimo au-  
guri, longè facillimum fue-  
rit præsentire, Pontificem Te  
Maximum futurum, priùs  
quàm factus esse renuncia-  
reris. Certè enim maxima  
virtutum Tuarum decora,  
eroditionis, rerumque abs  
Te gestarum fama, ita orbem  
peruaserat vniuersum, vt  
priùs Pontifex Maximus,  
omnium esset acclamatione  
factus, quàm Purpuratorum  
Patrum sententijs dictus.  
Nimirum, iam Pontifex eras,  
sed

sed Oraculo tantum sanctif-  
simi illius Senatus designan-  
dus. Et ne meritis testimo-  
nium deesset, calculis quin-  
quagenis; quaternis præterea  
reliquis ( qui soli considera-  
bantur) eligendus, nisi hu-  
mana potius quam Diuina  
conspiratione id factum cre-  
di potuisset.

Permitte igitur, BEATIS-  
SIME PATER, ut qualem  
Te per omnem retro vitam  
præstitisti, qualemque admi-  
rati sunt plurimi, Omnes ali-  
quando orbe toto noscant;  
venerenturque. Non equi-  
dem par Maiestatì Tuæ pi-  
ctor sum, sed (quod Mode-  
stia



stia Tuæ scio gratius fore)  
angustâ tabellâ Magnitudi-  
nem Tuam ( vt ille olim so-  
lo pollice Cyclopem ) ali-  
quatenus adumbrabo.

*Ignosce nostri læsus obsequio styli,  
Amoris hoc crimen tui est.*

Sacra Hebraicæ linguæ  
adyta studiosus indagator  
penetraſti. Attici sermonis  
peritissimus, mella loqueris;

—— *Dulcius illo  
Melle, quod in ceris Attica  
ponit apis.*

Inter Latinos, ita chorum  
ducis, vt sanctissimos Ponti-  
fices, Damasum, Nazianze-  
num, Oriētium, Ennodium,  
Ambrosium, Paulinū, Pro-  
sperum,

sperum, Sidonium imitatus,  
sermonem elegantissimis, ne  
dicam prope diuinis, nume-  
ris alligaris.

Venio adhonorum gradus,  
per quos Tua Te virtus du-  
xit. Anno ætatis decimo no-  
no Te Sixtus Quintus ad  
prælaturam euexit ; nempe  
iam tum orbis principatui  
maturum, si id ætatis Tibi  
Pontificatum adolescentia,  
vt Augusto Imperium, per-  
misisset.

*Iam tunc canities animi, iam dulce  
loquendi*

*Pondus & ingenium venerat  
ante diem,  
Ingenium cœleste suis velocius annis.*

Pro-



Protonotarius deinde Apostolicus, Abbreviator Parci maioris, Referendarius vtriusque signaturæ, Clericus cameræ factus es.

Anno vigesimo primo, Clemens VIII. maritimum Tibi Vmbriæ oppidum, Fanum Fortunæ, pro se gubernandum dedit; auguratus nimirum quòd fortunam ipsam deinceps arbitrato tuo rectorus esses.

Et quæ, quantaque deinde à Te munera, domi, forisque (fortunâ semper veluti morigerante) administrata sunt?

Redeunte in Pontificios census, Ferrariensi dominatu,

tu, instrumento extincti  
feudi scribundo præfuiſti.

Beneuentanis finibus re-  
gundis, vnà cum *Alexandro*  
*Ludoisio* Cardinali, (qui Pō-  
tifex poſtea Gregorij XV. no-  
mē accepit) arbiter datus es.

Iudex æſtimandæ litis de  
Peruſino lacu, fundiſque  
Vmbriæ conſtitutus, Peru-  
ſiam triginta ſex ſcutorum  
millibus æris alieni liberaſti.

A Clemente VIII. Fer-  
rariam ductus, celebrati abs  
ſe matrimonij inter Sereniſ-  
ſimum Archiducem Alber-  
tum, duodecim Auſtriaco-  
rum Imperatorum ſanguini-  
nem, & Eliſabetham, Cla-  
ram,



ram, Eugeniam Philippi II.  
Maximi illius Hispaniarum  
Regis filiam, nuptiales tabu-  
las conscripisti.

Fortunatissimorum Spon-  
salium conditiones, inter  
Catholicum Hispaniarum  
Regem Philippum III. &  
Margaretā Austriacam eius-  
dem Pontificis autoritate  
abs te scriptæ, latæque, tam  
auspicatas fecêre nuptias, vt  
meritò Tibi Hispania debeat  
potentissimum suum Re-  
gem Philippum IV. Gal-  
lia Reginam Annam Au-  
striacam; Roma Cardina-  
lem Ferdinandum; cæte-  
ra Regna spes maximas suo-  
rum

rum coniugiorum.

Denique ab eodem Clemente VIII. in Galliam legatus , eius verbis Henrico Magno gratulatū iuisti , natâ sibi prole Ludouico XIII. Rege iustissimo , quem brachijs sublatum , Pontificis Maximi nomine , à sacro Baptismatis fonte suscepisti. O præclaram Pontificatus Tui arrham ; Ecquis enim non intelligeret Te Cœlo aliquando ferendo successurum , qui Regium illud Christianissimi Regni fidus Athlantis instar manibus sustineres ? Ita nempe naturâ comparatus eras , vt ad maxima



ma quæque gerendâ; perficiendaque natus videreris.

Igitur in Vmbriâ Commissarium Apostolicum; in Galliâ Nuncium, Bononiæ Legatum Pontificium gessisti. Quid amplius?

*Ductus per omnes dignitatum formulas,*

*Meritusque plura quam gerens.*

Primum Archiepiscopus Nazarenus, Cardinalis deinde, tum Episcopus Spoletinus, Præfectus signaturæ Iustitiæ, Scotorum Protector, Congregationis de propagandâ fide à Gregorio X V. (vt olim à Clemente VIII. Congregationis de Principi

✱

✱

2

pum

pum debitis exigendis ) Denique PONTIFEX MAXIMVS factus es.

Liceat igitur nunc, BEATISSIME PATER , illud quoque aliquousque in Te conferre, quod in CHRISTVM Pontificem immortalem Apostolus dixit:

Heb. 7.

*Talis enim decebat vt nobis esset Pontifex.*

Etenim hæc ætas nostra Tali Pontifice indigebat; & Tu Talis , ætate nostrâ, solus Pontifex esse merebaris.

Adeoq̃ue; ne vlli fas esset dubitare ( quod olim Sanctiss. Pontifici Fabiano euenisse,



nissè, accepimus ) cùm in  
Conclauì effes , candidissì-  
mæ columbæ ad fenestram  
tuam aduolantis indicio  
(Diuinitùs haud dubiè ) es  
designatus. Id quod ego ,  
nemini ambiguum esse pos-  
se , tum certò mihi persua-  
si , cùm intellexi , Te iam re-  
cens Pontificem omnium  
admurmuratione dictum ,  
nondum solenni ritu è thro-  
no salutatum , genibus humi-  
nixis , manibus , oculisq̃ue  
sublatis ; Deum his verbis  
publicè compellasse.

*Domine , si hac electio , non est aut  
è gloriâ tuâ , aut è bono Ecclesiæ ,  
aut salute meâ , priùs hinc efferar  
\*\* 3 è Con-*

*è Conclauū mortuus , quàm vi-  
uus.*

O vocem Urbano Ponti-  
fice dignam ! vocem aris,  
templisq̃ue omnibus conse-  
crandam! vocem, quæ quàm  
dignus Pontificatu esses, quo  
instinctu ad eum prouectus,  
facile indicaret.

Sic viue diu Ecclesiæ Tuæ  
VRBANE OPTIME MA-  
XIME, cui Princeps iubente  
cœlo præfectus es ; & cū  
hoc meum qualecumque  
munusculum aspicias , ne-  
que Pontificem te esse , ne-  
que eum cuius tanta sit  
Maiestas, sed VRBANVM  
recordare. Cætera Tua, vtpo-  
te



te maxima omnia, plus ni-  
mio deterrent; V R B A N I  
solus pedes audeo submis-  
sissimo osculo venerari.

*Sanctitatis Tuae*

Serius minimus

HERMANNVS HVGO  
Soc. IESV.

\*\* 4

LV-

L V S V S

I N

GENTILITIAS

SVÆ SANCTITATIS

A P E S.

**V**RBANE terris OPTIME MAXIME  
*Bene ominato nomine PONTIFEX,  
Frustrà repugnas; quando Cæli  
Auspicijs agitur urna.*

**H**ONOR fugacem persequitur virum;  
*Fugit sequacem: si fugis, occupat  
Vt umbra, venantesq; ludit  
Niliacâ Crocodilus algâ.*

*Quisquis pudendæ miles adorea  
Tinctam rubenti murice purpuram  
Cretatus ambit, pestilente  
Virus atrox bibit, ille gemmâ.*

*Frustrà repugnas, difficilem sequi  
Te Te prehensat gloria, Te rapit:*

A P E S <sup>q</sup>



*APESq; de Cælo propinquant  
Lethifero sine felle mella.*

*Frustrà repugnas; scilicet obuiâ  
Cervice mortem Prodigus inuocans,  
Sta pertinax non ferre plexam  
Mellifluis APIBVS tiaram.*

*Frustrà repugnas; nunc APIBVS BONIS  
Inbente Cælo subijce verticem,  
Sacriq; signent BARBERINVM  
Astragalo meliore fasti.*

*Fasti auspicas indigent APES,  
Faustq; faustos, dicite barbita;  
Nutrice lactatus Camænâ  
Pindarico bibit ore nectar.*

*APVM rigata munere fascia,  
Fauisq; cunæ dulcibus augures,  
Nomenq; & omen melle plenum  
Nectaris AMBROSIO dederūt.*

*Ætas metalli diuitis aurea,  
Regnata quondam falcigero seni,  
Sudare, Portentum! cauatis  
Ilicibus sua mella vidit.*

*Non vidit auri fulgure splendas  
APES Hymetti lambere verticem;*

*\*\* s Dam-*

*Damnosa quid Mida vetustas  
Vota canit pereuntis auro?*

*O Roma gemmis Ambrosiam bibe  
Secura; dulci miscuit utile  
Aurumq; melli BARBERINVS,  
Delicias opibus maritans.*

*Aurata nunc sunt sacula! mellea,  
Nunc vivit etas! aurea, mellea,  
Exundat ubertas, beato  
Roma fauos sociat metallo.*

MAXIMILIANI HABBEQVII  
S. I.

VRBA

LIBER PRIMVS

GEMITVS

ANIMÆ

POENITENTIS.





*Anima mea desideravit te in nocte . Fratris n.º.*

DESIDERIO  
COLLIVM ÆTERNORVM  
CHRISTO IESV

IN QVEM

Desiderant Angeli prospicere  
AM ORI ET DESIDERIO SVO  
Vir Desideriorum.

Domine ante te omne desiderium  
meum, & gemitus meus à te non  
est absconditus. *Psal. 37.*

**Q**Uot mihi clàm tacitis mens aestuet anxia votis,  
Indicio potuit discere nemo meo.  
Nemo, nisi arcani qui pectoris intima lustrat,  
Quem fugit humani nulla latebra sinus.  
Ille, meos gemitus, mea scit suspiria solus,  
Ille, oculis etiam persequat ima suis.  
Ecquis in alterius sua sensa profuderit aurem,  
Sit nisi secreti proditor ipse sui?  
Si tamen vlla foret speranda hac arte medela,  
Ars desiderij hac foret vna meis.  
Sed neque depositas leuat auris amica querelas,  
Nec desiderij hac fit ab arte modus.

*Cœpe-*

Cæperat, heu! natos Rachel vlulare peremptos;  
Mox, vbi nil flendo pro fuit, abstinuit.  
Scilicet ipse suas facit ignis, editq<sub>3</sub> fauillas,  
Quasq<sub>3</sub> pluit, nubes, ipsa resorbet aquas:  
Sic melius, proprios quos fudi, combibo fletus,  
Inq<sub>3</sub> suum recidit tutius vnda sinum.  
Quæ mea sint igitur, dum triste gemo, lamenta,  
Non nisi nos soli nouimus, ille, & ego.  
Quid voueam, tacitis dum compleo littora votis;  
Non nisi nos soli nouimus, ille, & ego.  
Quid clamem, mea dum sese suspiria rumpunt,  
Non nisi, non nisi nos nouimus, ille, & ego.  
O quoties fictas animus gerit histriopartes,  
Et pugnant animo fronsq<sub>3</sub> colorq<sub>3</sub> suo!  
Dum patitur tragicos mens personata cothurnos,  
Sapius in mimo Roscius ore salit.  
Nulla fides lacrymis, lacryma simulare docentur,  
Nec, nisi vis falli, risibus vlla fides.  
Soluor vt in fletus, putat omina tristia vulgus;  
Soluor vt in risus, omnia leta putat:  
Fallitur ah! nostri neque scit mendacia vultus,  
Cum letor, lacrymor; rideo, cum doleo.  
Vix tibi tot, Protheu, quot sunt simulantibus ora,  
Vota quibus laruam dant, adimuntq<sub>3</sub> suam.  
Nemo meos Gemitus, Vota aut Suspiria nouit;  
Nemo, duoq<sub>3</sub> nisi nos, & duo sufficimus.



## I.

Anima mea desiderauit te in nocte.

*Isaia 26.*

**H**ei mihi quā densis nox incubat atra tenebris!  
 Talis erat, Pharios quæ tremefecit agros,  
 Nubila, lurida, squallida, tetrica, terribilis nox;  
 Nocturno in censu perdere digna locum.  
 Non ego tam tristes Scythico, puto cardinelunas,  
 Tardat ubi lentas Parrhasis Vrsa rotas:  
 Nec tot Cimmerio glomerantur in aethere nubes,  
 Vnde suos Phœbus vertere iussus equos:  
 Nec reor inuisi magis atra palatia Ditis,  
 Fertur ubi nigrâ nox habitare casâ.  
 Nam licet hic oculis nullam dent sidera lucem,  
 Non tamen est omni mens viduata die:  
 Nocte, suam noctem populus videt ille silentium,  
 Et se, Cimmerij, Sole carere vident:  
 Arctica cum senos regnauit Cynthia menses,  
 Dat fratri reduci septima luna vices.  
 At me perpetuis damnat fors dira tenebris;  
 Nullaq; vel minimo sidere flamma micat.  
 Et neque. (quod cecis vnum solet esse leuamen)  
 Ipsa suam noctem mens miseranda videt.  
 Quin tenebras amat ipsa suas; lucemq; perosa,  
 Vertit in obscœna noctis opaca diem.  
 Nempe suas animo furata Superbia flammæ,  
 Nubilat obscuro lumina ceca peplo.

A

Nec

Nec finit Ambitio nitidum clarescere solem,  
 Fuscet & ingenuas Idalis igne faces.  
 Heu, quoties subit illius mihi noctis imago,  
 Nox animo toties ingruit atra meo!  
 Sors oculis nostris melior, quibus ordine certo,  
 Alternas reparant lunæque solque vices!  
 Nam quid agat ratio, quid agat studiosa voluntas,  
 Quas habet, ut geminos mens peregrina duces?  
 Maior, habere oculos, dolor est, ubi non datur uti,  
 Quam, quibus utaris, non habuisse oculos.  
 Qui dolet oppressus lapsis velocius umbris  
 Latior aggreditur manè viator iter.  
 Sed nimis hæc longas tenebris nox prorogat horas,  
 Quæ tibi manè negat cedere, Phœbe, diem.  
 Cum redit Arctoo Titan vicinior axi,  
 Exultat reducis quisque videre iubar.  
 Scilicet Aurora gens veritur omnis in ortus,  
 Quisque parat primus dicere, Phœbus adest.  
 Sic ego, sæpè oculos tenui sublimis Olympo,  
 Aspicieus, gemino qui iacet orbe, Polam.  
 Et dixi tam sæpè, Nite sce, nitesce meus Sol!  
 Sol mihi tam longos obtenebrare dies!  
 Exorere, exorere, & medios saltè exere vultus,  
 Vel scintilla tui sola sat esse potest.  
 Quin etiam tanti si luminis abnuis usum,  
 Sufficiet radios experuisse tuos.

*Anima mea desiderauit te in nocte.*

Isaïæ. 26.

**E**RAT enim tempus quando non cognoscebam te. Væ tempori illi quando non cognoscebam te! Væ cæcitati illi quando non videbam te? Illuminasti me lux mundi, & vidi te.

August.  
Soliloq.  
cap. 31.

Serò te cognoui lumen verum, serò te cognoui. Erat autem nubes magna & tenebrosa ante oculos vanitatis meæ: ita vt videre non possem solem iustitiæ, & lumen veritatis. Inuoluebar in tenebris filius tenebrarum. Tenebras meas amabam, quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis me eduxit? vbi eram homo cæcus sedens in tenebris & vmbra mortis? Quis accepit manum meam vt inde me educeret? Quis est ille illuminator meus? Non eum quærebam, & ipse quæsiuit me. Non vocabam eum, & ipse vocauit me. Vocasti enim me nomine tuo, intonasti de super voce grandi in interiorem aurem cordis mei; Fiat lux, & facta est lux: & discessit nubes magna, & liquefacta est nubes tenebrosa quæ operuerat oculos meos, & vidi lucem tuam, & cognoui vocem tuam, & dixi. Verè Domine tu es Deus meus qui eduxisti me de tenebris, & vmbra mortis

Ibid.  
cap. 37.



& vocasti me in admirabile lumen tuum; & ecce video. Gracias tibi illuminator meus, & conuersus sum, & vidi tenebras in quibus fuëram, & abyssum tenebrosam in quâ iacueram, & contremui, & expaui, & dixi: Væ, væ tenebris meis in quibus iacui! Væ, væ cæcitati illi in quâ videre non poteram lumen cœli! Væ, væ præteritæ ignorantie meæ, quando non cognoscebam te Domine! Gracias tibi ago, illuminator & liberator meus, quoniam illuminasti me, & cognoui te. Serò cognoui te veritas antiqua. Serò te cognoui veritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

Aug. So-  
liloq.  
cap. 17.

Tu lux Domine; tu lux filiorum lucis, tu dies qui nescis occasum, in quâ ambulant filij tui sine offensione, & sine quâ omnes qui ambulant, in tenebris sunt, quia te lucem mundi non habent.

D. Gregor.  
in Iob.  
cap. 22.

Nox quippe est vita præsens, in quâ quamdiu, per hoc, quod interna conspiciamus sub incertâ imaginatione, caligamus. Propheta namque ad videndum Dominum, premi se quadam caligine sentiebat, dicens: *Anima mea desiderauit te in nocte.* Ac si apertè diceret: In hac obscuritate vitæ præsentis, videre te appetto, sed adhuc infirmitatis nubilo circumscribor.

Facile

# LIBER PRIMVS. 5

Facile enim homini est, quidlibet desiderare à Domino, & ipsum Dominum non desiderare.

August. in  
Psalm. 76.

Habet namque mundus iste noctes suas, & non paucas. Quid dico, quia noctes habet mundus, cum pænè totus ipse sit nox, & totus semper versetur in tenebris. Nox est, Iudaica perfidia; nox, ignorantia Paganorum; nox, hæretica prauitas; nox, etiam Catholicorum carnalis animalisq; cōuersatio. An non nox, ubi non percipiuntur ea quæ sunt spiritus Dei? Frustra per has noctes, iustitiæ solem & lumen quæritis veritatis, id est sponsum; quia nulla societas luci ad tenebras.

Bern. in  
Cant.  
serm. 75.

Nobis ergo vnde in his tenebris veritas? Vnde charitas, in hoc sæculo nequam, in mundo, qui totus positus est in maligno? Putas erit qui intellectum illuminet, qui inflammaret affectum? Erit utique si conuertamur ad Christum, ut velamen de cordibus auferatur: hic est enim de quo scriptum est: *Habitantibus in regione vmbra mortis, lux orta est eis.*

Bern. de  
Ascens.  
Domini  
serm. 6.

Gratias illi, qui me quæsiuit fugitiuum, qui me vocando ab interitu reuocauit, qui fecit mihi illuminatam noctem. Nox enim est quamdiu ista vira agitur. Quomodo est nox illuminata? Quia Christus descendit in noctem. Accepit Christus carnem de isto

August. in  
Psalm. 138.

# G E M I T Y S.

faculo, & illuminauit nobis noctem; perdidit enim drachmam mulier illa, *accendit lucernam*, Sapientia Dei perdidit drachmam. Quid est drachma? Numus: in quo numo imago erat ipsius Imperatoris nostri, (Factus est enim homo ad imaginem Dei, & perierat) Et quid facit mulier sapiens? *Accendit lucernam*. Lucerna de luto est, sed habet lucem quâ inueniatur drachma. Lucerna ergo sapientiæ, caro Christi est. De luto facta est, sed verbo suo lucet, & inuenit perditos; & nox illuminatio in delicijs meis. Facta est mihi nox in delicijs. Deliciæ nostræ Christus.

August.  
lib 7.  
Confess.  
cap. 19.

O æterna veritas, & vera charitas, & chara æternitas! Tu es Deus meus, tibi suspiro die ac nocte. Et cum te primùm cognoui, tu assumpsisti me, vt viderem esse, quod viderem, & nondum me esse qui viderem. Et reuerberasti infirmitatem aspectus mei, radians in me vehementer, & contremui amore & horrore, & inueni longè me esse à te in regione dissimilitudinis.



## I I.

Deus tu scis insipientiam meam, &  
delicta mea à te non sunt abs-  
condita. *Psalm. 68.*

**S**I tibi stultitia nulla est patientia nostra,  
Omnia consilio qui sapiente regis;  
Nullus ab offenso veniam sibi Numine speret,  
Nullus enim culpa, stultitiaq; vacat.  
Hac etiam excelsas afflat contagio mentes,  
Et sua stultitia quemlibet aura rotat.  
Quid simulasse iuuat? semel insaniuimus omnes,  
Ingenua humani stemmatis illa nota est:  
Et pater & mater, generis primordia nostri,  
Maxima stultitia signa dedere sua.  
Credite posteritas, fatali vendita pomo es;  
Stultius hâc aliquid venditione fuit?  
Nec minus insanus, magni patrimonia census  
Perdidit esuriens, munere pultis, Esau.  
Et Salomon tactam sensit vertigine mentem,  
Dum castam insana vertit amore domum.  
Non igitur magni fallunt oracula regis,  
Stultorum innumerum qui docet esse gregem.  
Legiferi neque vana canunt prasagia vatis,  
Quis defleta hominum tanta ruina fuit.  
O saperent, ait, & cauti ventura viderent!  
Non aded in vitium cerea turba foret.  
Quis (nisi desperent) quosdam dixisse putaret,  
Nullum, qui terris imperet, esse Deum?

Quilibet ut peccet (aliàs peccare timeret)  
Esse sibi nullum fingit in orbe Deum.  
Ipsa igitur nostros auertunt crimina sensus,  
Nullus & in vitium, sit nisi stultus, abit.  
Sed neque iam gliscens stat in hoc dementia passu;  
Præcipiti in peius truditur acta pede.  
Extruimusq; domos, cœloque educimus arces,  
Ceu data perpetuò terra colenda foret:  
Crastina lux coget vite statione moueri;  
Quis neget insanas nos fabricasse domos?  
Conferimus platanos, disponimus ordine lauros.  
Areolas hortis diuidimusq; suas:  
Qua stolidi serimus, vix tertius afficit heres,  
Quo tibi qui carpet tum tua poma nepos?  
Sic, puto, dat senibus puerilis natio risum,  
Cum fabricat luteas, paruula turba, casas:  
Ludicra sollicitis feruet respublica curis,  
Hic scænum, hic paleas conuehit, ille trabes;  
Aggerit hic grauidoplumas & stramina plaustro,  
Huius erat at testâ querere munus aquam.  
Et sibi tum structa gratantur mœnibus vrbs,  
Magnaq; se pueri regna locasse putant.  
Hac videt, ac ridet qua transit grandior ætas,  
Vixq; graues sese virq; senexq; tenent.  
Haud aliter Superi dant nostra negotia risum,  
Regnaq; pro nidis, qua fabricamus, habent.  
Hac quoq; sub stolido sapientia nata cucullo,  
Tam varijs nullum vestibus esse modum:  
Pauca vel hoc studio, peregrinus ad oppida currat,  
Inueniet vestes per loca quæque notas.

Si sedeant vno semel omnes fortè theatro,  
 Quos sua dissimiles palla chlamysq; facit,  
 Ridiculis videat plenissima pulpita mimi,  
 Rideat & socij pallia quisque sui.  
 Iam studium gemmarum & habendi quis furor auri?  
 Sudat in hoc hominum nocte, dieq; labor.  
 Quid tamen est aurum, fulua nisi puluis arena?  
 Gemmaq; quàm vitrei gutta gelata maris?  
 Ambit & has tantâ gens stulta cupidine gazas,  
 Seu foret hinc miseris vna petenda salus.  
 Ecce tibi minimo cœlum venale labore,  
 Et cœlum hoc pretio, quantula turba petit?  
 Heu genus insanum! terras præponitis astris,  
 Ignotis nimium dona caduca bonis!  
 Quis pueros (lusu si vel tam turpiter errent)  
 Orbili meritis aspera sceptra neget?  
 Nempe sciunt leuibus quid distent ara lupinis,  
 Vt semel abiectas deseruere nuces.  
 Nos magis desipimus, cùm parua crepundia, calo,  
 Prò pudor! & fluxas pluris habemus opes.  
 O medici mediam stolidis pertundite venam!  
 Stultitia queat hic proximus esse furor.  
 Sed videt hæc magnus qui temperat arbiter orbem,  
 Nostraq; stultitia nomine, multa tegit.  
 Et mea propitius deliria plurimâ transit,  
 Multaq; scit cecâ dissimulanda manu.  
 Et qui ius adimat, nouit Pratoris egerè,  
 Ne perdam, patrias qui mihi seruet opes.  
 Ergo adeat sanum mea, fac, tutela patronum,  
 Stultitia custos esto vel ipse mea.

Deus



*Deus tu scis insipientiam meam, & delicta mea à te non sunt abscondita.*

*Psalm. 68.*

*Prou. 30.*

**S**TULTISSIMVS sum virorum, & sapientia hominum non est mecum. Non didici sapientiam, & non noui scientiam sanctorum.

*2. ad Cor.*

*Vtinam sustineretis modicū quid insipientia mea.*

*11.*

*Stulticia [enim] colligata est in corde pueri.*

*Prou 22.*

*Tomo 9.*

*August. in*

*spec. pec.*

*cap. 8.*

[Sed] vis noscere quis sit insipiens, & quis stultus? Respondeo; insipiens est qui se à Paradisi gaudijs peregrinum esse non considerat, & se exulem in hoc exilio non attendit: stultus est, qui licet ista cognouerit, liberari tamen à mundi miseriâ per vitæ meritum non intendit.

*August.*

*serm. 8. de*

*Temp.*

*cap. 5.*

Dic ergo te stultum, & sapiens eris. Sed dic, dic, & intus dic, quia sic est vt dicis. Si dicis, noli coram hominibus dicere, & coram Deo non dicere. Prorsus quod ad te ipsum pertinet, quod ad tua; tenebrosus es. Quid est enim aliud, esse stultum, nisi esse tenebrosum in corde?

*August.*

*epist. 119.*

Quis est stultus ille qui tamquam luna mutatur, nisi Adam in quo omnes peccauerunt?

*Basilus*

*hom. 1.*

*Psalm. 37.*

Insipientiam quoque [David] stultum suum factum nominat, ab insipientiâ procedens. Omne enim peccatum per stultitiam

titiam fit. Qui igitur in peccatis perseverant, inque eis consistentes gaudent, & se oblectant ac deliciantur, nihilo dissimiles porcis sunt sese in volutabro luti prouoluentibus. Docet autem in quibus fuerit, cum incidere in peccatum. Quoniam enim tempore aliquo *cor meum conturbatum est, & dereliquit me virtus mea, & lumen oculorum meorum, & ipsum non est mecum*: tempore enim, inquit, peccati; pars animæ rationis particeps haud modicam sustinebat perturbationem prauo confusa affectu, & tenebris, ab eo qui peccati fuit impulsor, obducta; aded ut in insipientiam inciderit, ided dicit, *putruerunt cicatrices meae à facie insipientiae meae*. Conturbatum itaque cor eius; quoniam in insipientiâ fuerat, & à virtute prudentiæ exciderat:

Rectè [autè] peccatū *insipientiam* vocauit, Orig. in Psalm. 37.  
nemo enim sapiens id aliquādo committit.

Nihil peccato peius; insipientes facit eos, Chrysost. hom. 17.  
qui antea intellectu; & sapientiâ multâ præditi fuerant. in Genes. 24.

[Et certè] malitia omnis ex *stultitiâ* oritur; siquidem superbus & iracundus ( quoniam sapientiâ carent ) his affectibus absumuntur. ided inquit Propheta: *Non est sanitas in carne meâ à facie insipientiae meae*: ut omne peccatū è *stultitiâ* ortum habere demonstrat: nam qui virtuti studet, qui Deum timet, is sapientissimus est. *Initium*, inquit, *sapientiae timor Domini*

*Domini.* Quod si ita est, malus, qui Dei timorem non habet, sine dubio non est sapiens. Qui hac verâ caret sapientiâ; stultissimus est.

Chrysost.  
hom. 4.  
in Ioan.

Nihil enim ab insanientibus differunt, qui terrenas res, & breviter duraturas tamquam in somnis suspicantur. Videntur diuitijs affluere, cum nullis affluent, in delicijs esse, cum non sint: neque ante se deceptos intelligunt, quam ab insania liberentur.

Aug. in  
Psal. 38.

Delirare tibi videor, cum hæc loquor; aicularia tibi videntur hæc verba. Tu enim (videlicet homo magni consilij magnæque prudentiæ) excogitas quotidie genera acquirendæ pecuniæ, de negotio, de agricultura fortassis & de eloquio, de iuris consultatione, de militiâ; addis, & de fœnore. primum hoc à te quæro: scis eum possessurum cui seruas? aut si nondum natus est, scis nasciturum? seruas filijs; incertum est, an futuris, an possessuris?

Chrys. in  
Raim. 48.

Sed quid est, dic quæso, stultius homine qui laborat, & se exerceat, & tantas opes congregat, ut ex eius laboribus alij se voluptate expleant? Quid est autem; simul insipiens, & stultus peribit? Hic mihi videntur verba facere de impijs, qui toti rebus presentibus affixi sunt; easque suspiciunt; de futuris autem nihil philosophantur, ea de causa vocans eos insipientes.

Ibid.

Vocauerunt nomina sua in terris suis. Ecce aliud genus amentiarum; ædificijs, agris, & balneis



LIBER PRIMVS. 15

neis sua nomina inscribere, & putare se magnam consolationem ex eo accipere, & vmbra pro rei veritate consequi.

*A gloria sua exturbati sunt.* Quidnam potest cum hac conferri stultitiâ, quando ea faciunt de quibus puniuntur; pro quibus ignominiâ afficiuntur? Ibid.

Lignum quidē quod plantasti, manet; domus quam ædificas, & ipsa manet; faber autem & agricola abducuntur & pereunt. Et cū hæc fiant, tamquam immortales hæc omnia comparamus. Igitur audi quid Salomon dicat: *Aedificavi mihi domos, inquit, plantavi hortos & viridaria, vineas, natatorias aquarum.* Sed quid ait post hæc omnia? *Vanitas vanitatum, & omnia vanitas.* Non simpliciter vanitas, sed per excellentiam. Et quæso credamus, & res apprehendamus in quibus non est vanitas: si splendida respicias ædificia, & horum te fallit aspectus, statim in cœlū respice: à lapidibus & columnis ad illum decorem oculos reflecte, & videbis quod hæc *formicarum sint & culicū opera.* contēplare spectaculum; ascende ad cælestia, illinc ædificiorum disce splendore, & hæc nihil esse inuenies, sed *paruulorū ludibria puerorum,* verūm nō fuerūt pueri, vt de re vllâ vtili curā gerāt.

Ira etiam quidam semper volunt ludere, humique semper iacent & humi serpunt ac reptant, & quæ humi sunt, nempe Chrysost.  
hom. 4.  
in 1. ad  
Corinth.  
cap. 1.

pe terrena, affectant. Pueri autem sæpè, cum nos loquamur de rebus necessariis, eorum quæ dicuntur, nihil sentiunt, sed semper rident: ita etiam quidam, quando de regno loquimur, rident. Pueri rursus, quando latronem viderint, & quæ sunt intus auferentem, non solum non prohibent, sed etiam arrident insidiatori. Sin autem calathulum aut sistræ abstuleris, aut aliquid aliud ludicrum, indignantur & ægrè ferunt, se dilacerant & solum pulsant. Ita etiam quidam, videntes diabolum paterna omnia auferentem, rident, ad eum tamquam ad amicum accurrentes: si quisquam autem aut possessiones, aut diuitias, aut puerile aliquid abstulerit, se discerpunt. *Intelligite insipientes in populo, & stulti aliquando sapite. Nolite pueri effici sensibus.* Parui enim pueri, parua quidem hianti ore stupent & mirantur; rerum verò valde magnarum, non tantà tenentur admiratione: nolite pueri effici; hoc est, *insipientes*, ubi oportet esse sapientes.

Psalm. 93.  
1. ad Cor.  
14.  
Chrysof.  
hom. 36.  
in hunc  
locum.

Chrysof.  
hom. in  
Psalm. 4.  
Pueris quidem ijs, qui sunt adhuc paulo minores, patres præbent eiusmodi: calceos, vestes, aureas quasdam bractæas & armillas. Postquam autem creuerint, illis eis ablatis dant alia maiora. Ita etiam fecit Deus: nos à paruis illis & puerilibus abducens, ea quæ sunt in cælis pollicitus est. Ne hæc ergo quæ

quæ fluunt & prætercurrunt, admiretis, nec  
lis pusilli & abiecti animi.

Sed maiorum nugæ negotia vocantur; Aug. Con-  
1. cap. 9.  
puerorum autem talia cum sint, puniuntur  
à maioribus.

Beatus vir cui nomen Domini spes eius, & non Amb. in  
Psalm. 118.  
respexit in vanitates, & insanias falsas. Qui non Oñon. 5.  
respicit hæc beatus est, qui autem respicit,  
insanus atque furiosus est. & ided respiscat  
vnusquisque à furore sæcularium cupidita-  
tum, quæ ita mentem, animamque pertur-  
bant, vt compos esse non possit.

Delicta iuuentutis meæ, & ignorantias meas Plalm. 24.  
ne memineris [Domine.]

Ipsos namque fatuos videmus (quos vul-  
gò moriones vocant) ad cordatorum deli-  
cias adhiberi, & in mancipiorum æsti-  
matione, preciosiores esse cordatis. Et  
suum paruulum filium, à quo garriente talia  
pater lætus expectat, prouocat; sed dum  
spes subest incrementorum, & ingenij lu-  
men accessurum creditur ætatis accessu, fit  
vt conuicia paruulorum, etiam in parentes,  
non solum iniuriosa non sint, verum etiam  
grata atque iucunda. [Quid] quòd in hæc  
etiam concitentur studio ridendi, & vanita-  
te maiorum? nam plerumque illa ætas, iam  
patrem, matremque agnoscens, neutri eo-  
rum audet maledicere, nisi ab altero eorum,  
aut ab ytroque, vel permissa vel iussa.



*Miserere mei Domine, quoniam infirmus sum: sana  
me Domine, quoniam contrita sunt ossa mea! Psal. 6.*



## III.

Miserere mei Domine, quoniam infirmus sum : sana me Domine, quoniam conturbata sunt ossa mea. *Psalm. 6.*

**C**onquerar an silen? iustas habet ira querelas,  
 Heu sine Pæoniâ sola relinquo opes :  
 Non ego, iussa licet iuratis credere verbis,  
 Sperassem, cordi non magis esse tibi.  
 Siccine tardus ades, neque nosti a pericula tangunt?  
 Quæ potuit tanta causa fuisse mora?  
 O mea spes! Numen quo non presentius agris,  
 Sic potes es nostri non memor esse mali?  
 Nunc aderant pariter Podalyrus, atque Melampus,  
 Phyllyrides Chiron, Pæoniussq; senex.  
 Multaq; præterea comitata Machaone turba;  
 Quisq; aliquod medicâ nomen ab arte gerunt:  
 Tu solus decras morborum publica cura,  
 Postq; tot Hippocrates ultimus ecce venis.  
 O mea spes! numen quo non presentius agris,  
 Sic potes es nostri non memor esse mali?  
 Omnibus est oris visus color indice linguâ,  
 Omnibus admotâ vena notata manu :  
 Nil, aiunt, vitale rubet, neque languida certas  
 Vena notat, pulsu præmoriante, moras.  
 Idq; ego plus ipsis deprendo medentibus agra.  
 Destituit medicos ars sua, meq; salus.

Quidnam igitur sperem fugientibus orba Magistru,  
Morbus ubi vincit sauior artis opem?  
Cæca per infectas serpunt contagia venas,  
Imaq; subsidit lapsus in ossa dolor;  
Et caput & cubiti se sustentare recusant,  
Tinctaq; vix Baccho vena medente redit.  
Et iam vix anima superest pars vltima nostra,  
Heu paror inferis proxima pompa meis!  
Denique qui morbos cupit omnes discere nostros,  
Copia quod fieri non finit, ille cupit.  
Hic status, hac rerum facies miseranda mearum est,  
Nec iuuor vllius, qui medeatur, ope.  
Aspice vix nostram poteris dignoscere formam;  
Vultus abest vultu, seq; nec ipse refert.  
Lumina suffosis retrò fugere cauernis,  
Magnaq; purpureis facta ruina genis:  
Nec quisquam hanc ferro potuit compescere noxam,  
Quin caput & faciem carperet atra lues.  
Tetrica quid memorem vigilis fastidia lecti?  
Quæq; manu tangi vulnera cruda timent?  
Vulnera pròh nullis mulcenda Machaonis herbis?  
Qualia, quæ secuit barbarus ensis, hiant:  
Vulnera, secretas animi populantia fibras,  
Quæ nullus medicâ claudat hiulca manu.  
Nempe graues, mea sunt, quæ feci, vulnera noxa,  
Vulnera, trux anima carnificina mea.  
Adde, quod intus, apum dirus mihi turgeat hydrops;  
Lentaq; quod meditor nausea tardet opus.  
Tensaq; ventosi propèrumpant ilia fastus,  
Et Veneris tacitus pectora cancer edat.

Hæc ego sæpè dedi varijs tractanda Magistris,  
Semper at oblata cura fefellit opis.  
Scilicet ipse suas, hic tentet inaniter artes,  
Qui raptum Androgeo reddidit arte diem.  
Quis potestates succorum norat & vsum,  
Vna salus agris spesq<sup>3</sup>, Epidaure, tuis.  
Nec iuuet hic Chiron, operosæ viribus herba,  
Nec summum medici numen Apollo chori.  
Officium tanto cedit minus omne dolori,  
Non habet hic vllum succus, odorve locum.  
Quas igitur spectem, vestri nisi Numinis, aras,  
Funeribus nullis quas Libitina notat?  
O mea spes! Numen quo non præsentius vllum!  
Ecce tuam veneror, mortua panè, manum.  
Sanus Apollineâ non indiget arte vel herbâ,  
Lege Machaonia, qui dolet, artis eget.  
Mens mihi lasa dolet plus simplice vulneris ictu;  
Ne doleat, vires experire tuas.  
Illa ego sum, Solymis quam prædo cruentus arenâ  
Strauit, & immixti diffudit ense latus.  
Tu Samarita, mero; Tu vulnera mitis oliuo  
Obline, barbaricâ vulnera facta manu;  
Quosq<sup>3</sup> Leuita negat, medicos inuerge liquores,  
Crescet ab infuso rore, meroq<sup>3</sup> salus.

*Miserere mei Domine, quoniam infirmus  
sum: sana me Domine, quoniam cōtur-  
bata sunt ossa mea. Psal. 6. vers. 3.*

Aug. so-  
liloq. c. 2.

**Æ**GROTUS sum, ad medicum clamo;  
cæcus sum, ad lucem propero; mor-  
tuus sum, ad vitam suspiro. Tu es medicus,  
tu lux, tu vita, IESU NAZARENE; misere-  
re mei fili David; misere mei fons miseri-  
cordiæ. Audi quid ad te clamet infirmus;  
Lux quæ transis, expecta cæcum; præbe ei  
manum ut ad te veniat, & in lumine tuo vi-  
deat lumen.

Aug me-  
dit. cap. 36.

Imperfecta enim mea plurima vident o-  
culi tui. Mitte, quæso manum pietatis tuæ in  
me, & tolle de me, quicquid offendit oculos  
pietatis tuæ in me. Coram te Domine est  
sanitas & infirmitas mea. Illam precor serua,  
istam sana. *Sana me Domine & sanabor: sal-  
uum me fac & saluus ero.* Tu qui infirma sanas  
& sanata conseruas. Tu qui nutu tuo restau-  
ras diruta & collapsa.

Guilb.  
Abb. serm.  
46. in  
Cant.

Vtinam tibi Domine, aliqua filia Hieru-  
salem nuncient lāguores meos; si qui sunt in  
me qui cōmendari tibi digni sunt; nam mul-  
ti sunt in me indigētes curari. O me felicem  
si aliquis Centurio cœlestis dicat tibi: *Domine  
puer meus iacet paralyticus in domo, & male  
torquetur! utinam Domine statim respōdeas,*

*Ego*



Ego veniam, & curabo eum. Dic Domine verbo,  
& sanabor. Verbo enim ades, quia verbum  
es.

Medicinas de terrâ, propter singulas Aug. so-  
quasque suas corruptelas creasti. Singula liloq. cap.  
solatia singulis malis obuiantia præparasti; 20.  
quoniam es misericors & miserator.

Hei mihi, Domine, miserere mei. Hei mi- Aug. libr.  
hi, ecce vulnera mea non abscondo. Medi- 10. conf.  
cus es, æger sum, misericors es, miser sum. cap. 28.

Nunquid non potens est manus tua Deus Idem  
omnipotens sanare omnes languores animæ ibid. cap.  
meæ? 30.

Multas infirmitates habet anima nostra. Hieron. in  
Quot peccata, tot infirmitates. Psalm. 162.

Ægrotat humanum genus, non morbis Aug. serm.  
corporis, sed peccatis. 59. de ver-  
bis Domi-  
ni, cap. 11.

Non modò enim paralyti dissolui, ve- Chryl. in  
rùm etiam peccare, languor est, & longè hom. 14.  
illo languore deterior, ac tanto utique, in cap. 4.  
quanto est corpore anima præstantior. Matth.

Præsta mihi Domine medicinam, vnde Aug. med.  
mea possint curari vulnera: visita me infir- cap. 40.  
mum, cura me ægrum, sana me languentem,  
& suscita me mortuum.

Varios siquidem languores habemus a- Chryl. in  
nimarum, & hi sunt quibus [Christus] prin- c. 4. Mar.  
cipaliter vult mederi. hom. 14.

Propterea enim illas ægritudines sanat,  
ut istas scilicet de nostris animabus expellat.

Ambros.  
tract. de  
42. man-  
sionibus,

Animæ languor peccatum est, vnde dixit  
Propheta: *Sana animam meam, quia peccaui tibi*,  
languor animæ nostræ superbia est, avaritia  
est.

Ambros.  
4. in cap. 4.  
Luc.

Etiam in typo mulieris illius, socrus Si-  
monis & Andree, variis criminum febribus,  
caro nostra languebat, & diuersarum cupi-  
ditatum immodicis estuabat illecebris. Nec  
minorem febrem amoris esse dixerim quàm  
caloris. Itaque illa animum, hæc corpus in-  
flammat: febris enim nostra avaritia est: fe-  
bris nostra, libido est, eò quòd ignitæ sint  
cupiditates: febris nostra, iracundia est: fe-  
bre libido flagrantior est, grauiusque præci-  
pitat & inflammat.

Chrysost.  
in  
cap. 3. ad  
Philip. ser.  
11 digres-  
sione mo-  
rali.

Vexabat enim nos morbus grauis ac fe-  
bris vehemens, decumbebamusque, non in  
lecto, sed in ipsamet viciositate, perinde ac  
in stercore. In improbitate voluptabamur,  
scatentes vlceribus, fœtorē spirantes, squal-  
lidi, incurui, vmbiæ potiùs quàm homines.

Aug. serm.  
59. de ver-  
bis Domi-  
ni, c. 11.

Quin iacet toto orbe, ab Oriente vsque  
ad Occidentem, grandis ægrotus; sed ad san-  
nandum grandem ægrotum descendit om-  
nipotens medicus. Humiliavit se vsque ad  
mortalem carnem, tanquam vsque ad le-  
tū ægotantis.

Chrysost.  
in cap. 3. ad  
Philip.  
serm. 11.

Vidit in stercore iacentem, à vermibus ex-  
ulceratum, à febre & fame oppressum, nullo  
non morbi genere laborantem, Nam & fe-  
bris

bris vexabat [hoc enim est improba cupiditas] & inflammationes vrgebant [hoc enim arrogantia] & quædam insatiabilis fames occupabat [hoc enim auaritia] & sanies vndiq; [hoc enim scortatio] & cæcitas oculorum [hoc enim idololatria] & surditas & stupor [hoc enim erat, lapides & ligna adorare, & cum illis colloqui] & multa deformitas [hoc enim vitiositas] triste nimirum quiddam & morbus grauissimus. Vidit, absurdius (quàm insanientes soleant) loquentes, & lignum & lapidem Deum vocantes. Vidit in tantâ vitiositate; nec tamen abominatus est, non amarior factus, non auersatus est, non odio profecutus; Dominus enim erat, & opus suum non oderat. Deinde quid facit? optimi medici more parat pretiosâ Pharmaca;

Et quia ipse est & verbum Dei, ægris suis non herbarum succis, sed verborum sacramentis medicinam conquirir.

Orig. hom.  
1. in Leuit.  
cap. 12, &  
13.

Erat namque Archiatros, qui posset curare omnem languorem, & omnem infirmitatem.

Orig. hom.  
1. in Ps. 37.

Nouerat, venâ inspectâ, quid intus ageretur in ægroto.

Aug. in  
Psal. 43.

Erat humanarum ægritudinum Pæonius Medicus & sanctus ægrotæ animæ incantator. *Saluum, inquit, fac seruum tuum Deus meus sperâtem in te. Miserere mei Domine, quia clamaui*

Clem.  
Alex. lib.  
1. Pædagog.  
cap. 2.

*ad te totâ die.* Bonus autem Pædagogus, qui est sapientia (qui verbum Patris, qui fabricatus est cœlum) vniuersi figmenti curam gerit, eiufque corpori & animæ medetur: qui est omni ex parte sufficiens medicus, humanæ naturæ feruator: *Surge*, inquit Paralytico, & sublato, in quo iaces, grabato, *vade domum*; & qui prius erat infirmus, extemplò sanus & firmus euasit. Et mortuo Lazaro dixit egredere; ille verò mortuus, ex sepulcro exijt, qualis erat antequam moreretur, meditarus resurrectionem.

Aug. vel  
quis alius  
lib. de vera  
& falsa.  
Poen. cap.  
5.

Ideo autem tot saluauit febricitantes, tot languidos, tot claudos, tot cæcos & aridos, ne desperet de se peccator: medicum se vocat, & non sanis sed male habentibus opportunum.

August. de  
doctrina  
Christi.  
lib. 1. cap.  
14.

Et sicut ille qui medetur vulneri corporis, adhibet quædam contraria; sicut frigidum calido, vel adhibet etiam quædam similia: sic Dei sapientia hominem curans, seipsam exhibuit ad sanandum; ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientiâ decepti sumus, Dei stulticiâ liberamur. Iam verò similia, quasi ligamenta membris & vulneribus nostris adhibita, illa sunt; quod per feminam deceptos, per feminam natus; homo homines; mortalis mortales; morte, mortuos liberauit.

Quod



Quod si te ergo fortasse animarum no- Nazian.  
orat. 16.  
strarum prædo & tyrannus, vel à Hierusa-  
lem in Hiericho descendentem, vel alibi  
vſpiam inermem & imparatum naçtus, vſ-  
que adedò sauciauit.

Clama; Ego dixi, Domine miserere mei, sana Auguſt.  
hom. 12.  
*animam meam, quoniam peccaui tibi*: sanat te  
Deus, confitere tantum vulnus tuum. laces  
sub manibus medici; patienter implora au-  
xilium, fouet, vrit, ſecat; æquanimiter tole-  
ra, tantum noli attendere niſi vt ſaneris; ſa-  
naberis autem, ſi ostendas te medico; non  
quia ille non videt, ſi tu te abscondas, ſed  
iſta confeſſio initium ſanitatſ eſt.

Vulnus, medicum quærit; Medicus, con- Amb. in  
Pſalm. 49.  
feſſionem exigit.

Conuertere ad me, ait Dominus, Numquid re- Ambr. ad  
Virgini.  
lapiam  
cap. 8.  
*ſina non eſt in Galaad, aut medicus non eſt ibi?*  
*quare non aſcendit ſanitas filia populi mei?* grandi  
plagæ altâ & prolixâ opus eſt medicinâ.

Totum enim genus humanum, eſt ille Aug. ſer.  
37. de ver-  
bis Dom.  
homo, qui iacebat in viâ ſemiviuus, à latro-  
nibus relictus; quem contempſit tranſiens  
Sacerdos & Lenites; & acceſſit ad eum cu-  
randum eiſque opitulandum tranſiens Sa-  
maritanus, in quo Samaritano, ſe voluit in-  
telligi Dominus noſter I E S V S C H R I-  
S T V S.

Ideò vnusquisque noſtrûm, cordis & cor- Ambr. de  
42. manſ.  
manſ. 3.  
poris genua ſelectens, oret Dominum no-  
ſtrum

strum IESVM CHRISTVM (qui sanat omnes infirmitates nostras) Et cum Prophetâ dicat: *Sana me Domine & sanabor, salua me, & saluabor.* dicat & cum Dauid: *Sana me Domine, quoniam conturbata sunt omnia ossa mea.*

Chryf. in  
Psalm. 26.

Omnis enim qui medicum non agnoscit, phræneticus est. Nam quoties phræneticos videmus medicis contumeliam facere, resistere sanitati, nolle curari, deridere veram curam?

Ibid.

Currite ad medicum dum potestis; ne, cùm velitis, non possitis.

August. in  
Psalm. 102.

Si adhuc quibusdam perturbationibus anima quatitur post remissionem peccatorum, lāguor est; *sanat & omnes languores tuos.* Sanabuntur omnes languores tui, noli timere. Magni sunt, inquires; sed maior est medicus. Omnipotenti medico nullus languor insanabilis occurrit; tantùm tu curari te sine; manus eius ne repellas, nouit quid agat. Non tantùm delecteris cùm fouet, sed etiam toleres, cùm secat. Tolera medicinalem dolorem, futuram cogitans sanitatem: ferto ergo manus eius, ô anima, quæ benedixit eum, non obliuiscens omnes retributiones eius, *sanat enim omnes languores tuos.*

August in  
Psalm. 40.

Planè committamus nos medici manui, non enim errat, vt sanum pro putri secet. Nouit quod inspicit, nouit vitium quia ipse facit naturam: quid ipse condidit, quid de nostrâ

nostrâ cupiditate accessit, discernit. scit se sano homini præceptum dedisse, ne languorem incurreret; dixisse in Paradyso, hoc manduca, & hoc noli. Non audiuit sanus medici præceptum, vt non caderet; audiat vel ægrotus vt surgat.

Quisquis ergo es, ô Christiane, qui sanitatem iactas, & te vulneratum fuisse dissimulas, qui integritate gaudes, & te ægrotum fuisse non meres, qui te destitutum iacuisse non respicis, sed erectum in Ecclesia gloriaris; ama CHRISTVM qui te à prædonibus liberauit, dilige Dominum qui te prostratum iacentemque erexit. Dilige, inquam, Dominum qui te in Ecclesiæ stabulum, per semetipsum, inuexit; qui rectori stabulario commendauit; qui duos denarios, hoc est, legem & Euangelium in eruditionem tuam erogati præcepit. Dilige, inquam, Dominum qui tibi dicit: *Ecce sanus es.* Dominus enim caram tuam salutem habet, qui propter te in sæculum venit, & te à nefandis latronibus liberauit.

Chrys. in  
cap. 10.  
Luc. hom.  
de Samar.



*Vide humilitatem meam et laborem meum, et dimitte  
universa delicta mea! Psal. 22.*



## I V.

Vide humilitatem meam, & laborem meum: & dimitte vniuersa delicta mea. *Psalm. 24.*

**A**spicis, beu seuus! nostris neque tangere curis?  
 Aspicias, & credi vis tibi, me quod ames?  
 Futilis ignaro canetur fabula vulgo;  
 Sentit amicorum vulnera, quisquis amat.  
 Aspicias & pateris; neque cura est vlla iuuandi;  
 Verus amor promptam non ita tardat opem.  
 Aspice, quàm turpi subigar damnata labore,  
 Aspice, cui tandem colla premenda iugo.  
 Si foret ingenuâ saltem labor indole dignus,  
 Nec nimis abiecta vilius artis opus.  
 Multa meos casus magnorum exempla leuarent,  
 Et faceret propriam, sors aliena, lenem.  
 Sapè Ducum proauos, Regesq; nouerca coegit  
 Augustas operi sors adhibere manus:  
 Protea frenantem septemplicis ostia Nili,  
 Sic oras miseram, Rex Menelae, stipem.  
 Dextra Syracosij sceptris assueta Tyranni  
 Sic ferulas, pueris sceptrâ verenda, tulit.  
 Flèda exempla quidè, tamen haud ducenda pudori,  
 (Non etenim miseri sunt sua fata probro)  
 Ast mea non lacrymis, sed digna pudore ruina est,  
 Quæ roto seruiles spontè subacta, molas.  
 Qualis ab infidâ Sampson detonsus amicâ,  
 Circuit indignas, hoste iocante rotas.

Atque

Atque vitinam famulas tantum damnarer ad artes!  
 Explerem ingenuâ sordida pensa manu:  
 Turpibus at seruum vitij addicere pectus,  
 Exulis asperius mancipijq; iugo est.  
 Ah pudet! & (duplicit noua quæ mihi causa ruboris)  
 Ipsa meum damnans execror author opus.  
 Vix bene pertasum est, rursumq; reuoluitur error,  
 Crescit & attextis nexa catena malis.  
 Scilicet illa manet plectendas vitio noxas,  
 Admissum sequitur culpa secunda scelus.  
 O quam sæpe meo sensi hæc discrimina damno!  
 Nec tamen est damni mens reuocata metu.  
 Nempe trahor vario studia in diuersa duello,  
 Vt ratis ambiguus iam pila facta Notis.  
 Et trahit hinc (vitij quæ lena comesq;) voluptas?  
 Quiq; subit vitium, retrahit inde dolor.  
 Sæpius illa tamen redit è certamine victrix,  
 Assiduus vitio sit licet ille comes.  
 Sic habet alternos virtus, vitiumq; triumphos,  
 Et meus æterno vertitur orbe, labor.  
 Tu super hæc etiam loris seruilibus instas,  
 Addis & in pœnas verbera dura meas;  
 Pœnaq; cum culpa sit culpa, secunda peracta  
 Supplicij pœnas adijcis vsque nouas.  
 Nempe Ixionius non est modò fabula gyrys,  
 Vincula sed æterna vector in orbe mola.  
 Afficis hæc durus nostro neg, tangere sator:  
 Aspice, & in pœnas mitior esto meas.

Vide

Vide humilitatem meam, & laborem meum: & dimitte vniuersa delicta mea. *Pſalm. 24.*

**I**N quantam tribulationem deueni in quos fluitus tristitia, in quâ nunc sum; qui iucundus eram & dilectus in potestate meâ: nunc vero remiſcor malorum quæ feci. *Mach. 6.*

Vide humilitatem meam, attende deiectionem in firmitatis meæ. *Beda in. Pſalm. 24.*

Contrarietas culpe facta est homini pondus pœnæ; ut corruptioni suæ malè liber ſeruiat, qui benè ſeruus de incorruptionis libertate gaudebat. *Greg. cap. 22. in cap. 7. Iob.*

Nunc etenim menti cedit caro, nuncq; vicissim *Nazianz. earm. de animæ calamitati-*  
Mens carnem sequitur. *bus.*  
Namq; bonū cupiens, facit id tamen ipsa quod odit;  
Seruitium lachrymis persequiturq; graue.

Quamuis [enim] quispiam locuples sit & generosus, est tamen inter abiectos abiectissimus, cum à peccato vincitur, quemadmodum enim si Rex quispiam barbarorum ſeruus fiat, omnium est miserimus, sic qui in peccato viuit. Barbarum namque peccatum est, animam enim sub Tyrannidem re-  
digit; nihil enim tam præter rationem est; quàm peccatum; vnde ait Propheta, Homo cum in honore esset, non intellexit, comparatus est iumentis insipientibus. *Chrysoſt. hom. 9. in epist. 1. ad Cor. 10. 4.*

Orig. hom.  
16. in cap.  
67. Genes.

Sanè si intelligamus spiritualiter, quæ sit Ægyptiorum seruitus; agnoscimus, quia seruire Ægyptijs, nõ aliud est, quàm obnoxium fieri carnalibus vitijs, in quod vtique vnumquemque non extrinsecus illata necessitas cogit, sed segnities animi & libido ac voluptas corporis subegit, cui se animus per concordiam subdit. Denique & Saluator de libertate & seruitute in Euangelio differens, ita loquitur: *Omnis, inquit, qui peccat seruus est peccati.*

Hom. 8.  
in cap. 15.  
Exod.

Sicut ergo Ægyptus (ita terrena prouincia) si ijs Israël, domus dicitur seruitutis, ad comparationem Iudææ & Ierusalem (quæ eis domus efficitur libertatis) ita ad comparationem cœlestis Hierusalem (quæ vt ita dicam; mater est libertatis) totus hic mundus, & omnia quæ in hoc mundo sunt, domus est seruitutis.

Aug. serm.  
12. de ver-  
bis Domi-  
ni.

Quid ergo mirum si mundus multa vapulat: seruus est, sciens voluntatem Domini sui & faciens digna plagis; non ergo recuset vapulare multis, quoniam si non vult audire præceptorem iniuste, iuste patietur ultorem; vel non murmuret contra castigatorem, cum videat se plagis dignum, vt misericordiam mereatur.

Prou. 26.  
v. 3.

RECIT.

*Flagellum equo, & camus asino, & virga in dorso imprudentium.*

Ergone bestia sumus nos? bestia prorsus.

Homo



Homo cum in honore esset, non intellexit, compara- ferm. 3. su-  
tus est iumentis insipientibus. per Qui ha-  
bitat in ad-  
itorio.

Asinini quidam & bestiales motus legem  
contrariam habent. Cum ieiunare consentis  
vrget gulæ illecebra; cum vigilare proponis,  
somnia lentia premit: *quid faciemus huic asino?*

Eadem peccatores spiritualiter feremus, Bern. ferm.  
quæ [Sampson] carnaliter ad nostram eru- s. de Af-  
ditionem expressa, sustinuit. Ita enim nobis, cent.

vt illi hostis illudet, & *vertendis molis velut* Paulin.  
*asinos* deputabit. Vnde nos Dominus (ne epist. 4. ad  
collum nostrum; non subditum iugo Chri- Seuerum.  
sti dignum faciamus *asinariâ molâ*) admonet  
per Prophetam: *nolite fieri sicut equus & mu-*  
*lus, quibus non est intellectus.* Homo enim, vt  
alibi dicit idem Propheta, *non intelligens hono-*  
*rem suum, comparatur iumentis & similis effici-*  
*tur.* Quod in Rege Babylonio videmus eu-  
denter expletum, qui stolidatis impiæ &  
vecordis superbix pœnam, sensu hominis  
exutus in belluino hoc corde sustinuit. Ete-  
nim homo in errore positus & in iustitiâ re-  
lapsus, iustè vt Sampson sapientiæ pariter &  
gratiæ virtute desertus, cæcitate punitur &  
*molâ*; quia dignus est opere iumentario, qui se-  
meripsum lumine rationis orbauerit, & in si-  
militudinē belluarum, corporis seruus, ab-  
iecerit. Considera huiusmodi mortalium vi-  
tam, & tota tibi species iumentis molentis oc-  
currat. Vt ille pannis oculos corporis sic iste

sordibus vitæ suæ oculos mentis obsutus, per errores suorum sensuum, quasi circa *ambages molarum* laboriosa miser statione versatur, vsui suo vacuus, laboriosus alieno. Stat in viâ peccatorum compeditus vinculis cupiditatum suarum, & ipse sibi carcer est obsessus tenebris erroris sui, & conscientiæ squalore concretus in semetipso *pistrini ergastulum* patitur, saxum cordis sui pertinaciâ iniquitatis induratum quasi *molam versat*, farinam hostibus suis, de corruptâ animæ suæ fruge, conficiens; quia sicut scriptum est: *peccator de animâ suâ currit*. Ita qui peccatum operatur de molâ vitæ suæ, hostile triticum molit vt Zabulum pascat, cui panis est anima, quæ sibi fames est.

Orig. tract.  
5 in Matt.  
cap. 18.

Sunt autem & *molarum differentia*, vt sint quædam earum humanæ, aliæ asinariæ. Et humana quidem est illa de qua scriptum est: *Due erunt molentes ad vnâ molam, vna assumetur & altera relinquetur*.

Ambr. in  
c. 17. Luc.

Discutiamus ergo quæ molant, quid molant quidue pistrinum sit: & fortasse mundus iste pistrinum est, & quod in eo humani corporis forma referatur, in quo anima nostra velut quodam carcere includitur, panem si consulat boni, operatura cœlestem. In hoc ergo pistrino anima obnoxia delictis triticum molendo madefactum & graui humore corruptum, non potest interiora ab

exte-

exterioribus separare, & ideò relinquitur,  
quia eius similitudo displicuit.

*Afinaria autem mola non irrationabiliter* Orig. tract.  
5. in Mat.  
cap. 8.  
dici potest grauissimum hominis malum,  
quod semper deorsum trahit.

Nam quid per *molam afinariam*, nisi actio Greg. lib.  
6. mor. c.  
26. in cap.  
3. Iob.  
terrena signatur, quæ dum colla mentis per  
stulta delideria constringit, hanc *in laboris*  
*circuitum* mittit.

Molendinum enim labor est huius sæ- August.  
ser. 107. de  
temp.  
culi;

Et molendinum puto dictum mundum August. in  
Psalm. 36.  
istum, quia tota quædam temporum volui-  
tur, & amatores suos conterit.

Testatur Sampson Allophylis captus, qui Gregor. 7.  
mor. 16.  
in cap. 6.  
Iob.  
postquam oculos perdidit, *ad molam* deputa-  
tus est; quia nimirum maligni spiritus post-  
quam tentationum stimulis intus aciem  
contemplationis effodiunt, foras *in circuitum*  
*laborum mittunt*.

Et quare in *molendino*? quia in isto mundo August. in  
Psalm. 132.  
versantur: vbi *molendinum* intelligitur, quia  
*sic vertitur mundus iste, quo modo mola*.

Quare in *molendino*? quia defuncti in sæ- In Psalm.  
92.  
culo, *circuitu* rerum temporalium, tamquam  
*molâ* detinentur.

Et trahebat me post se, *in circuitu*, de vi- Aug. soli-  
loq. c. 6.  
tio in vitium, & de luto in lutum.

Vnde bene quoque per Psalmistam dici- Greg. lib.  
16. mor. c.  
tur, *Deus meus, pone illos vt rotam. vt rota po-*

30. in cap. nuntur quippe iniqui, quia in *circuitu laboris*  
24. *missi*, dum ea quæ antè sunt negligunt, & ea  
quæ deferenda sunt sequuntur, ex posterioribus eleuantur, & in anterioribus cadunt.

Greg. lib. Hinc est enim quod per Psalmistam dicitur: *in circuitu impij ambulant*; quia dum interiora non appetunt, in exteriorum labore fatigantur.

Bernard.  
hom. 81.  
in Can.

Miser ego homo! quis me liberabit à calumniâ huius pudendæ seruitutis? miser sed liber, liber quia homo, miser quia seruus, & pro seruitute quidem miserabilis, sed pro voluntate inexcusabilis. Voluntas enim est quæ se, cum esset libera, seruam fecit peccati, peccato assentiendo, quia qui facit peccatum seruus est peccati.





## V.

Memento, quæso, quòd sicut lutum  
feceris me, & in puluerem redu-  
ces me. *Iob. 10.*

**E**rgone cœlituum iam nata obliuia regni?  
Quis Ganymedeo miscuit illa scypho?  
Quid facit immemores ad nostra negotia Diuos?  
Lethæas Superi forte bibistis aquas?  
Oblita es mea lux, aut vis oblita videri,  
Cum dubitas proprium quale creâris opus.  
Si nescis, referam; si scis, cur fingere pergis?  
Me Tua de luteâ dextera fecit humo.  
Queris vbi? toto locus est notissimus orbe:  
Primus vbi pater est conditus, hortus erat.  
Fons vbi de riguis argenteus exilit herbis,  
Quadrupliciq; suas flumine findit aquas.  
Scire lubet tempus? minimo post tempore, salsas  
Cum maris aggeribus terra coegit aquas.  
Addo, (quod historia facit, hâc quoque parte, pro-  
Puniceo rubuit Dadala gleba solo. [banda])  
Hinc tribus es modicam digitis admensas arenam,  
Primaq; massa mei corporis illa fuit.  
Nec primis erit huius natalibus exitus impar,  
Nil nisi pulvis eram, nil nisi pulvis ero.  
Sic faber argillam samijs dum repperit agris,  
Ædificat facili pocula ficta luto.

Principio, terra segmenta lignonibus vrget,  
 Inde leui madiam flumine mollit humum;  
 Denique materiem pernix rota versat in orbem,  
 Amphoræq; admota nascitur arte manus;  
 Nascitur, at mediâ vix amphora vixerit horâ,  
 Frangitur, inq; suam fracta recurrit humum.  
 Haud magè firma mea fundamina condita vita,  
 Et leuis extremos finiet vmbra dies.  
 Cur igitur, veluti fuga non satis incitet annos,  
 Precipites glomerat mobile tempus equos?  
 Sponte, meus pulvis, nimis heu cito, sponte fatiscit,  
 Et mea, non vllò, vita premente fugit!  
 Si mihi, seu vitreâ concreuit Olympus: ab vndâ.  
 Calite crystallo membra gelata forent!  
 Aut quales memorant, cœlestia lumina, stellas,  
 Quas suus è liquidis condidit auctor aquis:  
 Aut foret Angelica munus, sine corpore, vita,  
 Elisis qualem mentibus esse ferunt!  
 Sperarem Angelicis equalia secula lustris,  
 Cœlestesq; annos, sideriosq; dies.  
 Sed data squammigera magè fortia corpora turma  
 Quam peperit viridi Doris aquosa patri.  
 Quin etiam volucres cunis melioribus orte,  
 Plumea queis nitida membra dedistis aqua.  
 O vtinam rigidis mihi stent adamantibus artus,  
 Aut durent nervos firma metalla meos!  
 Felices Scythia fato meliore sorores,  
 Fama quibus fuluo finxit ab ære manus,  
 Cuiq; fuit solo corpus penetrabile talo,  
 AErea nam reliquum lamina corpus erat:

Sed

*Sed quid ago, damnoq, mei cunabula limi?  
 Aut queror è fragili corpora ficta luto?  
 Non bene vasa suo faciunt conuicia fabro,  
 Nec faber ipse suum iure refutat opus.*

*Memento, quaeso, quòd sicut lutum feceris  
 me, & in puluerem reduces me.  
 Iob. 10.*

**S**VRGE, & descende in domum figuli, & ibi au- Hieremix  
 dies verba mea. Et descendi in domum figuli, & 18.  
 ecce ipse faciebat opus super rotam, dissipatum est  
 vas, quod ipse faciebat è luto, manibus suis: conuer-  
 susq, fecit illud vas alterum; sicut placuerat in ocu-  
 lis eius, vt faceret. & factum est verbum Domini  
 ad me dicens: Numquid, sicut figulus iste, non pote-  
 ro vobis facere, domus Israel, ait Dominus? Ecce  
 sicut lutum in manu figuli, sic vos, in manu mea.

Volens Propheta, Dei ostendere poten- Hugo  
 tiam & hominis fragilitatem, comparat Card. in  
 Deum figulo & hominem luto; quod ni- hunc lo-  
 hil potest aduersus Deum, sicut nec lutum  
 aduersus figulû; vnde Rom. 9. dicitur: num-  
 quid potest figmentum ei qui se finxit, dicere, Quid  
 me fecisti sic? & Isaïæ 45. Va, qui cõradicit fictori  
 suo, testa de samitis terra. Numquid dicit lutum fi-  
 gulo suo, Quid facis? & Isaïæ 64. Et nunc Domine  
 Pater noster tu es; nos verò lutum; & fictor noster  
 tu, & opera manuum tuarum omnes nos, igitur in  
 domum

domum figuli descendere, est considerare fragilitatem carnis suæ. Corpora autem nostra dicuntur vasa, quia continent liquorem siue thesaurum pretiosissimum, scilicet spiritum ad imaginem Dei creatum. 2 Rom. 4. *Habemus thesaurum istum in vasis fictilibus.* Deus autem est figulus. Hoc autem vas, rectè dicitur super rotam; vel propter corporis instabilitatem; vel quia idem est principium & finis ibidem, secundum illud Genes 3. *De terrâ es, & in terram ibis.*

Greg lib.  
10. mor c.  
36. in cap.  
10. Iob.

Vt lutum ergo homo factus est; quia de limo est ad conditionem sumptus. Quod sanctus vir benè pietati iudicis objicit, cum postulans dicit: *Memento queso, quod sicut lutum feceris me.* Ac si apertè dicat: Infirmitatem carnis considera, & reatum iniquitatis laxa. Vbi aptè quoque mors eius carnis adiungitur, cum protinus sub infertur: *& in pulverem deduces me.* Ac si patenter postulet, dicens: *Memento queso, quod per carnem à terrâ venio, & per eius interitum ad terram tendo.*

Greg ibid,  
cap. 37.

Hæc autem quæ de exteriori homine diximus, etiam interiori quemadmodum possint congruere, libet vt breuiter replicando monstremus. *Memento queso, quod sicut lutum feceris me.* Sicut lutum quippè homo noster interior existit: quia Sancti Spiritus gratia terrenæ menti infunditur, vt ad intellectum sui



sui conditoris erigatur; humana namque cogitatio, quæ peccati sui sterilitate aruit, per vim Sancti Spiritus, quasi irrigata terra, viridescit. Sed sæpè, dum præceptis superni doni virtutibus, sine interruptione utimur, ad priuatam fiduciam, vsu continuæ prosperitatis eleuamur: vnde fit plerumque, vt idem qui subleuauerat, parumper spiritus deserat, quatenus ipsum sibi homines ostendat. Quod sanctus vir protinùs exprimit, cum subiungit, & in puluerem deduces me.

Quia, cum per subtractionem spiritus mens aliquantulum in tentatione deseritur, quasi ab humore pristino, terra siccatur; vt infirmitatem suam derelictus sentiat, & sine infusione supernæ gratiæ, quantum homo aruit, agnoscat: qui aptè quo iue reduci ad puluerem dicitur, quia dimissus sibi, cuiuslibet aura tentationis raptatur.

Hoc ergo (sicut dignum erat) perpendentes homines sancti, pulchra plasinata in gloriam & honorem preparata, hunc ipsum Creatorem, suum plastes; seipso autem lutum appellauerunt; eleganti confessione, lacrymosâ declamatione: *Et nunc Domine, inquit Isaias, Tu pater noster es & nos lutum; & factor noster, & opera manuum nostrarum, omnes nos.* Et ad Hieremiam loquitur idem plastes noster Deus. *Nunquid sicut figulus iste, non potero vobis facere, domus Israël? ecce sicut lutum in*

Rupertus  
lib. 2. c. 20.  
in Gen.

*manu figuli, ita vos, in manu mea, domus Israel. Ostenderat enim illi figulum facientem opus suum super rotam: Et dissipatum est, inquit, vas quod ipse faciebat è luto manibus suis, conuersusq; fecit illud, vas alterum, sicut placuerat in oculis eius, vt faceret. Hinc idem qui supra dicit Isaias: Va qui contradicit sictori suo, testa de samis terra. Hæc & illis similia sciens ille. Iurisperitus cœlestis Paulus ait: O homo tu quis es qui respondeas Deo? Nunquid potest figmentum dicere ei qui se finxit; Quare me fecisti sic? Aut nunquid non habet potestatem figulus; facere de eodem luto, aliud quidem vas in honorem, aliud verò in contumeliam?*

Rupertus  
lib. 1. in  
Ieremiam  
cap. 10.

Magnum reuerentiæ documentum, magnum & congruum taciturnitatis & continētis linguæ instrumētum. Deus plastes noster est, nos autem lutum. Monet hoc vehementi increpatione Apostolus vas electionis, placitumque æterni figuli opus, monet, inquam, nos, & mittit huc, vt cum Prophetâ isto, præsens diuinæ potestatis exemplar videamus. Cum enim abiectionem fratrum suorum Israelitarum congemuisset; *Quid ergo, inquit, dicemus? Nunquid iniquitas apud Deum? absit* nimium vt hæc diceret, ipse quoque mente humili; in isto Prophetâ, descendebat in domum figuli, & viderat quod domus Israel lutum esset, æquè vt omne cœnum gentium; & quia non pro debito, sed pro

pro solâ gratiâ *Deus figulus omnium*, sumpsit Abraham, cûm esset lutum Chaldaicum, & ex illo, & ex feminis eius massâ luteâ, fecit quæ voluit vasa misericordiæ, vasa honoris & gratiæ. Quid amplius illi debebat, quàm vniuerso luto generis Adæ? hoc ille sapiens & humilis, & ideo verè sapiens, quia humilis, viderat & humiliter sentiebat; quia non propter figuli inertiam, sed propter incomprehensibilem Iustitiam, rebelle lutum in manu eius dissipatum fuerat. Porro vt ad spectandam similitudinem figuli reuertamur, dicamus nunc quando figulus ille cognouit figmentum nostrum, suscipiendo puluerem nostrum, tunc ipse faciebat opus è luto manibus suis super rotam adhibitis digitis suis, id est, donis Spiritus Sancti, vt perfectâ iam in plenitudine temporis vasa, thesauros susciperent misericordiæ & honoris. Sed ausum est infelix lutum blasphemare figuli sui digitos. Quid igitur? Nimirum figulo iustissimè digitos suos foris contrahente, & cum totâ manu feriente, dissipatum est vas, dissipatione validâ.

Num quæram igitur quis fecit me? Tu Domine fecisti me, sine quo factum est nihil, tu factor mei, ego opus tuum. Gratias tibi ago Domine Deus meus, per quem vivo ego, & per quem omnia viuunt, quoniam  
niam

Aug. ser.  
liloq. c. 31.

niam fecisti me. Gratiar tibi plasmator mei,  
quia manus tuæ fecerunt me & plasmaue-  
runt me.

Aug. 30.  
liloq.

cap. 20.

Aug. lib 5.  
de ciu. cap.

3.

Rupertus  
lib. 2. c. 21.  
in Gen.

Nouisti figmentum nostrum figulus no-  
ster, & omnes quasi lutum in manu tuâ.

Nempe figmentum fragilius, quàm vasa  
quæ illâ rotatione finguntur.

Igitur quia sic voluit, & sic sapientia di-  
stauit, vnum de quo cæteri propagarentur,  
formauit hominem de limo terræ. de limo,  
inquam terræ. Manifestum est hoc, quia se-  
cundùm corpus, homo terra est. Terra enim,  
inquit Dominus, *es, & in terram ibis.*

August. in  
Psalm. 102.

Nouit, quid fecerit, quomodo lapsum sit;  
quomodo reficiendum sit, quomodo adop-  
randum sit, quomodo ditandum sit. Ecce  
facti sumus de limo. Primus homo de terrâ,  
terrenus; secundus homo de cælo, cæle-  
stis.

Ambr. in  
Psalm. 116.

Nosce tamen te ipsum homo: tuæ animæ  
dicitur in Canticis Canticorum: *Ni cognoueris  
te formosa in mulieribus.* Cognosce te anima  
quia non de terrâ, non de luto es, quia in-  
sufflauit in te Deus animam viuentem. Ar-  
tende tibi, vt lex dicit. tibi, id est, Animæ tuæ;  
sæcularia te & mundana non teneant; ter-  
restria non moerentur; ad illum totâ inten-  
tione festina, ex cuius inspiratione consti-  
stis.

Ambr.

Cognosce te anima, quia non de terrâ,

non



non de luto es, quia insufflauit in te Deus, & <sup>ibid. o. a.</sup>  
 fecit te in animam uiuentem. Opus magnifi- <sup>10.</sup>  
 cum est homo, Dei inspiratione formatum.  
 Disce homo, ubi grandis, ubi pretiosus sis,  
 vilem de terra demonstrat, sed gloriosum  
 virtus facit, fides rarum, imago pretiosum.  
 An quicquam tam pretiosum, quàm imago  
 Dei est?





*Peccaui. Quid faciam tibi, O custos hominum?  
quare posuisti me contrarium tibi? Iob. 7. 6.*

Peccaui: quid faciam tibi ò custos  
hominum, quare posuisti me con-  
trarium tibi? *Iob. 7.*

**E**T iuuat & merui: pleno scelus ore fatendum est,  
Culpa mea est nullo digna patrocinio.  
Peccaui, fateor, nec quæ malè crimina feci,  
Vllo fucari posse colore; puto.  
Nec mihi dedecoris metus est, neque cura pudoris,  
Publica flagitiis debita pœna meis.  
Ecce manus vltro supplex tibi porrigo victas,  
Quæ mihi sit, tantum pœna luenda rogo.  
Quid tibi vis faciam? vis trudem pectus in enses,  
Aut cladi statuam mœsta trophæa mea;  
Vis tua centenis cumulari altaria libis?  
Aut pia fumosis tura micare focis?  
Aut meus ipse tuas manus, cruor imbuat aras,  
Hostia criminibus substituenda meis?  
Ah, foret illa mea vix par quoque victima noxal  
Namq; meo est omnis criminis pœna minor.  
Non tamen est seuius tantus tibi feruor in iras,  
Quas lenire cruor solus & ara queant:  
Sapè tuus parti superata mucro pepercit,  
Et conseruato nomen ab hoste tulit.  
Non finit ingenium tantos tibi surgere motus,  
Quantis pro mœrito culpa pianda foret.

Obone terrigenûm custos, tutelaq; mundi  
 Publica suspendi tot cui vota salus!  
 En tua se mediâ clementia monstrat in irâ,  
 Quâq; manu gladios hâc quôq; tendis opem.  
 Si pateris ( quamvis summo mea causa patroni  
 Eloquio, melior nullius esse queat )  
 Pauca tamen pro me, vel pro te: (quod magis, optem)  
 Ne tua fors etiam sit mala causa, loquar,  
 Non nego, peccaui; communis at hic fuit error:  
 Damnâne communis criminis vna luam?  
 Cùm ruerent alij, malè quo suus impetus illos  
 Impulit, in flammâs Bacche Venusq; tuas?  
 Dextra suum fœdmen, quamvis vibrata, remisit,  
 Tensaq; pro gladio lenis oliua fuit.  
 Cur mihi perpetuo contra aduersâre duello,  
 Ceu gladiator ego, tuq; lanista fores?  
 Non satis est, culpam fassas tibi tendere palmas,  
 Criminibusq; iram promeruisse tuam?  
 Quid? quod & egregij dederim tibi muneris ansam,  
 Materies laudis, dum mea culpa, tua est.  
 Nâ nisi peccassem, quid tu cōcedere posses?  
 Clementis nomen, non habiturus eras.

*Peccanti*



*Peccavi: quid faciam tibi ô custos hominum, quare posuisti me contrarium tibi? Iob. 7.*

**F**amosa lucta & totius ore Ecclesiæ per orbem celebrata, quâ homo cum Deo luctatus est.

Rupertus  
in Gen. 1.  
2, cap. 6.

Sicut enim sunt quædam arma Dei, in quibus esse dicitur lorica Iustitiæ & gladius Spiritus, & scutum Fidei; ita etiam sunt arma diaboli, quibus indutus homo peccator. A contrarijs igitur intelligamus contraria, & statuamus duos milites armatos; vnum militem Dei, alterum militem Diaboli. Et si quidem miles Dei habet loricam iustitiæ, si ne dubio miles diaboli contrariam huic gerit iniustitiæ lorica. Et si miles Dei in galeâ coruscat salutis, è contrario peccator (qui est miles diaboli) galeâ perditionis indutus est. Ita ergo est gladius quidam Spiritus Sancti, in his qui militant Deo est autem & gladius maligni, in his qui militant peccato, quem gladium nunc euaginare dicuntur peccatores.

Orig. in  
Psal. 36.  
hqm. 2.

Quis est gladius peccatoris, nisi contrarius gladio Spiritus Sancti?

Amb. in  
Psal. 36.

Quomodo autem purandi sunt peccatores euaginare gladium? dum iam impuden-

Orig. hom.  
2. in Ps. 36.

ter, & absque vlllo verecundiæ velamento iniquitates suas perpetrant, nec erubescunt aut reuerentur, nec tamquam in vaginâ nequitiam suam recondunt & contegunt, sed superbo & elato spiritu, velut gladium quemdam denudant.

Ambr. in:  
17. Apoc.

Cum agno pugnaverunt qui Ecclesiam Dei persecuti sunt.

Hugo  
Card. in  
eundem  
locum Job  
13.

Hæc pugna cœpta est à principio mundi in Cain & Abel.

*Tetendit [impius] aduersus Deum manum suam, & contra omnipotentem roboratus est.*

Greg in  
hunc lo-  
cum.

Sunt namque nonnulli, qui etsi quâ aliquando agere contra Omnipotentis Dei iudicium nituntur, ipsa impossibilitate explendæ voluntatis suæ fracti, ad semetipfos respiciunt; atque ad eum, quem contemnere voluerant, conuertuntur; & qui discedere longè poterant, si quod vellent implere valuissent, per hoc aliquando saluantur, quia quod voluerunt implere nequierunt; ynde ad se reducti, cuius sint conditionis, aspiciunt, & plangunt se contraria veritati voluisse.

Aug. lib.  
22. cont.  
Faustum  
cap. 70.

Sic Saulum Ecclesiam prosequentem Deus de cœlo vocauit, prostrauit, tamquam percussit.

Basil.  
hom. 13. in  
Psalm. 48.

Nam qui omnia nostra moderatur, ac dispensat Deus, nobis per malitię viam incedentibus occurrit, offendicula obijciens,  
quæ

quæ nos à peccato remorentur, & abarceant.

Sed & nonnulli sunt, qui hoc quod peruersè contra Deum appetunt, iusto Dei iudicio implere nequius permittitur, & cum eos malitia accendit, potentia roborat, tanto iam semetipsos in errore cognoscere nequeunt, quanto in rebus affluentibus extra se semper per potentiam trahuntur; de quorum intentione dicitur: *Tetendit aduersus Deum manum suam, & contra Omnipotentem roboratus est.*

Greg. loco  
iam citat.

[Sed] contra Deum pugnare non est facile.

Ecclef.

Tu [igitur anima mea] ne existimes tibi impune futurum, quod contra Deum pugnare tentaueris.

46.  
Mach. 2.  
c. 7.

Iob, cuius rei gratiâ, dimicaret, nesciebat; nesciebat quoniam ei gymnasium palæstra erat proposita; sermonem ad iudicem vertit, animæque oculum ad alta dirigit, non blasphemans sed orans cum lacrymis; *Ut quid me posuisti contrarium tibi?*

Chrysof.  
hom. 4. de  
patientiâ  
Iob.

Tunc autem sibi contrarium Deus hominem posuit, cum homo Deum peccando dereliquit. Iustus verò conditor hunc sibi contrarium posuit, quia inimicum ex elatione deputauit.

Greg. in  
cap. 7. Iob.  
l. 8. c. 22.

Et ecce fatetur [Iob] malum quod fecit, sed bonum, quod Deo in recompensatione debeat offerre, non inuenit; quia ad ab-

Greg. in  
cap. 7. Iob.  
lib. 8. c. 21.  
& 22.

luendam culpam quælibet humanæ actionis virtus infirma est, nisi hanc misericordia parentis foueat. Cur [ergo] quasi contrarium tibi hominem despicias, qui certus scio, quia perire ipsum, quem despiciere crederis, non vis?

Aug. manual. cap.  
23.

Peccaui peccatum grande, & multorum sum mihi conscius delictorum; nec sic despero, quoniam ubi abundauerunt delicta, superabundauit & gratia.

Bern. ser.  
31. in  
Cant.

Miser ego homo? quis me liberabit à calumniâ huius pudendæ seruitutis? miser sed liber, liber quia similis Deo, miser quia contrarius Deo. O custos hominum, quare me posuisti contrarium tibi? posuisti cum non prohibuisti: Alioquin ipse me posui, & factus sum mihi met grauis. Iustissimè quidem ut hostis tuus, sit hostis meus; & qui tibi repugnat, repugnet & mihi; ego qui tibi, mihi ipsi contrarius sum.



## V I I.

Cur faciem tuam abscondis, & arbitraris me inimicum tuum? *Iob* 13.

**E**rgo meus tanta causam tibi præbuit ira  
 Qui condonandus leniter error erat?  
 Credideram toruos tantum te fingere vultus,  
 Nec nisi compositis os simulare minis.  
 Scilicet ut flenti genitrix negat vbera nato,  
 Sed negat, ut lacrymis sepius illa petat.  
 Aut qualis puero fugiens negat oscula nutrix,  
 Oscula, quæ toties, dum fugit ille, dedit.  
 Sic ego te fictos rebar mihi ducere vultus,  
 Utq; magis sequerer, fingere velle fugam.  
 At geritur video, dicto res seria bello,  
 Falsa, nec, ut rebar larua, sed ira fuit.  
 Auertisq; oculos, dedignarisq; videri,  
 Pax voluti numquam concilianda foret.  
 Et fugis, ut viso fugit eminus hostis ab hoste,  
 Aut quem fulmineo dente laceſit Aper.  
 Seu timeasq; oculis visus saxeffere nostris  
 Oculis opposita lumina cauta manu.  
 Quo precor hanc tanto merui pro crimine poenam,  
 Ut velut indignans ora videnda neget?  
 An quia peccaui, vultu frustraris amantem?  
 Ah! vultu numquam qui mihi toruus erat.  
 Aut mea ne magicas iaculentur lumina flammæ,  
 Sibilet aut nostro Regulus ore, times?

Ante-

Anteueni tutis Cyrcéos visibus orbes,  
 Vibratamq; oculo pelle nocente necem.  
 Donec enim verso me dedignabere vultu,  
 Te, dolor, irato viuere, maior erit.  
 Nullius alterius faciunt mihi lumina bellum,  
 Luminibus possum Phœbe carere tuis:  
 Pulchra tuos oculos contemnere Cynthia possum,  
 Quipascunt reliquas igne nitente faces;  
 Altamen absque tuis oculis, mea vita, meum cor  
 Viuere, non aliter quam sine corde, queo.  
 Cense igitur reliquas quibus obruor anxia cura;  
 Si tam dura oculis pœna carere tuis?  
 O quanto!d quanto mihi grandius hoc tormentū est,  
 Te quod amem mea lux, me tamē haud redames!

*Cur faciem tuam abscondis, & arbitra-  
 ris me inimicum tuum? Iob. 13.*

Aug. foli-  
 loq. cap. 1.

**Q**Vare faciem tuam auertis, gaudium  
 meum per quod gaudeo? vbi es abs-  
 conditus, pulcer, quem desidero? odorem  
 tuum haurio, viuo & gaudeo; te autem non  
 video; vocem tuam audio & reuiuifco; sed  
*cur faciem tuam abscondis?* fortè dicis; *Non vide-  
 bit me homo & uiuet.* Eia Domine, moriar, vt  
 te videam; videam, vt hîc moriar. Nolo vi-  
 uere, volo mori; dissolui cupio, & esse cum  
 CHRISTO; mori desidero vt videam CHRI-  
 STVM; viuere renuo, vt viuā cum CHRISTO.

Lumen

—— *Lumen persapè tuenti,  
 Numinis aterni, nubes densissima, sese  
 Protinus iniecit mediam, seq; abdidit ingens  
 Fulgor, & ardentem fixit mihi corde dolorem,  
 Vt mihi iam propius posito se præpete cursu  
 Eripuit, caputq; fugam. Cur istud? Amari  
 An quod à me semper cupiat, cupidag; requirit?  
 Namque ita moris habent homines quoque.*

Nazianz.  
 de virtute  
 humanâ.

Si quis enim offenderit seruulorum, Ambr.  
 auertere ab eo vultus solemus. Si apud ho- Apolog.  
 mines hoc graue dicitur, quanto magis a- pro David.  
 pud Deum? vides enim quod faciem suam  
 Deus à Cain muneribus auertit. Idèd Dauid  
 orat vt flagelletur potius quàm proijciatur à  
 facie Dei. Idèd iustus ait: *Vultum tuum Domine  
 requiram*, grande ergo supplicium, proijci à  
 facie Dei. Proiectus est Adam de Paradyso;  
 neque immeritò, ipse enim antè se absconde-  
 rat à facie Dei. Exiuit & Cain à facie Dei, quia  
 putauit Deum esse fallendum, vt crimen  
 negaret. Quomodo proijciat Deus à facie  
 suâ, audi dicentem: *Tollite illum in tenebras ex-  
 teriores.*

Igitur quæ Anima semel à Deo didicit in Bern. ser.  
 intimis suis Dei præsentia suspirare, & qua- 35. in  
 rare faciem eius semper, talis anima, nescio, an Canto.  
 vel ipsam gehennâ ad tempus experiri hor-  
 ribiliùs poenaliùsve ducat, quàm post spiri-  
 tualis studij huius, gustatam semel suauita-  
 tem, exire denuò ad illecebras, vel potius  
 molestias

molestias carnis : audi enim hominem expertum quæ loquitur: *Bonus es, inquit, Domine sperantibus in te, animæ querenti te.* audi & alium similem huic: *Tibi dixit cor meum; exquirit te facies mea, faciem tuam, Domine requiram.* Ab hoc bono, si quis auertere sanctam illam animam conaretur, puto, haud secus accipisset, quàm si de Paradyso, & ab ipso introitu gloriæ, conspiceret deturbari.

Amb. in  
Psalm. 43.

Est enim [CHRISTVS] fulgor æternus animorum, quem ideo Pater misit in terras, ut eius illuminati vultu, æterna & cœlestia sperare possimus, qui antè terrenâ caligine tenebamur inclusi.

Ambr. in  
Psalm. 118.

Deliste [ergo anima] hominis habere peccata, & videbis faciem meam; qui enim faciem meam videt, debet esse sine peccato. Esto Angelus, hoc est diuini minister imperij; obsequere mandatis Domini: cùm fueris Angelus, videbis faciem Domini. ipse Dominus IESVS ait: *Beati mundo corde, ipsi enim Deum videbunt:* aduertis quid à te exigatur ut videas Deum? Emunda igitur cor tuum.

Ambr. in  
Psalm. 43.

[Sed] auertere à nobis Deum faciem suam putamus, quando sumus in aliquibus afflictionibus constituti.

Bern. in  
scala.

Ne timeas, ô Sponsa, ne desperes, ne existimes te contemni, si paulisper tibi subtrahit Sponsus faciem suam. Omnia ista cooperantur tibi in bonum, & de accessu & recessu



cessu lucrum acquiritis. Tibi venit, tibi & recedit; venit ad consolationem, recedit ad cautelam.

O bona abscondio, quæ efficitur perfectio! Gloria mea, Deus meus, abscondis thesaurum tuum, ut incites cupidum; recondis margaritam, ut augeas quærentibus amorem; differs dare, ut doceas petere; dissimulas audire petentem, ut facias perseverantem. quod planè indicat illa flebilis, quæ tuum in sepulchro natum CHRISTVM, inter mortuos, quærebat viuum, durantibus adhuc tenebris; quam accenderas ut quæreret, sed quærenti disparebas ut perseveraret: perseveravit sperans, & speravit perseverans; & quia in spe perseveravit, videre te meruit. Beata visio & plena exultatio.

Placare, obsecro, & miserere mei, & non *Aug. med. cap. 39.*  
*auertas faciem tuam à me, qui pro me redimendo non auertisti faciem tuam ab increpantibus & conspuentibus in te.*



*Quis dabit capiti meo aquam et oculis meis  
fontem lacrymarum ? Hierem. 9.*

8.

## VIII.

Quis dabit capiti meo aquam, &  
oculis meis fontem lacrymarum,  
& plorabo die ac nocte?

*Hierem. 9.*

**Q**uis mihi det, liquidas caput hoc vertatur in  
vndas.

Totq; fluat guttis, quot stetit antè, comis?

Fronte patet campus quem flebilis imber inundet,

Ripa nec, ut fluctus exspatiantur, obest.

O mea, si subito, duo flumina, lumina fiant!

Sat capiet geminas alueus aptus aquas.

Ille meis totus lacrymis non sufficit imber,

Perpetuò flentis, qui rigat ora senis.

Capta nec Andromache, quâ lumina proluit vnda,

Illa meis lacrymis vnda sat esse potest.

Nec tua, Ieside, lacrymati balnea lecti,

Balnea nocturnis humida semper aquis.

Nec quibus es solitus ieiunia pascere, gutte,

Nocte, dieq; tuus qua tibi panis erant:

Illa nec illuies plorabilium lacrymarum

Quam pluit in Domini Magdala mœsta pedes:

Nec (tibi, qui geminis inarauerat humida sulcis

Lumina) fons mœsta, Petre perennis aqua.

Sed tua, Nile, velim septemplex flumina riuo,

Cum vagus Isiacos obruit amnis agros.

Aut qualis madidum cūm mergit Aquarius annum,  
 Totaq; in hybernas astra liquantur aquas;  
 Aut potius trepidas qualis ruit imber in vrbes,  
 Omnia cūm pluuiō claustra reclusa Ioui.  
 Culminaq; & turres & acuta cacumina, cautes,  
 Et nemora, & montes, nil nisi pontus erant.  
 Hos oculis voueam grauidis mihi currere nimbos,  
 Et caput hoc, totus fiat vt Oceanus.  
 Aut saltem in geminos tabescere lumina riuos,  
 Perpetuūq; meas amne natare genas.  
 Nec siccare oculos, nisi cūm stupor obstinet illis,  
 Finiat vt lacrymas vltima gutta meas.  
 Felices nimium, vitrea, gens carula, nympha,  
 Membra quibus fluido sunt liquefacta vitro!  
 Vosq; palidosis mutata fontibus artus,  
 Quas vetus est quondam fama professā nurus.  
 Cur mihi non liquidis stillant quoque brachia riuus,  
 Glaucāq; muscosis fluctuat vnda comis?  
 Illa ego sum, fontem qua non admittor in vllum,  
 Illa ego sum frustra qua liquor esse velim.  
 O vtinam! celerem vertar, nouus Acis, in amnem,  
 Qui, Galatæa, tuo flumen amore fuit.  
 Aut aliquod, fieri iubeat me Biblida, Numen,  
 Quod fieri iussit Biblida, fontis aquam!  
 Aut, Achelœ, tuā liceat mihi ludere formā,  
 Hercule decepto, cūm leue flumen eras!  
 Non ego tunc, Achelœ, precaria corpora ponam,  
 Taurus, vt exuto fluminis ore, puter.  
 Et licet obscuri faerim nisi nominis amnis,  
 Non ego me nomen vile fuisse, querar.



Iugis aqua largus tantum mihi suppetat imber,  
 Cetera, securum nomen honoris erit.  
 Tum mea inexhaustos deducunt lumina riuos,  
 Pindus ut aestiuâ de niue, voluit aquas.  
 Perq; fluent lacryma, veluti vaga flumina, vultum,  
 Flumina luce fluent, flumina nocte fluent.  
 Nec nisi flere, meis oculis erit vlla voluptas,  
 Donec erunt lacrymis crimina mersa meis.



*Quis dabit capiti meo aquam, & oculis meis fontem lacrymarum, & plorabo die ac nocte? Hierem. 9.*

Hieron. in  
c. 9. Hierem.

Bern. ser.  
16. in  
Cant.

Amb. in  
Psal. 118.

Greg. lib.  
3. dial. c.  
34. & l. 6.  
registri.

Aug. med.  
cap. 36.

**S**I totus vertar in fletum, & ne quaquam guttæ sint lacrymarum, sed abundantia fluminis, non satis dignè fleuero.

*Quis dabit capiti meo aquam, & oculis meis fontem lacrymarum?* vt præueniam fletibus fletum & stridorem dentium, & manuum pedumque dura vincula; & pōdus catenarum prementium, stringentium, vrentium, nec consumentium. Heu me mater meā, vt quid me genuisti filium doloris, filium amaritudinis, indignationis & plorationis æternæ!

Nescit flere qui flenda committit; & cū sit ipse lacrymabilis, non habet culpæ lacrymas suæ.

Axa suspirans, à patre terram irriguam petit, quia à creatore nostro, eum magno desiderio, quærenda est lacrymarum gratia. Hinc irriguum superius accipit anima, cū sese in lacrymis cœlestis Regni desiderio, affligit: irriguum verò inferius accipit, cū inferni supplicia flendo, pertimescit.

Tu quidem Rex gloriæ & omnium virtutum magister, docuisti nos verbo & exemplo, gemere ac flere, dicens: *Beati qui lugent, quoniam ipsi consolabuntur.* Tu fleuisti defun-  
ctum

etum amicum, & lacrymatus es valdè super perituram ciuitatè. Rogo te, bone Iesv, per illas preciosissimas lacrymas tuas, & per omnes miserationes tuas, da mihi gratiam lacrymarum quàm multùm desiderat & appetit anima mea; quia sine dono tuo, non possum habere eam: sed per Spiritum sanctum tuum qui dura corda peccatorum mollit, & ad fletum compungit; da mihi gratiam lacrymarum, sicut dedisti Patribus nostris, quorum vestigia debeo imitari, vt plangam me in omni vitâ meâ, sicut ipsi se planxerunt nocte ac die. Da mihi irriguum superius & irriguum inferius, vt sint mihi lacryma panes die ac nocte. Da mihi, dulcissime fontè irriguum fontemque perspicuum, in quo lauetur affiduè istud iniquitatum holocaustum. Da mihi gratiam lacrymarum benedicte & amabilis Deus, præcipuè ex multâ dulcedine amoris tui & commemoratione misericordiarum tuarum. Tribue pro bonitate & pietate tuâ, vt iste calix tuus inebrians & præclarus satiet sitim meam.

Lacrymæ siquidem sunt peccati diluuium & mundi piamentum. Nazian. orat. 3.

Et sicut torrens, diuersa obstacula diruit, sic lacryma feruētis desiderij, omnia peccata diluit, omnia tormenta contemnit, & cursum suum ad Deum peragit, vsque dum petueniat ad aspectum Dei. Ecclesiastici c. 35. Hugo Card. in cap. 9. Hier.

v. 16.

Vers. 19.

*Nonne lacryma vidua ad maxillam descendunt?  
A maxillâ enim ascendunt, vsque ad cælum.*

Aug. med.

cap. 37.

Percute Domine, percute, obsecro hanc durissimam mētem meam, piâ & validâ cus-  
pide dilectionis tuæ, & altiùs ad intima pe-  
netra potenti virtute; & sic de capite meo educ  
*aquam immensam, & de oculis meis verum fontem  
lachrymarum iugiter manantem ex nimio af-  
fectu, desiderio visionis pulchritudinis tuæ:  
vt lugeam die ac nocte, nullam in præsentì  
vitâ recipiens consolationem.*

Aug. med.

cap. 36.

Da mihi, quæso, lacrymas ex toto affectu  
internas, quæ peccatorem meorum possint  
soluere vincula, & cœlesti iucunditate sem-  
per repleant animam meam. Venit mihi in  
mentem alterius mulieris deuotio mira, quæ  
in sepulcro iacentem, præ amore quærebat,  
quæ recedentibus discipulis de sepulcro  
non recedebat, quia sedebat ibi tristis ac  
mærens. Si ergo ita fleuit, & in fletu perseue-  
rauit mulier, quæ viuentem cum mortuis  
quærebat, quæ te manu fidei tangebatur; quo-  
modo me plangere & in planctu persistere  
debet anima, quæ te redemptorem suum  
iam cœlo præsentem, & vbique regnan-  
tem corde credit, ore confitetur? Quomodo  
ergo gemere & flere debet talis anima, quæ  
te toto corde diligit, teque toto desiderio  
videre concupiscit?



## IX.

Dolores inferni circumdederunt  
me, præoccupauerunt me laquei  
mortis. *Psalm. 17.*

**E**Rgo iterum Actæon aliquis noua fabula fier,  
Infelix canibus præda voranda suis?  
En, mihi mens nemorum studijs iuuenilibus arsit,  
Et perit studijs mens propte capta suis.  
Mens fuit, ancipites venatu pèllere curas;  
Non tamen in syluis, pulchra Diana, tuus.  
Sylua mihi rapidis non est latrata molossis,  
Lustra nec infestâ sollicitata cane.  
Nec iuga Taygeti neque Manala territa cornu,  
Nec fuluus volucris cuspide stratus aper.  
Nec mea Parthenijs circumdatis retia syluis,  
Nec meditata feris callida lina dolos.  
Numquam ego vel pedicæ, venabula, tela, vel arcus,  
Vllæve Spartana Virginis arma tuli.  
O vtinam mens ista mihi, Distynna, fuisset!  
Non ego nunc præda cingerer arte mea.  
Hæc quibus imprudens studijs mihi torpuit ætas!  
Quin potius, nemorum crura notata rubis?  
Cur quesita tuis mihi præmia, Bacche, trapedis?  
Aut agitata tuis præda, Cupido, iugis?  
Non tantum pharetram neque tantum tela Cupido,  
Cauta sed, vt fallas, fila, plagasq; geris.

**E** S Pampineos

Pampineos tantum neque concutis Euiæ thyrsos,  
Sunt quoque, quævis capias ebria crura, doli.  
Cum surgit Dalila Sampson malè tonsus ab vlnis,  
Vincta Philisthæo brachia fune tulit.  
Cum iacet ignoto Noë superatus Iaccho,  
Compede succiduos stringis Iacche pedes.  
Idaliæ, ecce, suis iam me quoque casibus ambit,  
Qua toties votis prada petita meis.  
Hei mihi, quot circum pedicarum indagine cingor  
Seu fera venantium præpete septa globo.  
Scilicet illa fuit spectri feræ alis imago,  
Antonio; celsi vertice visa iugi:  
Cum patuere, oculi collecta sub vnius ictum  
Omnia, qua mundo didita regna iacent;  
Omnia, ceu parua tellusq;, polusq;, tabellâ,  
Pictaq;, stant minimo corpora tota vitro:  
Omniaq;, hæc ingens obseperat vndique rete,  
Multaq;,furtiuis stamina sparsa viis.  
Quisque suas fraudes, sensit sua vincula quisque;  
Hic caput, ille pedes vinctus, & ille manus.  
Sic sua deceptum laquearat quemq;, voluptas  
Ut visco stolidæ decipiuntur aues.  
Ah! sua nexilibus tendit mors vndique tramis  
Retia; machinæo callidiora dolo.  
Vtq;, sedet nigro venator araneus antro,  
Insidians pennis, stridula musca, tuis:  
Sensit vbi mota trepidare, cubilia, tela,  
Emicat, & trepidam raptat in antra feram:  
Aut qualis viridi latet arbore callidus auceps,  
Pennipedi meditans vincla dolosa gregi.

Linige-

Linigeros abdit vicino gramine vallos,  
 Spargit & in nitido plurima grana solo.  
 Et circum inclusas secretâ crate volucres,  
 Quæq; canant vincta compede, ponit aues.  
 Hæ, saltu, & cantu; leuis ille foramine buxi;  
 Hæ socias; prædam, decipit ille suam.  
 Venantium haud aliter scelerum comitatâ coronâ  
 Implicat insidiis mors sua quemque suis,  
 Quiq; super laqueos nîsus dare corpora saltu,  
 Heu miser, in stygias præcipitatur aquas!



*Dolores inferni circumdederūt me, pra-  
occupauerunt me laquei mortis. Pl. 17.*

Aug. so-  
liloq. c. 12.

**E**Cce Domine Deus meus, mundus totus  
plenus est concupiscentiarum laqueis,  
quos parauerunt pedibus meis, & quis effu-  
giet hos laqueos?

Hierem.  
Thren. 3.  
Ambr. de  
bono  
mortis c. 5.

*Venatione ceperūt me quasi auē inimici mei gratis.*

Auis enim quæ descendit ex alto, vel quæ  
in altum se extollere non potest, frequenter  
aut laqueis cupitur, aut visco fallitur, aut qui-  
buscumque irretitur insidijs: sic quoque &  
anima nostra. Laqueus, in auro; viscus in ar-  
gento; nexus, in prædio; clauus est in amore.  
Dum aurum petimus, strangulamur; dum  
argentum quærimus, in visco eius hæremus;  
dum prædium inuadimus, alligamur. Quin  
etiam mulieris decus, dum tentat, astringit.

Bernard.  
ferm. 3. su-  
per *Qui ha-  
bitat in ad-  
gutorio.*

Sed qui sunt venatores isti? venatores  
vtique pessimi & nequissimi, callidissimi  
& crudelissimi. Venatores qui cornu non  
sonant vt audiantur, sed sagittant in occultis  
immaculatum. Ipsi Rectores sunt tenebrarū  
harum, astutissimi versutiā & malitiā diabo-  
licæ fraudis; ita vt, sicut est ante venatorem  
bestia; sic ad eorum comparisonem sit qui-  
libet astutissimus hominum.

Bonauent.  
cap. 1. so-  
liloq.

O anima fragilis ad resistendum, facilis ad  
cadendum, difficilis ad surgendum! quali-  
ter istius aduersarij laqueos euadere poteris,  
quem



quem tantis subtilitatibus præditū agnoscis?

Intellige quia in medio loquorum ambulat, & lubtus machinas tranſeas imminētes. Omnia retibus plena ſunt; Diabolus laqueo cuncta compleuit.

Orig. hom.  
2. in Cant.

Ecce tetendit ante pedes noſtros laqueos infinitos, & omnes vias noſtras varijs impleuit decipulis, ad capiendas animas noſtras, & quis effugiet? laqueos poſuit in diuitijs, laqueos poſuit in paupertate, laqueos tetendit in cibo, in potu, in voluptate, in ſomno, & in vigiliâ; laqueos poſuit in verbo, & in opere, & in omni viâ noſtrâ.

Aug. ſoli-  
loq. ca. 16.

*Abſcondita eſt in terrâ pedica eius & decipula illius ſuper ſemitam.* In terrâ pedica abſconditur cum culpa ſub terrenis commodis occultatur; inimicus quippe inſidiens oſtendit humane menti, in terreno lucro, quid appetat, & occultat peccati laqueum, vt eius animâ ſtringat, quatenus videat quid eſt quod concupiſcere valeat, & tamen nequaquam videat in quo culpæ laqueo pedem ponat. Et tunc ab antiquo hoſte ſuper ſemitam decipula ponitur, quando in actione huius mûdi, quam mens appetit, peccati laqueus paratur; quæ videlicet non facilè deciperet, ſi videri potuiſſet; ſic quippe decipula ponitur, vt dum eſca oſtenditur, nequaquam ipſa à tranſeunte videatur. Sæpè ergo proponuntur animo cum culpâ honores, diuitiæ, ſalus,

Greg lib.  
14. mor. c.  
6. in c. 18.  
Iob.

& vita

& vita temporalis, quæ mens infirma, dum quasi escam videt, & decipulam non videt, per escam quam videns appetit, in culpâ constringitur, quæ non videtur.

Basil. de  
non ad-  
hærendo  
cebus sa-  
cularibus.

Et quemadmodum peruersi quidam & subdoli homines, quorû studium est & propositum ex aliorum bonis ditescere, (eam tamen potentiam non habent, & apertâ violentiâ vrâtur) vias insidiosè obsidere solent; & si locum aliquem circa illas aut conuallibus profundis interruptum, aut dumorum densitate obscurum viderint, in illum sese abdunt; & huiusmodi velamento, viatorum circumquaque conspectum, ne prævideantur, amoliti, ex inopino illos adoriuntur; ne quisquam eorum laqueos periculosos videre prius queat, quàm in illos incidat: ita & Satan infensus nobis, & antiquus hostis, mundanarum oblectationum ymbris sese insinuâs (quæ periculosæ circa vitæ huius viam, latronem occulere solent, & latibula præbere insidiatori) indè improvisos nobis perditionis laqueos substernit. Oportet itaque nos animi oculos perpetuò vigiles circumquaque diducere, & quidquid iucundum apparet, mox suspectum habere, & prætercurrere; nec aliquam illi cogitationem applicare, etiam si aurum copiosè propositum videatur, & idoneum quod à volentibus tollatur, etiam si quascumque delicias terra proferat

proferat, & preciosa tabernacula ostenter:  
etiamſi choreas, comeſſationes, ebrietates, &  
mēſas concentuum modulatione iucundas  
videamus; etiamſi offeratur venuſtas corpo-  
rum. Sub his namque omnibus ita iucundis,  
latebras habet communis noſter hoſtis, ex-  
pectans num per obiectorum ſpectacula il-  
lecti, relictâ Regiâ viâ, ad ipſius aliquando  
inſidias ipſi vltro declinemus. Et plurimùm  
ſanè timendum eſt, ne quo pacto illis incau-  
tè accurrētes, & oblectationem illam, quam  
uſurpantibus offerunt, nihil habere periculī  
putantes, primo ſtatim guſtu, dolosè abdi-  
tum hamum voremus, atque illo poſtea (no-  
limus, velimus) ligati, ad terribiles latronis  
latebras *Mortem*, ſcilicet, per huiusmodi ille-  
cebras imprudenter trahamur.

Attolle [ô homo] animam tuam, ne eam <sup>Ambr.</sup>  
illiciat eſca laqueorum. Voluptates ſæculi, <sup>lib. de bo-  
no mortis</sup>  
eſcæ quædam ſunt, & (quod peius eſt) eſcæ <sup>cap. 6.</sup>  
malorum, eſcæ tentationum. Dum volupta-  
tem quæris, laqueos incurris. Oculus enim  
meretricis laqueus amatoris eſt; oculus ergo  
meretricis, eſt laqueus. Laqueus eſt etiam  
ſermo meretricis, qui obdulcat ad tempus,  
fauces tuas, & poſtea exaſperat eas amaritu-  
dine conſcientiæ peccatricis. Laqueus eſt  
aliena poſſeſſio plena amœnitatis. Om-  
ne iter iſtius vitæ plenum laqueorum eſt.  
Vnde iuſtus dicit: *In viâ hâc quâ ambula-*  
*bam,*

*bam*, absconderunt laqueos mihi.

Ibid.

Quoties inimicus cordi nostro conatur inferere, quo nos reflectat à sanctitatis proposito & pijs votis? Quoties corporeos inflamat ardores? Quoties occurfare facit oculos meretricios, quibus castum sustentet affectū vt improuiso amoris spiculo feriat imparatū? Quoties inserit animo nro verbū iniquum, & cogitationes cordis absconditas? His anima, quæ cupit euolare, deponitur. Sed tu obluere quasi bonus miles CHRISTI LESV.

Ibid.

Et quid de extraneis laqueis loquar? hostis nobis laquei sunt cauendi in hoc ipso corpore nostro, laquei circumfusi nobis sunt quos debemus vitare.

Ambr.  
lib. 4. in c.  
4. Luca.

Honorum gratia, sublimitas potestatum, epularum suauitas, forma meretricis, laqueus est Diaboli.

Ambr. de  
bono mor-  
tis cap. 9.

Ergo non laqueis nos credamus, & rebus ijs quæ decipiunt & illudunt; non sequamur illecebrosa & seductoria.

Aug. in  
Psalm. 68.

Sed tantum valet animi præsumptio, vt & coram ipsis muscipula sit, & incidant in eam; obsecurentur oculi eorum ne videant.

Aug. soli-  
loq. c. 16.

Sed tu Domine libera nos de laqueo venantium, & à verbo aspero, vt confiteamur tibi, dicentes: *Benedictus Dominus, qui non dedit nos in captionem dentibus eorum: Anima nostra sicut passer erepta est de laqueo venantium, laqueus contritus est, & nos liberati sumus.*



## X.

Non intres in iudicium cum seruo  
tuo. *Psalm.* 142.

**Q**uod Domino decus est in ius arcessere seruum,  
Palmaq<sub>3</sub> qua serui, iure vadantis Herum?  
Et seruilis hero vertit victoria probro,  
Et reus offensa seruus herilis abit.  
Crede mihi, pudor est, mecum tibi texere rixas,  
Iurgia nec tecum conuenit esse mihi.  
Non ego sum, tanta cui sit fiducia pugnae,  
Non ego materies litibus apta tuis.  
Nempe tuis scribi vis bella forensia fastis.  
Aut mea, forte, tuam vincere, caussa potest:  
Cuius erit felix adeo facundia lingua.  
Qua sperare sibi tanta tropaea queat?  
Iuridici nulla est ita vox exercita rixis,  
Quo tua debilior caussa, loquente, cadat.  
Heu nimis austeram dispensas cognitor vram,  
Nec tuus inflecti se rigor ille finit!  
Sat tua nota quidem gemino clementia mundo;  
Blandaq<sub>3</sub> & in poenas est tibi lenta manus:  
Mœstaq<sub>3</sub> cum statuis, tristi tibi mœror in ore est;  
Tamq<sub>3</sub> rei damno, quam reus ipse, doles.  
Parg<sub>3</sub> tibi dolor est de crimine sumere poenam,  
Ac sua de plexo crimine poena reo est.  
Nec sibi decretam velit vllus demere multam,  
Arbiter vt proprij criminis ipse foret.  
At licet ingenuas habeant hæc carmina laudes,  
Iudicij cupiam puncta subire tui:

Nam quamuis miseris bonus es, veniaq<sub>3</sub> paratus,  
 Attamen in fontes iure seuerus agis;  
 Et tibi tam iustâ pendet lanx vtraque librâ,  
 Par sit vt ex aquo gratia, parq<sub>3</sub> rigor.  
 Nec finis affectus, captiuâq<sub>3</sub> pectora duci,  
 Nec subigunt animum lenia verba tuum.  
 Nec, si caussidici vox incantauerit aures,  
 Facundâ minimum diluat arte nefas.  
 Perdidit hic cassas facundiâ, Suadaq<sub>3</sub> vires,  
 Et silet hoc omnis gratia muta loco.  
 Nec prece, nec precio; nec fraude, nec arte, nec astu  
 Prostituit hoc vnquam vendita causa foro.  
 Quis secet intrepidus tam duro Iudice lites,  
 Aut tantum impavidus pareat ante Deum?  
 Non ego si saui vocer inter ouilia Martis,  
 Dura tui metuum septa, Gradine, fori.  
 Nec trepidem ( licet ipsa decem citet hasta virorū )  
 Ne mea, centeno iudice, caussa labet.  
 Nec tua, ( causerum scopulos ) infamia, Cassi,  
 Pulpita, si iubet Prator, iniqua querar.  
 Nec Rhadamantæ verear subsellia rixa,  
 Scamnaq<sub>3</sub> Dyctai litigiosa senis.  
 Nec, quibus inclusas tenet arbiter AEacus vmbas,  
 Infernis dubitem iura subire plagis.  
 Quilibet in caput hoc dicter suffragia iudex,  
 Et ferat imites qualibet vrna notas:  
 Causarum mihi tot lingua est inflata tropæi,  
 Se putet vt nullo cedere posse foro.  
 Vnius at timuit solummodo Iudicis vnam,  
 Iudicis & testis qui vice solus agit.

Qui,

Qui, semel vt saua sententia lata tabella est,  
 Nec prece, nec lacrymis, triste retractat opus.  
 O durum, ô fatale reus, miserisq; tribunal,  
 Quo Iudex rigido tam grauis ore sedet!  
 Dicitur attonitis & ternâ luce supinis  
 Hunc oculis Agathon extimuisse diem.  
 Vtq; sibi noxa Paulus non conscius esset,  
 Hoc tamen est veritus iudice stare nocens.  
 Quiq; sui Salomon doctissimus audiit aui,  
 Mens pura est, quemquam dicere posse, negat.  
 Quin sacer hâc etiam trepidus formidine Psalter;  
 Iudice te, tutus quis reus, inquit, erit?  
 Quiq; tot aduersos tulit aquo pectore casus,  
 Vix fore clara satis sydera; Iobus ait.  
 Sitrepidant igitur, tanto censore, columna,  
 Quod stabunt tabula, ligna caduca, pedes?  
 Siq; tremunt pauida nutante cacumine cedri,  
 Quâ spe parua suam sylua tenebit humum?  
 Frigidus, heu! refugit mihi toto corpore sanguis,  
 Aspectus quoties hac subit vrna meos.  
 Non secus ac visâ cum victima sortè securi,  
 Decepto refugit verberare tunsa caput.  
 Parce precor, neque ius mihi dic hâc cognitor vrnâ  
 Sancta Themis causâ qua cadat ipsa suâ.

Non intres in iudicium cum seruo tuo.

Psal. 142.

**N**on litigemus; nolo tecum habere causam, vt ego proponam iustitiam meam,

Aust. in  
 Psalm. 142.

tu conuincas iniquitatem meam. Indignum est tibi, cum seruo tuo intrare in iudicium, nec quidem cum amico tuo. Noli ergo intrare mecum in iudicium Domine Deus meus. Quantumlibet rectus mihi videar, producis tu de thesauro tuo regulam; coaptas me ad eam, & prauus inuenior; *ne intres in iudicium cum seruo tuo*: misericordiâ indigeo, fugitiuus redeo, pacem quero.

Iob. 14.

*Dignum ducis, super huiusmodi aperire oculos tuos, & adducere eum tecum in iudicium?*

Ambr. in  
Psalm. 36.

Vocat te: in iudicium venies. Quid respondurus es ei, qui nisi iterum tibi donec, peristi? ideo S. David iudicium refugit, misericordiam poscit, dicens: *& ne intres in iudicium cum seruo tuo.*

Bern. ser.  
3. super  
Beati qui  
habitant.

Quid enim tam pauendum, quid tam plenum anxietatis & vehementissimæ sollicitudinis excogitari potest, quàm iudicandum astare illi tam terrifico tribunali, & incertam adhuc expectare sub tam districto Iudice sententiam. *Horrendum est, ait Apostolus, incidere in manus Dei viuentis.*

Ambr. in  
orationib.

Ipse est autem testis & Iudex, Iudex & testis, quem nulla conscientia peccatrix effugere potest. Omnia enim nuda & aperta sunt oculis eius.

Chrysost.  
c. 4. Mat.  
hom. 14.

Et sicut illi, qui è carceribus educuntur, vnâ cum ipsis catenis ad iudicium protrahuntur, sic omnes anime, cum hinc emigrauerint,



uerint, varijs peccatorum catenis implicatæ ad terribile illud ducentur tribunal.

[Et ecce ego] iam iam præsentabor ante Bern.med.  
 districtum iudicem de operibus meis ratio- cap. 2.  
 nem redditurus. Væ mihi misero cùm venerit dies illa iudicij, & aperti fuerint libri, in quibus omnes mei actus & cogitationes Domino præsentandæ recitabuntur. Tunc demisso capite præ confusione malæ conscientiæ in iudicio, coram Domino, stabo trepidus & anxius, vt pote commemorans scelerum commissa meorum. Tunc anima inueniens oculos clausos, & os, aliosq; corporis sensus per quos solemus egredi & delectari in his exterioribus, reuertetur ad se, & cadet sub se: & quia amore mundi & carnis voluptate, Dei amorem dereliquerat, derelinquetur à Deo misera in horâ tantæ necessitatis, atque demonibus tradetur in inferno crucianda. [Anima mea] ingenti horrore concutitur, & multiplicibus cogitationum æstibus agitur, cùm urgente solutione carnis, & subductis è medio omnibus, se & illud terminum cõsiderat, cui appropinquat; & post paululum hoc inuenit quod in perpetuum mutari non poterit.

Neque enim tunc immeritò cuiuslibet Greg. lib.  
 anima terretur, quando post pusillum hoc 24. MOLC.  
 inuenit quod in æternum mutare non possit. Consideramus quippe quod viam vitæ

præsentis nequaquam sine culpâ transire  
potuimus. Consideramus etiam, quia nec  
hoc quidem, sine aliquo reatu nostro est,  
quod laudabiliter gessimus, si remotâ piete-  
te iudicemur. Quis enim nostrum vitam  
præcedentium Patrum valeat vel superare  
vel assequi. Et tamen Dauid dicit, *Ne intres  
in iudicium cum seruo tuo; quia non iustificabitur  
in conspectu tuo omnis viuens.* Paulus cum dice-  
ret, *Nihil mihi conscius sum;* cautè subiunxit:  
*Sed non in hoc iustificatus sum.* Ioannes dicit: *Si  
dixerimus, quia peccatum non habemus, ipsi nos  
subducimus, & veritas in nobis non est.* Iacobus  
ait: *In multis offendimus omnes.* Quid ergo fa-  
cient tabulæ, si tremunt columnæ? aut  
quomodo virgulta immobilia stabunt, si  
huius pauoris turbine etiam cedri qua-  
tiuntur? Solutioni ergo carnis appropin-  
quans nonnunquam terrore vindictæ etiam  
iusti anima turbatur.

Greg. cap.  
23. in c. 7.  
Iob.

Quantalibet enim iustitiâ polleant, ne-  
quaquam sibi ad innocentiam vel electi suf-  
ficiunt, si in iudicio districtè requirantur:  
sed hoc tunc ad solatium suæ ereptionis in-  
ueniunt, quod nequaquam se posse suffice-  
re humiliter sciunt. Sub humilitatis ergo re-  
gimine, à gladio se tantæ animaduersionis  
abscondunt, & quo terrorem venturi iudi-  
cis præstolantes continuo timore trepidant,  
eo indefinenter agitur ut paratiores fiant.

Noli

Noli, quæso, pijsſime Domine, ſcribere Aug. med.  
 aduerſum me amaritudines meas, vt *intres in* cap. 39.  
*iudicium cum ſeruo tuo, ſed ſecundum multitudi-*  
*nem miſerationũ tuarum dele iniquitatem meam.*  
 Væ mihi miſero, cum venerit dies Iudicij, &  
 aperti fuerint libri conſcientiarum, cum di-  
 cetur de me: *ecce homo & opera eius.* quid fa-  
 ciat tunc, Domine Deus meus, cum cœli  
 reuelabunt iniquitatem meam, & aduer-  
 ſum me terra conſurget? Ecce nihil respon-  
 dere potero, ſed demifſo capite, præ confu-  
 ſione, coram te ſtabo trepidus & confuſus.  
 Heu me miſerum, quid dicem! clamabo ad  
 te Domine Deus meus, *quare iacens conſu-*  
*mor?* Plange anima mea, ſicut vidua ſuper  
 virum pubertatis ſuæ; vlula miſera & plora,  
 quoniam dimiſit te ſponſus tuus? Miſerere,  
 ne desperem, ſed te ſpirando respirem; &  
 ſi ego commiſi vnde me damnare potes, tu  
 non amiſiſti vnde ſaluare ſoles, ne memi-  
 neris dulciſſime Ieſu, quæ iuſtitia aduer-  
 ſus peccatorem tuum, ſed eſto memor be-  
 nignitatis tuæ aduerſus creaturam tuam;  
 ne memineris ire aduerſus reum, ſed me-  
 mor eſto miſerationis tuæ aduerſus miſe-  
 rum, obliuiſcere ſuperbum prouocantem,  
 & respice miſerum inuocantem. Quid enim  
 eſt Ieſuſ niſi Saluator?



*Non me demergat tempestas aqua, neq absor-  
beat me profundum! Psal. 68.*

11.



## XI.

Non me demergat tempestas aquæ,  
neque absorbeat me profundum.  
*Psalm. 68.*

**O** Nimis instabilis dubij inconstantia Ponti,  
Qui tot pellicibus carbasia fallis aquis!  
Nempe fluis vitreis refluisq; argenteus vndis,  
Mentiturq; tuus dura metalla liquor.  
Nonnunquam placidus, tacita stas more paludis,  
Nec magis vlla lacu stagna modesta iacent.  
Sapè tibi horrificat vix summum fluctibus aquor,  
Cum leuis exiguo stringitur vnda Noto.  
Mobilibusq; salit circum caua ligna choreis  
Subsiliuntq; leui vela petulca rate.  
Quin sinis araris findi freta mollia rostris,  
Vtq; tibi canas tonsa flagellet aquas:  
Nunc, velut è duro rigeant tibi terga metallo,  
Tot tereris remis, terra quot ipsa rotis.  
Et tua, ne quâ parte, fides suspecta laboret,  
Marmora perspicuo pandis aperta sinu:  
Cey crystallineo nequeat fraus esse profundo,  
Aut lateat vitreo nullus in amne dolus.  
Ecce vbi distinctam iam non tenet anchora puppem,  
Aurag; remigio prona secundat iter;  
Quàm cùò deserto discessit litore pinus,  
Et iam nulla domus, nulla videtur humus;  
Improuisa ratem medico circum aquore ciungunt,  
Hippotada laxis agmina missa cauis.  
Non secus ac seuâ seruus damnatus arenâ  
Opprimitur Lybicis prada voranda feris.

Aut

Aut nemorum latebris deprensus fortè viator ,  
 Prædonum subitò cingitur orbe latus.  
 Tum surgit tumidis præsagum fluctibus aquor,  
 Venturoq; tremuit discolor vnda metu :  
 Mox ubi decertant simul Africus simul & Eurus,  
 Et Notus & Boreas incubuère salo ;  
 Finditur abruptus varia in diuortia pontus,  
 Distrahit vt fluctus quæque procella suos.  
 Et patet horrendo præceps Neptunus hiatu  
 Mersurus pelago circumueunte ratem,  
 Heu ! gemit hic tumido pendens trabs anxia fluctu,  
 Et perit , vndecimâ si prior vnda venit.  
 Aut hæc , aut similis salis est fallacis imago,  
 Tam citò de placido seuâ fit vnda mari.  
 Sed mihi , mentito simulata est fabula ponto,  
 Non ego de vestris , Tethy , querebar aquis.  
 Nec mihi , de rapidis , qui torquent aquora , ventis,  
 Nec mihi de regnis , AEole , verba tuis.  
 Nec mihi , de leuibus , temerarie Typhi , carinis  
 Ire quibus liquidum primus es ausus iter.  
 A patrio numquam soluit mea littora puppis,  
 Nec vidi virides , Numina salsa , Deos.  
 Nec ventos didici , neque ventis vela tetendi,  
 Qui facit hanc artem , quam facit , arte luat.  
 Quem cecini pontus , mea vita , simillima ponto est,  
 Quæq; tulit puppis , illa ego , puppis eram.  
 AEolida magno flantes circum agmine fratres,  
 Sunt animi motus , gens violenta , mei.  
 His ventis , hæc naue , per hæc ego carula currens,  
 Tot sensi humanis rebus inesse vices.

○ fallax nimium mendaci vita sereno,  
Qua nigra de latis tam citò regna facis?  
Nulla deest Venerum tibi copia, nulla leporum,  
Omnia blanditiis, latitijq; fluunt.  
Dum furit intus amor, venisq; agitata libido,  
Triste nihil, fraudem fraude regente, pater.  
Ast modò, cum stygio vitiorum erumpere fluctu,  
Hisq; animum ventis afferuisse lubet;  
Tunc videt, heu! quāto fuerit mens hausta profundo,  
Quoq; gemit, scelerum quā graue sentit onus.  
Atque vitinā! vt, liquidis Pelagi qui mergitur vndis,  
Exerit Oceano terq; quaterq; caput;  
Sic imo scelerum merfus semel aequore mentem,  
Submersas superis tandet ab anne manus!  
Sed velut in tetrum lapsus tulleris hiatus,  
Quem simul & putei tracta ruina tegit;  
Aut gelidas fracto subijt qui marmore crustas,  
Nequicquam obstructo flumine tentat iter:  
Non aliter, prono scelerum qui vortice raptus  
Vix tulit à superis, vnus & alter, opem.  
Aspicias, vt certem pugnantibus, vna, duobus;  
Bella mouente Noto, bella mouente salo? [da,  
Aspicias, vt caput hoc prope mergat & Auster & vn-  
Iamq; necaturas ducere cogar aquas?  
Aspicias hanc animam gemino succumbere fato?  
Nec tua sunt velis astra secunda meis?  
Aspice nec rabido luctantem desere ponto,  
Naufraga nec medio lina relinque freto.  
Tende manum potius misera, Palinure, natanti,  
Et mento digitos subde vocare tuos.

*Non me demergat tempestas aqua, neque  
absorbeat me profundum. Psal. 68.*

Aug. soli-  
loq. c. 354

**Q**UAM diu miser iactabor in fluctibus  
mortalitatis meę, clamans ad te, Domi-  
ne, & non audies? Audi clamantem Do-  
mine de hoc mari magno, & adduc me ad por-  
tum felicitatis æternę. Felices, qui de peri-  
culo maris huius educti, ad te Deum, portum tu-  
tissimum peruenire meruerunt! ô verè felices,  
qui de pelago ad littus, de exilio ad patriam,  
de carcere ad palatium peruenierunt, optatâ  
iam quiete beati! Infelices heu nōs miseri,  
qui per maris huius magni fluctus procellosasq;  
voragine nauim trahimus ignorantes an ad  
portum salutis peruenire valeamus!

Aug. so-  
liloq. c. 37.

Pater misericordiarum, audi eiulatum pu-  
illi tui, & porrige manum tuam, optimam  
adiutricem, vt retrahat me de profundis aqua-  
rum, & de lacu miserie & de luto facis, ne pereā  
vidente misericordiâ oculorum tuorum, as-  
piciente clementiâ viscerum, tuorum, sed  
euadam ad te, Dominum Deum meum.

Chrysost.  
hom. 82.  
in Matth.

Pelagus enim longè lateque protensum  
hec vita; & quemadmodum in mari vniuerso  
sinus diuersi, alijs atque alijs tempestatibus  
cōmouentur præcipue: velut Ægæum ven-  
tis exasperatur; Thyrrenū verò fretum pro-  
pter angustias; Charybdis autem quæ est Li-  
byen versus, propter stagna Syrtis & brenia  
Pontus.



Pontus magnitudine fluctuum atque impetu; Hispanicus Oceanus, quia inuius, carentiâ portuum & locorum ignorantia intricatus difficilis nauigantibus est; similiter alia Pelagi pars, alijs de caussis: sic & in vitâ nostrâ fieri videmus.

*Nauium quoque nomine vita hominū transitoria* designatur: quemadmodum & in Iob. Rupertus lib. 5. in c. 8. Apoc.  
*Dies mei, inquit, transferunt sicut naues, pomae portantes.*

Et huc, illucque *mentis nostrae nauis* impellitur, quia & Paradyfi celsitudinem meminimus, & importunos *tentationum fluctus* ex carne toleramus. Greg. lib. 9. mor. c. 24. in c. 9. Iob.

Quod autem mare abruptius quam scæculum? tam infidum, tam mobile, tam profundum, tam immundorum spirituum flatus procellosum? Ambr. præf. in 4. libr. super Euang. Lucæ.

Quod à diuersis peccatis & varijs *tentationibus*, velut quibusdam fluctibus æstuat, de quo scriptum legimus: *Hoc mare magnum & spatiosum.* Chrysost. hom. 33.

Nolite credere, nolite esse securi; licet in modum stagni fufum æquor arrideat; licet vix summa iacentis elemēti spiritu terga crispentur; magnos hic campus montes habet. Intus inclusum est periculum, intus est hostis. In illo æstu, charybdis luxuriæ salutem rotat. Ibi ore virgineo, ad perpetranda naufragia scylla seu renidens libido blanditur.

Hic Hieron. epist. 1. ad Heliod.

Hic barbarum littus, hic Diabolus pirata,  
cum socijs portat vincula capiendis.

Amb. in  
orationib.

In hoc magno sæculi huius diluuiio, vbi  
circumstantibus procellis non inuenitur fi-  
da statio, & locus eminentior vbi pes co-  
lumbæ aliquatenus valeat requiescere.

Ambr.  
Apolog.  
poster.  
pro Dauid  
cap. 3.

Magnam faciunt tempestatem multitu-  
dines cupiditatum, quæ velut in quodam  
fretio corporis nauigantem hinc atque inde  
perturbat, vt gubernator sui esse animus  
non possit.

Greg. lib.  
11 mor. c.  
23. in cap.  
13. iob.

Mens quippe humana, quot tentationes  
patitur, tot statibus mouetur. Hanc enim  
plerumque ira perturbat; cum recedit ira,  
succedit inepta læticia; luxuriæ stimulis vr-  
getur; æstu auaritiæ longè lateque ad am-  
bienda, quæ terrena sunt, tenditur aliquan-  
do hanc superbia eleuat, aliquando verò in-  
ordinatus timor in infimis deponit.

Aug. med.  
cap. 39.

[Ecce Domine] *Iniquitates meæ supergressæ  
sunt caput meum, & sicut onus graue grauata sunt  
super me. & nisi tu (cui proprium est misereri  
semper & parcere) dexteram tuæ maiestatis  
supponas, mergi cogor miserabiliter in pro-  
fundum.*

Psal. 33.

*Tu dominaris potestati maris, motum autem  
fluctuum eius tu mitigas.*

August. in  
Psal. 68.

Magnus est puteus, profunditas iniquita-  
tis humanæ. Illuc quisque si ceciderit in al-  
tum cadet: metuenda ista res est vehemen-  
ter

ter. Si videris hominem fecisse iniquitatem, merfus est in puteum. Quando autem illi dixeris iniquitatem ipsius, & dixerit: verè peccaui, fateor non super eum clausit puteus os suum. Cùm autem videris eum dicere: Quid enim mali feci? factus est defensor peccati sui; clausit super eum puteus os suum, quâ eruat non habet.

Spes humani generis, CHRISTE, Deus Aug. Soliloq. ca. 33. de Deo, refugium nostrum & virtus, cuius lumen à longè, inter caliginosas nebulas, super maris procellas, quasi stellæ maris radius, oculos nostros irradiat; vt dirigamur ad te, portum. Guberna, Domine, nauim nostram, tuâ dexterâ, clauo crucis tuæ, ne pereamus in fluctibus, *ne nos demergat tempestas aquæ, ne absorbeat nos profundum*; sed vnico crucis retrahere nos ab hoc pelago, ad te solamen vnicum nostrum, quem à longè (quasi stellam matutinam, & solem iustitiæ) vix lacrymantibus oculis in littore cœlestis Patriæ, nos expectantem videmus: exaudi nos *Deus salutis noster, spes omnium finium terræ, & in mari longè*. In mari turbulento versamur; tu in littore stans, aspicias pericula nostræ: *Saluos nos fac, propter nomen tuum*. Da nobis Domine, inter Scyllam & Charybdem ita tendere & tenere medium, vt vtroque periculo euitato, securi perueniamus ad portum.



*Quis mihi hoc tribuat ut in inferno protegas me,  
et abscondas me donec pertranseat furor tuus? Ioh. 4*  
12.



## XII.

Quis mihi hoc tribuat, vt in inferno  
protegas me, & abscondas me, do-  
nec pertranseat furor tuus? *Iob. 14.*

**Q**uis mihi securis dabit hospita tecta latebris?  
Tecta, quibus dextra seruet ab igne tua?

Heu! tuus ante oculos quoties furor ille recurset,

Nulla mihi toties fida sat antra reor.

Tunc ego secretas, umbracula frondea, sylvas,

Lustraq; soliuagis opto relictæ feris.

Tunc ego vel medijs timidum caput abdere terris,

Aut maris exesâ condere rupe velim.

Tunc voueam abstrusâ montis latuisse cauernâ,

Vina sepulcrales aut subijisse domos.

Aut numquam aspectos Phœbo, Phœbeq; penates,

Aut habitasse tuos, nox tenebrosa, specus.

Dum quatit astriferos flammatus Iuppiter orbes

Et iacit accensâ tela trisulca manu;

Tristia, ne noceant, metuehdâ fulmina flammâ.

Daphnide, qui metuit, tempora cincta tegit.

Tu rubra cum torques furibundâ spicula dextrâ,

Nulla iuuant folijs laureaserta suis.

Nulla iuuant tacitis frondosa cubilia syluis.

Sylua tuis oculis omnis & umbra pater.

Clauserat obscura densis se frondibus umbra,

Carpserat arboreas qui malè primus opes;

At ubi vicino vestigia Numine sensit,

Erubuit, luto proditus ipse suo.

Nulla iuuat refugio spelunca immanis hiatu,

Hospita montiuagis lustra nec vlla feris.

Mitra quæ sensit Medus puer antra leonum,

Effera Chaldaeos antra dedere neci.

Nulla iuuant clausis spelæa obscura latebris

Fida nec vmbrarum, senta sepulchra, domus.

Auius occultâ deprendere, Lothe, cauernâ,

Et Cam è tumulo frater humate vocas.

Quid memorem vt tumidâ Ionas se merserit vnda,

Nec mersum stabili texerit vnda fide?

Hauferat immani Ionam quæ bellua ventre,

Innocuo Ionam bellua ventre vomit.

Nulla fides vitreo pelagi, nisi vitrea, fundo;

Pernia perspicuo quid tegat vnda freto?

Nulla fides clausis, Libitina longa sepulchris;

Produntur tumulis ossa sepulta suis.

Nulla fides tacitis, quas vallant saxa, latebris;

Tecta cauerna suo sapè relecta sono est:

Nulla fides nemori, vel opaca frondibus vmbra,

Ambo caduca pars fronsq, nemusq, fide.

Nec mare, nec tellus, neq, lustra, nec antra, nec astra.

Tuta nec illa mihi, quæ super astra, via.

Tu potes hoc tutis solus caput abdere claustris,

Dum tua deposito fulmine dextra vacet.

*Quis mihi hoc tribuat, vt in inferno  
protegas me, & abscondas me, donec  
pertranseat furor tuus? lob. 14.*

**Q**uò ibo à spiritu tuo, & quò à facie tuâ fugiā? Psalm. 138.  
August. in  
hunc lo-  
Quis est locus recepturus fugitiuum  
Dei? homines qui suscipiunt fugitiuos, quæ-  
runt ab eis, à quo fugerint: & cùm seruum  
inuenerint alicuius Domini minùs potentis  
tum sine vllo timore suscipiunt, dicentes in  
corde suo; non habet iste talem Dominum,  
à quo possit inuestigari; cùm autem audie-  
rint Dominum potètem, aut non suscipiunt,  
aut cum magno timore suscipiunt, quia ho-  
mo potens falli nō potest. Vbi non est Deus?  
qui fallit Deum? quem non videt Deus? à  
quo fugitiuum suum non reperit Deus? quò  
ergo ibit fugitiuus iste à facie Dei? vertit se  
huc atque illuc, quasi quærens locum fugæ  
suæ: si ascendero in Cælum, tu ibi es, si descendero in  
infernum ades? Si me extulero, te inuenio re-  
pressorem; si me abscondero, te inuenio in-  
quisitorem. Quò ergo iturus sum, vt à facie  
tuâ fugiam, id est, iratum te non sentiam?  
Hoc consilium: sic fugiam à facie tuâ, sic fu-  
giam à spiritu tuo; ab ultore spiritu, à vindice  
facie, sic fugiam. Quomodo? si recipiam pen-  
nas meas in directū, & habitauero in extremis ma-  
ris. Sic possum fugere à facie tuâ. Mirum si

in extremis maris non est, quinē capud inferos deest:

Hieron.  
lib. 9. in c.  
29. Isaia.

*Va qui profundi es tū corde ut à Domino abscondatis consiliū, quorum sunt in tenebris opera, & dicunt: Quis videt nos? & quis nouit nos? Idcirco arbitrantur Deum sua nescire consilia, quia in tenebris sunt opera eorum, & dicunt, Quis videt nos? & quis nouit nos? non recordantes eius quod ad Deum dicitur: Tenebrae non obscurabuntur à te, & nox sicut dies illuminabitur, & sicut tenebrae eius ita & lux eius.*

Ambr. lib.  
1. de inter-  
pell. Iob  
cap. 3.

Considera illum de quo ait in Ecclesiastico Syrah: homo transgrediens in lecto suo, dicens in animā suā: quis me videt? tenebrae circumdant me, & parietes cooperiunt me, quem vereor? hic qui se existimabat ab eo qui omnia videt, non videri, & tenebris putat commissā sua posse celari, vmbra prætendit, sed frustra latere se credit, cū oculus Domini lucidior sole, occulta omnia deprehendat, tenebrosa illuminet & intimi cordis penerret conscientiam, atque in alta & profunda descendat. Vanus ergo, qui putat tenebris esse se tutum, cū lucem vitare non possis, quæ lucet in tenebris; & tenebrae eam non comprehendunt: quasi fugitiuus itaque & malus mercenarius deprehenditur, & antequam se occultat agnoscitur, quia, Domino omnia antequam erant, cognita sunt, non solum quæ facta; sed etiam quæ futura sunt.

Hoc



Hoc errore decepti Adam & Eua, audiē-  
tes sonitum peditum deambulantis in Pa-  
radyso Dei, absconderunt se sub arbore.

Hieron.  
lib. 9. in e.  
29. Isaiz.

Primus [itaque] homo post culpam, in-  
ter arbores Paradyfi, absconsus inuenitur.

Greg. lib.  
33. mor.  
cap. 3.

Sic habes Adam abscondentem se, vbi  
Deum cognouit esse præsentem, & quasi  
tum latere voluisse, & vocatum à Domino  
eâ voce quæ latentis morderet affectum,  
hoc est, *Adam vbies?* hoc est; cur te abscon-  
dis? cur lates? cur fugis eum quem videre de-  
siderabas? Ita grauis culpa est pœnitentiæ,  
vt sine iudice, ipsa se puniat, & velare se cu-  
piat, & tamen apud Deum nuda sit.

Ambr. lib.  
2. de pœni-  
cap. ult.

Quò te [Adam] duxerunt peccata tua, vt  
fugas Deum tuum, quem ante quærebas?  
Timor iste culpam fatetur, latebra præuari-  
cationem.

Ambr. lib.  
de Parady-  
lo cap. 14.

Cain quoque dicens: *si eijcis me hodie, à fa-  
cie tuâ abscondar*, simili stultitiâ Deum arbi-  
tratus est ignorare. Et per Amos de impijs  
& peccatoribus dicitur: *si absconderint se ab o-  
culis meis in profundo maris, ibi mandabo draconi;  
& mordebit eos.*

Hieron.  
lib. 9. in e.  
20. Isaiz.

[Et tu] quò fugis Propheta [Iona?] non  
audisti quod Dauid ait: *quò ibo à spiritu tuo, &  
quò à facie tuâ fugiam?* In terram? sed Domini  
est terra & plenitudo eius. Ad inferos? & ibi  
virtus tua non deerit. Ad Cælum? ibi quo-  
que te esse cognosco. In mare? & eò tendit

Chryso-  
stom.  
de  
Ionat.

dextera tua. Cùm nauim spisset ingressus  
turbantur maria, fluctus eleuantur, & pro-  
fundi pelagi arena monstratur; & sicut fi-  
dele mancipium, cùm seruum fugâ lap-  
sum, (nonnullis etiam communi Domino  
preciosis ablatis) omni animositate, contra  
eius retentores insistit, nec antè derelin-  
quit, nisi eum præsentauerit Domino; sic &  
mare, conseruum agnitum, non alieno pa-  
trociniò, nullius postulato subsidio, sed  
propriâ virtute commotum, vt sibi reddere-  
tur, exposcit.

Pauli. cor.  
ad Cythe-  
rium.

Nam qui putârat per mare euadi Deum

Et naui celari, Deo,

Nunc iste & intra belluam mersam mari,

Adesse sensit arbitrum.

O digna sancto claustra fugitiuo Dei!

Capitur mari quo fugerat;

Altumq; vaste missus in ventrem fera,

Viuo tenetur carcere.

De naue iactus perit & vndis nauigat

Exul soli & hospes soli.

Spatiaturo antro belluini corporis,

Captiuus & liber reus.

Isaia 2.

Ingredere in petram, abscondere in fossâ humo, à  
facie timoris Domini, & à gloria maiestatis eius.

Tomo 9.  
Hier. ep.  
ad Amic.  
In scientiâ  
diuinâ  
legis.

Si [enim] umbrato repente Cælo solis  
claritas nostris aspectibus denegetur, & pro-  
ductis in nostram humilitatem nubibus,  
pluriâ terris immineant; si commotis, vt  
asso-

affolet, elementis, in rotam sui currus tonitrua concitentur, & hinc, indè fulgurum iacula, palpebris terribiliter obiecta corruſcent, (quamquam & conſuetudine illâ contingant) pauemus, contremiſcimus, & proni ad terram, depoſitâ ſuperbiâ, ceruices ſubmittimus: quid faciemus in illâ die miſeri, quando reuoluto Cœlo, cum Angelicis virtutibus, igneus Dominus, totus adueniet? quando cadentibus de ſuper ſtellis, ſol in tenebras, & in ſanguinem luna mutabitur? quando montes ſicut cera liqueſcent, quando terra ardebit, & areſcent flumina, & maria ſiccabuntur, & contra rerum naturam conſumptio diuinitus humore, ariditatem in aquis ignis operabitur? Quando peccatores dicent montibus, *Cadite ſuper nos, & collibus, Tegite nos*: quando vocabunt homines mortem, & vocatâ non veniet; quando diſcrimina vertentur in vota, & quod ſemper oderunt homines, concupiſcent?

*Eſto mihi [Domine] in Deum protectorem & Aug. in*  
*in domum refugij domus refugij, tu mihi eſto, Pſalm. 306*  
 Deus protector, domus refugij. Quò fugio? ad quem locum tutus fugio? ad quem montem? ad quam ſpeluncam? ad quæ tecta munita? quam arcem teneam? quibus muris ambiar? quocumque iero, ſequor me. Quicquid enim vis, potes fugere, homo, præter conſcientiam tuam. Tu mihi eris domus

refugij, ad te confugio, nam à te, quò fugiam? Quocumque iero, ibi te inueniam; & si irasceris, ultorem te inuenio; si placatus es, adiutorem. Nihil mihi ergo restat, nisi ad te fugere, & non à te. Vt euadas hominem Dominum, quicumque seruus es, fugis in ea loca, vbi non est Dominus tuus, vt euadas Deum, fuge ad Dominum; nam non est quò fugias Deum; præstò sunt omnia & nuda Omnipotentis oculis.





## XIII.

Numquid non paucitas dierum  
 meorum finietur breui? dimitte  
 ergo me, vt plangam paululùm  
 dolorem meum. *Iob. 10.*

**S**ilicet, in magno cupis hoc me ponere lucro,  
 Addita quod vitæ pars quotacumque mea.  
 Si numerata forent aliquot mihi lustra, vel anni,  
 Muneris hic poterat nomen habere fauor:  
 Stamina sed breuibus tunc xisse fugacia filis;  
 Obsecro, dic, pauci quantula summa, dies?  
 Nempe ita, qui vitam modò ducere cœperit infans,  
 Dicitur moriens, occubuisse senex,  
 Sic sua nonnullis descripta est vermibus atas,  
 Vna quibus brevis est, integra vita, dies.  
 Sic aliquis numerat celeres sibi flosculus horas.  
 Natali tumultant quem sua fata die.  
 Floscule mane puer, mediâ vir, floscule, luce;  
 Floscule, sub noctem, Sole cadente, senex.  
 Sic orerisq; vno morerisq;, ô floscule, Phœbo;  
 Vno sisq; puer, virq;, senexq; die.  
 Staret adhuc volucrum saltem rota lenta dierum,  
 Hora nec admissis qualibet iret equis;  
 Vermiculi canerent; tot plenis viximus horis;  
 Flosculus, & totidem, diceret, herba sui.  
 Sed tempus rapidis volat irreparabile pennis,  
 Fluminis inq; modum, lubricus annus abit.

Men-

Menstruus impulsis rapitur quoque solibus orbis,  
Et fugiunt, nullo frana tenente, dies.  
Denique precipitis rota concita vertitur hora,  
Nec remeare potest, qua semel hora fuit.  
Inuida res, tempus; sua se per puncta trucidat;  
Se pariter fugiens, se pariterq; sequens.  
Qualis teda suo se flammea funerat igne,  
Qua sibi fatalem congerit ipsa rogum.  
Sic redit in proprium saeculorum circulus orbem,  
Flectitur inq; suas annua meta rotas.  
Non fuit antiquus male prodita fabula chartis,  
Qua genitor sobolem commoluit ore suam:  
Nempe vorax annos mensesq; interficit auum;  
Seq; fluendo parit; seq; fluendo necat.  
Hora diem, mensemq; dies depascit eundo,  
Bis-senisq; senex mensibus aunus obit.  
Annus obit, mensesq; diesq; horaq; recedunt,  
Et suus in se iterum tempora gyrus agit.  
Ergo meo exiguum spatium concede dolori,  
Non nisi concesso tempore fata querar.  
Non ego supremis tempus mihi risibus oro,  
Non facit ad risus resve, locusve meos.  
Pro lacrymis spatium, spatium pro planctibus opto,  
Hac mihi tantilla, quam peto, caussa mora est.  
Ite igitur magnis, lacryma, mea flumina riuus;  
Ite, ferite truces ora sinumq; manus.  
Ite per os lacryma, sauite in pectora palmae;  
Pars bona, dum statis, temporis, ecce fugit.  
Sentio, eunt lacrymae; repetuntur, sentio, planctus;  
Iam fleui & planxi, sistite; iam satus est.

Num-

*Numquid non paucitas dierum meorum  
finitur breui? dimitte ergo me, vt  
plangam paululum dolorem meum.*  
Iob. 10.

**Q**UID in hoc mundo stabile, quid pe- Chrys. ep.  
ad Theo-  
dor. Mon.  
tom. 5.  
renne? Audi cuiusdam venerabilis viri  
vocem: *Tempus*, inquit, *vita mea leuius cursori-*  
*bus fuit.*

Cum enim primum homo peccauit, æ- Hieron.  
ep. 21. ad  
Paulam.  
ternitas mortalitate mutata est, in nongen-  
tos & amplius annos; exinde paulatim re-  
crudescente peccato, in breue tempus, ho-  
minum vita contracta est.

*Breuis dies hominis sunt; numerus mensium* Iob. 14.  
*eius apud te est: constituisti terminos, qui præteriri*  
*non poterunt.*

Quare cautum se ac sollicitum viuere Greg. lib.  
9 mor. c.  
44. in cap.  
Iob.  
ostendit, qui breuitatem præsentis vitæ  
considerans, non eius vsum sed, terminum  
conspicit; vt ex fine colligat nihil esse quod  
transiens delectat. Hinc namque per Sa-  
lomonem dicitur, *Si annis multis vixerit ho-*  
*mo, & in his omnibus latatus fuerit, meminisse*  
*debet tenebrosi temporis & dierum multorum; qui*  
*cum venerint, vanitatis arguetur præterita.* Igitur  
cum culpa animum tentat, mens necesse est,  
vt breuitatem suæ delectationis aspiciat; ne  
ad

ad viuacem mortem iniquitas rapiat, cum constet quod ad terminum citius mortalis vita percurrat.

Greg. lib.  
7. mor.  
cap. 20.  
in cap. 6.  
Iob.

Sæpè etenim dum præsentis vitæ breuitas, quasi diu perseueratura diligitur, ab æternâ spe animus frangitur, & delectatus præsentibus, desperationis suæ caligine reuerberatur.

[Sed] sancti viri, quia breuitatem vitæ indefinenter aspiciunt, quasi quotidie morientes viuunt, & tantò se solidius mansuris præparant, quantò & nulla esse transitoria semper ex fine pensant. Hinc quippe Psalmista, veloci cursu fugere vitam peccatoris aspiciens; ait: *Pusillum adhuc, & non erit peccator.* Hinc iterum dicit; *Homo, sicut fœnum, dies eius.* Hinc Isaias ait. *Omnis caro fœnum, & omnis gloria eius, sicut flos agri.*

Aug. in  
Psal. 102.

Attendat quid sit homo; non superbiat: *homo tamquam fœnum dies eius.* Quid superbit fœnum, ad tempus modò florens, post paululum arescens? Quid superbit fœnum ad tempus vicens, & hoc ad paruum tempus donec sol candescat? *Sicut flos agri ita effloret.* Quàm exiguo tempore transeunt flores? & hoc est pulcrum in herbis! Hoc quod valde pulcrum est, hoc citò cadit. *Omnis caro fœnum.* Et claritas luminis vt flos fœni: fœnum aruit & flos decedit.

*Quasi flos egreditur & conteritur.*

Quid

Quid enim sunt nati homines mundo, <sup>In idem cap. 14. Iob. Gregor.</sup> nisi quidam flores in campo? tendamus oculos cordis, in hanc latitudinem mundi præsentis; & ecce quasi tot floribus, quot hominibus plenus est: vita itaque in carne, flos in sæno est. Homo etenim more floris procedit ex occulto, & subito apparet in publico; qui statim ex publico per mortem retrahitur ad occultum. Carnis nos viriditas ostendit, sed ariditas pulueris ab aspectibus retrahit, quasi flos apparuimus, qui non eramus; quasi flos arefcimus, qui temporaliter apparebamus.

[Imò] quid ab his bestiolis distamus, <sup>Isidor. Clarius orat. 10. de morte.</sup> quas ferunt apud Hypanim fluuium (qui ab Europæ parte in pontum influit) nasci atque vnum diem viuere? sicut ergo ex his ea quæ octauâ horâ mortua sit, prouectâ esset ætate mortua, quæ verò occidente sole, decrepita, eò magis si etiam solstitiali die, sic si longissima ætas, cuiusvis hominis confertur cum æternitate, in multo minore breuitate, quàm illæ bestiolæ reperiemur.

— — Quid enim, mihi dicito, longum

Hæc mortalis habet fatog, obnoxia vita?

Tenes diem istum? si renuisti heriternum, tenes & hodiernum: sed heriternum inquis, non teneo, quia iam nō est, istum autem teneo in quo sum, & qui mecum est. Itæne? de isto excidit tibi iam quantum à primâ luce

H

trans-

Nazianz.  
in præcept.  
ad Virg.  
nes.  
August. in  
Psalm. 38.



transierit. Nōne iste dies à primâ horâ cō-  
pit? Da mihi primam horam eius: Da mihi  
& secundam eius, quia & fortè ipsa transuo-  
lauit. Tertiam, inquis, dabo tibi, fortè enim  
in ipsâ nunc sumus: Certè ergo sunt isti dies,  
& est tertia dies; & si tertiam dabis, nō diem  
sed horam dabis. Verumtamen ne hoc qui-  
dem tibi concedo, si mecum utcumque ista  
transiisti. Da mihi vel horam tertiam, ipsam  
mihi da in quâ es. Si enim aliquid eius iam  
præterijt: & aliquid eius adhuc restat; nec  
quod præterijt aliquid mihi potes dare, quia  
iam non est; nec quod restat, quia nondum  
est. Quid mihi de horâ istâ quæ nunc per-  
agitur dabis? quid de illâ mihi dabis? Cui  
committam hoc verbum, ut dicam, est. Cum  
dicis ipsum est; certè vna syllaba est, & mo-  
mentum vnum est, & tres litteras habes in  
ipso ictu. Ad secundam huius verbi litteram  
non peruenis, nisi prima finita fuerit. Ter-  
tia non sonabit, nisi & cum ipsa secunda  
transierit. Quid mihi de hac vnâ syllabâ da-  
bis, & tenes dies, qui vnâ syllabam non te-  
nes? momentis transuolantibus cuncta ra-  
piuntur. Torrens rerum fluit. Isti ergo dies  
non sunt, antè abeunt penè quàm veniunt,  
& cum veniunt, stare non possunt. Iungunt  
se, sequuntur se, & non se tenent.

Iob. 7.

Greg. lib.  
8. mor. c.

Par. e mihi Domine, nihil enim sunt dies mei.  
[Hinc] sancti viri, præsentis vitæ dies, ni-  
hil

hile esse conspiciunt, quia illuminatæ mentis oculos in considerationem æternitatis figunt. 20. in Iob.

Per horarum [namque] momenta crescimus atque decrescimus, nec in eodem manemus statu. Ipsum quoque quod loquimur, dictamus & scribimus, de vitæ nostræ parte præteruolat. qui dudum infans, subito puer; qui puer, repente iuuenis; & vsque ad senectutem per spatia mutatur incerta; & antè, se senem intelligit, quàm iuuenem non esse miretur.

Hieron.  
lib. 11. in  
cap. 40.  
Isaia.

[Denique] quicquid temporis uiuitur, de spatio viuendi demitur, & quotidie fit minus, minusque quod restat; ut omninò nihil aliud sit tempus vitæ huius, quàm cursus ad mortem, in quo nemo vel paululùm stare, nec aliquando tardiùs ire permittitur, sed omnes urgentur pari motu, nec diuerso impelluntur accessu: neque enim cui vita breuior fuit, celerius diem duxit, quàm ille cui longior. Vnde ex quo homo cæpit esse in hoc corpore, in morte est. Quid enim aliud, diebus, horis, momentis que singulis agitur, donec ea consummata mors, quæ agebatur, impleatur, & incipiat iam tempus post mortem, quod cum vita detraheretur, erat in morte.

Aug. lib. 7.  
de ciuitate  
Dei, c. 10.

Benè itaque dicitur, *Dimitte me, ut plangam paululum dolorem meum.* Quia nisi à rea-

Greg. lib.  
17. mor.  
cap. 49.

tu culpæ, quo nos ligauimus, misericorditer dimittemur, perfectè flere non possumus, hoc quod in nobis ipsis, contra nosmetipsos dolemus: sed tunc veraciter reatus nostri dolor plangitur, cum tenebrosa illa inferni retributio, intento timore præuidetur.

Greg. lib.  
9. mor.  
cap. 44.  
in cap. 10.  
Iob.

Sed sicut moderata afflictio lacrymas ex-  
primit, ita immoderata subducit; quâ mœ-  
ror ipse quasi sine mœrore fit, qui afflictî  
mentem deuorans, sensum doloris tollit;

Ibid,

Sæpè namque peccator iniquitatis suæ  
vinculis ita constringitur, vt pondus qui-  
dem peccatorum toleret, sed tamen, quia  
tolerat, ignoret. Sæpè autem si cognoscat,  
quanto reatu premitur, erumpere in lacry-  
mas conatur, & non potest, vt hunc in se  
mente liberâ, & conuersatione integrâ per-  
sequatur. *Flere ergo dolorem suum* non valet,  
qui & iniquitatis suæ reatum considerat, &  
tamen præ terrenæ occupationis pondere,  
hunc & gemere nequaquam vacat: *flere dolo-  
rem suum* non valet, qui primæ quidem  
consuetudini contraire nititur, sed tamen  
adhuc succrescentibus desiderijs carnis gra-  
uatur. Huius doloris præsentia Prophetæ  
mentem cruciauerat, cum dicebat, *Dolor  
meus contra me est semper, quoniam iniquitatem  
meam ego pronuntiabo, & cogitabo pro peccato  
meo.* Tunc igitur ad plangendum dolorem nos  
Dominus dimittit, cum & mala nobis, quæ  
feci-

fecimus demonstrat, atque adhæc eadem  
flenda quæ cognoscimus, adiuuat.

*Hoc solum ergo Domine, præsta, quod deprecor:* Iudic. 11.  
*Dimitte me, vt duobus mensibus circumeam mon-*  
*tes, & plangam cum sodalibus meis.*

Sexaginta dies plangere nobis demon- Chrysost.  
strat planctum præsentis vitæ, dicente Do- hom. de  
mino: *Beati qui lugent, quoniam ipsi consolabun-* Iephre.  
*tur.* Desertum ergo plangimus huius mun-  
di (desertum enim dicitur res vbi non ma-  
netur) quia ergo hîc non permanetur, de-  
sertum dicitur. Plangendum est ergo in vitâ  
istâ caducâ, ruinis plenâ, casibus obuolutâ;  
vt cùm plangimus, suscipiat Dominus im-  
molationem animæ nostræ.





*Vitam sapient et intelligerent ac novissima  
providere ! Deuteron . 32.*



## XIV.

Vtinam saperent, & intelligerent,  
ac nouissima prouiderent!

*Deut. 32.*

**P**Rô pudor! vsque aded est homini mens cæca fu-  
turi;

*Vt nisi qua videat, nulla pericla putet?*

*Scilicet hoc sapere est, tantum præsentibus angi,*

*Nec præcul aspectis consuluisse malis!*

*Ante tubas, Miles, dicto parat arma duello;*

*Cum sonuere tubæ, seriùs arma parat:*

*Nauiæ, quas captat, præsagus prospicit auras,*

*Anchora veluolum nec remoratur iter:*

*Quas veniente metet segetes æstate colonus,*

*Credidit excultis, antè, colonus agris.*

*Prouida quin etiam metuens formica senectæ,*

*Vectat in annonam paucula farra suam.*

*O quid agis, gens euentus, ignara futuri?*

*Tempora, quæ veniunt postuma, nulla times?*

*Stamina perpetuo fors nent adamantina filo,*

*Aut cessant triplices voluere pensa colus?*

*Falleris; ah! nulli datur has placasse sorores;*

*Vna licet parcat, de tribus, vna secat.*

*Fœdera fors pacto sanxere perennia clauo,*

*Concordes stabili vitæ<sub>3</sub> morsq<sub>3</sub> fide?*

*Falleris, ah! nimium tibi pacta fauentia fingis;*

*Non seruant yllam vitæ<sub>3</sub> morsq<sub>3</sub> fidem.*

Antè, niuem fidis lambent incendia flammis  
 Iuraq; foedifragis sanciet Auster aquis.  
 Antè, dies nocti pacem nox antè, diei  
 Sernet, & infestis accubet agna lupis.  
 Omnia letifero latè Mors subiugat arcu,  
 Quidquid & hoc Phœbi vescitur igne necat.  
 Nemo venenata vitavit arundinis ictum,  
 Omnis ab hâc cernix, cuspide, vulnus habet.  
 Hîc teneros Matrum capit inter brachia, natos,  
 Aut cunas, tumultum, cadê recente facit.  
 Hîc pueros, alibi configit arundo puellas;  
 Hîc iuuenes; illic funerat illa senes.  
 Stataq; iam nullo discrimine, funera miscet  
 Militis atque Ducis corpora mixta iacent.  
 Nec micat auratâ tibi Cræse cadauer arenâ  
 Pulcrior aut tuus est, pulcra Rebecca, cinis,  
 Aspice, quid cineres sit Caesaris inter & Iri?  
 Omnibus en color est vnus, & vnus odor.  
 Quid iuuat his igitur tantum confidere rebus,  
 Ceu lethi imperio vita soluta foret?  
 Stat sua cuique dies, depleto ferrea fuso,  
 Serius aut citius quemlibet vrna vocat.  
 Cogimur huc omnes, huc summus & infimus ordo,  
 Ibumus, emenso tempore quisque suo.  
 Actum si vacuas animus simul iret in auras,  
 Vt vapor in nebulas extenuandus abit!  
 Morsq; foret nostræ quoque metæ nouissima vita,  
 Mors simul amborum corporis atque animi:  
 Quàm bona mors esset posituris morte dolores,  
 Quos noua post vitam, vitæ morsve daret?

Qui-

Quilibet extremam latus properaret ad horam,  
Et puto, viuendi vix superesset amor.  
Sed dolor, heu! non est mors vltima linea rerum,  
Non necat hic animum qui cremat ossa rogas.  
At postquam è terris animo exhalata recessit,  
Iudicis extemplò sistitur ante pedes.  
Ille sedet iustumq; & inexorabile Numen,  
Flammaq; sunt oculi flammaq; fulua caput.  
Illa (tremens, metuensq; oculos attollere Cælo:)  
Dura catenatâ vincula mente gerit.  
Ille sinus animi, fibrasq; introspicit omnes,  
Quodq; latet tacitum nocte fauente nefas.  
Illa scelus; conuicta, suum pudibunda fatetur.  
Nec videt, effugio, quem petat, esse locum.  
Ille simul Iudex, testis simul, & simul actor,  
Comperiti statuit criminis esse ream.  
Illa memor nullis hanc flecti questibus aulam,  
Heu! frustra effusis se sepelit lacrymis.  
O, quis tunc animæ sensus, quæ cura relicta,  
Nullus vbi pro se, iure patronus agit!  
Nempe vocat montes & inhospita culmina, cautes,  
Antraq; queis trepidum condant operata caput.  
O Anima! ô Iudex! ô non placabilis vrna!  
Quis secum hæc meminit, nec citò dirigit?  
Sed nondum hoc tanti clauduntur sine dolores;  
Altera adhuc restant, vitaq;, morsq; super:  
Vita perennanti quæ secula protrahet æuo,  
Mors longa extremum non habitura diem.  
Ab quibus, ab quantū laniabitur hæc tormentis!  
O quibus, ô quantis affluet illa bonis!

*Illa, suas pascit Divino nectare mentes;  
Hæc, miscet liquidâ pocula plena pice.  
Illa, Chely Angelicâ vel gutture carmina fundit;  
Hæc, gemit horrendis exululata sonis.  
Illa, agit æternas cælo plaudente, choreas;  
Hæc, salit ad colubros sæua Megera, tuos.  
Illa, nec æstivis, gelidis nec aduritur astris;  
Hæc furit immitis igne gelug, vadi.  
Illa, per ætherios agit otia mollia campos;  
Hæc, agit æterni triste laboris opus.  
Illa dolorum expers, mala nulla, nec aspera sentit;  
Hæc, patitur dirum quidquid Auernus habet.  
O felix opibus, felix tot vita triumphis!  
O grauis, ô tantis mors metuenda malis?  
Vel tua, vel tua, nos dubio manet alea iactu;  
Alea, non aliâ proyicienda vice.  
Ah subeant vestri gemine sic pectora cura,  
Vt semel alterius fors obeunda cader!*

*Vtinam saperent, & intelligerent, ac  
nouissima prouiderent. Deut. 32.*

**O** GENS sine consilio & sine pruden- Bonau.  
opusc. de  
contemp.  
sæculi.  
tiâ! *Vtinam saperent, & intelligerent, ac  
nouissima prouiderent!*

*Saperent*, damnatorum multitudinem;  
saluatorum paucitatem, & temporalium  
rerum vanitatem.

*Intelligerent*, tria; scilicet peccatorum mul-  
titudinem, bonorum omissionem, & tem-  
poris amissionem.

*Prouiderent*, tria; scilicet mortis periculum,  
extremum iudiciũ, & æternũ suppli-  
cium.

Sed oculos non vis habere nisi in præsen- August. in  
Psal. 48.  
tia.

Peruersa quippe anima rebus præsentibus D. Greg.  
hom 39.  
in Euang.  
dedita, in terrenis voluptatibus resoluta, ab-  
scondit sibi mala sequentia, quia præuidere  
futura refugit, quæ præsentem lætitiã per-  
turbant; dumque in præsentis vitæ oblecta-  
tionibus se deserit, quid aliud quàm clausis  
oculis, ad ignem vadit, & indè dicitur per  
Paulum: *qui gaudent tamquam non gaudentes sint;*  
quia etsi quæ est præsentis temporis, ita est  
agenda lætitiã, vt nunquam amaritudo se-  
quentis iudicij recedat à memoriã; quatenus  
dum mens pauida extremæ ultionis timore  
transfi-



transfigitur, quantum tunc praesens laetitia, tantum post, ira subsequens temperetur: si extrema mala nostra formidolosè & indefinenter aspiciamus; iuxta hoc quod per quemdam sapientem dicitur: *In omnibus operibus tuis memorare nouissima tua, & in aeternum non peccabis.*

Speculo  
pec. cap. 5.  
Tom. 2.  
Aug.

Sed quæ sunt nouissima tua, quæ providere sollicitè debes? summa totius providentiæ est, utique illa terribilis horâ, in quâ, misera anima tua, ex hoc corpusculo corruptibili timens est egressura, in illâ nimis metuenda extremâ horâ; quis amicorum, quis parentum tuorum veniet cum gladijs & armis auxilium ferre? Non enim erit tunc, qui consoletur te ex omnibus charis tuis, respicientibus etiam ad auxilium & adiutorium hominum; sed refugium tuum tantummodo est apud Deum. Reduc ergo fili mi, sedulus in memoriam illum extremum exitus tui diem, & ante quam misera anima tua, de carcere carnis exeat, provideat, quò vadat. Quando enim homo fit non homo, hoc est quando aegrescit; aegrotando aegritudo crescit; peccator expauescit; cor contremiscit; caput obstupescit; sensus evanescit; virtus exarescit; vultus pallefcit; facies nigrescit; oculus tenebrescit; auris surdescit; nasus putrescit; lingua fatiscit; os obmutescit; corpus tabescit; caro marcescit. Tunc carnis pulcritudo

do fœtor efficitur, & putredo tunc soluitur  
in cinerem, & vertitur in vermem.

*Post hominem vermis, post vermem fœtor &  
horror:*

*Sic in non hominem vertitur omnis homo.*

Age iam, cùm ad illud vltimum Iudicium Prosper  
lib. 3 de  
vitâ con-  
templat.  
venerimus, ab eo Iudice iudicandi, qui nec  
falli occultatione criminum potest, nec ad  
impunitatem promerendam muneris alicuius  
oblatione corrumpi, cùm cœperint omnium  
secreta reuelari, & non solum actus ac  
verba, sed etiam ipsæ cogitationes ostendi;  
quid faciemus sub tanti Iudicis maiestate?  
quid excusationis obtinere poterimus, quâ  
nos defensionis arte purgabimus? quâ nobis  
subuentura est pœnitentia, quam in hâc  
carne cōtemplimus? quâ nos defensura sūt  
opera bona, quæ in hâc vitâ non fecimus? ad  
quos Apostolos, aut ad quos alios Sanctos  
confugituri sumus, quorum exempla simul  
ac verba despexerimus. An fortè aliquos ibi  
fragilitas corporis excusabit? sed excusationi  
eorum reclamabunt omnia sanctorū exempla,  
qui cum fragilitate carnis, in carne vincentes,  
quod fecerunt, vtrique fieri posse, docuerunt.  
Quid ergo respōsuri sunt, si eis Dominus  
dicat; si potuistis, quare non restitistis  
desiderijs peccatorum? si non potuistis, quare  
meum, contra peccata, non quæstistis auxilium?  
Nonne ad hæc obmutescantibus &  
quid

quid excusationis referant non habentibus, dicit: *Ligate eos manibus & pedibus, & mittite in tenebras exteriores, ubi erit fletus & stridor dentium, ubi vermis eorum non morietur, & ignis eorum non extinguetur.* Hęc & his similia libenter audire vel legere, iugiter ante oculos mētis adducere; cogitare, quale malū sit, ab illo gaudio diuinæ contemplationis excludi; beatissimā Sanctorum omnium societate priuari; fieri patriæ cœlestis extorrem; mori vitę beatę; morti viuere sempiternę; in æternum ignē, cum diabolo & angelis eius expelli, ubi sit mors secunda, damnatis exilium, vira supplicium; non sentire in illo igne quod illuminat, sentire quod cruciat; exundantis incendi; terribiles crepitus pati? barathri fumantis amatā caligine oculos obcęcari; profundo gehennę fluctuantis immergi; edacissimis in æternum dilaniari vermibus, nec finire: hac & multa similia cogitare, nihil est aliud, quàm virijs omnibus repudium dare, & omnia blandimenta carnalia refrenare.

Cap. 7.  
Speculi  
peccat.  
rom. 9.  
Aug.

Attende ergo, in illā terribili horā de quā loquimur, misera peccatoris anima. Quando de mundo exitura & itura es; aderunt mox ministri, maligni illi scilicet diaboli, illa verē tartarea monstra velut leones rugientes vt rapiant prædam, tunc horribilia patebunt loca pœnarum, chaos & caligo tenebrarum, horrorem, miserię & tribulationis; tremor

tremor, timor angustię & confusionis; dolor horrendę visionis; tremor tremendę mansionis; locus flentium, vbi stridor dentium, vbi morsus vermium, vbi clamor dolētium, vbi luctus gementium, vbi est vox clamantium peccatorum & dicentium; *Va, va nobis filij Eue?* quid tunc proderit scientię iactantia, sæculi pompa, mundi vanitas, terrenę dignitatis cupiditas?

Dic mihi, vbi tunc amatores mundi, qui ante pauca tempora nobiscum erant? ex eis remansit nisi cineres & vermes. Attende diligenter, quid sunt, quid fuerunt? homines fuerunt sicut tu, comederunt & biberunt, tiserunt, duxerunt in bonis dies suos, & in puncto ad inferna descenderunt.

[Imò] molius educata corpora grauius fœtent post mortem.

*Aspera non Cyris, non Cræsis Parca pepercit,*

*Hicq; etiam, nuper sub quibus orbis erat.*

*Te quoque, Alexander, victor grassate per orbem,*

*Perdidit immodici copia sumpta meri.*

*Inter defunctos, quidnam est discriminis? Ossa*

*Et cineres Iri, tantalidisq; pares.*

*Par Constantino famulus meus (hic ego tantum*

*Excipio tumulum) diues, inopsq; pares.*

*Atque hic ista quidem. At alio qua condit in auro,*

*Vltima lux prauis, quis memorare queat?*

*Horrida flamma, grauis caligo à luce remotis,*

*Vermis, qui memores criminis esse facit.*

Non

Bern. lib.  
med. c. 20

Petrus  
Dam.  
epist. ad  
Blancam.  
cap. 30.  
Nazian.  
de externi  
hominis  
utilitate.

*Non natum esse, tibi melius, scelerate, fuisset,  
 Aut natum, prorsus more perire fera,  
 Quàm mala torpassum in terris, saeuosq; dolores,  
 Post grauiora iterum, tempus in omne pati.  
 Atque vitam matris memors rapuisset in aluo!  
 Nam tenebra nato, mox mihi fletus erat.*

Aug. Soli-  
 loq. cap. 3.

Ergo, ô anima, siue vigiles, siue dormias,  
 semper in auribus tuis illa horribilis tuba re-  
 sonet: *Surgite mortui, Venite ad iudicium.* O a-  
 nima nunquam excidat à tuâ memoriâ: *Ite*  
*maledicti in ignem aeternum: Venite benedicti, per-*  
*cipite Regnum.* O quid potest lamentabilius  
 & terribilius cogitari quàm *Ite?* & quid de-  
 leabilius exprimi quàm *Venite?* duæ sunt  
 voces, quarum nihil horribilius vnâ, & nihil  
 iucundius alterâ poterit audiri.





## XV.

Defecit in dolore vita mea, & anni  
mei in gemitibus. *Psal.* 30.

**H**oc erat ergo meis dominans Natalibus astrū,  
Ut mihi lux faustā nulla rediret aue!  
Quā levis optati me temporis aura sefellit;  
Dum toties repeto; Crastinus albus erit.  
Nec tamen albus adhuc mihi crastinus ille reluxit;  
Quin, qui praterijt proximus, ater erat.  
Credideram alternos vite succedere casus.  
Inq̃, vices latē cedere mœsta locum.  
Vtq̃, serenato detergis nubila cœlo,  
Cum reuehis clarum Cynthia pure diem;  
Vtq̃, maris reparas fugitivos, Cynthia, fluctus,  
Cum tingis refluo litora sicca salo;  
Sic ego venturi non felix temporis augur,  
Omnia pro votis rebar itura meis.  
At mea, quā dispar, quantog̃, senerior illis,  
Quas dat nupta viro, tristitia est lacrymis!  
Coniuge defuncto, bis denis mensibus, vxor  
Sola domi queritur, coniugis orba, necem.  
Post decimum finitur lugubria ponere mensem,  
Et peplum niueā vertere triste togā.  
Quis mihi transactus semel est sine luctibus annus?  
Quis vacuus mensis? quis sine nube dies?  
Nulla meis lex dat finēve, modūve querelis;  
Sed parit assiduus se, velut Hydra, dolor.

Et planctu & lacrymis, gemituq; absunitur omnia,

Ipsaq; pars minima est vita caduca, sui.

Sapè quidem rabidis sunt aquora turbida ventis,

Sed brevis est, quoties magna procella furit:

Quasq; rapit sylvis bruma inclementia frondes,

Compensant viridi tempora verna comâ:

Et Notus obscuris quoties tegit æthera nimbis,

Latior innubi mox redit ore dies:

At mihi perpetuos contexunt funera luctus,

Dempta nec est vlllo synthesis atra die.

Mœstaq; nec seculo cessavit tibia cornu,

Pectus, ebur, pugni, plectra; querela, fides:

Hâc cytharâ, soles; hoc transigo pectine, noctes;

His fidibus, vita tempora fallo mea.

O quoties vecto suspiria pectore rupi,

Cum cuperem tacito mergere verba sinu!

O quoties, lux quanta fuit, fuit acta querelis.

Lunaq; quanta fuit, planctibus acta fuit!

Ne gemerem, memini, toties monuisti amici,

Multaq; ne gemerem credite, facta mihi.

Libera latitiae suasistis frena remitti,

Illis: d' latitiae libera frena dedi.

At vbi singultum compescere risibus opto,

Risibus, heu, gemitus obstrepuere meis!

Sapè, volens placidas somno traducere noctes,

Perpetuè vigiles obruor imbre genas;

Dumq; diu nimium violentos comprimo fletus,

Heu, mare perruptis effluit aggeribus!

Flumina, vos testes, vos nota cubilia, sylva,

Vosq; caua valles, conscia vosq; iuga;

Vostestes, quoties suspiria vincere tentans,  
 Victa, reluctanti murmura cordi dedi.  
 Quin etiam auditis permota vlulatibus Echo;  
 Questibus audita est aggemuisse meis.  
 Tunc ego, tunc illa, alternis dedimus lamenta,  
 Fleuimus inq; vices, planximus inq; vices.  
 Vt Pandionia sibi dant responsa sorores,  
 Cum casum, thalami labe queruntur Itryn;  
 Et sedet hinc Progne ramo miserabile plorans,  
 Et sedet inde suum flens Philomela nefas:  
 Altera q; alterius sequitur suspiria questu,  
 Admissum lacrymans, vtraque crimen auis.  
 Talis & Alcyone cum naufraga vela mariti  
 Nequicquam scopulis litoribusq; canit;  
 Aut viduus, viridi nemoris sedet arbore turtur,  
 Comparis aeterno murmure fata gemens.  
 Sic mihi fatidica nerunt quoque stamina Diue,  
 Iret ut optat o fidere nulla dies.  
 Vig; adimant nullos, lamenta perennia luctus,  
 Aut cesset, causâ deficiente, dolor.  
 Sed fuit ut prima, gemitus, vox prima loquela;  
 Sit gemitus vite vox quoque summa mea.

*Defecit in dolore vita mea, & anni mei  
in gemitibus. Psalm. 30.*

Hieron. in  
Psalm. 30.

Aug. lib.  
21. de ciu.  
cap. 14.

Ibid.

Aug. serm.  
28. de verb.  
Apost.

Nazianz.  
carm. de  
humana  
natura.

Author.  
spec. pec.  
Tom. 9.  
Aug.

**Q**VAMDIU est hîc in presenti vitâ, habet  
gemitû & fletum vnusquisque homo.

Homo non à risu orditur hanc lucem,  
quid malorum ingressus sit nesciens, pro-  
phetat quodammodo: solùm, quando natus  
est, ferunt risisse Zoroastrem, nec ei boni ali-  
quid monstrosus ille risus portendit. Pro-  
fus quod scriptum est *grave iugum super filios  
Adam à die exitus de ventre matris eorum vsque  
in diem sepultura in matrem omnium.*

Vnde interrogemus pueros qui nascun-  
tur, quare à ploratu incipiant: nascitur & sta-  
tim plorat, & post nescio quot dies ridet.  
Quando plorabat nascens, Propheta suæ  
calamitatis erat, lacrymæ enim testes sunt  
miseriæ.

*Hoc homini tamùm firmum est expersq; senectæ,*

*Inde ex quo nascens fletibus ora rigat;*

*Per lacrymas testans, quas vita in limine fundit  
Quotnam illum maneant agmina dura mali.*

*Est Regio (vt quondam Cretæa) ignara ferarum;*

*Est alia, hyberna nescia terra niui:*

*At, vacua aduersis quod vita tempora rebus*

*Clauserit, haud quisquam dicere iure potest.*

In huius vitæ miseriam intrasti lugens,  
dies tuos in dolore & ærumnâ pertransisti;  
cum

cum luctu & labore hinc exiturus es. Intelligas ergo, in quātum sit ingressus tuus flebilis progressus tuus debilis, & egressus horribilis.

*Risum reputavi errorem, & gaudio dixi: Quid frustra deciperis?* Eccl. 2.

Domini vox est ad suos dicentis, *Vos plorabitis & plangetis, sæculum autem gaudebit: Vos tristes eritis.* Timenda sunt Christianis præsentis sæculi gaudia, & optanda pro deuotione mœstitia.

Chrysof.  
serm. de  
martyrib.  
imitandis.

Lætitia enim tantum nomen habent, cum omnia sint in tristitia. Chrysof. hom. 54.

*Qui sumus in hoc tabernaculo, ingemiscimus grauati.* 2 Cor. 5.

An non est meritò ingemiscendum, quòd sumus in regione alienâ, & in Coloniâ procul à patriâ positam amandati? Chrysof. hom. in Psalm. 115.

*In abscondito plorabit anima mea: plorans plorabit & deducet oculus meus lacrymam.* Hierem. 13.

Assueuerant Turturem castam & amabilem comparis esse, ita ut si quando euenerit, eius masculum ab Aquilâ sine Aucupe capi, non se commiscere alteri, sed ipsum cupere, & ipsius præstolari aduentum, & in amoris eius expectatione pendere. Huius turturis meminit Scriptura in Cant. Canticorum dicens: *Vox turturis audita est in terra nostra.* O gemitus de medio cordis amabilis, bonitatis pullulans fontes! ô gemitus cœlestem sponsum CHRISTVM ad semetipsum adducens!

Chrysof.  
rom. 5.  
hom. de  
virtute.



Hugo de  
S. Victor  
serm. de  
assumpt.  
Mar. 10. 2.

Vox turturis, amori canit & dilectioni; & habet singularem dilectionem turtur, cui canit, vel presenti gaudium, vel absenti affectum. Igitur vox turturis tota de amore, & non nouit aliud præter amorem turtur. Et quid sonat vox turturis? quam significationē habet vox turturis? quid dicit? Vnum est quod sonat vox turturis, & semper illud sonat & resonat, & non fastidit vquam. Numquam turtur vocem suam variat, numquam canticum suum mutat, semper idem canit qui semper idem diligit. O vox turturis quā dulcis es! & quis dignus erit audire vocem turturis? in solitudine canit turtur, & semper turtur solitudinem diligit, quia singularem dilectionem quærit. Non audietur in plateis vox eius, neque foris clamorem suum proferet. Intus resonat, intrinsecus canit & non possunt audire turturem, nisi qui intus sunt; qui elongant in solitudine, qui secretum inhabitant.

Bernard.  
ser. 59. in  
Cant.

Donec [autem] homines pro Dei cultu, mercedē tantū in terrā, & tantū terram acceperunt, minimē se cognouerunt peregrinos; nec more turturis ingemuerunt. ita tamdiu non est vox turturis audita in terrā nostrā. Vbi ergo Regni Cælorum promissio facta est, tunc primū manifestē sonuit in terra vox turturis. Nam dum sancta quæque iam Anima CHRISTI præsentiam, suspiraret,

raret, Regni dilationem molestè ferret, desideratam patriam gemitibus & suspirijs à lōgè salutarer, nōne tibi videtur, vice fungigembundæ ac castissimæ turturis, quæcumque anima in terris ita fecisset? Ex tunc ergo & deinceps vox turturis audita est in terrâ nostrâ. Quid ni moueat mihi ccebras lacrymas & gemitus quotidianos CHRISTI absentia? Domine ante te omne desiderium meum, & gemitus meus à te non est absconditus. Laboravi in gemitu meo, tu scis, sed beatus qui dicere potuit; Lauabo per singulas noctes lectum meum, lacrymis meis stratum meum rigabo. Non solùm autem mihi, sed & omnibus, qui diligunt aduentum eius, gemitus isti comperti sunt. Hoc quippe est quod ipse aiebat. numquid possunt filij sponsi lugere, quamdiu cum illis est sponsus? venient autem dies, cū auferetur ab eis sponsus, & tunc lugebunt, ac si diceret; & tunc vox turturis audietur. Ita est, IESV bone, venerunt dies illi; nam & ipsa creatura ingemiscit & parturit vsque adhuc, reuelationem filiorum Dei expectans: non solùm autem illa, sed & nos ipsi intra nos gemimus adoptionem filiorum Dei expectantes Redemptionem corporis nostri. Neque vacui gemitus, quibus è cælo tam misericorditer responderetur. Propter miseriam inopum & gemitum pauperum nunc exurgam, dicit Dominus. Fuit & in tempore Patrum, vox ista gementium: sed rara, & penes quemque suus gemitus. Vnde &

dicebat quis: *Secretum meum mihi, secretum meum mihi?* At ubi palam clamatum est, *Qua sursum sunt querite, ubi CHRISTVS est in dextera Dei sedens ad omnes iam cœpit pertinere gemitus ille turtureus, & vna omnibus esse gemendi ratio.*



## I.

Concupiuit anima mea desiderare  
iustificationes tuas. *Psalm. 118.*

**C**Oelestem dubitans, terrenumq; inter Amorē,  
Nescio quo statuam sub duce signa sequi.  
Ille sub imperium, vocat hic ad pilea: pugnant  
Disimili nimium conditione duces:  
Hinc vocor, hinc reuocor, rursusq; inuitor vtrinq;  
Non secus ac reslao quassa carina salo.  
Ambiguum faciunt Amor hic, Amor ille duellum,  
Impediuntq; suo sistere vota loco.  
Sit satis, ah! tandem mala tot fastigia passa,  
Et finar ad portus spem reuocare suos!  
O Deus! aut nullo caleat mihi pectus ab igne,  
Aut solo caleat legis amore tua!  
Non nego; quod lubeat, magna est, optare, voluptas,  
Et modò posse Volo dicere; Nolo, modò!  
Frena nihil patitur minùs, atque libido vouendi,  
Nec se lege sinunt libera vota premi.  
Vt vagus exultim lorisq; lupisq; solutus  
Quoslibet in pastus currere gestit equus:  
Aut stabulo ruit & viridi mox sternitur herbâ,  
Deposito nimium bucula læta iugo:  
At vbi mox reuocat consuetæ ad arata colonus,  
Excudit ille lupos, illa recusat onus.  
Scilicet expetitur libertas vna vouendi,  
Quæ satis est, quamuis vtilitate vacet.

Sic

*Sic Phaëton, patrie ruiturus ab axe quadriga,  
Appetis ignotos flectere rector equos.  
Sic quoque non solitis dum niteris altius alis  
Icare, subiectis labere merfus aquis.  
Quàm varia Superum lassas prece tundimus aures!  
Cœlitibus. puto nos sâpe mouere iocum.  
Ille vouet nuptam, nupta vouet ille sepulcrum;  
Hic sobolem nasci postulat, ille mori:  
Ille Patri mortem, Patri rogat ille salutem;  
Hic fieri inuenis supplicat, ille senex.  
Vix, puto, consentit centum de millibus vnus;  
Quin aliquis voto disidet ipse suo.  
Denique quid Superos oret, pars maxima nescit,  
Tam noua quisque sibi vota, precesq<sub>3</sub> facit.  
Sic vbi iam grauidas stimulant fastidia Matres;  
Obscenam satiant fœcla pudenda famem:  
Scilicet expetitur modò calx, modò creta palato,  
Et modò, qua stomacho displicuêre, placent.  
Quid desiderijs vltra tot inanibus vrò?  
Quid iaculor nullo vota q<sub>3</sub>, spesq<sub>3</sub> scopo?  
Este procul gemitus, procul anxia turba, timores,  
Sollicitaq<sub>3</sub> preces, vota q<sub>3</sub>, spesq<sub>3</sub> procul.  
O Deus, aut nullo caleat mihi pectus ab igne,  
Aut solo caleat legis amore tua.*



*Concupiuit anima mea desiderare iustificationes tuas! Psalm. 118.*

**M**IRVM est, quomodo concupiscatur Aug. in  
Psalm. 118.  
desiderium; nec sit in nobis, cuius concupiscentia iam sit in nobis. Quis nesciat in homine esse concupiscentiam, in homine desiderium? cur ergo concupiscitur, vt habeatur, quasi forinsecus inferatur? aut quomodo haberi eius concupiscentia, sine ipso potest, cum non sit & ipsum quid aliud, quam concupiscentia? Nam & desiderare, procul dubio concupiscere est. Quis enim iste mirabilis atque inexplicabilis languor? & tamen est; nam & ægrotus qui fastidio laborat concupiscit utique desiderare cibum, dum concupiscit non habere fastidium. An aliud est concupiscere, aliud desiderare? non quod non sit concupiscentia desiderium, sed quia non omnis concupiscentia desiderium est; concupiscuntur enim & quæ habentur, & quæ non habentur: nam concupiscendo fruitur homo rebus quas habet; desiderando autem, absentia concupiscit. Desiderium ergo, quid est, nisi rerum absentium concupiscentia? sed Dei iustificationes absentes esse quomodo possunt? An &  
quando

quando sciuntur, & non fiunt, absentes habendæ sunt? sæpè enim quid agendum sit, videmus; nec agimus, quia non delectat ut agamus, & concupimus ut delectet. Præuolat intellectus; & tardè sequitur, & aliquando non sequitur, humanus atque infirmus affectus. Ideò ergo desiderare concupiscebat, quæ bona esse cernebat, cupiens eorum habere delectationem, quorum potuit videre rationem.

Aug. in  
Psal. 118.

Non dixit [autem] concupiui iudicia; sed, concupiui desiderare: sicut enim vitæ viuere, plus est, quàm viuere (viuere namque commune etiam huius est vitæ; vita autem viuere, Beatorum est) sic concupiscere ut desideremus iudicia Dei, plus est, quàm desiderare iudicia; concupiscimus enim desiderare, quasi non sit potestatis nostræ desiderium, sed gratiæ Dei. Cum enim Dominus oblectari nos viderit cupiditate desiderij iudiciorum suorum, sobrium auget affectum; cum autem peccamus non concupiscimus desiderare iudicia Dei. Vnde etiam Dominus non otiosè ait, *Desiderio desiderauit hoc pascha manducare vobiscum*; non solùm desiderans, sed etiam geminato desiderio concupiscens remissionem tribuere peccatorum. Concupiscamus ergo & nos desiderare iudicia Dei.

Orig.

Nam sicut dicitur aliquis carnalis Amor, quem

quem & Cupidinem appellauerunt Poëta, <sup>prolog. in</sup> secundum quem qui amat, in carne semi- <sup>Cant.</sup>  
nat: ita est & quidem spiritualis Amor, secundum quem & ille interior homo amans in spiritu feminat.

[Iam] discerne petitionem cordis tui, <sup>Aug. in</sup> a <sup>Psal. 36.</sup> petitionibus carnis; discerne quantum potes. Verbi gratia: cæcus est, corpore; rogat ut illuminetur: Petitio hæc carnis. Infirmitur, rogat se saluum fieri; saluus fit moriturus; & ista petitio carnis est, & si quæ sunt talia. Petitio cordis quæ est? sicut petitio carnis est, velle sibi præparari oculos, utique ad videndam istam lucem (quæ talibus oculis videri potest) ita petitio cordis, ad illam lucem pertinet; *Beati mundi corde, quoniam ipsi Deum videbunt.*

Sed homo, quasi pullum onagri se liberum natum putat; nam qui implere cuncta <sup>Greg. cap. 15, in c. 12.</sup> quæ desiderat per effrenatam libertatem quærit, quid aliud, quam pullo onagri esse similis concupiscit; ut disciplinæ hunc lora non teneant, sed audenter inter vagos per syluam desideriorum currat?

Mens quoque nostra rebus mutabilibus <sup>Greg. cap. 22. in c. 7.</sup> subdita, & à semetipsâ variatur. Nam quæ <sup>Iob.</sup>rens quod non habet, anxia percipit; cumque habere cœperit, tædet hanc percepisse, quod quæsiuit. Amat sepè quod despexerat, despicit quod amauerat. Diu quærit, ut pa-

rùm in his quæ inuenerit, perseuerat.

D. Greg.  
hom. 36.  
in Euang.

Nos enim, nati in huius peregrinationis æumnâ, huc fastidiosi iam venimus; nescimus quid desiderare debeamus.

Aug. de  
orando  
Deo.  
Epist. 21.  
ad Probâ.  
cap. 5.

Ac planè quid oremus, sicut oportet, nescimus. Alius vult coniugari; alius coniugio viduatus deinceps continenter eligit viuere; alius nullum concubitum nec in ipsis nuptijs experiri:

Aug.  
Confess.  
6. cap. 6.  
Aug. de  
orando  
Deo. c. 12.  
epist. 121.  
ad Probâ.

Et ego inhiabam honoribus, lucris, coniugio, & tu irridebas.

Certè, qui dicit in oratione, verbi gratia: Domine multiplica diuitias meas; aut, da mihi tantas, quantas illi vel illi dedisti; aut honores meos auge; aut fac me in hoc sæculo præpotètem atque clarentem, vel si quid huiusmodi est; & hæc dicit, eorum habens concupiscentiam, non id attendens, vt ex his, secundum Deum profit hominibus, puto eum non inuenire in oratione Dominicâ, quo possit hæc vota coaptare: Quamobrem pudeat saltem petere, quæ non pudet cupere; aut si & hoc pudet, sed cupiditas vincit; quanto meliùs hoc petitur, vt etiam ab isto cupiditatis malo liberet, cui dicimus; *libera nos à malo.*

Chrysost.  
in Epist.  
ad Rom.  
c. 1. hom.  
4.

Vides [ergo] audivere omne malum exortum, cum ipsum desiderium videlicet, non sustineat intra proprios terminos consistere? Quidquid enim terminos à Deo statos trans-

transgreditur, id absurdarum ac minime legitimarum rerum appetens est. Quemadmodum enim fieri sæpè videmus, vt qui ciborum appetitionem, quique impotenti siti correpti fuerint, ij & cœnum quoque nonnumquam ad bibendum appetant;

Sic cor meum, cor vanum, vagum & instabile dum suo ducitur arbitrio, & diuino caret consilio, in seipso non potest consistere, sed omni mobili mobilius, per infinita distrahitur, & hac atque illac, per innumera discurret; & dum per diuersa requiem querit, non inuenit, sed in labore miserum, à requie vacuum manet: sibi non concordat, à se dissonat, à se resilit, voluntates alternat, consilia mutat, ædificat noua, destruit vetera, destructa reædificat, eadem iterum atque iterum alio & alio modo mutat & ordinat; quia vult & non vult, & numquam in eodem statu permanet.

Breu. cap.  
9. medit.

Sed allide Domine concupiscentiam meam dulcedine tuâ, quam abscondisti timentibus te, vt concupiscam te concupiscentijs sempiternis; ne vanis illectus & deceptus interior gustus ponat amarum dulce & dulce amarum.

Aug. foli.  
loq. cap.  
11.





*Viam dirigantur via mea ad custodiendas  
iustificationes tuas! Psal. 119.*

## I I.

Vtinam dirigantur viæ meæ ad cu-  
stodiendas, iustificationes tuas!

*Psalm. 118.*

**Q**uò ferar in tanto deprensa errore viarum.  
Scetum vbi tam vario tramite fallit iter?

Hac abit in dextram, tenet altera semita laeuam,

Illa tumet in cliuis, vallibus ista iacet:

Hæc faciles aditus, aditus habet illa malignos,

Et quos illa regit, detegit illa dolos.

Quòq; vel hæc tendat, vel quò se porrigat illa,

Exitus implexo sine videre vetat.

Non ita, quæ partes via se findebat in ambas,

Herculis ambiguum fecit euntis iter,

Nec totidem refluus Meander flectitur vndis,

Ipse suis quamuis obuio errer aquis.

Nec labyrinthi tanta est fallacia tecti,

Curua licet varijs flexibus antra tegat.

Heu grauiora meos cohibent discrimina gressus!

En geminâ dubiam parte pericla premunt:

Non ego quæ metuum diuortia mille viarum )

(Solutus Dadaleâ, qui fuit æde labor)

Sed præter varios curuis ambagibus orbes,

Nox etiam cæcæ celat opacæ vias;

Nullâque se presso monstrant vestigia signo,

Quâ populus trito calle, notârit iter.

Et licet explorem prætensis obuia palmis,

Et vitæ obstantes, tubera dura, petras;

Vix satis inceptos ausim producere cursus,  
Sed retinent timidum noxq<sub>3</sub> dolusq<sub>3</sub> gradum.  
Lassus ut ignotâ cum fors regione viator  
Opprimitur nebulâ precipitante diem:  
Nullaq<sub>3</sub> iam toto collucet sidera Cælo,  
Nec propè sunt vllæ, rustica tecta, casæ;  
Nullaq<sub>3</sub> signato callem notat orbita sulco,  
Vllæ nec humano semita trita pede;  
Nec scit, an in sylvas, an eat ruiturus in vndas,  
Longius inceptam si parer ire viam,  
Tum validis mutos compellat vocibus agros  
Si quis aberranti præstet arator opem.  
Vtq<sub>3</sub> vel è stabulis tacitisq<sub>3</sub> quis audiat antris,  
Ingeminant longos, terq<sub>3</sub> quaterq<sub>3</sub> sonos.  
Omnis at in surdas clamor volat irritus auras,  
Nullaq<sub>3</sub> Pastoris verba remissa sonant.  
O quis in his tendat mihi stamina fida periculi!  
Quis Deus, in tantâ, sit mihi nocte Pharos?  
Isacidas quondam per inhospita regna vagantes,  
Insolitas docuit clara columna vias:  
Stella comes monuit Nabathæos lumine regis,  
Paruaq<sub>3</sub> Bethlemia duxit in antra domus.  
Quin recreant trepidos, fratrum duo sidera, nautas  
Tu quoq<sub>3</sub> mi gemini Castoris ede facem.  
Gnosîs aberrantem reuocauit Thesea filo,  
Sestaq<sub>3</sub> Leandro fixit amica facem.  
Ecce ego sum Theseus, vice tu mihi sis Ariadnes,  
Cumq<sub>3</sub> ero Leander sis vice Sestiados.  
Afficiis ut multi, vaga turba, per auia currant,  
Et sunt huc, illuc, quemlibet error agat?

Hic cadit ignota præceps Regione viarum,  
 Ille vago cacum-tramie versat iter:  
 Hic celerat cursus; hic passu deside lentat;  
 Sapius ille suos feritq, refertq, gradus:  
 Hic diuersus abit, lateri comes ille propinquat;  
 Hic comitis ductu fallitur, ille suo:  
 Perpetuos aliquis vestigia stetit in orbes,  
 Alter in obliquas voluitur vsque vias:  
 Hic ratus ad certam cursu se tendere metam,  
 Decepto repetit limina prima pede;  
 Denique in errorem factu ruit agmine vulgus,  
 Quodq, tenere de et, vix tenet vllus iter.  
 O vtinam, recto tendat mea semita ductu,  
 Nec fraus decipiat tramitis vlla gradum?  
 Qualis at excusso f.igit irreuocabilis arcu,  
 Dum volat ad certum missa agitta locum;  
 Talis in offenso festinet limite cursus,  
 Quâ tua nempe mouent tendere iussa, viâ.  
 Esto igitur mea lux, quoties iaculabere, neruus;  
 Quemq, petis iaculis lex tua sancta, scopus;  
 Quaq, scopum cupies certus terigisse sagitta,  
 Illa ego sim digitis lecta sagitta tuis.

*Vtinam dirigantur via mee ad custodiēdas iustificationes tuas.* Psal. 118.

Aug. l. 2.  
de oper.  
merit.

**H**IEREMIAS dicit: Scio Domine, quia non est in homine via eius; nec viri est vt ambulet & dirigat gressus suos. Hinc & in Psalmis cū quidam dixisset Deo: tu mandasti mandata tua custodiri nimis, continuo, non de se præsumpsit, sed optauit vt faceret. *Vtinam*, inquit, *dirigantur via mee ad custodiendas iustificationes tuas.*

Ambr. in  
Psal. 118.  
Oñon. 5.

Miles qui ingreditur iter, viandi ordinem non ipse disponit sibi, nec pro suo arbitrio viam carpit, nec voluntaria captat compendia. ne recedat à signis; sed itinerarium ab Imperatore accipit & custodit illud; præscripto incedit ordine, rectâque viâ conficit iter, vt inueniat commeatum, parata sibi subsidia. Hanc legem viandi esse præscriptam, Christo ducente, sanctis commeantibus, recognoscas velim. Profecti sunt enim & Patres nostri de terrâ Ægypti, per longa spatia terrarum, quorum statiuar omnes, mansionesque descripta sunt. Aduertimus ergo quis has ordinauerit mansiones, quomodo ambulare oporteret filios Israel. Præibat enim illos, per diem; Deus in columnâ nubis; noctu autē in columnâ ignis, vt viam ostenderet ambulanti bus & tenebras dimoueret,

lex



lex viarum, columna erat & ignis & nubes.

Multæ enim sunt viæ & multa genera Bern. ser. 11. super Qui habitat in adiutorio viarum; magnum profectò periculum viatori. Quàm faciliè in multarum occurſu, erabit in viâ ſuâ, qui viarum diſcretione caruerit? Scrutemur proinde vias noſtras, etiam vias dæmonum, vias quoque Beatorum ſpirituum, & vias Domini inueſtigemus.

[Si enim] viam ingreſſus cùm veneris ad Ambr. in Pfalm. 118. octon. 8. compitum aliquod: (& neſcias quod iter ingredi debeas) ſtas & cogitas ipſe tecum, vtrum primam, aut ſecundam, aut tertiam viam eligas quam ſequaris, nec putas prius adoriendum iter quàm animo deficiens; quanto magis animo debes ac mente conſiſtere quid ad regnum cæleſte tendis, & cogitare tecum, quia non omnis via illò ducit, non omnis eò dirigit ad Hieruſalem illam quæ in cælo eſt. Sunt viæ quæ malos exitus mortis habent. Hæ ſunt viæ de quibus legiſti: *Quia ſunt via quæ videntur viro rectæ eſſe, vltima autem eius aſpiciunt in profundum inferni.*

Viæ igitur filiorum Adam in neceſſitate Bern. ſerm. 11. super Qui habitat. & cupiditate verſantur. Ab vtraque ſiquidem ducimur, & ab vtraque trahimur, niſi quod videmur magis vrgeri neceſſitate, trahi cupiditate. Et neceſſitas quidem ſpecialiter corpori tribuenda viderur, nec ſimplex illa eſt, *ſed anfractus habens plurimos plurimæque diſpendia*; nam compendia pauca ad-

K S modum

modum, si qua tamen. In his quoque docetur quàm necesse habeat clamare ad Dominum, non de necessitate, sed de *necessitatibus meis erue me*. Non modò ab hac viâ necessitatis, sed ab eâ quoque quæ cupiditatis est, optabit educi, quisquis non surdâ aure monita Sapientis exceperit. Quid enim ille ait: *à voluntatibus tuis auertere*, & item: *post concupiscentias tuas non eas*. Hæ sunt viæ quæ videntur hominibus bonæ, sed finem non habent nisi cùm demergunt in profundum.

Ibid.

Si inuenisti vias hominum, illud quoque considera, ne fortè de his dictum sit: *Contritio & infelicitas in vijs eorum*: vt sit contritio in necessitate, infelicitas in cupiditate. Videamus & vias Dæmonum, videamus & caueamus; videamus, & fugiamus eas; siquidem via illorû. Præsumptio & Obstinatio. Quàm peruerso & euerso sūt corde filij hominum! quicumque sectantur vias Dæmonum, ingrediuntur Dæmonum vias. Hæc enim tota aduersum nos spiritualium colluctatio nequitiarum est, vt nos seducant, vt nos inducant in vias suas, vt deducant in eis, perducant ad destinatum finem, qui paratus est eis. Quæ verò sunt sanctorum Angelorum viæ? Profectò ille, quas vnigenitus enarrauit dicens: *Videbitis Angelos ascendentes & descendes super filium hominis*. Ascensio igitur & descensio viæ illorum. Ascensio propter se, descen-

descensio vel potiùs condescensio propter nos. Puto & vias Domini vultis audire. Docuit itaque vias suas, cùm aperuit labia Prophetæ vt diceret: *Vniuersa via Domini misericordia & veritas.* Ita ad singulos, ita ad omnes communiter venit; in misericordiâ scilicet & veritate. *Ab his itineribus incuruati sunt colles mundi; superbi, Dæmones, Principes.*

Iste ordo est, alij præcedunt, alij sequuntur. Qui præcedunt exemplum se præbent sequentibus; numquid neminem sequuntur? Si neminem sequuntur, errabunt. Sequuntur ergo & illi aliquem, ipsum CHRISTVM. Et cernitis ordinatos gressus per Paulum Apostolum dicentem. *Imitatores estote sicut & ego CHRISTI.* Iusti attendendo eos qui se in bono præcedunt, imitando sequuntur. Quomodo sequuntur? *Videbunt iusti & timebunt.* Videbunt & timebunt sequi vias malas. cùm vident quosque meliores, iam elegerunt vias meliores, & dicunt in animo suo, quemadmodum solent dicere viatores, attendentes alios cum præsumptione ambulantes in viâ, ipsi adhuc incerti viæ, & quasi fluctuantes quod eant, dicunt sibi: Non frustra illi hâc eunt, quando illò eunt, quod nos ire volumus. Et quare cum magnâ fiduciâ hâc eunt, nisi quia illâc ire perniciosum est. Videbunt ergo iusti & timebunt. Angustam viam vident illâc; hâc vident paucos, illâc multos; sed si iustus

es,

Aug. in  
Psalm.

es, noli numerare; noli numerare turbas hominum incedentes latas vias; noli eos attendere, multi sunt; pauci autem per viam angustam.

Greg. cap.  
17. lib. 7.  
mor. in  
6, 6. lob.

Reproborum [ siquidem ] *semita* semper *inuoluta* sunt, ut prauis concupiscentijs dediti aut bona nulla appetant, aut appetentes infirmo desiderio ad hæc nequaquam mentis *liberos gressus* tendant. Rectâ enim aut non incipiunt, aut in ipso fracti itinere, adhæc minime pertingunt, unde fit plerumque, ut ad morem suum, lassati redeant, seseque ab intentione animi in carnis voluptatibus sternant; sola quæ transeunt, cogitent; nulla quæ secum permaneant, curent.

August in  
Psalm. 139.

*Caput circuitus eorum?* quid est circuitus ipsorum? ut circumeant & non stent, in gyrum eant erroris, ubi iter est sine fine: qui enim in longum it, aliunde incipit, alicubi finit; qui in gyrum it, nusquam finit. Ipse est labor impiorum, qui demonstratur in alio Psalmo euidentiùs: *in circuitu impij ambulat.*

Greg. lib.  
7. mor. c.  
24. in cap.  
6. lob.

Benè ergo de reprobis dicitur: *Inuoluta sunt semita gressuum eorum*, quia recta quidem deliberando appetunt, sed ad consueta semper mala replicantur, & quasi extra se tensi, ad semetipsos per circuitum redeunt, qui bona quidem cupiunt, sed à malis nequaquam recedunt.

Bonau in  
Psalm. 36.

Et quidem cadunt extra viam; ut ille qui  
num-

numquam fuit de Ecclesia. Quidam cadunt à viâ ; vnde hoc: *Melius est viam iustitiæ non agnoscere, quàm post agnitam retroire.* Quidam cadunt in viam, vnde dicitur; *iustus septies cadit in die.*

Sed est multa differentia inter casum Iusti & iniusti: *Iustus*, Inquit, *cùm ceciderit, non prosternitur.* Iniustus, & qui spem non habet in Deo positam, si ceciderit, prosternitur, & non surgit, id est, si peccauerit non pœnitet, & peccatum suum emendare nescit.

O *tortuosas vias!* vix animæ audaci, quæ speravit, si à te recessisset, se aliquid melius habituram! Versa & reuersa; in tergum & in latera, & in ventrè, & dura sunt omnia, & tu solus requies. Et ecce ades, & liberas à miserabilibus erroribus, & constituis nos in viâ tuâ, & consolaris & dicis; *Currite ego feram, & ego perducam, & ego ibi feram.*

Meliùs dirigebantur à Domino gressus eorum, quibus per noctem, ignis columna lucebat; per diem, nubis. Et tu merere factis, votisque depolce, vt gressus tui à Domino dirigantur, ne moueantur pedes tui. Cauendum est quoque ne rectam semitam derelinquas, & diuerticula te viarum tortuosarum decipiant. Ideò dicit: *Parate viam Domini, rectas facite semitas eius.* Rectas faciamus animorum semitas, ne labamur, ne effundantur gressus nostri sicut vxoris Loth, quæ post se respexit, & gressus tene-

Orig.  
hom. 4. in  
Psalm. 36.

Aug. con-  
fess. 6. c.  
16.

Amb. in  
Psalm. 36.



tenere non potuit, sed effusi sunt. Non effundantur sicut Ægyptiorum, quorum gressum maris fluctus effudit. Nonne de his pulcrè dixeris; *Effusi sunt gressus eorum*, quos benè vixisse pœnituit?

August. in  
Psal. 38.

O qui dereliquisti semitas rectas, abeundo in vias tenebrarum! ô qui latamini in malis, & gaudetis in euerfione malâ, quorum semitæ prauæ, & *flexuosi cursus eorum* sicut lubricus & flexuosus author ipsorum; cur odisse cœpistis viam rectam! Non vos direxit Dominus.

Aug. foli-  
loq cap. 4.

O Domine qui lux es, quies via, veritas & vita, in quo non sunt tenebræ, error, vanitas, neque mors. Lux sine quâ tenebræ; via sine quâ error; veritas, sine quâ vanitas, vita sine quâ mors: Dic verbum, Domine; fiat lux, vt videam lucem & vitem tenebras: videam viam, & vitem inuium; videam veritatem & vitem vanitatem: videam vitam, & vitem mortem. *Illuminare, inquam, illuminare huic cocco, qui in tenebris & in ymbrâ mortis sedet, & dirige pedes eius in viam pacis!*

Nyssen.  
orat. 4.  
in Cant.

[Fac] vt anima [mea] telum sit in manu potentis ad scopum supernum directum, [scio] esse eundem & sponsum nostrum & sagittarium; [fac] eamdem item animam esse sponsam & telum, quâ ille tamquam telo vtatur, dum eam bonum ad scopum dirigit.

## III.

Perfice gressus meos in semitis tuis:  
 vt non moueantur vestigia mea.  
*Psal. 16.*

**E**rgo caduca gradum toties mihi tibia faller,  
 Sternet & in planâ pes vitiosus humo?  
 Aspice, qui Caelis hominum vestigia spectas,  
 Firmaq; fac presso stet mea planta solo.  
 Instruit implumes pennata Ciconia pullos,  
 Et docet aërias præpes inire vias.  
 Exemplo volucrem sequitur modò filia Matrem,  
 Tutaq; iam peragit, quod metuebat, iter.  
 Prouocat expansis sobolem Iouis armiger alis,  
 Et iubet insuetas sollicitare plagas.  
 Mox prait, & pleno se iactat in aëra lapsu,  
 Remigio soboles subsequiturq; patrem.  
 Dum primùm ignotas tentat puer inscius undas,  
 Corporis indoctum subere fulcit onus:  
 Mox opis oblitus, flumen sine cortice tranat,  
 Flumen in experto sapè sed ore bibit:  
 Sapius at doctis vbi plauserit aquora palmis,  
 Ducit in immenso brachia tuta salo.  
 Aspice, qui in Caelis hominum vestigia spectas,  
 Aspice, quâ nobis arte leuetur iter:  
 Sustineor fragili puerilia membra curuli,  
 Quaq; vehunt socias ipsa propello rotas.  
 Nempe tripes baculi sic stipite nititur atas,  
 Quig; senem rectat à sene fertur equus.

Ne tamen ambiguus male decipere querelis;  
De pedibus, tecum nulla querela meus:  
Nec vitio planta, vitio neque crura laborant;  
Saxa per & salebras tibia nostra salit.  
Non ego pennipedi dubitem certare Camilla,  
Isse per intactas qua pede, fertur, aquas.  
Quod queror, est animi vitium, lacrymabile nostri,  
Qui, quibus incedat, languidus est pedibus.  
Heu iacet afflictis, affectibus omnibus ager!  
(Hi, quibus incesit, nempe fuere pedes)  
Si quod iter, quamuis breue sit, virtutis eundum est,  
Mens mihi sit minima lassa labore via;  
Crura forent fragilis veluti tu, Nile, papyrus,  
Quæq; ruit motâ canna palustris aquâ.  
Rarus, at immodicus quandoque resuscitat ardor,  
Et pede fulmineo stringere cogit iter:  
Sed bene vix ceptum, currendi extinguitur ardor;  
Lampadis vt magno flammula parua Noto.  
Ne tamen ignavis videar, segnescere plantis,  
Promoueo tardos pigra subinde gradus.  
Ast mea tunc, caueam quisquam, vestigia seruet,  
Ne puter immodicis ebria facta scyphis:  
Scilicet in partes ita tibi claudicat ambas,  
Semipedis claudipes vt hincat iter.  
Hunc volo, nunc nolo, nunc astuo, nunc languesco,  
Nunc stupet vt rigido mens religata gelu.  
Impatiens igitur, cepti sine fruge laboris,  
Sape via medio, lassa retento gradum.  
Sed neque, quâ languens statione resistere tento,  
Instabilem valeo figere firma pedem.

Auferor

Auferor aduerso velut incita puppis ab æstu,  
 Quam neque vis remi nec sua vela iuuant;  
 Damnaq; sunt iterum vano redimenda recurſu,  
 Peritus aeterno ſic redit orbe labor.  
 Nempe catenati, ſic publica corpora, ſerui  
 Circumeunt toties, pendula teſta mola.  
 It mola, perq; ſuos rapitur circumvaga gyros,  
 Sed perit his, quicquid conficit illa vie.]  
 Heu quid agam neque ſueta vehi neq; currere docta,  
 Nec pedibus minimas vtilis ire vias!  
 Magnum iter eſt Cælo, magnis huc paſſibus itur;  
 Quid faciet lentis noſtra quadriga rotis?  
 Tu ſpatia ingenti perlaberis ardua ſaltu,  
 Vaſtaq; tergemini crura gigantis habes.  
 Eoum paſſu, Heſperiumq; amplectere mundum,  
 Sub femur vt Rhodius vela Coloſſus agit:  
 Aſt teſtudineo reprat mihi tibia grefſu,  
 Aut chelis referor, Cancer adunce, tuis.  
 Quid poſitas igitur ſperem contingere metas,  
 Quæ metas refugo perdita ſector equo?  
 O Deus, ambiguos trepidantis perſice grefſus,  
 Vincat & applauſis noſtra quadriga rotis!

Perſice grefſus meos in ſemitis tuis, vt  
 non moueantur veſtigia mea.

Psalm. 16.

**I**N quo corrigit adoleſcentior viam ſuam?

Psalm. 118.

Sæpe etenim egregia dum ſpe ſubnixus, in altum

Nazian, de  
vit. hama.

Efferor, ac media virtutis septa volatu  
 Transilio, dirus resupinum mentis ad ima  
 Præcipitem sundit Satanas; mihiq<sup>3</sup> accidit illud,  
 Quod solet huic, qui litorèâ dum incedit arenâ,  
 Haud certa elusi pedibus vestigia firmat.  
 Erigor ipse iterum, rursusq<sup>3</sup> in terga relabor,  
 Infelix magè, quàm prius; incedensq<sup>3</sup> labore  
 Perpetuo, trepidumq<sup>3</sup> fouens in corde pauorem  
 Vix gradior, citus at labens sigo oscula terra.

Psal. 24.

Vias tuas Domine demonstra mihi, & semitas  
 tuas edoce me.

Psal. 85.

Deduc me in viâ tuâ.

Psal. 142.

Fac mihi viam in quâ ambulem.

Ambr. de-  
 fugâ sæcu-  
 li, cap. 1.

Nam quis inter tot passionibus huius cor-  
 poris, inter tantas illecebras huius sæculi,  
 tutum atque intemeratum seruare potest  
*Vestigium*? Respexit oculus, & sensum mētis  
 auertit, audiuit auris, & intentionem infle-  
 xit; inhalauit odor, & cogitationem impe-  
 diuit; os libauit, & crimen retulit; tactus  
 contigit, & ignem adoleuit.

Orig.

hom. 4. in  
 Psal. 36.

[Quare] qui iter agit ad virtutem, multa  
 sunt quæ digredi habet & transire. Ergo &  
 tu, quia ad CHRISTVM tendis (qui est Dei  
 virtus) digredere luxuriam, scorta, adulte-  
 rium; digredere furta, falsa testimonia; tum  
 deinde digredere & auaritiam, & omnem  
 pecuniæ cæterarumque malarum rerum  
 concupiscentiam; digredere mendacium,  
 digredere stultitiam sæculi.

Bonum



Bonum crus fac pedi tuo, non enim natura est, sed voluntatis: leuem hanc reddamus, ne celeritati pedum reliquum pondus officiat. Doce pedes esse cautos; pavimentum enim multis locis est lubricum; ac si cadas, multa perdidisti: attamen & si cecideris, surge; licet enim & hoc pacto vincere. Nunquam lubricis rebus te committas, & non cades: super solidas ac stabiles curre.

Chrys. in 3.  
e. ad Phil. NB

In eo namque ostendimus quantâ ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc namque Propheta ait: *Qui persequitur pedes meos, quasi cervi.* Cervus enim cum montium iuga conscendit, quæque aspiciunt aspera, quæque se obijciunt sentibus illigata, dato saltu transgreditur, & absque villo cursus sui obstaculo, in superioribus eleuatur; ita etiam electorum mentes, quæque sibi in hoc mundo obfistere atque obuiare conspiciunt, contemplationis saltu transcendunt, & more certuorum, despectis terrenorum sentibus, in superna se euehunt.

Greg. l. 26.  
mor. c. 19.  
in cap. 35.  
Iob,

Est ascensio, est transilatio, non pedibus, non scalis, non pennis; & tamen si interiorem hominem attendas, & pedibus, & scalis, & pennis. Nam si non pedibus: quomodo dicit homo interior. *Non veniat mihi pes superbia?* si non scalis, quid sunt quas

Aug. in  
Psalm. 38.

vidit Iacob? si non pennis, quis est qui dicit;  
*Quis dabit mihi pennas sicut columba, & volabo  
 & requiescam?* sed in rebus corporalibus, aliud sunt pedes, aliud scalæ, aliud pennæ. Intus autem & pedes & scalæ, & pennæ affectus sunt & bonæ voluntates.

Bern.  
 serm. 25.  
 in Cant.

Stat [anima] manu verbi leuata velut super duos pedes, deuotionem & agnitionem. Stat inquam, sed sibi putet dictum, *qui se existimat stare, videat ne cadat.* Putasne stare per se poterit, quæ surgere per se non potuit? Cur ergo si stare per se poterat, orabat homo de terrâ, *Confirma me*, inquit, *in verbis tuis Domine*: Denique & probârat. Eius ipsius illa vox fuit: *Impulsus, euersus sum vt caderem, & Dominus suscepit me.* Quæris, quis ille impulsor? non est vnus. Impulsor Diabolus est, impulsor Mundus, impulsor Homo. Quis iste homo sit, quæris? quisque sui. Noli mirari, vsque aded homo impulsor sibi est, & suimet præcipitator, vt non sit quod ab altero & impulsore formides, si ipse à te proprias contineas manus: manus tua, consensus tuus. Cùm igitur tres sint stanti imminentes stratores, horum, Diabolus linore malitiæ; Mundus, vento vanitatis; Homo, semetipsum pondere suæ corruptionis impellit. Impellit Diabolus, sed non euertit, si quidem tuum tu illi negaueris assensum. Est & mundus impulsor; quia  
 in ma-

in maligno positus est; impellit omnes, sed solos euertit amicos suos. Ex quo satis claret, quàm sit Homo præcipuus impulsor sui, qui suo, sine alieno impulsu, cadere potest; alieno, absque suo, cadere non potest. Sed innixum verbo & indutum virtute ex alto, nulla vis, nulla fraus, nulla iam illecebra poterit vel stantem deicere, vel subicere dominantem. Vis non timere impulsorem? *Non veniat tibi pes superbia*, & manus impellentis non moueat te. *ibi ceciderunt, qui operantur iniquitatem*, ibi Diabolus & Angeli corruerunt. Denique *in veritate non stetit* qui non innixus est verbo: & ideò fortassis sedere voluit, qui stare non valuit; dicebat enim: *sedebo in monte testamenti*. Ceterùm Deo aliter iudicante nec stetit, nec sedit, sed cecidit, dicente Domino, *Videbam Sathanam sicut fulgur de calo cadentem*: ergo qui stat, si non vult cadere, non fidat sibi, sed nitatur verbo. Cuius manu erigeris, ipsius necesse est virtute tenearis.

Via nostra, ambulantes quærit; sed tria sunt hominum genera quæ odit: Remanentem, Retro-redeuntem, Abeuntem: ab his tribus generibus malis, Domino adiuvante vindicerur, & defendatur gressus noster. Iam verò cùm ambulantes sumus, alius tardiùs ambulat, alius celeriùs, ambo tamen ambulant; excitandi sunt ergo

Aug.  
tract. de  
Cant.  
nouo c. 7.

Remanentes ; Retro-redeuntēs reuocandi ; Errantes in viam ducendi ; Tardi exhortandi ; Celeres imitandi. Qui non proficit, remansit in viâ ; qui fortè à meliore proposito declinat, ad id quod deterius reliquerat, reuersus est retrò, qui fidem deserit, à viâ errauit. Cùm tardis sit nobis & cum celerioribus ratio, cum ambulanti- bus tamen. Quis est qui non proficit ? qui se putauerit esse sapientem, qui dixerit, Sufficit mihi, quod sum : qui non attenderit eum, qui dicit : *quæ retrò oblitus in ea quæ ante sunt extentus secundum intentionem, sequor ad palmam vocationis Dei in CHRISTO IESU.* Currentem se dixit, sequentem se dixit, non remansit, non retrospexit : absit vt errauerit, quia viam ipse docebat, qui & tenebat, & ostendebat.

Paul. epist.  
ad Galat.  
in fine in-  
ter epist.  
Hier. 10, 1.

Beati sunt qui non de præteritâ sibi iustitiâ blandientes, secundum Apostolum, per dies singulos in virtute renouantur. Iustitia enim Iusti non proderit ei, à quo die iustus esse deserit. Sanctus ergo securus esse non debet, quamdiu in huius vitæ agone versatur, sed totum quo tenditur spatiû, vitæ tuæ est, vt peragere possis iustitiâ, nec de præteritâ iustitiâ confidens remissior efficiaris.

Aug. ser. 13  
de verbis  
Apostol.

Quare semper tibi displiceat quod es, si vis peruenire ad id quod nondum es ; nam vbi tibi placuisti, ibi remanisti. Si autem

rem dixeris, sufficit; & peristi, semper adde, semper ambula, semper profice, noli in viâ remanere, noli retroredire, noli deuiare. Remanet, qui non proficit; retroredit, qui ad alia reuoluitur vnde iam abcesserat; deuiat, qui apostatat. Melius it claudus in viâ, quàm cursor præter viam.

*Et quid claudicatis in duas partes?* dixit Elias Aug. lib. 4. de symb. ad Gatech. populo. Si Deus est, ite post illum; si mundus est, ite post illum; si Deus eligitur, seruiatur illi, secundum ipsius voluntatem; si mundus eligitur, vt quid fictum cor quasi Deo accommodatur? quid tibi cum pompis Diaboli, amator CHRISTI? ô munde immunde, teneri vis pergens, quid faceres si remaneres? quem non deciperes dulcis, si amarus alimenta mentiris?

*Deus Dominus fortitudo mea, & ponet pedes* Habacuc. 3 *meos quasi ceruorum.*

Sperabam aliquando in virtute meâ, quæ Aug. Soliloq. c. 25. tamen non erat virtus; & sic volui currere, vbi magis stare credebam, ibi magis cecidi, factusque sum magis retrò, & non antè, & quod credebam consequi, magis elongatum est à me.

*Cogitavi [ergo] vias meas, & conuerti pedes* Psal. 118. *meos in testimonia tua.*

Adhuc sequor, adhuc proficio, adhuc ambulo, adhuc in viâ sum, adhuc me extendo, nondum perueni. Aug. ser. 15 de ver. Domini.





*Confige timore tuo carnes meas, a iudicijs  
enim tuis timej. Psal. us.*

## I V.

Confige timore tuo carnes meas , à  
iudicijs enim tuis timui. *Psal.* 118.

**L**ittera prima rudi quondā inculcata iuuenta,  
Fertur ab antiquis, Numinis esse Timor:  
Certaq; non aliā Sapiētia discitur arte  
Si quā fides verbis, Nate Dauide, tuis.  
Hoc quoque nostra fuit formata puertia ludo,  
Docta q; fidereas. mens trepidare minas.  
Semper at heu! tantis stupuit mens cæca tenebris,  
Vt neque, quod toties audiit, Alpha sciat.  
Tristibus Orbili plectenda ignauia sceptris,  
Post malè tot positos, nil didicisse, dies.  
Et pueri ferulis segnes Elementa docentur,  
Quæ lenis assequitur sedulitate labor;  
Aspiciunt nigras Cadmi bis, terue, puellas,  
Aspecta q; vocant, nomine quamque suo:  
Et licet atrato sit par color omnibus ore,  
Signa tamen faciem propria quamque notant.  
Cur ego quod teneris Infantia combibit annis,  
Discere non etiam tempore posse putem?  
Plurima sunt, nullo penitus mihi docta Magistro.  
Cur disci nequeat, arte iuuante, Timor?  
Ab pudet! en timeo, quæ contempsisse decebat;  
Non timeo, iustos quæ meruerê metus.  
Flagitium, minimo timeo committere teste,  
Non timeo facinus, teste patrare Deo.  
Ne corpus perimant, metuo de nocte latrones,  
Nil metuens Anima certa pericla mea.

Nempe

Nempe fugit picta sic passer imagine larua,  
 Illita cui visco virga timenda fuit.  
 Sic tremit aspecta ceruus formidine penna,  
 Nec tremit obstantes, agmina rauca, canes.  
 Sic quoque, Marmarica trepidat leo terror arena,  
 Et cadit in tensas, territus igne plagas.  
 Heu! premit humanas furor hic caligine mentes,  
 Fulgetras metuunt fulmina, nulla pauent:  
 Subijcitur pedibus nigri metus omnis Auerni,  
 Creduntur stygij fabula ficta foci.  
 Scilicet, abiecto leue fit scelus omne Timore,  
 Sed grauis insequitur pœna Timore, scelus.  
 Flagitijs demum incipium trepidare peractis,  
 Ante scelus, nullus pectora terror habet.  
 Tum pauor heu madidis mentem sudoribus angit,  
 Et læsi ante oculos Numinis ara redit!  
 Tum subitus strato vigiles Timor excutit artus,  
 Propria tum vacuos terret imago thoros.  
 Si strepitum moti dederit mus stramine lecti,  
 Creditur è syluis exiluisse leo:  
 Nocte leuis, quassâ si murmuret arbore ventus,  
 Horrestunt rigida, fronde sonante, comæ.  
 Quid faciant, subitis si fulminet ignibus æther,  
 Aut sonet at hereo grandior axe fragor?  
 Pectora cœlesti stupeant perculsa tumultu,  
 Et flammâ metuunt disiliente peti.  
 Tunc terrent aura, tunc terrent scilicet umbra,  
 Augurioq; notant omnia signa necem.  
 Quin etiam nemorum nocturna silentia terrent,  
 Ipsaq; se fontem mens furia a timer.

En quantum miseris pœna, mens conscia donat;

Ipse in sese animus verbera tortor agit.

Heu quoties stygi, turbato in Casare, manes;

Pharsali quoties emicuisit agril

Sæue Patris vindex, furis agitaris, Oreste,

Vmbra trucidata viua Parentis erat.

Mœste colubriferâ Pentheu laniaris Erynni,

Vindicat hoc læsos verberare Diua Deos.

Nulla reos animos agitat magè dira Tyrannis,

Quàm testem assiduè pectore ferre suum.

O Deus! ô confige tuo mihi corda timore!

Ne peccem furor hâc cuspide noster eget.

Viliis ante scelus Timor est qui frena gubernet,

Qui timet, admissio crimine, serò timet.

Confige timore tuo carnes meas, à iudicis enim tuis timui. Psalm. 18.

**N**ISI timor instituendæ vitæ nostræ rudimenta iaciat, impossibile fuerit sanctimoniam legitimè obseruari. Confige, inquit, timore tuo carnes meas; nam quemadmodum qui corporis membra habent clauis transfixa, ad actionem quamlibet immobilia ea retinet, sic ij quorum animam occupauit Dei timor, omnè prorsus impòrtunam peccati & obstreperam occasionem vitant: Timenti itaque nulla ad complectendam virtutem deficit facultas, cùm per Timorem ab indecorâ omni & absurdâ actione reuocatur & impeditur.

Basil.  
hom. in  
Psalm. 33.

Nam

Chryf.  
hom. 53.  
in Ioan.

Nam quemadmodum quercus altiùs demissis radicibus, nullius venti viribus sternitur, ita animam *Diuino timore confixam* nullus tentationum ventus euellet.

Ambr. in  
Psal. 118.  
Oñon. 15.

Sunt autem & carnes quædam animæ, sicut corpus est animæ. Carnes animæ, sunt carnales cogitationes: *Configat has carnes timor Domini & iudiciorum eius.*

Basil.  
hom. in  
Psal. 33.

Eiusmodi ergo timore eruditus, quasi freno quopiam ab arce, & inhibe animam ad vitiosam concupiscentiam propendentem.

Bern.  
serm. 29.  
in Cant.

Prudenter sagittari & impugnari salubriter postulat Sanctus cum dicit in oratione, *Confige timore tuo carnes meas*; optima *Timor iste sagitta*, qui configit & interficit carnis desideria, vt spiritus saluus sit.

Bern. lib.  
de interiore do-  
mo, ca. 36.  
Bern. ser.  
54. in Cât.

Teneat ergo & terreat timor Iudicij, metus gehennæ, laquei mortis, dolores inferni, ignis vrens, vermis corrodens, sulphur fœrens, flamma tartarea & omnia mala.

In veritate enim didici, nihil eque efficax esse ad gratiam promerendam, retinendam, recuperandam; quàm si omni tempore, coram Deo, inueniaris non altum sapere, sed timere. Beatus es si cor tuum triplici amore repleueris; vt timeas quidem pro acceptâ gratiâ, ampliùs pro amissâ, longè plus pro recuperatâ.

August. in  
Psal. 52.

[Sed multi] *trepidauerunt timore, vbi non erat timor.* numquid enim timor est si quis perdat



perdat diuitias? non est ibi timor, & ibi timetur. si quis autem perdat sapientiam, ibi verè timor, & ibi non timetur. Stultitia, dicens in corde suo, non est Deus; timuisti perdere terram & perdidisti cœlum!

[Sed] ita se habet peccatum, vt priusquā fiat & ad opus perueniat, obtenebret & decipiat mentem; postquam autem consummatur, manifestè nobis suam absurditatem proferat & ostendat. Vnde brevis illa & absurda voluptas continuum menti dolorem inserit, conscientiaëque fiduciam aufert, confusione captam perfundēs. Misericors enim Deus eiusmodi accusatorem nobis assistere voluit, vt nunquam soli relinquamur, sed indefinenter ille cōgrediens clamet, & pœnam exigat delictorum. Scottator enim vel adulter, etiamsi omnium obliuisci queat, numquam tamen sic in solitudine versatur, quin habens acrem illum accusatorem, suspiciones timeat, vmbas tremiscat, & eos qui conscij sunt, & qui non sunt; perpetuaque in animo eius potestas est, ac reciprocantes, & contrarij fluctus. Insuper neque somnus ei suauis, sed terrore & formidine plenus; neque cibis voluptatē præbet, neque amicorum colloquia talem refocillare vel liberare ab vrgente anxietate possunt: sed quasi Carnificem gestaret se lacinantem & flagellantem continuo, ita post admissum faci-

Chryf.  
hom. 20.  
in Genes.

nus obambulat; nullo conscio, sustinens intolerabiles pœnas illas, & iudex sui ipsius factus & accusator.

Iob 15.

*Sonitus terroris semper in auribus illius: & cum pax sit, ille semper insidias suspicatur.*

Chryso-  
stomus  
concl. 1. de  
Lazaro, in  
c. 16. Luc.

Explica mihi [improbi] conscientiam, & videois intus grauem peccatorum tumultum, iugem metum, tempestatem turbationum videbis, velut in curiâ, mentem ad thronum conscientiae conscendisse regalem, & tamquam ludicem quempiam sedentem & cogitationes loco carnificum adhibentem, in equuleo suspendentem, lateraque conscientiae radentem ungulis; pro commissis vehementer inclamantem, cum nemo sciat, nisi quod solus Deus hæc videre nouerit. Etenim qui committit adulterium, etiam si millies fuerit dives, etiam si nullum habeat accusatorem, non desinit tamen intus se accusare. Et voluptas quidem temporaria est, dolor verò perpetuus; timor vndique ac tremor, suspicio & anxietas: angulos metuit, umbras ipsas formidat, suos ipsius famulos, conscios, inscios; illam ipsam quam corrumpit, & virum quem affecit contumeliâ. Obambulat, amarum accusatorem circumferens, conscientiam, cum sit suo ipsius iudicio damnatus, nec possit vel ad breue tempus respirare. Nam & in lecto, & in mensâ, & in foro, & in domo, & interdiu & noctu,

& in

& in ipsis frequēter somnijs, hæc iniquitatis simulacra videt, ipsiusque Cain vitam viuit, gemens ac tremens super terram, cum nemo sciat; intus tamen habet ignem implicitum. Idem patiuntur & qui rapinam exercent, & qui fraude lucrum faciunt, & ebriosi, & in summâ quotquot in peccatis viuunt. Neque enim ullâ ratione iudicium illud potest corrumpi muneribus.

Externi Iudices & pecunijs corrumpuntur, & assentationibus delinquantur & metu simulant; denique multa sunt alia, quæ rectum illorum iudicium deprauant: At conscientia tribunal, nulli hominum nouit cedere, sed quamuis dederis pecunias, quamuis mineris, quamuis aliud quidlibet feceris, iustam feret sententiam aduersus peccatorum cogitationes, adeo ut ipse quoque qui peccatum admisit seipsum condemnnet etiamsi alius nullus accuset.

Chrysof.  
conc. 4. de  
Lazar.

Incorruptus iudex, conscientia, cum aduersus hominem exurgit, clarâ voce clamat & accusat, & ostendit, & quasi ante oculos scribit peccatorum magnitudinem.

Chrysof.  
hom. 17.  
in Gen.

*Confige [ergo Domine] timore tuo carnes meas; lateatur cor meum, ut timeat nomen tuum. Utinam te sic timeret peccatrix anima mea, quomodo ille vir sanctus qui dixit: Semper enim quasi tumentes super me fluctus timeas Deum!*

Aug. mendic. cap. 34.



*Averte oculos meos ne videant vanitatem. Psal. no.*

## V.

Auerte oculos meos ne videant vanitatem. *Psalm. 118.*

**P**eruigilant gemina celfo mihi vertice stelle,  
 Queis est perpetuis munus in excubijs.  
 Nec tamen errantes neque possum dicere fixas,  
 Sed meritò, duplex vtraque nomen habet.  
 Errat ab officio vaga sapius vtraque iusso,  
 Vtraque docta suum fixa tenere locum.  
 Motibus amba agiles, fixæ stationibus amba,  
 Quod genus hoc stellas Oedipus esse puer?  
 Vos, oculi; vos, conspicue duo lumina frontis,  
 Sidera vos estis, quæ mihi bina micant.  
 Vos, quibus in celsâ statio data peruigil arce,  
 Excubat vt summâ lucida flamma Pharo.  
 Aut qualis speculâ seruans spectator ab altâ,  
 Quæque propinqua, videt; quæque remota, videt.  
 Nontamen, vt trepidis qui lucent nauibus ignes,  
 Vos mihi tam fidâ lampade fertis opem:  
 Flâma regit nauas, dum flammam teda ministrat,  
 Aut flammam retrahant quæ posuere manus;  
 Vos (velat excussis rapidus ruit axis habenis,  
 Frenaq; qui rupit durior orâ equus.)  
 Quid lubet, indomitum differtis in auita cursum,  
 Iam nullâ Domini lora regente manu.  
 Oculi scopuli titulo meliore vocandi!  
 Heu quibus allisa tot periêre rates!



Dina peregrinas virgo visura puellas;  
 Mater, depositâ virginitate, redit.  
 Rex videt Vriaden nitido semel amne lauante;  
 Illa, Cupidineas vibrat ab amine faces.  
 Pulcra Duci Assyrio dum comit Iuditha formam,  
 Assyrium iruncat Iuditha compta Ducem.  
 Fortè senes niueam semel aspexère Susannam,  
 Ambo senes oculis interièrè suis.  
 Non tot, ad infames, dura Acroceraunia, cautes,  
 Hypotada laceras contudit ira rates.  
 Non tot, inexpletis fera faucibus vnda Maleæ.  
 Scyllaq; veliferas hausit auara trabes.  
 Quis pia nunc igitur non laudet fœdera Iobi,  
 Qua cum luminibus sanxerat ille suis?  
 O oculi! ô quanto vos tutius illa revulsit,  
 Democriti, proprijs dextera magna cauis!  
 Quàm benè, Christiadùm quoque nobile, Lucia,  
 Extudit intrepidâ lumina bina manu! [nomen,  
 Oculi! ô scopuli! crudelia, barbara saxa!  
 Saxa, quibus magna tot cecidèrè Anima!  
 Quàm malè commissio geritis pro munere curam;  
 Ad mala quos toties sensimus esse Duces!  
 Scilicet hâc vobis, capitis custodia lege,  
 Præcipuq; arcis credita cura fuit.  
 Ut rectos hominum vultus, sublimiaq; ora  
 Digna Polo, brutâ deprimeretis humo.  
 Quin potiùs Superis mentes attollitis oris,  
 Hasq; super terras, Oceanumq; super?  
 Stellarumq; super, mundi; volubilis orbes,  
 Denique quicquid habet, lunaq; solq; super?

Illius, & oculi! spectacula pulchra theatri,  
 Materies, vestris lusibus apta foret.  
 Patre sed æternis cœnum præponitis Astris,  
 Omnis & in terras pronior iuit amor.  
 Quid faciam? abruptis oculi regnatis habentis,  
 Iam frenum indociles imperiumq; pati.  
 Obde, Deus piceas oculis erronibus umbras,  
 Aut superiniecta lumina claude manu!

*Auerte oculos meos ne videant vanitatem.* Psalm. 118.

**V**Æ cæcis oculis qui te non vident, Sol August. soliloq. cap. 4+  
 illuminans Cœlum & terram! væ caligantibus oculis, qui te videre non possunt!  
 væ auertentibus oculis vt non videant veritatem! væ non auertentibus vt videant vanitatem.

Numquid, quamdiu sumus in hoc mundo, possumus non videre vanitatem? *Aug. in Psalm. 118.*  
*omnis enim creatura vanitati subiecta est.* An iste fortassis, hoc orat, vt non sit eius vita sub sole, vbi omnia vanitas?

Qui in viâ est Dei, vanitates non aspicit: *Ambr. in Psalm. 118. Octon. 5.*  
 via perfecta CHRISTVS est; qui igitur in CHRISTO est, quomodo potest vanitates aspicere, cùm CHRISTVS in carne suâ omnes huius mundi crucifixerit vanitates? *Auertamus igitur oculos nostros à vanitatibus,* ne quod oculus viderit, animus concupiscat. Pantomimum aspicias, vanitas est: luctatores aspicias, vanitas est: equos currentes aspicias, va-

M 3 nitas

nitas est, Ante nos est **CHRISTVS**; ante nos  
brauium eius, ad hunc dirige oculos tuos,  
auerte à spectaculis, auerte ab omni sæcu-  
lari pompâ; serua eos, vt erigas melioribus.  
Erige ad Cœlum; vel nocte, stellarum mo-  
nilia, orbem lunæ decorum; vel die, solem  
aspice. Specta mare; terram circumspice, vt  
opera facta diuino omnis creatura te pascat.  
Quæ formarum gratia in ipsis bestiis? quan-  
tus decor in hominibus? quanta in aui-  
bus pulcritudo? hæc intueri, & non videbis ini-  
quitatem; hæc vide, & non introibit mors  
per fenestras oculorum tuorum. Si videris  
mulierem ad concupiscendam eam; intra-  
uit mors per fenestram: si videris possessio-  
nem minoris aut viduæ, & concupieris deri-  
pere eam; intrauit mors per fenestras: si vide-  
ris aliena monilia, aurum, argentum, & con-  
cupieris vt extorqueas; intrauit mors per fe-  
nestram. Claude ergo hanc fenestram, cum  
videris alienæ mulieris pluchritudinem, ne  
mors possit intrare. Vanitas est, sollicitudo  
vitæ huius. In vanitate currit, qui sibi succe-  
sibus videtur affluere sæcularibus, qui tam-  
quam umbra prætereunt; *Auerte igitur oculos  
tuos, ne videant vanitatem;* Sed non satis est vt  
tu auertas, ne fortè velis & non possis; si of-  
fundat tibi diabolus vanitatum spectacula,  
incentiua inserat voluptatum; pete vt Do-  
minus auertat oculos tuos.

[Etenim]

[Etenim] pulcras formas & varios, nitidos  
 & amēnos colores amant oculi. Non te-  
 neāt hęc animam meam. Teneat eam Deus,  
 qui hęc fecit bona quidem valde, sed ipse est  
 bonum meum, non hęc. Refuto seductio-  
 nibus oculorum, ne implicentur pedes mei,  
 quibus ingredior viam tuam, & erigo ad te  
 inuisibiles oculos, vt tu euellas de laqueo  
 pedes meos Tu subinde euellis eos, nam il-  
 laqueātur. Quām innumerabilia varijs arti-  
 bus & opificijs, in vestibus, calceamētis, va-  
 sis & huiusmodi fabricationibus, picturis  
 etiam diuersisq̃ue figmentis, atque his vsum  
 necessarium atque moderatum, & piam  
 significationem longē transgredientibus,  
 addiderunt homines ad illecebras oculo-  
 rum, forās sequentes quod faciunt, intūs re-  
 linquentes à quo facti sunt, & exterminan-  
 tes quod facti sūt! At ego, Deus meus, & de-  
 cus mecū, etiam hinc dico tibi hymnum, &  
 sacrifico laudē sanctificatori meo, quoniam  
 pulcra, traiccta per animas, in manus artifi-  
 ciosas, ab illā pulcritudine veniunt, quæ su-  
 per animas est, cui suspirat anima mea die  
 ac nocte. Ego autem hęc loquens, atq; dis-  
 cernens, etiam istis pulcris gressum innecto,  
 sed tu euellis Domine; euellis tu, quoniam  
 misericordia tua ante oculos meos est, nam  
 & ego capior miserabiliter, & tu euellis mi-  
 sericorditer, aliquādo non sentientem; quia

Aug. lib.  
 10. Con-  
 fessio.  
 cap. 34.

suspensius incideram, aliquando cum dolore, quia iam inhaereram.

Basil.  
hom. II. in  
Hexame-  
ton.

Vt Deum contemplare, factus es; non vt humi irreat vita tua, non vt pecudum ritu, voluptate perfruaris; veriùs vt ad normam & institutum cœlestis vitę, tuam ipsius componas: & hęc gratiã non in scitẽ dixit sapiens Ecclesiastes, *sapientis oculi in capite eius*. Cuiusnam oculi non sunt in capite? atque hic, in *capite*, hoc est, vt ea contemplentur quę in sublimi sunt; nam qui non ad bona quę in sublimi sunt, sed quę in terrã expectat, is vtique defigit detrahẽ ue oculos in terram.

Bernard.  
serm. 25.  
in Cant.

Perverſa res est & cœdã, luteum vas (quod est corpus de terrã) oculos habere sursum, cœlos liberẽ suscipere, cœlorumquẽ luminaribus oblectare aspectum; spiritualem verò cœlestemquẽ creaturam, suos è contrario, oculos trahere in terram deorsum; & quę debuit *nutriri in croceis*, herere luto tamquam vnam de suis, *amplexariquẽ stercorea*. Erubescere anima mea diuinam in pecorinam commutasse similitudinem. Erubescere volutari in cœno, quã de cœlo es.

Aug. in  
Psalm. 39.

Qui fecit omnia, melior est omnibus, pulcrior est omnibus; qui fortia, fortior est; qui magna, maior est. Quicquid amaueris, ille tibi erit. Disce amare in creaturã Creatorem, & in facturã factorem; ne teneat te, quod ab illo factum est, & amittas eum, à quo & ipse factus



factus es. Ergo beatus vir, cuius est nomen Domini spes eius. & non respexit in vanitates & insanias mendaces. Fortè nobis dicturus est, qui versu isto percussus corrigi voluerit, & cœperit ambulare angustam viam; ambulare nō durabo, si nihil spectabo; quid ergo facimus, fratres? dimissuri vos sumus, sine spectaculo. Demus pro spectaculis, spectacula. Et quæ spectacula daturi sumus Christiano homini? *Multa fecisti tu Domine Deus meus mirabilia tua.* Miracula hominum intuebatur, intendat mirabilia tua. *Multa fecit Dominus mirabilia sua*, hæc respiciat. Aurigam laudas regentem quatuor equos, & sine lapsu atq; offensione currentes; fortè alia miracula non fecit Dominus. Regat luxuriā, regat ignauiam, regat iniustitiam, regat imprudentiam, & regat & subdat sibi, & teneat habenas. Nunc spectahistrionē (didicit enim homo magno studio in fune ambulare, & pendens, te suspendit) illum attende editorem maiorum spectaculorū: Didicit iste in fune ambulare: numquid fecit in mari ambulare? obliuiscere theatrum; attende Petrum nostrum, nō funambulū, sed vt ita dicam, mariambulū. Ambula & tu (non in illis aquis, vbi Petrus aliquid significans ambulauit, sed in alijs, quia hoc seculum mare est) hīc ambula, hoc calca. Spectare vis, esto spectaculum. hæc miracula Dei sunt, hæc cogitationes Dei sunt, qui-

bus nemo est similis, ut spectator ille abducatur à curiositate, & quærat ista & meliora, fructuosiora, de quibus inuentis gaudebit.

Clem. lib.  
3. in pa-  
dag. cap.  
11.

Porro autem oculis maximè parcendum est, quoniam melius est labi pedibus, quàm oculis. *Si te tuus scandalizat oculus, excinde eum.* Lasciuia autem aspectus & versatilibus, actanquam conuiuentibus oculis intueri, nihil est aliud, quàm oculis mœchari, cū per eos cupiditas prima ineat pugnae præludia. Nam ante totū corpus, corrumpūtur oculi.

Ambr. de  
fugā saeculi  
cap. 1.

Pulcrè igitur Dauid, qui periculosos etiam ipsos aspectus fuerat expertus, beatum illum dicit, cui spes omnis in Dei nomine est. hic enim non respicit in vanitates & insanias falsas. vnde iterum ad ipsum conuersus ait: *Auerte oculos meos ne videant vanitatem!* Vanitas, circus est, quia nihil prodest, vanitas, est equorum velocitas, quia mendax ad salutem est; vanitas, theatrum est; vanitas, ludus omnis. *Omnia vanitas*, inquit Ecclesiast. *quæ in hoc sæculo sunt.*

D. Bern.  
de modo  
bene vi-  
uen. serm.  
23.

Quàm multos scio per visū esse deceptos, & in laqueum diaboli missos! Dina filia Iacob, egressa est ut videret mulieres Regionis, & admauit eam Sichem atque rapuit, & virginitatē illius turpiter corrupit. Et sic misera puella, quia carne vidit quod videre nō debuit, honestatem ac virginitatē perdidit. Dauid etiam stās quādam die in solario do-

mus

mus suæ, vidit mulierem & adamavit eam; pro cuius amore committit adulterium & homicidium; & sic deceptus factus est legis Dei reus. Fortissimus Samson descendit in Regionem Philistinorum, & vidit ibi mulierem, arque adamavit, & in gremio illius dormiuit.

(Vtinam tam prudens ad cauendam mulierem, quàm fortis ad strangulandum leonem!)

Paulin.  
ep. 4. ad  
Seuer.

Illà verò crines capitis eius rasit, & tradidit eum in manibus inimicorum eius, qui statim oculos eius eruerunt. Moneo ergo vt facias pactum cum oculis tuis, ne incautè videas, quod videre non debes.

Bern. de  
modo be-  
ne viuendi, ser. 23.

Viderur enim super omnia esse aduersandus mulierum aspectus; non solùm enim si tangantur, sed etiam si spectentur, potest peccari, quas maximè vitare oportet eos qui rectè & syncerè constituuntur. *Oculi enim tui rectè videant.* etsi enim fieri potest, vt qui viderit, se fortiter gerat, veruntamen cauendum est ne cadat: fieri enim potest, vt qui viderit, labatur; sed fieri non potest, vt qui non viderit, concupiscat.

Clem.  
lib. 3.  
pædag.  
cap. 21.



*Fiat cor meum inmaculatum in justificationibus tuis,  
ut non confundar ! Psal, no.*

21.

## V I.

Fiat cor meum immaculatum in iustificationibus tuis, vt non confundar! *Psalm. 118.*

**S**I tibi me gratam facie fore, sponse, putarem,  
Nulla mihi prior hoc cura labore foret.

Primaq; de nitidis cautela coloribus esset,

Altera, deformes ore fugare notas;

Nullaq; deficerent medicandis vultibus arma,

Multa sed omnigenas pixis haberet aquas;

Multaq; compositos celaret capsula colores,

Quaq; nouant vetulam picta venena cutem;

Lanaq; purpurei madefacta rubedine fuci,

Cretaq; montanas vincere nata niues.

Et nitri rubra spuma & pinguis poppeana,

Quaq; cutis maculas, Halcyonea, necant.

Denique quicquid id est, quo tingitis ora, puella,

Ab nimium forma gens studiosa tua!

Tunc quoque corrigerem speculo censore lituras,

Ore nec in toto menda notanda foret.

Siquis supercilij pilus vnus abesset ab arcu,

Vnicus ecce pilus, vociferarer, abest.

Si color inficeret vitiatos decolor orbes,

Luminibus color hic, vociferarer, obest.

Si nimis adductam conuolueret area frontem,

Quae mihi ruga cutem, vociferarer, arat?

Nempe



Nempe vel exiguò metuum te ladere nauo  
 Vlla foret forma si tibi cura mea.  
 Vnaq<sub>3</sub>, quæ tumidum faceret verrucula clium,  
 Hac foret offensa causa putata tua.  
 Atque ita de minimis audirer dicere mendis  
 Dissplicet hac sponso fortè litura meo.  
 Nostro igitur reliquus si quis decor abforet ori,  
 Eximeret vitium factus ab arte decor,  
 Casariamq<sub>3</sub> alto struerent tabulata capillo,  
 Staret & in volucris plurima gemma comâ:  
 Aure duplex gemini pretium penderet Elenchi,  
 Iret Erythraus colla per alba lapis.  
 Tumq<sub>3</sub> ego sic faciem, rutilos ita compta capillos,  
 Auderem ternas vincere quarta Deas.  
 Sed memini; neque te facies, neque forma laceffit,  
 Spes capit hac cæcos inuidiosa procos,  
 Qui, quid ament, inter phaleras tot sæpè requirunt,  
 Quas ubi sustuleris, pars quota Virgo sui est?  
 Fallitur infido prope, turba leuissima, fūco;  
 Præter & has phaleras, vix quod ametur, habet,  
 AEquabat nuneos par V Vilgafortis olores  
 Nota nimis formæ nomine virgo suæ:  
 Fiat vt Androgynos setosis hispida malis;  
 Barba, rogat, teneras, vestiat hirta genas.  
 Lucia sydereis, ceu fax, lucebat ocellis,  
 Cunctorumq<sub>3</sub> oculis, Lucia, sidus erat.  
 Nemalè luceret, mea lux, extinguere, dixit;  
 Fodit & impactâ lumen vtrumque manu.  
 Leferat egregio multos Euphemia vultu,  
 Fecerat & roseis vulnera multa labris;

Vt fieret mutilo, fædoq; inamabilis ore,  
 Abscidit ense duas, bina labella, rofas.  
 Maxima de facie verus præconia rumor,  
 Deq; tuis dederat Andragesina genis:  
 Non poteras veram falsi conuincere famam,  
 Quod poteras, facta est per tua vota, breuis.  
 Sponse, peregrina non carperis igne figura,  
 Nec bene crispata falleris arte come:  
 Cortibilabe carens, tibi cor sine crimine, cordi est;  
 Obstet & vt facies, cor tibi, sponse, placet.  
 O vtinam mihi cor nullis infame lituris,  
 Flagitij purum suspitione vacet!  
 Tum, secura tui mihi mens gestiret amoris,  
 Nec mea deijceret conscius ora pudor.

Fiat cor meum immaculatum in iustifi-  
 cationibus tuis, vt non confundar.  
 Psalm. 118.

**M**ERITO omnis cura Sanctorum, spre- Bern.  
serm. 25.  
in Cant.  
 to ornatu, cultuq; superfluo exte-  
 ris hominis (qui certè corrumpitur) omni se  
 diligentia præbet & occupat excolendo ac  
 decorando interiori illi qui ad imaginem  
 Dei est, & renouatur de die in diem.  
 Hæc, hæc profectò pulcritudo est, cui ni- Amb. lib.  
1. de virg.  
 hil deest, quæ sola meretur audire à Domino  
 Tota es formosa proxima, & reprehensio nō est in te;  
 Pulcritudo enim optima, primū est pul- Clem.  
lib. 1.  
 critudo

pædag.  
cap. 2.

critudo Animæ. Est autem absurdum eos qui facti sunt ad imaginem Dei & similitudinem, (tanquam Archetypum exemplar contemnentes) externum ornatum inducere; improbum humanum artificium Dei artificio præferentes.

ibid.

Non ergo externi hominis aspectus, sed animus probitatis ornameto est ornandus.

ibid.

Non intelligunt [enim] miseræ, se propriam perdere pulcritudinem, dum externam inducunt. Antiphanus Comicus in Malthæa; irridet.

*Venit ipsa, transit, accidit, non transit,  
Venit, adest, abstergitur, accidit,  
Smigmate, saponibus purgatur,  
Pectitur, ejicit, teritur, lauatur,  
Se contemplatur, componitur, vnguentis perfunditur.*

*Ornatur, vngitur, & si quid non habeat, encatur,*

*Ter enim, non semel digna sunt, quæ pereant,*

*Quæ Crocodylorum excrementis vtuntur.*

*Et spumâ lacertarum vnguntur,*

*Et supercilia fuligine illuminant*

*Et cerussâ.*

Porro autem alias quoque arguit Comicus, nempe Alexis, eius enim verba afferam.

*Est aliqua parua: suber, insuitur in soleis:*

*Longa est aliqua; tenue gestat diababron:*

*Caput in humerum demittens ingreditur,*

Hoc

Hoc ei detrahbit de longitudine;

Depressiores alicui sunt coxa & femora;

Eis aliquid affuit, ———

Mollem ac prominentem habet ventrem;

(Vt comicorum nutrices) appositis nonnullis,  
eum erigit:

Depressus est venter, veluti contis efficit vt ante-  
rius procedat:

Supercilia habet flaua; ea aliquā depingit fuli-  
gine:

Contigit alicui vt sit nigra; tollit nigrorem ce-  
russa:

Est aliqua nimis alba, interitur farina:

Habet aliquam corporis partem candidam, eam  
nudat, ostendit;

Bellos habet dentes; rideat, necesse est;

Et quamuis non sit lata, toto tamen die ridet,

In labris tenuem habens myrthi tabellam,

Vt velit, nolit, ea cogatur tandem diducere.

Resideat quidem in vultu pudor & vira-  
ginem aspectu præ se ferat, procul autem  
absit caligo myropolarum, aurificum, lanifi-  
cum, cæterarumque officinarum:

Clem. lib.  
3. pædag.  
cap. 11.

Atque cum caro quidem serua sit, quem-  
admodum testatur Paulus, quomodo quis-  
piam iure ancillam, le nonis instar, exorna-  
uerit? Ipsum autem Dominum fuisse aspectu  
deformem testatur spiritus per Isaiam; & vi-  
dimus ipsum, nec habebat speciem, nec pulchritudinē.

Clem. lib.  
3. pædag.  
cap. 11.

Quis est autē Domino præstantior? sed non

N

canis

carnis pulcritudinem (quæ visione apprehēditur) sed veram animæ & corporis ostendit pulcritudinem: Animæ quidem beneficentiam; carnis verò immortalitatem.

Hiero. ad  
Demetr.  
de virg.  
seru. c. 5.

Quando eras in sæculo, ea quæ erant sæculi diligebas, polire faciem purpurisso, & cerusâ ora depingere; ornare crinem & alienis capillis tutritum verticem struere. Ut taceam de inaurium pretijs, candore margaritarum, rubri maris profunda testantium; smaragdorum virore, cerauniorum flammis, hyacinthorum pelago, ad quæ ardent & insaniunt studia matronarum.

Hier. 4.

*Ablue à malitiâ cor tuum.*

Gilb. ser.  
29. in Cât.

Quam enim mihi dabis animam, quam audeas ex toto pulcrâ definire?

Iob 25.

*Nemo mundus à sorde.*

Hier. 2.

*Si laueris te niuro, & multiplicaueris tibi herbâ Borih, maculata es iniquitate tuâ.*

August.  
med. c. 40.

Da mihi, Domine, cor quod te timeat, mentem quæ te diligat, aures quæ te audiant, oculos qui te videant!

Ambr in  
Psal. 118.  
O & on. 11.

Cor enim hominis quadam velut indecentium cogitationum colluue maculatur. Noli extraordinarijs cogitationibus aduersâ naturæ contaminare penetralia. manus lauas, quasi possis crimina eluere, cum mentem tuam vel nudis cogitationibus inquinatam lauare non possis. Didicisti cor esse mundandum; disce quemadmodum mundes.

Mun



Mundat hunc fontem iustificatio legitima, hoc est, confessio peccatorum. Munda ergo aquam tuam, illam aquam de qua dictum est, *aqua alta, consilium in corde viri.* quæ sint iustificationes, audisti dicentem: *Dic iniquitates tuas, ut iustificeris.* Ergo qui iniquitates suas dixit, iustificatur, qui autem iustificatur, non confunditur, quia pudorem peccatorum maturâ confessione præuenit.

Nescis ergo, Anima mea, quâ fœda prius fuisti, quàm deformis & squallida, discissa & dissipata, omni horrore, & enormitate plena! Prius stude formam tuam excolere, faciem ornare, habitum componere, maculas tergere, munditiam reparare, mores corrigere, disciplinam seruare, & omnibus tandem in melius commutatis, digno spôso dignam sponfam reddere. Numquid audisti, quid Rex Assuerus fecit? *Factum est Regis præceptum, ut de omni Regno suo congregarentur puella speciosa virgines, & adducerentur ad Ciuitatem Susan, & traderentur in domû seminatum, ibiq; acciperent mundum muliebrem, & cetera ad vsum necessaria.* Sicq; omnibus abundanter secundum Regiam ambitionem suppletis, excolerentur & ornarentur. Per sex menses, oleo mirthyno vngerentur, per alios seu quibusdam pigmentis vterentur, & sic composita & ornata de triclinio seminarum ad Regis cubiculum transirent, ut quæ ex omnibus, magis oculis Regis placuisset, illa pro Vasthi in solio Regni sederet.

Hugo de  
S. Victor.  
in Archa,  
Animæ.

*federet.* Consideremus ergo si fortè exemplū hoc, præsentī (de quo agimus) negotio valeat adaptari. Rex, summi Regis filius, venit in hunc mundum, desponsare sibi uxorem electam, uxorem vnicam, uxore nuptijs Regalibus dignam. Missi sunt Ministri Regis, Apostoli videlicet, per totum mūdum congregare animas ad sanctam Ecclesiam, in quā domus est & mansio mulierum regiarum, id est, sanctarum Animarum. Ibi sacramenta CHRISTI, quasi quædam vnguenta, & antidota ad reparationem & ad ornatum animarum preparata, accipiunt. Vide ergo vbi posita es, & intelliges quid facere debeas. Posuit enim te sponsus in triclinio, vbi mulieres ornantur: varia pigmenta, & diuersas species dedit, cibosque Regios de mensâ suâ, tibi ministrari præcepit; quidquid ad sanitatem, quidquid ad refectionem, quidquid ad reparandam speciem, quidquid ad augendum decorem valere potest, tribuit. Primò fons Baptismi est hic positus, & lauacrum regenerationis, in quo sordes præteritorum criminum abluis. Deinde chrisma & oleum, in cuius vntione, Spiritu sancto liniris. Post hæc, delibuta & vntione lætitiæ perfusa, ad mensam venis, & percipis ibi alimentum corporis & sanguinis CHRISTI, quò interiùs saginata, atque refecta, noxiam illam præteritorum

ieiui-

ieiuniorum maciem depellis. Deinde vestimenta bonorum operum induis, & fructu eleemosynarum, cum ieiunijs & Orationibus, cum sacris vigilijs, alijsque operibus pietatis quasi quodam vario ornatu decoraris. Ad vltimum sequuntur aromata virtutum, quarum odor suaue spirans, omnem illum antiquarum sordium fœtorem fugat. Datur etiam tibi *speculum, sancta scriptura, ut ubi videas faciem tuam*, ne quid minus, aut aliter quàm decet, habeat compositio ornatus tui.

O quàm multa sunt in me, de quibus coram oculis eius erubesco, & pro quibus iam magis illi displicere timeo, quàm pro ijs, quæ laudanda in me sunt (si qua sunt) place-  
re, posse in me confido! O vtinam ad modicum ab oculis eius possem abscondi, donec maculas omnes istas detergerem, & sic demum ante conspectum eius, sine maculâ, immaculata apparerem! Nam quomodo in hâc deformitate placere illi potero, quæ & mihi quoque in illâ vehementer displiceo? ô maculæ veteres! ô maculæ fœdæ & turpes! quid tam diu hæretis? abite, discedite, & ne præsumatis ampliùs oculos dilecti mei offendere.



*Veni dilecte mi, egrediamur in agrum, com-  
moremur in villis. Cantic. 7*

22.

## VII.

Veni dilecte mi, egrediamur in  
agrum, commoremur in villis.

*Cant. 7.*

**I**am satis urbanas, mea lux, habitauimus ades;  
Quin semel in virides exstatiamur agros?  
Tuta quidem validi circumdant oppida muri,  
Por: aq; ferratis non carer vlla seris:  
Est tamen in patulis, quid nescio, tutius hortis,  
Quod nusquam in clausa mœnibus vrbs habes?  
Magnificis turgent urbana palatia tectis,  
Multus & hic celsâ crusside surgit apex.  
Nescio quid melius tamen illa mapalia spirent,  
Rustica quæ tenui stramine canna tegit.  
Quid dubitas, mea lux, quin, quàm procul vrbibus  
Tam procul agrestû, distet ab vrbe quies? [agri,  
Fabula cantatur vaturn notissima lusu,  
Ad bene fallendas fabula ficta vias:  
Et facit ad rerum modò quas tractauimus, vsum;  
Stilubet, auditu decipiemus iter.  
Rusticus urbanum tectum mus paupere murem,  
Fertur & appositis detinuisse cibis.  
Musq; epulas muris ridens urbanus, agrestis,  
Hæc tuasi mensa est, sat mihi ruris, ait.  
Mox vice conuersâ, mus Rusticus iuit in urbem,  
Vrbico in hospitium mure vocante suum:  
Magnaq; cùm tanto minor esset mensa paratu,  
Vt sonuere fores mensa relictâ fuit;



Et propè deprenso conuiuâ expalluit hospes,  
 Turbatq; suum vix reperere cauum.  
 Rusticus ast animo sensim cum voce recepto,  
 Corripuit celerem Musculus vrbe fugam:  
 Et procul è cliuis oculis ad moenia torquens;  
 Quàm meus his præstat mœnibus, inquit, ager!  
 Iam satîs vrbanas, mea lux, habitauimus ades.  
 Vrbe volant strepitus, Rus colit alta quies.  
 Si memor es (subeat tibi pars lautissima vulgi)  
 Quisq; suburbanum rus propè cinis habet;  
 Cumq; suam assiduè commendet quilibet urbem,  
 Re tamen, ipsa magis rura; placere docent.  
 Quin, quorum imperiis vrbesq; arcesq; reguntur,  
 Anxia securo pectora rure leuant.  
 Et magis hic puri libertas aurea Cœli,  
 Quàm laqueata, domi, marmore recta placent.  
 Nec quæ centeno sinuat se porticus arcu,  
 Lenit, vt ambiguos paruula villa, metus.  
 Iam satis vrbanas, mea lux, habitauimus ades,  
 Quin semel in villis degimus, aut in agris?  
 Est mihi fontanis circumdata villula riuus,  
 Villula, quâ nusquam cultior vlla vires,  
 Seu cœli ingenio, seu fertilis indole terra;  
 Aptaq; vicini commoditate loci.  
 Huc mea lux, paucis tantum si veneris horis,  
 Oblitus patriæ protinus vrbis eris.  
 Tumq; ego, ceu tacitâ turtur medidatus in vmbra,  
 Libera colloquiu, Sponsæ, vacabo tuis.  
 Et procul à populis procul vrbibus atque tumultu  
 Optata toties, sola, quiete fruâr.

Audiet hęc nullis quę mutua verba loquemur,  
 Nostraq; qui turbet otia nullus erit.  
 Quicq; notet nostros, nemo metuendus, amores,  
 Tetricus hic nullum ius sibi Censor habet.  
 Tunc mihi tu promes secretis intima fibris  
 Quęq; iuuent animum verba cupita meum.  
 Tunc ego, sim quantā, dicam tibi, saucia flammā;  
 Quęq; licet similes, dicta placere, scio,  
 O semel optati micet hac mihi fideris aura;  
 Quam fortunato lux erit illa die!  
 Iam satis vrbanas, mea lux habitauimus ades;  
 Nostra sit exiguo tempore, villa domus.



*Veni dilecte mi, egrediamur in agrum,  
commoremur in villis. Cant. 7.*

Hier. 2.

**Q**uis dabit me in solitudine diuersorium via-  
torum?

D. Thom.

Aquin.

hoc loco.

Bern. de

inter. do-

mo cap. 66

Mallem [enim] in solitudine habitare,  
per quam nullus vel rarus transit.

Vtinam nullus hominum esset mecum  
exteriùs, vt familiariùs loqui possem cū Deo  
interiùs! ipse enim & secretum quærit, & so-  
litarium locum diligit. Fugiam ergo homi-  
num solatia & colloquia; vt in secreto cor-  
dis mei. Deum habitatorem habere possim.  
Assuescam ergo sola intima cogitare, sola in-  
teriora diligere, & in illis permanere, vt pos-  
sim audire *quid loquatur in me Dominus Deus  
meus*. Ecce adsum pijsime Deus, tecum sum,  
inrùs sum. Quamdiu in exterioribus occu-  
patus fui, vocem tuam intrà audire nō potui.  
Nunc autem reuersus ad me, ingressus sum  
ad te, vt possim te audire, & tibi loqui.

Psalm. 54.

Greg. l. 4.

mor. c. 35.

in Iob.

*Ecce elongaui fugiens, & mansi in solitudine.*

Fugiens se elongat, qui à turba desiderio-  
rum temporalium in altam Dei contempla-  
tionem se subleuat.

Hier.

Ep. st. ad

Rustic.

Bernard.

homil.

Simila

Oppidum, carcer; solitudo, paradysus  
est.

O solitudo beata! ô Eremita, mors vitio-  
rum, vita virtutum! te lex & Prophetæ mi-  
rantur,

rantur, & quicumque ad perfectionem venerunt, per te in Paradysum introierunt: <sup>est Regnum</sup> <sup>caelorum</sup> <sup>homini ne-</sup> <sup>gotianti.</sup> ô beata vita solitaria & contemplatiua! quid vltra de te loquat? ipse Dei filius Saluator & Magister noster, exemplum dedit nobis, fugiens in desertum & mansit in solitudine; vbi sunt Rosæ charitatis, quæ semper flammescunt, quæ semper in sancto odore viuunt? ô solitudo negotiorum cœlestium apotheca! in te transitoria & terrena mutantur in cœlestia & æterna. Denique in te, lacrymæ mutantur in risum, & gaudium pariunt sempiternum.

Pia anima [ Deo ] se totam exhibere nifens in studio contemplationis *Veni*, inquit, <sup>Mich. Giff</sup> <sup>ler-in c. 7.</sup> <sup>Cant.</sup> *in agrum, commoremur in villis*: congruentissimè cōtemplationis studium, *agri* exprimit vocabulo; quia & illud in solitudine, longeque ab hominum cōuersatione exerceri solet; & nouimus agrum eas dici terras, quæ sunt in solitudine, longeque à conuentibus humanis; Ac, sicut ager si excolatur, ingentem profert fructuum vbertatem, quibus nutrimur in corpore, ita & contemplatio, si rectè exerceatur, tantam profert virtutum copiã, vt per illas, in vita aliamur spiritali. Vnde bene & in libro Genesis dicitur de S. Isaac: *Et egressus fuerat ad meditandum in agro, inclinât iam die*: Nec minùs congruè particulares meditationes, villarû nomine designat.

designat; quandoquidem, sicut villas ea ap-  
pellare solemus prædia, in quibus præclaræ  
in agro sunt habitationes, ad id potissimum  
extructæ, vt in illas tunc se conferant homi-  
nes, cùm à mundanis negotijs respirare vo-  
luerint; cùm ex infirmitate aliquâ conuales-  
cere, aut quoquo pacto se recreare volue-  
rint, & cùm fructus ex agro colligere, atque  
seruare curauerint: ita & meditationes pari-  
ter præclaræ sunt ædificia ab Animâ ipsâ in  
agro cõtèmplationis sibi extructa, in quibus  
illa, fugiens præsentis sæculi negotia, quietè  
commoretur; in quibus & commorans, ex  
qualibet peccati ægritudine conualescat,  
summisque fruatur delicijs, ac demum exi-  
mios virtutum colligat, seruetque fructus.  
Benè quoque pia anima, cum Deo dilecto  
suo, *egredi* se, inquit, velle in *agrum* contem-  
plationis, & *commorari in villis* meditatio-  
num, cùm voluptatem nullam percipiat ex  
hominum conuersatione. Quin imò quam-  
uis terrenarum rerum copia exuberet in sæ-  
culo; quamuis prospere sibi cuncta contin-  
gant, minimè tamen ex commodis hiscè  
quippiam percipiat voluptatis, nec vnquam  
verè se arbitratur lætam, nisi cum sibi egredi  
liceat in hunc cõtèmplationis agrum. Quâ  
in re, videtur se habere instar auis illius, quæ  
tamen in caueâ omnibus abundet rebus,  
tum quæ ad victum ei sunt necessaria, tum  
quæ



quæ voluptati illi esse possent; lætam tamen numquam se reputat, quoad vsque permisum ipsi fuerit, à caueâ ipsâ egredi, liberè volare, & commorari in foraminibus petreæ. Lure autem cum Deo egredi vult, quem vnum habet dilectum; quia nec homines ardentè quempiam amâtes, villarum quippiam percipiunt gustus, nisi amicum illum comitem habeant, ideoque ipsum inuitant. Et experienciâ comprobamus, etiam summos Reges ac Principes, ad quos difficillimus aditus esse solet, cum in palatio Regioque in throno resident, in villis commorantes, etiam cum infimis rusticis libentiissimè conuersari; & hoc illud est, quod anima intendit, cum illum in dictû inuitat agrum & villas, vt familiariter cum eo agat, vt cum vnico dilecto. Neque verò admodum temporis huic indulgere vult studio contemplationis, & familiariter agere cum Deo, sed delectatione maximâ, diutiùs in eo optat persistere; id namque ijs indicat verbis; *commoremur, sed per noctem, aut requiescamus in villis.*

Quamdiu [enim] animus permixtus est  
turbis & in multitudine fluctuantium volu-  
tatur, nec vacat soli Deo, nec segregatus est à  
vulgo. Propterea, ô anima, quæ per oratio-  
nem & contemplationem Deo vacare de-  
creuisti, esto sola; hominum consortia fuge,  
tumultuosas mortalium conuersationes de-  
uita,

Laur.  
Iustin. in  
lig. vit.  
tra&. de  
orat. c. 5.

Bern. ho.  
mil. 40. in  
Cant.

nita, vt illi soli te solam serues, quem ex omnibus elegisti.

O sancta Anima, sola esto, vt soli omnium serues te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis, etiam & ab illo qui tibi ministrat. An nescis, te verecundum habere sponsum, & qui nequaquam velit tibi suam indulgere præsentiam, præsentibus cæteris? secede ergo, sed mēte, non corpore, sed intentione, sed deuotione, sed spiritu: de cætero, sola indicitur tibi mentis & spiritus solitudo. Solus es, si non communia cogites, si non affectes præsentia, si despicias quod multi suspiciunt, si fastidias quod omnes desiderant, alioquin nec si solus corpore es, solus es.

Hieron.  
epist. 1. ad  
Neliod.

O desertum CHRISTI floribus vernans! ô solitudo in quâ illi nascuntur lapides de quibus in Apocalypsi ciuitas magni Regis extruitur! ô Eremita, familiaris Deo gaudens! quid agis? quâmdiu te tectorum umbræ premunt? quâmdiu fumosarum urbium carcer includit? Crede mihi nescio, quid plus lucis aspicio; libet sarcinâ corporis abiectâ, ad purum ætheris euolare fulgorem.

## VIII.

Trahe me post te, curremus in odorem vnguentorum tuorum.

*Cant. 1.*

**A**spicis ut iaceant strati sine viribus artus,  
 Nec sim qualis eram, sola sed umbra moi?  
 Vix traho pertasa fastidia tetrica vita,  
 Ipsaq; sunt oneri languida membra sibi.  
 Lassa iacet capitis nimio sub pondere cervix,  
 Sarcina suntq; manus, sarcina suntq; pedes.  
 Assidueq; novam querunt iactata quietem,  
 Nec scio quo tandem fessa locare situ.  
 Surgere nunc meditor, nunc lassa recumbere strato,  
 Nunc nixum cubito sustinuisse caput.  
 Nunc lubet inuerso, nunc ore cubare supino,  
 Nunc aliud lateri substituisse latus.  
 Cumq; tori cunctas peragraui languida partes,  
 Quilibet ex aequo displicet usque locus.  
 Heu! quid agā, grauis ipsa mihi, languēsq; iacēsq;  
 Teq; volens cursu, non tamen apta, sequi?  
 An fugis, & medijs morientem deseris agris?  
 Nec mora tanta datur dum comes ire queam?  
 Aeger ita in Libycis, à milite, miles arenis  
 Deseritur, subita cum data signa fugae;  
 In triuijs genitrix ita proijcit impia natum!  
 Quem lactare pudor, pauperieq; vetat.

O

Tende

Tende manum, nostrig<sup>3</sup> pius miscrere doloris;  
 Tende manum refugo vel pede siste gradum.  
 Troica Dardanius cum Pergama cingeret ignis,  
 Quisq<sup>3</sup> senem rapuit filius igne Patrem.  
 Trans mare defessam fert nata Cyconia matrem,  
 Sustinet hinnulei Cerua natantis onus.  
 Tu solam ignotis, fugitine, relinquis in aruis,  
 Nec sinis hoc humeris ponderis esse tuis?  
 Quamquã ego, vel fieri tibi sarcina tanta recusem,  
 Si modo vel leuiter traxeris, ipsa sequar.  
 Et sequar & curram, rapiarq<sup>3</sup> simillima vento,  
 Languida funesto qua modo strata solo.  
 Nec quibus inuitam cogas, opus ense, vel armis,  
 Sponte nec iniecto, libera, fune sequar.  
 Traxit ad impulsa querulos testudinis ictus,  
 Cum syluis Geticas Thrax Cytharista feras:  
 Traxit, & attonita syluæq<sup>3</sup> feræq<sup>3</sup> stupebant;  
 Sic fide sic filo, se potuisse trahi.  
 Non ego Byssonij mouear testudine Vatis,  
 Nec trahar Aônia voce sonante byra.  
 Quemq<sup>3</sup> sui rapiunt sensus, sua quemq<sup>3</sup> voluptas,  
 Se finit hic oculis, auribus ille capi.  
 Non ego luminibus, non auribus otia venor;  
 Noster Achemenij languor odoris eget.  
 Lux mea, rorilegis halat tibi spica capillis,  
 Manat odorata Palladis umbre caput.  
 Vda Palestino fragrant tibi tempora nardo  
 Myrrbag<sup>3</sup> de madidis stillat odora labris.  
 Efflat Oxontai tibi graminis halitus auras,  
 Verbaq<sup>3</sup> quot loqueris tot iacis ore rosas.

Albaq<sup>3</sup>

Albaq<sub>3</sub> Panchao ceruix tibi sudat oliuo,  
Assyriog<sub>3</sub> humeros rore perungit Onix.  
Et manus Ambrosiis pluit vtrag<sub>3</sub>, roscida guttis,  
Et digiti Libycæ germina mæsis olent.  
Denique quicquid olent, conchis vnguenta Sabais,  
Balsama quicquid olent, hoc meus halat Amor.  
Nec solum Assyriis quæ sudant balsama ramis,  
Nataq<sub>3</sub> odorifero thura Sabæa solo:  
Fragrat Orontæis hîc spica sîuauior herbis,  
Guttaq<sub>3</sub> Panchais nobilior lacrymis.  
Nempe tuo qualis, Basilissa pudica, cubili,  
Qualis odor thalamo, Cecili casta, tuo;  
Aut qualis, cùm Dorothea pennatus Ephebus  
Attulit hybernas germina verna rosas;  
Aut Nasareni genæ qualis cum Virginis adent  
Sparsit Iessæi floris anhelus odor;  
Denique Diuorum qualis cùm gemmea stillant  
Indigetum liquidis amphitheatra crocis.  
O semel has liceat mihi ducere naribus auras!  
Quam modò languebam, sana repente sequar.  
Multaq<sub>3</sub> currentem sociarum turba subibit,  
Vt glomerat socios vincta columba greges.



*Trahe me post te, curremus in odorem  
unguentorum tuorum. Cant. i.*

August.  
man. c. 20.  
Bern. ser.  
21. in Cāto

**A**N I M A amans fertur votis, trahitur  
desiderijs.

Fessū sum, deficio; noli me deferere, *sed  
trahe me post te*, ne incipiam vagari post ama-  
tores alios, nec curram quasi in incertum,  
*Trahe me post te*, quia satiūs mihi est vt me tra-  
has, vt scilicet vim qualemcumque mihi, aut  
terrendo minis, aut exercēdo flagellis, infe-  
ras, quā parcens in meo me torpore securā  
derelinquas. *Trahe me* quodammodo inui-  
tam, vt facias voluntariam: trahe torpētē,  
vt reddas currentem. Erit quando non in-  
digebo tractore, quoniam voluntariē &  
cum omni alacritate curremus.

Ibid. initio Quid? sponsāne ergo necesse habet trahi,  
& hoc post sponsum? quasi verò inuita eum  
& non libens sequatur. Sed non omnis qui  
trahitur, inuitus trahitur; nempe enim infir-  
mum aut debilem ( eū scilicet qui per se ire  
nō valet) trahi ad balneū, seu ad prandiū  
non piger; etsi reum pigeat trahi ad iudiciū  
vel ad pœnam. Deniq; trahi vult quē & hoc  
rogat; non autem rogaret, si sequi per se ip-  
sam dilectum, prout velleret, valeret, vt quid  
verò nō valet? An infirmā fateamur & spon-  
sam? si qua ex adolescentulis infirmam se di-  
ceret

leret & pereret trahi, nequaquā miraremur. At verò de spōsa, quæ trahere, & alios (utpote fortis & perfecta) posse sufficere videbatur, cui non durum sonet, quod & ipsa trahi tamquā infirma vel debilis necesse habeat? de quam animā iam cōfidimus, quod valida sit & sana, si illam infirmā dici consenserimus, quæ pro sui singulari perfectione, & excellentiori virtute, sponsa Domini nominatur? Quantauius perfectionis anima, quādiu quidē gemit sub corpore mortis huius, & huius sæculi nequā retinetur inclusa carcere, vincta necessitatibus, rotq; sceleribus, libentiùs, segniùsque assurgat necesse est ad contemplāda sublimia; nec omninò liberū habet, sequi sponsum quocūque ierit. Hinc lacrymosa vox illa gementis, *Infelix ego homo, quis me liberabit de corpore mortis huius?* hinc supplex illa precatio. *Educ de carcere animam meam.* Dicat proinde, dicat cum gemitu etiā sponsa. *Trahe me post te, quia corpus quod corrumpitur aggrauat animam, & deprimit terrena inhabitatio sensum multa cogitantem.*

Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris huius currere modò sicut heri & nudius tertius. Curremus autem postea, cum reddideris lætitiā salutaris tui, cum redierit melior temperies gratiæ; cum Sol iustitiæ iterū incaluerit & per-

Bern. ser.  
21. in Cāt.

transierit tétationis nubes, quæ nûc operire  
ad horam cernitur, atque ad leuē flatum au-  
ræ blandioris solito, cœperint vnguenta li-  
quescere & aromata fluere, & dare odorem  
suum. *Tunc curremus*; in odore illo curremus,  
spirantibus in quâ vnguētis curremus, quo-  
niâ abscedet torpor qui nunc est, & reuer-  
tetur deuotio, & iam non erit opus nobis vt  
trahamur, quippe odore excitatis, vt spontè  
curramus. Nûc verò interim *trabe me post te*,  
non curram ego sola, etsi solam me trahi  
petierim, current & adolescentulæ mecum.  
Curremus pariter, curremus simul; ego o-  
dore vnguentorum tuorum, illæ meo exci-  
tata exemplo, atque hortatu, ac per hoc,  
omnes in odore vnguentorum tuorum curremus.

Curremus, curremus, sed in odore vnguento-  
rum tuorum, non in postroꝝ fiduciâ merito-  
rum, nec in magnitudine virgum nostrarum,  
Currere nos cōfidimus, sed in multitudine  
miserationum tuarum. Nam etsi quādo cu-  
currimus ac volūtariæ fuimus, non fuit volen-  
tis, neque currentis, sed miserēis Dei. Reuertatur  
miseratio, & curremus. Tu quidē in virtute  
tuâ, tamquā Gygas & potens curris; nos, nisi  
vnguēta tua spirauerint, non curremus. Tu,  
quem Pater vnxit oleo letitiæ præ cōfortibus tuis,  
curris in ipsâ vñctione; nos in illius odore  
curremus. Tu in plenitudine, nos in odore.

Odor super omnia necessarius ut potē in-  
firmis

Abſalon  
Abb.

firms purgatiuus, proficientibus conforta-  
 tiuus, perfectis verò sanatiuus: nonne vides  
 agrum huius mūdi hoc odore plenum; cū  
 videas alios iustitiā fortes, alios charitate  
 feruentes, alios promptos ad obediendū &  
 humilitatis obsequium, hos lacrymis irri-  
 guos, & ad eleemosynas profusos; de odore  
 autem, scriptum est: *Trabe me post te, in odorem*  
*vnguentorum tuorum.* Et alibi: *Ecce odor filij mei,*  
*sicut odor agri pleni, cui benedixit Dominus.*

serm. 1. de  
 annun. B.  
 Virg. qui  
 est 20.

Nec currimus æqualiter omnes in odore  
 omnium vnguentorum, sed videas alios ve-  
 hemētius studijs flagrare sapiētiæ; alios ma-  
 gis ad pœnitentiā, spe indulgentiæ animari,  
 alios ampliùs ad virtutum exercitiū, vitæ &  
 conuersationis eius prouocari exēplo; alios  
 ad pietatē, passionis memoriā magis accen-  
 di. Currebāt in odore sapiētiæ, qui missi fue-  
 rant à Phariseis. cū reuersi dicerent; *Num-*  
*quā sic loquutus est homo.* Currebat in hoc ipso  
 odore S. Nicodemus qui *venit ad IESVM no-*  
*cte,* in splendore multo sapiētiæ. In odore iu-  
 stitiæ, cucurrit Maria Magdalena, cui *dimissa*  
*sunt peccata multa, quoniam dilexit multū.* Cu-  
 currit & Publicanus, qui cū propitiationē  
 peccatis suis humiliter imploraret *descēdit in-*  
*ustificatus,* testāte ipsā iustitiā. Cucurrit Petrus,  
 qui lapsus *fleuit amare.* Cucurrit Dauid, qui  
 reatum agnoscens & confitens, audire me-  
 ruit: *Et Dominus transtulit à te peccatū tuū.* Por-

Bern. ser.  
 22. in Cāt.



rò in sanctificationis odore Paulus currere sese testatur, cum CHRISTI esse se imitatorum gloriatur. Cucurrerunt & omnes qui dixerunt; *Ecce nos reliquimus omnia, & secuti sumus te.* Iam qui in odore cucurrerunt passionis, omnes Martyres accipe. En quatuor vnguenta assignata habetis, Primum sapientia, secundum iustitia, tertium sanctificationis, quartum Redemptionis.

Aug. med.  
dit. c. 35.

Fac me, dulcissime Domine, amare te, & desiderio sui deponere pondus omnium carnalium desideriorum & terrenarum concupiscentiarum grauissimam sarcinam, quæ impugnant & aggrauant miseram animam meam, *ut post te, expeditè in odorem vnguentorum tuorum currens, usque ad tuæ pulcritudinis visionem efficaciter satiandus, quanto cyùs te quoque duce, merear peruenire.*

Aug. med.  
dit. c. 35.

Descendat, Domine, descendat, precor descendat in cor meum odor tui suauissimus, ingrediatur amor tui mellisuius.

Aug. med.  
dit. c. 37.

*Trahe me, sursum ad te, ut curram post te in odorem vnguentorum tuorum;* curram & non deficiam te trahente, te ducente me currentem.

Gilb. in  
Cant.  
hom. 19.

Tenax enim funiculus amor: amor affectuosè trahit, cui est id ipsum alloqui quod est allicere; nihil amoris tenacius vinculo, nihil trahentius.



## I X.

Quis mihi det te fratrem meum fugentem vbera matris meæ, vt inueniam te foris, & deosculer te, & iam nemo me despiciat!  
Cant. 8.

QVis cumulet patrias tãto mihi stẽmate ceras,  
Frater vt ad fratres annumerere meos!  
Non tamen hoc facio pro stirpis imagine votum;  
Nulla mihi augendi sanguinis ambitio est.  
Stirpe licet nostrâ sanguis tibi vilior esset,  
Optarem fratrem te tamen esse meum.  
Non pubente quidem vernantem flore iuuenta,  
Prima cui roseas vestiãt vmbra genas:  
Sed puerum, toto qui nondum vixerit anno,  
Lactis adhuc mater quem mea pascat ope.  
Quig, ego quas suxi, paruo trahat ore papillas,  
Insideatq, illos, quos ego sepẽ sinus.  
Hoc ego vel simili cupiam te corpore fratrem,  
Si fueris maior, non ego te cupiam.  
Quin igitur nostris, mea vita renascere sacclis,  
Vt videam cunas pusio parue, tuas?  
Et nisi fallor, habent pueri quid amabile mores,  
Quoq, carent iuuenes, virq, senexq, carent.  
Vtq, suam quauis laudem sibi vendicet atas,  
Illa tamen pueros scilicet ornat amor.

An dubitas, aliàs puerili pusio vultu,  
 Ipse Deum domitor, paruulus esset, Amor?  
 Non nisi quod reliquis, magis hac sit amabilis ætas,  
 Nullaq; sit tantum quæ, quod ametur, habet.  
 Hac quoque, cur voueam puerum Te causâ coëgit,  
 Crediderim, puero quod mage posse frui.  
 Quin igitur nostris, mea vita renascere sacris  
 Vt videam cunas parue puellæ, tuas?  
 Tum mea, cœu nato, quoties daret vbera Mater  
 Parue, Tui toties copia prompta foret.  
 Prompta foret noctuq;, diuq;, domiq; forisq;,  
 Et sine sollicito copia multa metu.  
 Quin igitur nostris, mea vita renascere sacris,  
 Osculer vt cunas parue puellæ tuas.  
 Casta, soror paruo qua porrigit oscula fratri.  
 Oscula derisor carpere nemo potest.  
 Et licet illa frequens spectauerit oscula testis,  
 Illa tamen testis carpere nemo potest.  
 Et licet inceptas stiterint hac oscula voces,  
 Semper habent iustas oscula casta moras.  
 O bona, quæ nostris faueant ita Numina votis,  
 Teq; velint fratrem sic semel esse meum!  
 Nascere parue puer, fraterq;, admitte vocari,  
 Omnia te mundi vota, precesq;, petunt.  
 Quid præ lætitiâ facerem tibi, paruule frater?  
 Ah! præ lætitiâ, quid tibi non facerem?  
 O quoties vetitis furtim deprenderer horis,  
 Peruigil, ad cunas, nocte stetisse tuas!  
 Quot tibi seruiijs soror obsequiosa studerem,  
 Fortè vel officijs facta molesta meū.

Nempe

Nempe dato quoties depelleret vberē mater,  
 Depulsum geminis exciperem manibus;  
 Aut quoties tepidā gestare iuberet in vmbra,  
 Gestare vlnis sarcina grata meis.  
 Aut quoties blando dare languida lumina somno,  
 Somniferis caneret vox tibi nostra modis.  
 Ipsaq; cum digitos cunis adhiberet agendis,  
 I licet hoc à me praeperetur opus.  
 Mox vbi te nostra concederet anxia cura,  
 Discedensq; mihi diceret; esto vigil:  
 Excubis soli propè Te mihi, parue, relictis.  
 Quam facerem votis libera frena meis!  
 Continud, tacitè velo de fronte reducto,  
 Exemplum aspectu lumina nostra tuo.  
 Inq; tuo, fixis harena obtutibus, ore,  
 Vterer oblatis commoditate loci:  
 Et citò subicerem capiti, colloq; sinistram,  
 Apprimeretq; meo Te mea dextra sinu.  
 Et tibi, vix tactis furarer basia labris,  
 Basia sit somno non nociura tuo.  
 Quin igitur nostris, mea vita renascere sacris,  
 Vt semel optatas suauiter ore genas?  
 Mox vbi lactanti sensim tibi cresceret aetas,  
 Primaq; discenti verba docenda forent;  
 Discenti cuperem fieri tibi, parue, Magistra,  
 Blasq; truncatis verba praeire sonis:  
 Cumq; geri alterius nolles modò grandior, vlnis,  
 Ausus arundineo currere solus equo,  
 Instruerem stabili vestigia figere gressu,  
 Membraq; constanti firma locare pede.<sup>1</sup>

Tumq;

Tumq<sup>3</sup> molesto aliquod si offenderet obice saxum,  
 Tutus in extensas exciperere manus.  
 Quin tua sapè velim falli vestigia lapsu,  
 Lapsus ut amplexu sustinere meo.  
 Nec tanti pretium peterem mihi grande laboris,  
 Suaviolo pretium solueris omne tuo.



Quis

*Quis mihi det te fratrem meum sugentem ubera matris mee, ut inueniam te foris, & deosculer te, & iam nemo me despiciat! Cant. 8.*

**Q**UÆ amatrix vnquam oprauit, vt is quē S. Tho. in diligit, paruulus efficiatur eius frater, c. 8. Cant. & in infantem versus fugat ubera matris?

Ergo antiquorum vox est ista iustorum, Beda c. 7. in Cant, qui Dominum saluatotem, quem in diuinitate Patri & Spiritui sancto consubstantialem credebant, ac debitis venerabantur obsequijs in hominis quoque habitu & hominibus consubstantialem videre cupiebant. Intus quippe erat dilectus, quia *in principio erat verbum, & verbum erat apud Deum, & Deus erat verbum;* sed vt foris quoque posset inueniri, *verbum caro factū est, & habitauit in nobis;* viderunt namque Patriarchæ, viderūt Prophetæ Dominum, sed intus, id est, in contemplatione mentis spiritali, non in oculi carnalis intuitu. Viderunt eum, sed in imagine, sed in Angelicæ forma substantiæ; at ipsam eius naturam, nequaquam videre valebant. Denique legifer ipse, qui audire meruit, *ostendam omne bonum;* rursum audiuit: *Non poteris videre faciem meam; non enim videbit faciem homo, & viuet: felices; qui inter se conferre meruerunt: Inuenimus Messianum qui dicitur CHRISTVS.* Hoc est namque osculum,



Mich. Gif-  
fier. cap. 8.  
Cant. ex-  
pos. 3.

osculum, id est amantissimū illud oris illius  
donum, ac mutue cōmercium allocutionis.

[Sed &] ingens in his suum, pia anima, ex-  
primit desiderium; quo eā ratione per amo-  
rem, Deo vniri peroptat, vt nedum in secre-  
to cōtemplationis, verū etiam foris & co-  
ram proximis, in vitā aētiuā eidem inherere  
sibi liceat, ita vt omnibus ædificationi sit,  
nec quorumcūque mundanorū hominum  
vereatur contemptum; æquē enim est ac si  
dicat: O vtinā, tanto mihi astringeris amo-  
ris vinculo, Deus meus, quanto adstringun-  
tur frater atque soror! ō vtinam tam tenerē  
te diligerem, quā tenerē à sorore diligitur  
frater paruulus, sugens vbera matris suæ: ita  
vt etiam palā & coram fratribus, dum pro-  
ximorum indulgeo vtilitati, de osculer te os-  
culo charitatis; ita vt non pudeat ante om-  
nes, te cōfiteri, tibi que obsequi, oratione ac  
bonis operibus. Quis mihi det vt iā nedum  
te timeam vt Deum zelotem, Dominum  
exercituum, ignem comburentem, & quic-  
quid tale nominari voluisti, quo mihi tui  
incuterer pauorem; sed vt etiam diligam  
tamquam fratrem meum, & talem fratrem,  
qui ob infantiam nihil incuriens metus, vel  
lapidea ad amorem pertrahas corda!

S. Tho. in  
c. 8. Cant.

Tu qui modò es in sinu Patris, quis det,  
vt homo efficiaris & particeps ac cōsors na-  
turæ nostræ existens, frater meus appelleris?

vt

vt hominem factum in aperto videam, &  
deosculer te, id est, apertâ visione te aspiciam,  
quem nunc totum in fide teneo!

Cùm magnus & excelsus esses, bonorum  
meorum non indigebas; vtinam detur mihi  
vt propter magnam charitatem tuam, factus  
frater meus ex Virgine, lacte indigeas, quo  
sustenteris; sic enim confido, aliquâ ex parte  
amorem meum, me tibi exhibituram. Priùs  
te inuenire nequibam, vnde & querebar; de-  
ploransque cum Prophetâ, dicebam; *Fuerunt*  
*mibi lacryma mea panes die ac nocte, dum dicitur*  
*mibi quotidie, Vbi est Deus tuus?* At nunc audiēs  
Angelum ad pastores dicētem: *Inuenietis in-*  
*fantem positum in praesepio;* confido sanè me  
quoque inuenturam te foris; extra incom-  
prehensibilem maiestatem illam, quâ intra  
temetipsum ab aeterno latebas; quarebam te  
iam in hoc mundo, & in creaturis: *In lectulo,*  
namque mentis meae, *quaesui te, quem diligit*  
*anima mea: quaesui, & non inueni, surrexi, & cir-*  
*cuiui ciuitatem praesentis mundi: per vicos &*  
*plateas creaturarum, quaesui te, & non inueni.*  
At modò te inter creaturas, *paruulum fratrem*  
*meum,* ex vberibus Virginis Matris tuae, simul  
ac meae, pendentem inueniens, haud conti-  
nere me potero, quin tota in tuâ prorum-  
pam oscula, quin tota tibi per dilectionem  
vniat; & iam me nemo despiciat, quod adorē,  
quem nesciam; quod osculer, quem non vi-  
deam;

Gisser. c. 2<sup>o</sup>  
Cant. ex-  
pos. 2.

deam; quod illi offeram preces, qui nostra non curet; quodve illi obsequia exhibeam, ad quem accedere minimè liceat. Deosculans profectò te, in primo conceptionis instanti, *vnxit te Deus tuus oleo latitiæ præ consortibus tuis*; osculis meis, ita te meum adorabo fratrem, vt iisdem te quoque meum profitear Regem dilectissimum: eo modo quo & Samuelem Saul in Regem vnctum, osculo adorasse, lego in libr. Reg. Tibique vt Regi morem geram in omnibus, id quod & iisdem contestabor osculis meis, quæ tuo imprimà ori, sicut antiquo illi Ioseph, per Ægyptiaci populi osculi signum, totius Ægypti obedientiam promissam lego à Pharaone, cum ei dixit: *Et ad os tuum cunctus populus deosculabitur.*

Bonau.  
solilo c. 1.

Ignorauī, quòd tam suauis, ô bone Iesv, esset tuus amplexus, tam honestus attractus tuus, tam deliciosus conuictus tuus! Cùm enim te amauero, munda sum, cùm retigero casta sum, cùm accepero, virgo sum. Tuus, ô dulcissime IESV, amplexus non maculat, sed mundat; tuus attractus, non inquinat, sed sanctificat. O IESV fons vniuersæ & dulcedinis & suauitatis, ignosce mihi, quod tam serò credidi quantum habet deliciositatis, quantum honestatis, quantum iucunditatis, quando *laua tuæ æternæ sapientiæ & cognitionis, est sub capite meo*, id est ratione, & dexte-

ra tuæ Diuinæ clementiæ & dilectionis *am-  
plexabitur me*, id est voluntatem. Heu me mi-  
seram! quid vñquam tam dulce, tam suauē,  
tam deliciosum & salutiferum potest expe-  
riri, quàm inter brachia tãti Sponsi quiesce-  
re, inter oscula tanti Regis & amico tam fi-  
deliter obdormire? hanc dulcedinem sense-  
rat anima deuota, quando optabat dicens:  
*Osculetur me osculo oris sui*. Numquid has deli-  
cias anima deuota erat experta, quando ora-  
bat ardens, & iam penè deficiens præ dilecti  
sui concupiscentiâ, dicens, in Canticis: *Quis  
mihi det te fratrem meum sugentem vbera matris  
meæ, vt inueniam te solum foris, & deosculer te?*  
Quis enarrare sufficeret, nisi qui mente gu-  
stasset, quantum habet hoc verbum dulce-  
dinis & deuotionis, quando bene pondera-  
tur & rectè cibatur deuotâ mēte? sed ô Do-  
mine Deus, si hæc tam dulcia sunt cogitanti,  
quàm dulcia esse possunt degustanti? si tam  
suauia sunt legēti, quàm consolatoria erunt  
per affectum sentienti?



*In lectulo meo per noctes quæsiui quem diligit  
anima mea, quæsiui illum et non inveni. Cantic. 5.*



## X.

In lectulo meo per noctes quæsiui  
quem diligit anima mea; quæsiui  
illum, & non inueni. *Cant. 3.*

**C**asta canunt nostræ suspiria, vota q<sup>3</sup>, Musæ,  
Nullaq<sup>3</sup>, de thalamis vox, Hymenæe tuis.  
Vt sua corporibus, sic mentibus est quoque flamma,  
Et propè deterior corpora flamma coquit.  
Intus, in accensis qui mentibus aestuat ignis,  
Delicias liquidi solus amoris habet.  
O quanto his, Anima, facibus melioribus ardens!  
Oscula quam certâ dant q<sup>3</sup>, ferunt q<sup>3</sup>, fide!  
Quàm placidis castas complexibus itur in vlnas,  
Quàm sanctæ sociant mutua vincla manus!  
Et suus hic etiam torus est genialis amoris,  
Quæq<sup>3</sup>, maritali fœdera nexa face;  
Casta Cupidinea sed fœdera nescia tædæ,  
Nec, nisi quem cupiat Vesta subire torum.  
Sed neque cynæis hic turget calcita plumis,  
Fartaq<sup>3</sup>, Amyclæo vellere fulcra tument.  
Quo duo tam casti thalamo sociantur amantes  
Lectus olorinas non habet ille niues.  
Lectulus auspicijs tantorum stratus amorum  
Mens est latitia pace quieta sua.  
Lectule, pax anima; celestis lectule tædæ,  
Pronube fidereis lectule caste toris!

Tu Spōsi atque Anima thalamus secretus amanti,  
 Solus es & tantas dignus habere faces!  
 Hoc ego consuevi, meditans, traducere noctes,  
 Cum requiem pulso cura sopore negat.  
 Hoc meus ille; meos rapuit qui primus amores,  
 Est solitus vigili secubuisse toro.  
 Et mihi tunc imas vrit fax Dia medullas,  
 Inq; vicem flammis vritur ille meis.  
 Tunc desiderijs querimur sine voce loquentes,  
 Mutaq; plus verbis lacryma vocis habet.  
 At noua quæ subiti sit, nescio, causa recessus;  
 Subuereor, vitio sit data causa meo.  
 Nam mihi iam spatio plus visus abesse diurno,  
 Et secus atque solet nocte fuisse foris.  
 Hæcine signa forent mutati fors an amoris?  
 Aut illum melior lectulus alter habet?  
 Hei mihi quàm miseris ea nox fuit acta querelis,  
 Quæ sine te, viduâ nox fuit acta domo!  
 Iam propè constiterat medio vaga Cyrbia cælo,  
 Altaq; sopierat lumina lassæ quies;  
 Cùm mihi visa tori pulsâ vox dicere spondâ;  
 Surge parat thalamo Sponsus abire tuus.  
 Suscitor, & piceos oculis detergo somnos,  
 Impositum cubito sustineoq; caput;  
 Et desolatas implens ululatibus ades  
 Sollicitâ, dormis lux mea? voce rogo.  
 Hei mihi! responsum nullum dedit ille roganti,  
 Fugerat è thalamis transfuga nempè meis.  
 Protinus accenso reperi vestigia lychno  
 Quæ cuperem numquam visa fuisse mihi.

Dic meus, exclamo, quò fugit, lectule, Sponsus?  
 Perfide, dic meus heu! lectule, Sponsus ubi est?  
 Et vagor, & toto velut amens erro cubili,  
 Vt tua te viduâ luxit Alexi, domo.  
 Quos ego tunc animo sensi efferuere tumultus,  
 Cygneus fuerat Pax cui fida torus!  
 Quæ mentem subito insana vertere procella,  
 Insolitam dubijs pandere lina Notis!  
 Quàm sterili iacuit damnatum pectus arenâ,  
 Dia cui æthereis vena scatebat aquis!  
 Iam grauidos labor est oculos attollere cælo,  
 Oraq; diuinâ soluere laude, labor.  
 Iam neque sacra valent prisce in certamina vires,  
 Quæ modò lusus erant praelia, facta dolor.  
 Scilicet optatâ dum felix vterer aurâ,  
 Aurea molliculus Pax mihi lectus erat.  
 Tunc vt inexpertis Tiro temerarius armis,  
 (Omnia qui linguâ praelia victor agit)  
 Optabam rabidis caput obiectare Tyrannis,  
 Aut animam pulcrâ fundere posse nece.  
 Tunc & Apollonia mihi credita flamma, rosetum;  
 Tunc rota Costiada Virginis, esse trochus:  
 Visaq; sunt Agatha gemini duo vulnera, torques,  
 Blandaq; Blandina, Taure putatus ouis:  
 Denique barbarici laniena infanda macelli,  
 Totaq; carnificum visa theatra, iocus.  
 Nempe erat in calidis tã seruida flamma medullis,  
 Aurea cùm placidus Pax mihi lectus erat.  
 At simul ac Sponso calor hic abeunte recessit;  
 Frigidior Scythico mens mihi facta gelu est.

Sic noua, quas Zephyris spirantibus educat aestas,  
 Decoquit immeritas vna pruina rosas.  
 Lampada sic tenui Pallas quam nutrit oliuo,  
 Extinguit tremuli bucca soluta Noti.  
 Ah malè, te placido quasi Sponse cubili;  
 Qui Crucis in thalamo repperiendus eras!  
 Pax mihi lectus erat, Tibi Crux erat aspera le-  
 Hoc te debueram, querere Sponse, toro. Etus.]  
 Lux mea, iam quota Te querendo perditā nox est!  
 Sed quasiui, vbi non inueniendus eras.



*In lectulo meo per noctes quasiui quem diligit anima mea; quasiui illum, & non inueni. Cant. 7.*

**N**on est reuersus Sponsus ad vocem & Bern. ser. 75, in Cāt. vorum reuocantis. Quare? vt desiderium crescat, vt probeatur affectus, vt exerceatur amoris negotium. Sanè ergo dissimulatio est, non indignatio, superest vt quærat si fortè reperiatur quæsitus, qui vocatus non venit; dicente Domino, *Omnis qui querit, inuenit.* & primo quidem quærit illum in lectulo, sed minimè inuenit; neque vnus noctis quasiutio hæc & frustratio, cum dicat ista: quia *quasiui per noctes.*

Gisler in Cant. c. 3. expol. 3. Legimus Psalmo 76. Piam quandam animam exquisisse Deum nocte, exquisisse verò manibus ac vocibus; illiusq; inquisitionem haud quaquam spe frustratam: sic namque illa, id quod sibi contigit testatum omnibus volens ait: *In die tribulationis meae Deum exquisiui manibus meis, nocte contra eum, & nō sum deceptus;* at verò in hac sententiâ (*in lectulo meo per noctes quasiui*) Anima pia Deū ipso noctu quæsisse se asserit, idque frequenter, per multas scilicet noctes; nullatenus tamen illum vel post diutinas inquisitiones reperisse.

Bern. ser. 75, in Cāt. Quid est quod non inuenitur quæsitus, cum requiratur tam studiosè & impigrè, ipse autem dicat: *Querite & inuenietis; & qui querit, inuenit.*



inuenit. quomodo ergo implebuntur Scripturae? neque enim quæ hîc inducitur quærens, vna est ex his quibus ipse ait: *Quæres me, & non inuenieris.*

Giffert. in  
c. 3. in Cât.  
expol. 3.

Ob istiusmodi diuersitatem non modicum primo aspectu offensus est animus, multoque magis offendebar; quia rationi magis consonum mihi videretur, ut Deus ab illa citius inueniri se sineret, illiusque vocibus potius intenderet, quæ maiori erga ipsum flagraret caritate; qualem absque dubio Sponsam censebam.

Verum attentius vtriusque animæ perpendens verba; percepi statim rationem diuersitatis prædictæ. Intellexi quid causæ fuerit, cur Anima loquens in Psalmo, Deum repperit; Sponsa autem neutiquam eundem inuenerit; quia nimirum ista, & si manibus Deum quæsiuit, & vocibus; in lectulo tamen & lectulo suo singulari quiete agens & manibus palpsans eum quæsiuit, qui ibi haud quaquam esset. Illa autem de tribulationibus ad eum clamauit, qui ait: *De quacumque tribulatione clamauerint ad me, exaudiam eos.* Sicque facili negotio, non solum inuenit, sed & apprehendit eum, qui dixit: *Cum ipso sum in tribulatione; in die tribulationis, inquit, Deum ex quo sui manibus meis nocte contra eum, & non sum decepta.*

Fern. ser.  
75, in Cât.

Attendite [ ergo ] tres esse causas, quæ  
int-

interim occurrunt, & quærentes frustrari solent, cum aut videlicet: *Non in tempore quærunt, aut non sicut oportet, aut non ubi oportet.* Si enim omne tempus aptum est ad quærendum, cur ergo dicat Propheta: *Quærite dum inueniri potest:* erit absque dubio cum inueniri non poterit, & hæc vna caussa quæ impediri potest, ne inueniatur sponsus à quærentibus se, cum non quærunt in tempore opportuno. At non ea caussa impedit sponsam, nempe inuocantem & quærentem in tempore opportuno. Sed ne illa quidem eum tepidè aut negligenter seu perfunctoriè quærit; nam corde ardèti & omninò infatigabiliter, quærit planè vt decet. Restat vt de tertiâ videamus, ne videlicet, ubi non decet quærat. *In lectulo meo quasi per noctes quæ diligit anima mea.* An fortè nō in lectulo, quærendus erat, sed in lecto: quippe cui orbis angustus est? sed nō horreo lectulum, qui noui paruulum. An nō lectulus, tumulus? an non lectulus, præsepium? an non lectulus, vterus Virginis? neque enim magni Patris vterus, lectulus est, sed lectus magnus, de quo ad filium: *Ex vtero,* inquit, *ante luciferum genui te.* Quamquam nec lectus quidem forsitan dignè censendus sit vterus ille, qui Regentis potius quàm iacentis est locus. Merito proinde Sponsa, ponens lectulum, dicit; *Suum.* [Sed] quid in tuo quærebas, qui se iā in sua rece-

receperat? non videras filium hominis ascendentem vbi erat prius? Iam cælum tumulto commutauit, & tu illū, in tuo adhuc lectulo quæris? *Surrexit, & non est hic.* Quid quæris, in lecto, fortem? in lectulo, magnum? in stabulo, clarificatum? Introiuit in potētias Domini, *decorem induit & fortitudinem*, & ecce sedet super Cherubim, qui sub lapide iacuit. Ex hoc, iam non iacet, sed sedet, & tu tamquam iacenti subsidia paras; siue vt absolutior veritas sit, aut sedet iudicans, aut stat adiuuans. Ex tunc ergo & deinceps frustra in lectulo quæsitus est sponsus: pulcrè verò sponsa, nō quem diligo ego, sed *quem diligit anima mea*, inquit, quod verè, & propriè ad solam pertineat animam illa dilectio, quā aliquid spiritualiter diligit. Nam cū secundū carnem quippiam diligit vel potius appetit anima, carnis potius, quā animæ amor dicendus est. Et benè *per noctes se quæsisse eum* ait, nam non absurdè dici potest, quod qui ignorant, nocte ignorant; ac per hoc qui quærunt nocte quærunt. Quis enim quærīt quod palām habet? Nox est itaq; donec quæritur sponsus, quoniam si dies esset de medio fieret, & minimè quæreretur. sed dicit aliquis: quod non sit tam stulta tāque cæca sponsa, vt quærat lumē in tenebris, quærat Dilectum apud ignorantes, & qui non diligunt eum. Quasi verò se per noctes nunc quærere dicat, &

non

non potiùs quæsisse? Non ait, Quæro, sed quæsiui, *per noctes quem diligit anima mea*. Et est sensus, quia cùm esset paruula, sapiebat vt paruula, cogitabat vt paruula, & quærebat veritatē vbi non erat, errās & non inueniēs, iuxta illud in Psalm. *Erraui sicut ouis quæ perijt*.

Quod si quis contendat sponsam ipsam hīcea referre, quæ sibi tunc temporis euenēre, cùm toto corde viribusque omnibus, ardentissimo amore Deum dilectum suum prosequeretur; Dicendum; nomine *lectuli*, non quamlibet hīc significari *quietem*, sed illam dumtaxat, *quā anima sancta quiescit in pace interiore*, quam pacem & Isaias, *lectuli & cubilis* nomine insigniuit, cùm de iusto loquens dixit: *Veniat pax, requiescat in cubili suo, qui ambulauit in directione suā*.

Gisler in  
c. 3. Cant.  
expof. 3.

Dilectum [enim] in *lectulo* quarimus, quando in præsentis vitæ aliquantulā requie redemptoris nostri desiderio suspiramus. *Per noctem* quarimus; quia etsi iam in illo mens vigilat, tamen adhuc oculus caligar.

Greg. ho.  
19. in Eze.  
& 25. in  
Euang.

Sed ingens ilico hīc insurgit difficultas, quā ratione anima sancta in eiusmodi *lectulo* Deum quæsisse se afferat, & non inuenisse? cùm alibi fateatur, in eo ipso *lectulo*, se vnā cum illo, quietissimè dormituram, dicens: *In pace in idipsum, dormiam & requiescam*. Cumq; exploratum omnibus sit; *In pace factum esse locum ipsius Dei*. Si ergo in pace comoratur

Gisler, in  
c. 3. Cant.  
Expof. 3.

moratur Deus: si in pacis lectulo, cum eo pacifica dormit anima: quomodo sponsa, ibi se cum inuenisse negat, vbi iam præsens is adest? Ad hæc breuiter respondendum: adesse quidem Deum, & vt proprio requiescere loco, in interiore pace. verumtamen, admirabili prouidentia, elongari nonnumquã, vel abscondi ab ipsâ animâ, cum quâ *lectulū habet communē*, sinens eam esse *aridam*, & quodammodo dulci destitutam complexu.

Bern. sero  
32. in Cāt.

Sunt[ enim ] qui in studijs spiritualibus fatigati, & versi in teporem, atque in defectu quodam spiritus positi, ambulant tristes vias Domini corde arēte & tædente, lōgos dies, longas conqueruntur & noctes loquentes cū S. Iob: *Si dormiero, dicam: quando consurgam? & rursus expectabo vespērā.* An tibi aliud, vel pati, vel petere ille videtur, qui ait: *Dormitauit anima mea præ tadio, confirma me in verbis tuis.*

Gisler. in  
c. 3. Cant.  
Expos. 3.

Porro id ob triplicem[ accidit ] rationem: Primò vt hâc suâ tantilla elongatione, ad maiorem perfectionem eam prouehat. Secundò vt iucundior postea sit eius reditus vel eius inuentio. Denique quemadmodum chorda, quò magis ab arcu recedit, eò maiore impetu ad ipsū accedit, maioremq; exhibet vim sagittæ, quæ per arcum iacitur, ita quò magis Deus videtur se ab anima amouere, eo ardentiori beneuolentiâ, in eandē sese postea insinuat. At, si ob allatas rationes  
ab



ab illâ se abscondit, cur non inueniri se finit  
ab eâ, quæ tanto studio ibi ipsum quæsiuit,  
vbi quæri is velit? *Quæsiui illum*, inquit, & non  
inueni; vt videlicet, eius perseverantiæ peri-  
culum faceret, vtque experiretur, quod ea  
tenderet, cum aliquando ab internæ pacis  
lectulo surgeret.

Abscondit se [ergo] Sponsus cum quæri-  
tur, vt non inuentus ardentius quærat; & Greg. li. 4.  
mor. ca. 4.  
differtur quærens Sponsa ne inueniat, vt tar-  
ditate suâ capaciore reddita, multiplicius  
quandoque inueniat, quod quærebat.

[Sed] Domine, si non es hîc, vbi te quæ-  
ram absentem? si vbique es, cur non video Ansel. in  
protolog.  
cap. 1.  
te præsentem? sed certè habitas lucem inac-  
cessibilem. Et vbi est lux inaccessibleis, aut  
quomodo accedam ad lucē inaccessibleē?  
aut quis me ducet, aut inducet in illam vt  
videam te in illâ? accedere ad te desiderat  
seruus tuus, & inaccessibleis est habitatio  
tua. Inuenire te cupit, & nescit locum tuum.  
Obsecro Domine, doce me quærere te, &  
ostende te quærenti; quia nec quærere te  
possum nisi tu doceas, nec inuenire nisi te  
ostendas: quæram te desiderando, deside-  
rem quærendo, inueniam amando, amem  
inueniendo.



*Surgam et circuibō civitatem, per vicos et pla-  
teas quæram quem diligit anima mea: quæsi  
illum et non inveni. Cantici. 3. 26.*

## X I.

Surgam, & circuibo ciuitatem; per  
vicos & plateas quæram quem  
diligat anima mea; quæsiui illum,  
& non inueni. *Cant. 3.*

**T**Andem, serò licet, meus est mihi cognitus error:  
Si bene quæsissem, Sponse, repertus eras.  
Credideram placido somnos te carpere lecto,  
Commodus, at video, non fuit ille torus.  
Quid faciam cæpta pergam dare membra quieti,  
Et sine te somnus lumina nostra teget!  
Ah, sine te, nequeam soluto dare membra sopori,  
Aut vllâ, sine te, Sponse, quiete, frui!  
Non si somniferis iuuilet lympa susurris,  
Lympa cauernoso præcipitata iugo;  
Aut nemorum blandis agitata cacumina ventis,  
Multaq;, quæ syluis garrula cantat auis:  
Aut Heliconiadum, Parnasia turba, Dearum,  
Aut pater aurata Delius ipse lyra.  
Nec tua discutiant mihi, Somne, papauera curas,  
Humida nec virgâ tempora tacta tuâ.  
Noxia nec vigilem quæ sopijt herba Draconem,  
Fistula quæq;, oculos condidit, Arge, tuos.  
Vix vbi composui luctantia lumina somno,  
Rumpitur indomito cæpta dolore quies.  
Et nullam accipiunt oculiq;, aut pectora noctem,  
Quin mihi, nox etiam creditur vna, decem!

Q

Fingit

Fingit & assidue de te, mihi somnia Morpheus,  
 Nec fugis ex oculis flebilis umbra meis.  
 Cur toties igitur somni mihi nocte petuntur,  
 Si mihi nulla venit, nocte, petita quies?  
 Eripiat stratis, mediamq; vagata per urbem,  
 Quid fors aut ratio me velit ire, ferar.  
 Et circumspiciens, num fortè quis angulus abdat,  
 Queram quem propriâ diligo plus animâ.  
 Queram porticibus, queram stabulisq;, casisq;,  
 Perq; semel tritas ibo, redibo, vias.  
 Nec malè perspecta sallet specus villa latebra,  
 Nec quem transiero, circulus vllus erit.  
 Qualis odora canis vestigia pressa ferarum  
 Mersâ nare legens, lustra, rubosq; subit:  
 Aut qualis siculas Ops errabunda per vrbes,  
 Aspicit an flores perditâ Nata legat,  
 Ruraq; piniferis vestigans auia tedis  
 Persephonen stygijs optat adire vadis.  
 Aut potius Solymis qualis vaga Magdala campis  
 (Cum flebat Domini marmor inane sui)  
 Saxa per alta rudesq; ruit furiata per agros  
 Qua dolor ancipitem quærâciebat amor.  
 Omnibus vna locis aderat, comes omnibus vna,  
 Vna super Domini funere multa rogans.  
 Attica sic viduo volucris gemit anxia nido,  
 Luctisomisq; nemus personat omne modis:  
 Et circum, supraq; volans, nunc ardua summo  
 Vertice, nunc imâ pendula fronde sedet;  
 Et raptam sobolem, raptoris & aucupis artes  
 Hinc sanguineo nunciat orba gregi.

Hand aliter cunctis lustrari compita vicis,  
Non tamen est vllò prada reperta loco.  
Infames vici, loca dereſtanda plateæ,  
Decepto toties compita trita pedel  
Amiſſum in thalamis, foris hîc reperire putabam,  
Sed malè queſitus, perditus vſque later.





*Surgam, & circuibō ciuitatem; per vicos  
& plateas quaram quem diligit ani-  
ma mea: quæsiui illum, & non inueni.*  
Cant. 3.

Orig. ho-  
mil. 10. in  
diuer,

**E**FFUNDITE lacrymas oculi mei, plo-  
rate, & nolite deficere. Ambulate pedes  
mei, discurrete, & nolite quiescere. Heu! heu!  
quod abiit gaudium meum, vbi latet amor  
meus? vbi est dulcedo mea? cur dereliquisti  
me, salus mea? O dolores! ô angustia! Inole-  
rabiles angustia sunt mihi vndique, & quid  
eligam, ignoro. Quod me vertam? ad quem  
ibo? a quo consilium petam? quem percun-  
ctabo? quis mei miserebitur? quis me con-  
solabitur? quis indicabit mihi quem diligit  
anima mea? Reuertere, dilecte mi! reuertere,  
dilecte votorum meorum! ô amabilis! ô de-  
siderabilis! redde mihi lætitiā salutaris  
præsentia tua.

Orig. ibid.

Heu me! vbi eum quaram, vbi eum inue-  
niam? surgam certe, & circuibō omnia loca  
quæ potero; non dabo somnū oculis meis,  
non dabo requiem pedibus meis, donec in-  
ueniam illum, quem diligit anima mea.

Bern. ser.  
7. in Cant.

Sedens in lectulo, quæsiui, cum adhuc in-  
firma & inualida forem, & omnino minis  
idonea sequi Sponsū quocumque ierit; se-  
qui ad ardua & excelsa sublimitatis illius.  
Incidit in multos, qui cognoscentes deside-  
rium

rium meum, dicebāt mihi: *Ecce hic est CHRIS-  
TVS, ecce illic est; & neq; hīc, neque illic erat;*  
& dixi, *Surgam, & circumibo ciuitatem per vicos &  
plateas, quæram quem diligit anima mea.* Intuere  
vel nunc quia iacet, quæ dicit *surgam.*

Adhuc vt paruula sapit; per vicos & pla- Bern. ser.  
76. in Cāt.  
teas, quærendum putauit, fruendi auida, sed  
ignara mysterij iterum ergo frustrata reperit  
dicens: *Quæsiui eum, & non inueni.* Non est, vt  
ista suspicata est, in plateis, aut vicis; nisi for-  
tè in illis, de quibus dicitur: *Platea tua, Hieru-  
salem, sternentur auro mundo, & per omnes vicos  
tuos alleluja cantabitur.*

Anima[enim] quæ amat, adscēdit frequē- Aug manu  
ca. 24.  
ter, & currit familiariter per plateas cœlestis  
Hierusalem, visitando Patriarchas & Pro-  
phetas, salutando Apostolos, admirando  
exercitus Martyrum, & Confessorum, cho-  
rosque Virginum speculando.

Ibi, ibi illum, qui quæret, inueniet, & vi- Bern. ser.  
76. in Cāt.  
debit gloriā eius, non gloriā quasi vnus  
ceterorum, sed planè gloriā, quasi vnige-  
niti à Patre. quid facies, ô Sponsa! puras, po-  
tes sequi eum illic? aut te ingerere audes, vel  
vales huic tam sancto arcano, tamq; arcano  
sanctuario, vt filium in patre, & patrem in-  
tuearis in filio? non vtrique; vbi est ille tu non  
potes venire modò; venies autem postea:  
Age tamen, sequere, quære, nec te inaccessi-  
bilis claritas, vel sublimitas à quærendo de-  
térreat,

terreat, ab inueniendo desperare faciat. Si potes credere, omnia possibilia sunt credēti. Propè est, inquit, verbū in ore tuo, & in corde tuo. Crede & inuenisti, nam credere, inuenisse est. Norunt fideles, habitare CHRISTVM, per fidem, in cordibus suis. Quid propius est? Quære ergo secura, quære deuota, bonus est Dominus animæ quærēti se. Quære votis, sequere actibus, fide inueni; quid nō inuenit fides? attingit inaccessa, deprehēdit ignota, comprehendit immensa, apprehēdit nouissima; ipsam denique æternitatem suo illo vastissimo sinu quodammodo circumducit, fidenter dixerim: æternam, beatamq; Trinitatem, quam non intelligo, credo, & fide teneo, quod non capio mente.

Bern. ser.  
75. in Cāt.

Quid hoc desiderij est & ardoris, vt surgens de nocte publicū non erubescat? percurrat ciuitatem? percunctetur palā & passim de dilecto, atque à vestigandis semitis eius nullā valeat ratione auerti? nullā præpediri difficultate, non tempestiuæ retineri amore quietis, non Sponsæ verecundiā, non vel timore nocturno? Et tamen in his omnibus frustrata est vsq; adhuc à desiderio suo. Quare? quid sibi vult pertinax hæc & diuturna fraudatio, reſdiorū nutritrix, suspicionum fomes, impatiētix fax, nouerca amoris, mater desperationis? si adhuc dissimulatio est, nimis est molesta. Esto, quod piè, vtiliterque interim

interim fuerit dissimulatum, donec in solâ  
adhuc vocatione, seu reuocatione res erat:  
nunc verò cùm requiritur, & ita requiritur,  
quid iam conferre poterit dissimulatio? si de  
carnalibus sponfis, & pudendis amoribus  
quæstio est, sicut litteralis superficies prælu-  
fisse videtur, & si inter illos talia contingere  
queant, mea non interest, ipsi viderint.

Nolo te sponsum quærere per plateas, Hieron.  
nolo te circumire angulos ciuitatis, dicas, epist. 22.  
licet: *Surgam & circuibo ciuitatem, & in foro, &* ad Eustoc.  
*in plateis quæram, quem dilexit anima mea;* & in-  
terroges; *Num. quem dilexit anima mea, vidisti?*  
nemo tibi respondere dignabitur: sponfus  
in plateis non potest inueniri. Arcta & an-  
gusta via est, quæducit ad vitam, zelotypus  
est IESVS, non vult videri faciem tuam: foris  
vagentur virgines stultæ, tu intrinsecus esto  
cum sponso.

Non in foro, non in plateis CHRISTVS  
reperitur. non est CHRISTVS circumfo-  
raneus; CHRISTVS enim pax; in foro, li-  
tes: CHRISTVS iustitia est; in foro iniqui-  
tas: CHRISTVS operator est; in foro inane  
otium; CHRISTVS charitas est, in foro  
obtrectatio; CHRISTVS fides est, in foro  
fraus atque perfidia. fugiamus ergo forum,  
fugiamus plateas. Nec illa eum in foro & in  
plateis potuit reperire, quæ dixit: *Exurgam,*  
*ibo & circuibo in ciuitate, in foro, & in plateis, &*  
*quæram*

*quarum quem diligit anima mea; quæsiui eum, & non inueni eum.* Nequaquam igitur ibi quæramus CHRISTVM, vbi inuenire nō possumus.

Bern. ser.  
84. in Cāt.

Non pedum passibus, sed desiderijs quæritur Deus; & vbiq; non extundit desiderium sanctum, felix inuentio, sed extendit. Numquid consummatio gaudij, desiderij consumptio est? oleum magis est illi, nam ipsum flamma. Sic est; adimplebitur lætitia, sed desiderij non erit finis; ac per hoc, nec quærendi; quid ni animer ad quærendum, experta clementiam, & persuasa de pace?

Gu'lib.  
Abb. ser.  
45. in Cāt.

Attendite vehementiam & vim amoris. Nec abesse dilectum sustinet, nec sufficit præsentis; ibi, vota anhelata laborant; hîc exhausta relinqui patientur. O felix amor, qui continuâ quâdam vicissitudine, aut liquefcit in ipso, aut quærens, anhelat ad ipsum! *quæsiui & non inueni.*

Aug. solilo  
9. 31.

Ego erraui, sicut ovis quæ perierat, quærens te exterius, qui es interior; & multum laboraui quærens te extra me, & tu habitas in me, si tamen ego desiderem te. *Circuiui vicinos & plateas ciuitatis huius mundi quæres te, & non inueni,* quia malè quærebâ foris, quod erat intus. Misi nuncios meos, omnes sensus exteriores, vt quærerem te; *& non inueni,* quia malè quærebâ. Video enim, lux mea, Deus, qui illuminasti me, quia malè te per illos quærebam, quia tu es intus, & tamen ipsi,  
vbi



ubi intraueris, nesciuerunt. Serò te amaui  
 pulcritudo tam antiqua & tam noua, serò te  
 amaui; & tu intus eras, & ego foris, & ibi te  
 quærebam, & in ista formolâ quæ fecisti, ego  
 deformis iruebam. Mecum eras, & tecum  
 non eram. Ea me tenebant longè à te, quæ  
 esse non poterant, nisi in te. *Circuibam* enim  
 omnia, quærens te, & propter omnia dere-  
 linquens me. Interrogauì terrâ, si esset Deus  
 meus & dixit mihi, quod nō; & omnia quæ  
 in ea sunt, hoc idem confessa sunt. Interro-  
 gauì mare & abyssos & reptilia quæ in eis  
 sunt, & responderunt, nō sumus Deus tuus:  
 quære super nos eum. Interrogauì stabilem  
 aërem, & inquit vniversus aër, cum omnibus  
 incolis suis: fallitur Anaximenes, nō sum ego  
 Deus tuus. Interrogauì Cælum, Solem, Lu-  
 nam & Stellas; neque nos sumus Deus tuus,  
 inquiunt. Interrogauì deinde mūdi molem,  
 Dic mihi, si es Deus meus, an nō? & respon-  
 dit voce forti: Non sum, inquit, ego, sed per  
 ipsum sum ego; quem quæris in me, ipse fe-  
 cit me; suprà me quære eum qui regit me,  
 qui fecit me.



*Num. quem diligit anima mea. vidistis? Paullulum  
cum pertransissem eos. inveni quem diligit ani-  
ma mea: tenui eum. nec dimittam. Cantic. 3. 27.*

## XII.

Num quem diligit anima mea vidi-  
stis?

Paullulùm cùm pertransissem eos,  
inueni quem diligit anima mea;  
Tenui eum, nec dimittam. *Cant. 3.*

**R**estat adhuc totâ locus vllus omissus in vrbe?  
Aut regio nostro non peragrata pede?

Flammiferis cuncta facibus luxere plateæ,

Nullaq; vel minima compita spreta via.

Hic mihi! quos vicos, quæ non loca tristis obuii?

Vrbs etiam in tantâ defuit vrbe mihi.

Sed quid in hos frustra iuuat incubuisse labores,

Si Sponsum semper quero, nec inuenio?

Ergo domum lacrymans, vestigia retrò serebam;

Quiq; rogaretur, nemo viator erat.

Cùm propter portis à mœnibus aufero gressum,

Et vigil ad portas occupat ecce cohors.

Ac prior hîc dixi, quem diligo fortè latebit;

Et subito, vigiles, reppererint nec rogo.

Illi, cum tacito conuertere lumina risu,

Verbaq; dentatis reddere salsa iocis.

Et quidam; Quisnam ille tuus quem diligis ignis,

Abq; suo nosci nomine posse putas?

Parcite, respondi, tam rusticus est mihi candor,

Scire omnes rebar, quis meus esset amor.

Nec

Nec mage vel Pyladis notum, vel nomen Orestis,  
 Nève tuum, Thysbe, Pirame, nève tuum:  
 Vosq<sub>3</sub> etiam quamvis, quem diligo, scire negetis,  
 Scire, nec ignotum posse latere, puto.  
 Obsecro, dic igitur Custodiâ pervigil urbis,  
 Num meus hac vobis tendere visus Amor?  
 Ille meus, propriâ quem plus ego diligo vitâ,  
 Qui quoque me vitâ plus amat ipse suâ.  
 Dicite, quando abiit? quanillo tempore mansit?  
 Quaq<sub>3</sub> præhensurum se simulavit iter?  
 Hac it aut illac? dextra vel fortè sinistrâ?  
 Solus erat? socijs an comitatus erat?  
 Excubie falsis iterum risère cachinnis;  
 At mihi salsa meas obruit vnda genas.  
 Transieram: Sponsi neque spes super vlla videndi,  
 Mensq<sub>3</sub> erat in damni inersa dolore sui:  
 En subito, dum cuncta animo tristissima voluo,  
 Nullaq<sub>3</sub> quam tanta vota minora spei;  
 Ille meus, totâ toties quæsitus in vrbe,  
 Iam non quæsitus constitit ante oculos.  
 Exiliq<sub>3</sub> mystog<sub>3</sub> metu perterrita gaudens  
 Vix potui proprijs credere luminibus.  
 Et, Tène aspicio, mea lux, mea vitâ volentem  
 Dicere, vox hærens faucibus impedijs.  
 Qualis ubi viso coniux inopina marito,  
 (Quem mendax tulerat rumor obisse diem)  
 Obstupet ac visâ veluti percèllitur umbrâ.  
 Optantemq<sub>3</sub> loqui, pallida facta, fugit.  
 Nec nisi iam noto reducis fidentior ore,  
 Audet in amplexus coniugis ire sui:

Tumq̃ veretur adhuc, ne se malè credula fallat,  
 Inq̃ fidem leuior decipiat amor:  
 Sic ego, dum trepido red:ere in pectore vires,  
 Teq̃ iterum ante oculos, Sponse, reuiso meos;  
 Subdubitans speransq̃ timensq̃ & amore fatiscens,  
 Túne es, quem video, clamo, vel vmbra tui?  
 Ah Sponse! ah non es! non es, quem diligo, non es!  
 Imò es quid dubito? numquid es? haud dubito.  
 O mea lux, video, te nunc video, mea vita;  
 Nil vltra dubito, lux mea, te video.  
 Agnoscesq̃ tui vocem præsents & ora,  
 Inuolo in amplexus, Sponse reperte, tuos.  
 Iamq̃ ego te teneo, neque per vaga compita queram,  
 Ludibrium vigili, nocte futura gregi.  
 O mea si geminis mutantur brachia vinclis,  
 Atque manus manicis, compedibusq̃ pedes!  
 Quàm te complicitis, mea lux amplecterer vlnis!  
 Arctius amplexu, vitis & vlme, tuo.  
 Arctius anguipedum manibus, pedibusq̃ hederarũ,  
 Queis obit annosas herba marita domos.  
 Sed neque te nostri lassent, mea vita, lacerti,  
 Sapè nec errantes per tua colla manus:  
 Longa Tui subeat, mea lux, absentia mentem,  
 Nec nisi pensari tempore posse putes.  
 Ah citò tam longi quereris compendia damni.  
 Vix ego iam cœpi, tu satur, ecce, fugis.  
 Non ita discedes non tam citò liber abibis;  
 Non nisi pugnando viceris, effugies.



*Num quem diligit anima mea vidisti?  
Paullulum cum pertransissem eos, inueni  
quem diligit anima mea. Tenui eum,  
nec dimittam. Cant. 3.*

Bern, ser.  
79. in Cât.

**O** AMOR præceps, vehemens, flagrans, impetuose! qui præter te, aliud cogitare non sinis, fastidis cætera, contemnis omnia, præter te, te contentus: confundis ordines, dissimulas vsum, modum ignoras. Totum quod opportunitatis, quod rationis, quod pudoris, quod consilij, iudiciue videtur, triumphas in temetipso, & redigis in captiuitatem. En omne quod cogitat ista & loquitur, te sonat, te redolet, & aliud nihil. ita tibi, ipsius & cor vendicasti & linguam. Ait: *Num quem diligit anima mea vidisti?* quasi verò hi sciât, quid cogitet ipsa! Quem diligit anima tua de ipso sciscitaris? & non habet nomen? Quenam verò tu, & ille quis?

Nyfl ora.  
12. in Cât.

Quo pacto inueniri posset, quod nullæ res nobis cognite ostendere possunt? nō forma, non color, non circumscriptio, nō qualitas, non locus, non figura, non coniectura, non adsimilatio, non proportio; sed quod semper extra omnem perceptionis viam positum, comprehensionem peruestigantium planè fugit. Propterea, inquit, *quasi uenit*, per animæ facultates eas quæ inueniendi vi præditæ sunt; per ratiocinationes & cogitationes:

nes: at extra hæc omnia positus erat, accessum mentis propiorem effugiens. Qui verò semper reperitur omni notâ carere, de quâ possit agnosci, quo pacto queat is perindicationem aliquam vocum percipi?

[Sed] sicut Coniux amatrix viri, absente marito suo, per fenestras circumspicit, ipsum requirens, & ubique speculari, in mari & in terrâ; etsi viderit nauem venientem, ibi suum putat esse virum; & si viderit viatores procul venientes, inter ipsos adesse existimat, & occurrens eis, interrogat dicens: Dicite mihi ubi eum dimiseritis, in quâ regione, aut in, quâ ciuitate? quid dicentem, aut quid facientem, aut quando venientem? in hunc modum, omnis sancta [anima] constrieta amore CHRISTI interrogat: *Dicite mihi, ubi pascit, ubi cubat, quem diligit anima mea?*

Chrysost.  
homil. de  
virtute.

Iam optas videre quem amas, cui nunc blandiris, & nunc ad amoris & desiderij intentionem suauiter illum peruestigas, nunc moras accusas, nunc te cernis contemptum, nunc te visitatione confiteris indignum, & iterum de eius, (totiens expertus) bonitate præsumis, nunc quasi ulterius non sustineas, spirituali quodam litigio vel luctamine euincere retardantem conaris. Quæ tunc lacrymæ? qui gemitus? quæ suspiria? quæ voces? nunc oculi fleu graues, cum intimis singultibus erigun-

Bernard.  
hom. infr.  
8. Epiph.

tur ad cœlum; nunc manus extenduntur & brachia, nunc pectoris contusione animæ tarditas accusatur. Proferuntur interim verba sine principio, sine fine, quorum nec sententiæ cohærent sibi, nec rationes similes sunt, nec alicuius linguæ sensus vel idioma seruatur; quando vox aliquando responder affectui, & iterum vocem affectus intercipit. Gaudet certè pius ille Iesvs tali certamine superari.

S. Greg. in  
Psal. poen.

Supereſt itaque vt ad eū recurrat, in quo ſolo vera eſt cōſolatio, & per iſtius vitæ noctes, in lectulo cordis DEVM quærat; Quem ſi primò non inuenit, magis ad quærendum animetur, ſurgat ad amorem cœleſtium; ciuitatem circumeat exultatione vniuerſe terræ fundatam; interroget vigiles, qui cuſtodiuſt Eccleſiam, nudetur pallio ſæcularis ornatus, & charitatis ſagittâ interiùs vulneretur. Nec priùs à quærendo deſiſtat, quàm mœrentium cōſolatorem inueniat. Inuentum autem ſummopere teneat, donec redemptus ope adiutricis gratiæ, à conſcientiæ eripiatur tribulatione.

Orig. hō.  
1. in Cant.

Eſt enim quidam ſpiritualis amplexus, atque vtinam contingat, vt meam Spōſam altior Sponſi amplexus includat, vt ego quoque poſſim dicere, quod in eodem libro ſcriptum eſt: *ſiniſtra eius ſub capite meo, & dextera illius amplexabitur me!*

Quid

Quid hoc tenacius glutino, quod nec a- Bern. ser.  
 quis eluitur, nec ventis dissoluitur, nec scin- 79. in Cât.  
 ditur gladijs? Deniq; *aqua multa non poterunt*  
*extinguere charitatem. Tenui eum nec dimittā.* Et  
 sanctus Patriarcha: *Non te, inquit, dimittam,*  
*nisi benedixeris mihi:* Ista non vult eum dimit-  
 tere: & fortè magis quàm Patriarcha id non  
 vult, quia nec pro benedictione quidem; si-  
 quidem ille, benedictione acceptā, dimisit  
 eum: hæc autem non sic, Nolo, inquit, be-  
 nedictionem tuam, sed te. *Quid enim mihi est*  
*in calo, & à te quid volui super terram?* non di-  
 mittā te, nec si benedixeris mihi. *Tenui eū, nec*  
*dimittā.* Nec minùs forsitan ille teneri vult,  
 cū perhibeat dicens: *Delicia mea esse cum fi-*  
*liis hominum.* Quod quæ pollicens ait: *Ecce ego*  
*vobiscum sum, usque ad consummationem sæculi:*  
 quid hâc copulâ fortius, quæ vna, duorum  
 tam vehementi voluntate fundata est? sed  
 nihilominùs, illa vicissim teneretur ab eo  
 quem tenet; cui alibi dicit: *Tenuisti manum*  
*dexteram meam.* Quæ teneretur & tenet, quo-  
 modo iam cadere potest? tenet fidei firmi-  
 tate, tenet deuotionis affectu. At nequa-  
 quam diu teneret, si non teneretur. Teneretur  
 autem potentiâ & misericordiâ Domini.  
*Tenui eum, nec dimittam.*

Inueniam [ & ego ] Te desiderium cordis Aug solito  
 mei, teneam Te, amor animæ meæ, ample- cap. i.  
 ctar Te sponse cœlestis, exultatio mea sum-

ma, intus & extra, possideam. Te beatitudo sempiterna, possideam. Te in medio cordis mei, vita beata, dulcedo summa animæ meæ!

Aug. med.

● p. 37.

Ecce quod concupiui iam video, quod speraui iam teneo, quod desideravi iam habeo; illi namque in cœlis iunctus sum, quem in terris positus totâ virtute dilexi, totâ caritate amplexus sum, cui toto amore inhaesi, ipsum laudo, benedico, atque adoro.

Beda in  
c. 3. Cant.

Tantò instantiùs inuentum tenui, quantò rardiùs, quem quærebam, inueni.

Orig. ho.  
10. in di-  
uers.

O pijsſime Domine & dulciſſime Magiſter! quàm bonus es his, qui recto sunt corde, & humiles sunt ſpiritu! ô quàm beati, qui in ſimplicitate cordis quærunt te, & quàm felices qui ſperant in te! Verum certè eſt. & indubitanter verum, quòd tu diligis omnes diligentes te, & numquam derelinquis ſperantes in te. Ecce enim dilectrix tua ſimpliciter quærebat te, & veraciter inuenit te. Sperabat in te, & non eſt derelicta à te, ſed plus eſt conſecuta per te, quàm expectarat à te.

Aug. ſolilo  
cap. 38.

Gratias Tibi, lux mea, quoniam illuminasti me, & inueni Te, & me, vbi inueni me, vbi cognoui me, ibi inueni Te, ibi cognoui Te; vbi autem cognoui Te, ibi illuminasti me.



## XIII.

Mihi autem adhærere Deo bonum  
est, ponere in Domino Deo spem  
meam. *Psalm. 72.*

**Q**uam mea, per varios, vita est exercita casus!  
Vt pila, percussu pulsa, repulsa manus.  
Munera belligeri primum placuere Gradiui,  
Armaq; spe laudis, sanguinolenta tuli.  
Arma dabant animos, & erat spes omnis in armis,  
Ceu foret hæc votis meta futura meis  
Sapè vigil tetricas traduxit cantibus horas,  
Et custos specula tadia longa tuli.  
Nec semel admonitu fraus hostica prodita nostro est,  
Cum signum toties, ore, vel are dedi.  
Addidici septis fossam producere castris,  
Et sude præfixas impedisse vias.  
Quin etiam subita faciem componere pugna,  
Et trepidis animos addere, voce, globis.  
Denique non tenuit belli quis certius artes,  
Militis auxilio seu Ducis esset opus.  
Ah, quoties Libycas præsit pes lassus arenas,  
Et cecidit madidis sudor in ora comis!  
Collaq; magnanimus tinxit fumantia puluis,  
Nec tamen vnda, sitim quæ recrearet, erat.  
Ah quoties gelidos fluniorum innoximus alueos.  
A Ere grauant humeros, are grauat ante caput!  
Oraq; prensatos retinebant mordicus enses,  
Nando per obstantes cum veheremur aquas.

R. 3

Bellantem

Bellantem tenuit iam tot me Mars piter annis,  
 Principioq; pedes sine merebar eques:  
 Quoq; tegor, decima fuit ictus arundine thorax,  
 Laesaq; sunt totidem cassis & umbo locis.  
 Lethifero cecidit sonipes mihi tertius ictu,  
 Crista quater galeae cuspide, rapta fuit.  
 Quin animam praecipis in aperta pericula misi,  
 Dum nimis hostili dextera cade ceter.  
 Nulla tamen nostro tunc sunt data vulnera tergo,  
 Omne sed aduerso pectore vulnus erat.  
 Nempe gradum tenui, contra ferrumq; facisq;  
 Telaq; praecipiti grandine plura tuli.  
 Perq; meo factos gladio spatia bar acervos,  
 Imposito subigens corpora strata pede.  
 Quis putet, hoc tantis caput insuperabile bellis,  
 Non etiam bellis, vota tulisse suis?  
 Heu mihi! post partas proprio tot sanguine lauros,  
 Post tot ad infernos funera missa lacus;  
 Post toties meritas gladio victore coronas,  
 Post tot fixa tuo signa, Gradine, tholo:  
 Vna tot egregios deleuit culpa triumphos,  
 Nec fuit vlla super nominis umbra mei:  
 Et grauis in paenam me diruit are Tribunus,  
 Insit & incincto turpiter ire sago.  
 Gloria quin odijs popularibus obruta vertit,  
 Sic cecidit tanto Marte petitus honos.  
 O vtinam potius pro te, Deus, arma tulissem!  
 Non ita cassa suis laudibus arma forent.  
 Te super, intrepidam melius spe, vota locantur,  
 Ut fundat trepidas anchora fida rates.

Ergo suum Odryfio positum suspendimus ense,  
 Aeraq; sunt curuè iussa valere tuba.  
 Tum lucra, tum vigiles, lucro arriseretaberna,  
 Vnaq; Mercurio cura litasse fuit.  
 Tum piper & lanasydo reparauimus auro,  
 Veximus & grauidâ grana, meruinq; trabe.  
 Nostraq; Barbaricos tetigerunt lintea portus,  
 Et sinus inuectâ vix sine merce fuit.  
 Scilicet, è minimâ magnum re cogere quastum,  
 Maximus hâc studiÿ parte triumphus erat.  
 Creuerat aggestis iam densa pecunia nummis,  
 Nec domus immensas arctatenebat opes.  
 Classis & ambustis onerata redibat ab Indis,  
 Sed periit, patrijs proxima classis aquis.  
 Plurimus implebat tabulas mihi debitor ambas,  
 Creditaperiurus debitor esse negat.  
 Ergo velut liquidis sal crescit & interit vndis,  
 Vt creuistis opes, sic periistis opes.  
 O quanto placidos tranquillius exigit annos,  
 Qui neque lucra cupit, qui neque bella mouet!  
 Dives Athlantiade, tua linquo negotia, dixi,  
 Nulla mihi vestrâ merce redempta quies.  
 Quid facerem, toties frustrantibus omnia votis,  
 Marte negante decus, Murcurioq; fidem?  
 Regis in ignotam subrepsi nobilis aulam;  
 Magnaq; mox regi fama relata mei est.  
 Et vocor, & videor, placidoq; arrideor ore;  
 Dumq; loquor, pronâ Principis aure fruor.  
 Nescio quid fuerit, quod Rex ita cepit amare,  
 Non fuit hoc meriti, sed magè sortis opus.

Seu fuerit virtus, seu sors, seu Regius error,  
 Maximus exiguo tempore creuit amor.  
 Sæpè diem nocti coniunximus, inq̃, loquendo,  
 Non fuerat visus præcipuisse dies.  
 Sæpè domi tacitas lusu traduximus horas,  
 Vnaq̃, sæpè foris mensa duobus erat.  
 Non ita Seianum Latie fauor extulit Aula;  
 Clitus Alexandro non ita carus erat.  
 Commodus haud tantū potuit tribuisse Cleandro,  
 Aut Constantini plus amor Ablauio.  
 Iamq̃, suā fateor, fauor hic, nouitate placebat,  
 (Vt propè non solitares nouitate placent)  
 Aulaq̃, felicem felicem turba vocabat,  
 Quod mihi tanta Ducis gracia parta foret.  
 Vah! nimis insidis subnixa potentia sceptris,  
 Que minimo sortis turbine versa ruit!  
 Ecce, minax tetricos cepit Rex ducere vultus,  
 Nec tamen est vitio gratia lesa meo.  
 Hei mihi! ceptus amor, subitam se vertit in iram,  
 Hostis & è patrio cogor abire solo.  
 Et veteres auxi casu, noua fabula fastos;  
 Fabula sic elegis triste canenda meis.  
 Arcadij Eutropius, Stilico rediuitus Honori,  
 Et Constantini Cesaris Ablauius;  
 Clitus Alexandri, Tiberi Seianus; imago  
 Heu nimis historia vera fuere mea!  
 O Deus! ô quando tranquillius exigit æuum,  
 Qui locat in sceptris vota, spesq̃, tuis!

*Mihi autem adherere Deo bonum est: po-  
nere in Domino Deo spem meam.*

*Psal. 72.*

**C**OR humanum in desiderio æternita-  
tis non fixum, numquam stabile po-  
test esse: sed omni volubilitate volubilius  
de alio in aliud transit, quærens requiem,  
ubi non est. In his autem caducis & transi-  
torijs, in quibus eius affectus captiui tenen-  
tur, veram requiem inuenire non valet, quo-  
niam tantæ est dignitatis, ut nullum bonum  
præter summum bonum, ei sufficere possit.  
[Ergo] aliud & aliud sequebar, & a nullo  
implebar: dum non in me inueniebam te,  
incommutabile & singulare, indiuisum, v-  
num bonum, quod consequutus, non egeo;  
quod consequutus, non doleo; quod possi-  
dens, satiatur totum desiderium meum.

Aug. med.  
cap. 25.

Aug. solilo  
cap. 13.

[Sed nunc] nihil mihi tam dulce quàm  
cum Domino meo esse. *Mihi autem adherere  
Deo bonum est.* Da mihi, Domine, donec his  
fragilibus assisto membris, tibi adherere, sicut  
scriptum est, *qui adheret Domino, vnus spiritus  
est cum eo.*

Aug. med.  
cap. 37.

Eligant alij militiam, alij aduocationem,  
alij diuersas variasque doctrinas, alij nego-  
tiationem, alij agriculturam, *mihi autem adha-  
rere Deo bonum est.* Deo adherere nihil est me-

August. in  
Psal. 72.

R 5 lius



lius, quando, eum videbimus facie ad faciē: modò ergo quid? quia adhuc peregrinus loquor. *Adherere Deo bonum est*; sed modò in peregrinatione, quia nondum venit res: *ponere in Deo spem meam*. Quamdiu ergo nondum adhælisti, ibi pone spem. Fluctuas? præmitte ad terram hanc anchoram. Nondum hæres per præsentiam? inhære per spem: & quid hic ages, ponens in Deo spem tuam? quod erit negotium tuum, nisi ut laudes, quem diligis? Ecce si amares Aurigam, non raperes cæteros ut tecum amarent? Amator Aurigæ quacumque transit, loquitur de illo, ut eum ament & cæteri.

Basil. in  
Psal. 61.

*Diuitia si affluant, nolite cor apponere.* Fluxa est diuitiarum natura, suos possessores,ocyus torrente prærapido, prætercurrit; alios aliò modo, apta mutare Dominos. Hodie huius est ager, cras erit alterius, & paulò post ad alium perueniet. Respice parumper ad ciuitatis domos; quot nomina ex eo tempore, quo fuerunt ædificatæ, sortitæ sunt, aliter ab alijs atque alijs appellatæ possessoribus? Et aurum è manibus habentis se, fluens semper ad alium transfertur; & ab illo, ad alium; magis enim aquam manu circumplexam retinere continenter possis, quàm diuitias conseruare tibi ipsi.

Iusto-

Iustorum iudicio ( qualibet bona adfue-  
rint ) cum sanctis desiderijs æstuant, bona  
minimè videntur. vnde Daud Prophe-  
ta, qui Regni diuitijs, mu'tisque obsequijs ful-  
ciebatur, quamuis & hæc ad necessitatem  
bona esse conspiceret, vni tamen singulari-  
ter bono inhians æstuebat, dicens: *mihî au-  
tem adharere Deo bonum est.*

Greg. ho-  
mil. 4. in  
Euang.

Sit ergo Dominus Deus spes tua, non  
aliquid aliud à Domino Deo tuo speres;   
sed ipse Dominus tuus sit spes tua. Namque  
multi de Deo sperant pecuniam; multi de  
Deo sperant caducos honores & periueros;  
aliud quodlibet à Deo, præter ipsum Deū,  
sed tu ipsum Deum tuum pete. Relinque  
omnes amores, pulcrior est ille qui fecit  
cælum & terram, *Beatus vir cuius est nomen  
Domini spes eius, & non respexit in vanitates &  
insanias mendaces.*

Aug. in  
Psal. 39.

Sicut autem nemo potest duobus Domi-  
nis seruire, ita nemo potest in duobus Do-  
minus sperare. Nemo potest in incerto diui-  
tiarum sperare, & in Domino. Nemo potest  
sperare in Principibus, & in Deo. Nemo  
potest sperare in viribus equi, & in Deo. Ne-  
mo potest sperare in sæculo, & in Deo. Nisi  
enim in solo Deo speraueris, & videat Deus  
spem tuam, in sæculum æternum esse con-  
uersam, & quia aliam nullam omninò spem  
geris, nisi in ipso, qui viuificat mortuos, &  
vocat,

Orig. in  
Psal. 36.  
hom. 5.

vocat, quæ non sunt, non poteris eripi à peccatoribus. Solus est enim ipse qui saluos facit sperantes in se.

Basil. in  
reg. fufius  
disp. q. 42.

Huic qui in homine spem ponit, magno-  
perè est metuendum, ne in execrationem  
illam incidat: *Maledictus homo, qui confidit in  
homine, & fulcit carnem brachij sui, & defecit à  
Domino anima eius.* Quæ verba cum dicunt,  
*Qui confidit in homine*, illud præcipiunt; ne-  
quaquam in altero spem poni debere. cum  
autem, *& fulcit carnem brachij sui*; in se, sui  
habendam fiduciam verant.

Bern. serm.  
9.  
Beat. qui  
habu.

Quidquid igitur agendum sit, quid quid  
declinandum, quidquid tolerandum, quid-  
quid optandum. Tu es Domine, spes mea.  
hæc vna mihi omnium promissionum caus-  
sa; hæc tota ratio meæ expectationis. Præ-  
tendat alter meritum; sustinere se iacet pō-  
dus diei & æstus; ieiunare bis in sabatho di-  
cat, postremò non esse sicut cæteri homi-  
num gloriatur; *mihi autem adharere Deo bonum  
est, ponere in Domino Deo spem meam.* Sperent in  
alijs alij; fortè hic in scientiâ litterarum; hic  
in astutiâ sæculi; ille in nobilitate; ille in dig-  
nitate; ille in aliâ qualibet vanitate cōfidat;  
propter te, omnia detrimenta feci, & vt stercora  
arbitror: quoniam tu es Domine spes mea. Speret,  
qui vult, in incerto diuitiarum; ego verò ne ip-  
sa quidem, nisi abs te victui necessaria spe-  
ro. Si mihi præmia promittuntur, per te ob-  
tinenda

rinenda sperabo. Si insurgant aduersum me  
prælia, si sæuiat mundus, si fremat malignus,  
si ipsa caro aduersus spiritum concupiscat, in  
te ego sperabo. Quid cunctamur abijcere  
omnino spes miseras, vanas, inutiles, sedu-  
ctorias, & huic vni, tam solidæ, tam perfe-  
ctæ, tam beatæ spei, totâ deuotione animi,  
toto seruiore spiritus, inhærere? si quid illa  
impossibile, si quid vel difficile est, quære  
aliud in quo speres:

*Fortissimum solatium habeamus, qui confugi-* Heb. 6.  
*mus ad tenendam propositam spem: quam sicut an-*  
*coram habeamus animæ tutam ac firmam.*

Iam spem quasi ancoram [ præmissimus ] Aug. in  
ne in isto mari turbati, naufragemur. Quê- Psal. 64.  
admodum enim de naui quæ in ancoris  
est, rectè dicimus quod iam in terrâ sit,  
adhuc tamen fluctuat, sed in terrâ quo-  
dammmodo educta est contra ventos, & con-  
tra tempestates; sic contra tentationes hu-  
ius peregrinationis nostræ, spes nostra fun-  
data, facit nos non abripi in saxa.

*Adhareat, quæso, Domine, anima mea post-*  
*te, suscipiat me dextera tua; sustollat me su-*  
*per altitudinem terræ; & cibet me illâ cele-*  
*sti hæreditate, cui suspirat peregrinatio mea*  
*die ac nocte.*



*Sub umbra illius quem desideraueram, sedi.*

*Cantic. 2.*



## XIV.

Sub vmbra illius, quem desideraueram, sedi. *Cant. 2.*

**F**ors iter ignotas longum meditabar in oras,  
 Et bona iam cœpta parserat acta via.  
*Vtq;* solet lassus metam spectare viator,  
 Credebam spatij pauca dæsse meis.  
 Vt cœpi reliquos metiri prouida passus,  
 Maius erat medio, quod superabat, iter.  
 Hei mihi! tum refuga ceciderunt corpore vires,  
 Totq; nimis durus, millia visa labor.  
 Ergo oculos cœlo miserâ cum voce tetendi,  
 Ferret an hinc aliquis, voce vocatus, opem?  
 Et mihi, quis, dixi, dabit hisce sub æstibus vmbra?  
 Solis ab infesto verberor igne caput.  
 Aspice, sub plantis quàm ferueat arida tellus,  
 Siccaq; semustos vrat arena pedes.  
 O nemoralis rigua, frondosa cacumina, sylva!  
 O latebra! ô fontes! arboreaq; domus!  
 O vinam, virides pandat mihi populus alas,  
 Aut caput hoc, mali fronde comante tegar!  
 Audijt ille meas solitus lenire querelas,  
 Cuius erat toties vmbra perita mihi.  
 Et scio, quod properas, scio, quas, ait, arripis oras;  
 Et scio, quam toties anxia poscis opem:  
 Cœlestis Solyma longinquam tendis in urbem,  
 Quamq; agis in terris, huc tibi, vita, via est.

*Iamq;*

Iamq<sup>3</sup> grauat longi te tanta molestia cursus,  
 Et cuperes Mali fronde virente tegi.  
 Ecce tuis venio sperata laboribus umbra,  
 Quamq<sup>3</sup> voues placido tegmine, Malus ero.  
 Aspicias herentes funestâ ex arbore palmas,  
 Quosq<sup>3</sup> fodit geminos cuspis acuta pedes?  
 Aspicias innumero laniatum vulnere corpus?  
 Aspicias? heu vix est corporis umbra mei.  
 Hac tibi quasitam fesse dabit umbra quietem,  
 Portus & in duris, hac tibi Malus, erit.  
 Dixerat, & vires subito rediêre iacenti,  
 Tanta loquente Deo, visq<sup>3</sup> vigorq<sup>3</sup> fuit.  
 Tunc ego suspiciens, in Sponsum lumina fixi:  
 Hei mihi, suspensus de Cruce Sponsus erat!  
 Et qualis, Spôse, inquâ, hac est, quam tristis imago?  
 Hæcne erit capiti Malus aprica meo?  
 Hac ego sanguineâ languens residebo sub umbra  
 Tu, crucis infami stipite fixus eris?  
 O mala Malus! & infelix, quæ te manus vniquam  
 Fixit humo! manus hac, cæde cruenta fuit.  
 Attamen hac letos Malus iacit ardua ramos,  
 Utq<sup>3</sup> cubent, placidos umbra dat apta toros;  
 Umbra dat apta toros, sed non tamen apta sopori:  
 Ah! magis hæc lacrymas, Malus & umbra petunt.  
 O bona Malus! & o felix, quæ te manus vniquam  
 Fixit humo, hanc fidus iam decet esse manum.  
 Ah video, cui te similem, mi Sponse, vocabo;  
 Sæpè mihi vmbri fera munere sancte domus.  
 Qualisonusta rubris latè sua brachia pomis  
 Spargit, & apta siti munera Malus habet;

Ex supe-

Exsuperatq; suas, numerosâ fruge sorores,  
Vna nemus lassis, hospitibusq; penur:  
Talises astutus mihi, Sponse, caloribus umbrâ;  
Lymphaq; dum sitio, dum fameoq; cibis.  
O quoties ego te! quoties, mi Sponse, vocavi,  
Vt semel illa meum conderet umbra caput!  
Hic ego, si liceat, dixi, gemebunda sebedo;  
Vt sedet amisso mæsta columba viro.  
Et modò purpurei concreto sanguine crine,  
Et modò materies, labra, doloris erunt.  
Nunc oculi ante oculos, nunc frons, nunc pendula  
cervix,  
Nunc os, nunc atro barba cruore madens.  
O quoties latus hoc, lacrymansq; gemensq; videbo!  
Ne videam, lacrymis impediariq; meis!  
Multa tamen dabit hoc vnū mihi vulnera, vulnus,  
Saucia dum geminos labar ad vsque pedes.  
Tuncq; iterum amplexu lignum lacrymabile strin-  
gens,  
Subscribam hac plantis verba suprema tuis:  
En duo qui caussam præbent sibi mortis, Amantes;  
Merguntur hac lacrymis, ignibus ille perit.

*Sed umbrâ illius, quem desideraueram  
sedi, Cant. 2.*

Orig. hō.  
3. in Cant.  
Orig. ibid.

**A** MORIS enim vulnere percussa arbori solatia sylvarumque sectatur.

Sicut[ namque ] arbor meli inter reliqua ligna syluæ, sic est sponsus inter reliquos filios, habens fructum, qui non solum sapore omnes, sed & odore præcellat; & duos animæ sensus: id est gustum & odoratum reficiat: diuersis namque copijs mensam suam nobis præparat sapientia, in quâ non solum panem vitæ apponit, sed immolat carnes verbi; & non solum miscet in cratere suo vinum, sed & mela adhihet odorata & dulcia, quæ non tantum in ore & labijs suauitatem reddant, sed & interioribus tradita faucibus dulcedinem seruent.

Nyff. in  
orat. 4. in  
Cant.

Is enim qui in syluâ maturæ nostræ, ob suam erga genus humanum beneuolentiam germinauit, eo ipso quod carnis ac sanguinis particeps factus est, quasi malum quoddam existit. Nam in hoc fructu videre est quiddam, quod cum utroque, nimirum, carne ac sanguine, similitudinem aliquam habeat: etenim ratione coloris subalbi; carni quod proprium est imitatur; rubedinis specie cognatio quasi quædam cum sanguinis naturâ indicatur.

Merito

Merito ergo eius desiderauerat umbram, Bern. serm. 48. in Cat.  
 de quo & refrigerium esset & refectio nem  
 pariter acceptura. Nam cætera quidem syl-  
 varum ligna etsi umbram solatij habent, sed  
 non vitæ refectioñe, non fructus perpetuos  
 salutis, vnus est etenim vitæ auctor, vnus me-  
 diator Dei & hominum homo CHRISTVS  
 IESVS, qui dicit sponsæ suæ: *Salus tua ego sum.*  
 Propterea ergo CHRISTI potissimum desi-  
 derauerat umbram; quòd solus sit, qui non  
 solum ab æstu refrigerat vitiorum, sed & re-  
 plet delectatione virtutū. *Sub umbrâ eius quem*  
*desideraueram sedi.* umbra eius, caro eius.

Quis enim posset sustinere Solem iustitiæ  
 nudum? quis non consumeretur ardentibus  
 radijs eius? assumpsit ergo Sol iustitiæ homi-  
 nem mediatorem, & ita ex coniunctione  
 solis & humani corporis facta est umbra.

CHRISTVS ergo affixus ad lignum, sicut Ambt. in Psal. 118. Oton. 5.  
*malum pendens in arbore*, bonum odorẽ mun-  
 danæ fundebat redemptionis; quæ peccati  
 grauem deterfit fœtorem & vnguētum po-  
 tus vitalis effudit. *Tanquam malum*, inquit,  
*in lignis syluæ, ita consobrinus meus in medio filio-*  
*rum.* *In umbrâ eius concupiui & sedi.* Bona um-  
 bra, quæ nos ab iniquitatis sole defendit, &  
*fructus eius dulcis in faucibus meis.* Quis fructus  
 eius dulcis, nisi prædicatio Dominicæ pas-  
 sionis?



Ambr. in  
Fsal. 118.  
Oclon. 3.

Nathanaël *sub arbore ficus* videtur; David, *in vmbra alarum* Domini IESV sperare se dicit; Zacchæus *in arborem ficomori* ascendit, vt CHRISTVM videret. Nobis quoque expandit manus suas IESVS, vt totum mundum obumbraret. quomodo non sumus in *ymbra*, qui Crucis eius protegimur velameto? quomodo non sumus in *ymbra*, quos crucifixus à malignitate sæculi, & corporis ardore defendit.

Idem ibid.  
Ocl. 4.

Hæc *ymbra* David protegi se postulabat, ne eum *per diem Sol* vreret *vel luna per noctem*. Hanc *ymbra*m spiritalis ministrat gratia, torrida sæculi huius, & mundi æstiva fugientibus. In hæc ergo *requiescamus vmbra*, peccatorum nostrorum æstibus fatigati; si quos adussit libido, hos Domini Crux refrigeret, in quâ se reclinauit, vt nostra delicta susci-peret.

Hon. apud  
Deir. in c.  
2. Cant.

Vmbra sit ex corpore & luce, & est itinerantium refrigerium ab æstu, & protectio à tempestate. Arbor vitæ, scilicet *malus*, est *sancta Crux*: fructus eius, *Christus*; *ymbra*, tutela vel refrigerium humani generis, quod graui onere peccatorum per æstum concupiscentiæ premebatur.

Greg. in c.  
2. Cant.

Vmbra Christi [si liquidem] omnem tentationum feruorem temperat, & dum aura suæ inspirationis suauiter mentem tangit, quicquid noxiæ caloris sustinebat, expellit, & quam

& quam iam forsitan nimius vitiorum æstus marcidam fecerat, umbra sancti Spiritus, protegens recreat, vt dum in eius inspiratione sedens pausat, vires colligat, quibus ad æternam vitam robustius currat.

Per *umbram* ex supernâ protectione refrigerium cordis exprimitur. Sicut Sponsa in Canticis Cant. aduentum Sponsi præstolata prænunciat, dicens: *Sub umbrâ illius quem desideraueram sedi*, ac si dicat: ab æstu carnalium desideriorum, sub aduentu illius protectione requeui.

Greg. l. 33.  
mor. c. 3. in  
c. 40. Job.

Nonne meritò sub arboris huius umbrâ sedit genus humanum, quod per esum ligni scientiæ boni & mali paradysum amiserat? graue onus peccatorum in æstu vitiorum portabat, quod deorsum in præcipitium tormentorum trahebat, & ideo ad arborem vitæ IESVM CHRISTVM festinabat.

Honor.  
apud Delz.  
cap. 2.

Tu ergo, vide, vt viuas in umbrâ eius, vt quandoque & regnes in lumine eius. Non enim tantum umbram habet, habet & lucem.

Bern. ser.  
48. in Cât.

Apostolus dicit: legem, umbram habere futurorum bonorum, & omnem veterem culturam umbram & exemplar pronunciat esse cœlestium. Nos autem alieni sumus ab umbrâ eorum quoniam non sumus sub lege, sed sub gratiâ, sed quamuis non sumus sub umbrâ illa, sumus tamen sub umbrâ

Orig. hom.  
3. in Cant.

meliorē; in vmbra enim CHRISTI viuimus inter gentes.

Ibidem.

Et meritò Sponsa sub meli vmbra sedere concupiscit; sine dubio, vt vitæ, quæ est in eius vmbra, particeps fiat, videtur omnis [quoque] anima, donec in præsentī vitæ est, vmbra habere necessariam, propter illum, credo, ardorem Solis, qui cū exortus fuerit, continuò semen, quod non altā radice demersum est, arescit & deperit.

Bern ser.  
§ 9, in Cāt.

Sed fortasse felicius aliquid ista expectam se gloriatur in eo quod se in vmbra dicit non (vt Propheta) viuere, sed sedisse: sedere enim quiescere est. Plus autem est quiescere in vmbra quàm viuere; sicut viuere plus est quàm tantummodò esse in eā. Igitur quod est commune multorum, Propheta assumens sibi; *in vmbra eius viuimus*, inquit; sponsa verò, habens prærogatiuam, etiam quod sub eā singulariter *sedet* gloriatur, vbi itaque nos cum labore viuimus, qui conscij peccatorum sub timore seruimus, ibi hæc deuota & amans suauiter requiescit. Denique timor pœnam habet, amor suauitatem, vnde ait; *Et fructus eius dulcis gutturi meo*; gustum contemplationis significans, quem obtinuerat per amorem suauiter subleuata. Ast istud, *in vmbra*, quia, *per speculum & in enigmate*, erit cū *declinauerint*

*clinauerint vmbra crescente lumine, imò penitus disparuerint, & subintrabit sicut perspicua ita & perpetua visio, eritque non modò suauitas gutturi, sed & satietas ventri, sine fastidio tamen: sub vmbra eius quem desideraueram sedi, & fructus eius dulcis gutturi meo.*

In te ergo, dulcissime Domine IESV, quiescat mens nostra, & à te, nec ad modicum separetur. Stultissimum quidem est, etiam nobilissimo & iucundissimo loco exire. Quomodo audemus, nisi dulcissimum sponsum inspicere, ne subtrahatur à nobis? quid, quæso, nos mouet, aliud intueri? quomodo omnia non desipiunt & despi-  
ciuntur?

Bonau. 2.  
part. sti-  
mul. c. 8.

Confugiat, Domine, mens mea, *sub vmbra alarum tuarum*, ab æstibus cogitationum huius sæculi; vt in tui refrigerij temperamento absconsa, lætabunda canter, & dicat: *In pace in idipsum dormiam & requiescam.*

Aug. med.  
cap. 37.



*Quomodo cantabimus canticum Domini, in terra  
aliena? Psal. 136.*



## XV.

Quomodo cantabimus canticum  
Domini in terrâ alienâ. *Psalm. 136.*

**Q**uid toties cantus iterare iubetû amici,  
Seu lubeat digitis, seu iuuet ore loqui?  
Latitiam cantus possunt, animiq<sub>3</sub> quietem,  
Turbida cûm mens est, os, digitiq<sub>3</sub> dolent,  
Quin mage cantandû cû mens iacet agra, monetis;  
Tuncq<sub>3</sub> opus esse lyrâ, tuncq<sub>3</sub> opus esse chely.  
Nempe suo nimium ne mersa dolore laboret,  
Aut intenta suis, sit nimis ipsa malis:  
Quid quod opem certa promittitis vsque medela,  
Vestra nec exemplo dicta probante carent;  
Dicitis hanc causam cur lassus nauita canet,  
Sollicitat celeri cûm freta lenta manu.  
Quig<sub>3</sub> gregem virides pascendum ducit in agros,  
Non, nisi ne nimium sit mora longa, canit.  
Et canit vt fallat fastidia longa viator,  
Miles & vt cantet, noxq<sub>3</sub> laborq<sub>3</sub> facit.  
Non ego, quod faciunt, miles, nauta, atque viator,  
Quodq<sub>3</sub> facit pastor, damno rebellis opus.  
Adde quod & Domina iam dudû assueta querelis,  
Ad solitos gemitus plus mea lingua valet;  
Vixq<sub>3</sub> retentanti iam carmina prisca subibant,  
Musica quin etiam res mihi visa noua est.  
Vtq<sub>3</sub> timet longo veniens è carcere Solem;  
Sic mea letitiam lingua modosq<sub>3</sub> timer.

Ad numeros quoties fuit impetus ire relictos,  
 Aut solitam digitis sollicitare chelym;  
 Aut docto querulas impellere pectine chordas,  
 Aut mollem articulis increpuisse lyram;  
 Aut lepe ceratis modulari carmen auenis,  
 Aut voci liquidas associare fides.  
 Heu! toties lacryma sunt, me tentante, profusa,  
 Et lacrymis, digiti, voxq; retenta fuit.  
 Mox luctata iterum cantu deducere vocem,  
 Et querulâ digitos attenuasse lyrâ;  
 Nequicquam aduersis sensi me tendere Musis,  
 Vlla nec est nostrâ barbitos ista manu.  
 Interea longâ iam desuetudine pigrâ,  
 Artem dedidicit voxq; manusq; suam.  
 Nec si nunc studium grauitatis inane retentem,  
 Molestant studio tristitia sata meo.  
 Esto, sciam leuibus tamen addere carmina neruis,  
 Aptaq; mutandis sit mihi lingua sonis;  
 Et vincam Aonias digitis aut gutture Diuas,  
 Et mea sit melior, Marsia, Canna tuâ.  
 Panag; multiforem cogam submittere buxum,  
 Et superem Thresse stammina docta lyre:  
 Questibus, an cantu videor debere teneri,  
 Maxima cui flendi copia semper adest?  
 Ah! bene, ne cantem, mihi per mala plurima cautum  
 Vertit & in morem, iam mihi pene dolor. (est;  
 Nec locus, vt cantem, patitur, neque tēpora prosunt;  
 Vtq; locus sinat aut tempora, mœror obest.  
 Quid? vultis patriâ procul à tellure iacentem,  
 Externo patrios orbe sonare modos?

Parcite,

Parcite, fortuna nimis exulis ista repugnant:  
Non est conueniens cantibus ille locus.  
Exul & à patrio tam longè dista Cœlo,  
Impellam patriæ dulcia fila lyra?  
Parcite tam miserum fortune vulnus habenti;  
Cantandi, externo nulla libido sola est.  
Tristia stabilibus manant mihi lumina riuis,  
Et videor festam posse ferire chelym?  
Semper in obtutu vigilat mens fixa malorum,  
Et cytharâ videor posse, vel ore loqui?  
Heu! nimis insistant præsentî pectora fato.  
Et numquam exiliÿ sensus acerbus abest.  
Si quisquam his inbeat Amphiona viuere terris,  
Aonio numquam pectine tangat ebur.  
Respectu Euridicen propero cùm perdidit Orpheus,  
Ilicet artifices obriguere manus;  
Et manibus cecidit leue cum testitudine plectrum,  
Fractaq; sunt casu garrula fila suo.  
Quid mihi, non vnâ satorum clade sepulta  
Præcipitis, tories vngue ciere fides?  
Dum circumspiciens, vbi sim, te Patria specto;  
Heu cadit aspectu mens labefacta, tuo!  
Cùm semel, ô sperata diu, tibi Patria reddar.  
Tunc ego voce canam, tunc ego mente canam.

*Quomodo cantabimus canticum Domini in terrâ alienâ? Psalm. 136.*

Aug. med.  
cap. 35.

**V**TINAM possem talia dicere qualia hymnidici Angelorum chori! ô quàm lubenter me in tuis laudibus torum effunderet? ô quàm deuotissimè illa cœlestis melodix cantica, ad laudem & gloriam nominis tui, in medio Ecclesiæ infatigabilis perorarem!

Aug. med.  
cap. 33.

O beatæ nimium illæ Cœlorum virtutes, quæ laudare possunt te sanctè & purissimè, cum nimîa dulcedine & ineffabili exultatione! Inde laudant vnde gaudent, quia semper vident vnde gaudere valeant & laudare. Nos verò mole carnis pressi & procul à vultu tuo in hâc peregrinatione positi, atq; per mundanas varietates distenti, te dignè laudare nequimus, laudamus tamen per fidem, non per speciem. Illi verò Angelici spiritus per speciem & non per fidem.

Chrys. in  
Psal. 61,

Nostra certè natura vsque ad eò delectatur canticis & carminibus, & tantâ cum eis habet necessitudinem & conuenientiam, vt vel infantes ab vberibus pendentes, si fiant & afflictentur, eâ ratione sopiantur. Nutrices quidem certè, quæ eos gestant in vlnis, sæpè adeuntes & redeuntes, & quædam puerilia

puerilia ijs carmina decantantes, supercilia eorum ita sopiunt: quocirca sæpè quoque viatores meridie agentes iugalia animalia hoc faciunt canentes, itineris molestiam illis canticis consolantes; nec solum viatores, sed etiam agricolæ, vuas in torculari calcantes, vindemiantes & vites colentes, & quodcumque aliud opus facientes sæpè cantant. Nautæ quoque remos impellentes hoc faciunt.

Iam verò mulieres quoque texentes & confusa stamina radio discernentes, sæpè quidem & per se singulæ, sæpè autem etiam omnes concorditer, vnā quamdam melodiam concinunt. Hoc autem faciunt & mulieres & viatores, & agricolæ & nautæ, laborem qui ex opere faciendo suscipitur, cantu consolari volentes; vtpote quod anima, si carmen & canticum audierit, molesta & difficilia sit faciliùs toleratura.

[Sed] *quomodo cantabimus canticum Domini in terrâ alienâ?* Hebræi non caneant in terrâ captiuitatis, quod in suâ patria canere consueuerant. Hæc terra captiuitatis est, alia terra libertatis est; ista peccati, illa quietis æternæ; vallestris ista, illa cœlestis.

[Imò] si caro menti repugnat, nec subdita est animi gubernaculo, & mētis imperio, *aliena est terra*, quæ non donatur exercitio cultoris, & ideo non potest fructus charitatis,

Ambr.  
enarrat.  
in Psal. 36.

Ambr.  
enarrat.  
in Psal. 36.

Ambr. l. 2.  
de poenit.  
cap. 11.



tis patientiam pacis afferre : *Quomodo cantabimus canticum Domini in terrâ alienâ?*

Ambr.  
in Ps. 118.  
Octon. 7.

Qui cantat, vacuus est, & diuersarum cogitationum curas releuat, culpas relegat, sequestrat auaritiam, & non solum corporis voce, sed etiam mentis suauitate se mulcet.

*Nam cum mens querulo semel est obfessa dolore,*

Nazian. de  
humana  
natur.  
Ambr. in  
Ps. 118.  
Octon. 22.

*Ad lara occlusas tunc habet illa fores:*

In regione vmbrae mortis sumus; abscondita est vita nostra, non libera. Erit enim libera in regione viuorum. Ibi ergo viuit anima nostra, vbi nihil mortale, nihil infirmum amicta sit, nihil debitum poenae; ibi laudabit Dominum, vbi deposito infirmitatis corpore, conformis esse caeperit gloriae corporis CHRISTI, nam dum in peccato sumus, plenè laudare quid possumus. In vmbra sumus hîc positi, in vmbra viuimus, in vmbra laudamus: perfectè in vmbra laudare non possumus. Deniq; in terrâ alienâ sumus; *quomodo cantabimus canticum Domini in terrâ alienâ?*

Ibid. superius.

Eruçtabat hymnum anima pia, cui dicebat Dei verbum: *insinua mihi vocem tuam, quia vox tua suauis est.* eruçtabat hymnū cui dicebat: *Fauum distillant labia tua o sponsa, mel & lac sub linguâ tuâ;* sed non potest quis ante eruçtare hymnum, nisi didicerit iustitias Dei, & didicerit ab ipso Domino Deo suo. ideo specialiter hoc Dauid petit, vt eum doceat

ceat

ceat Deus, quomodo cantare potest in metu positus & in timore pœnarum? quomodo cantare potest grauium sibi concius delictorum; nisi prius fiat veniæ securus? Denique *quomodo cantabimus canticum Domini in terrâ alienâ*, in quâ impugnetur, in quâ capriuetur in lege peccati; in quâ defleat atque deploret suæ captiuitatis ærumnas?

Opax illa, quam videmus apud Deum! August. in Psal. 136,  
 ô illa sancta æqualitas Angelorum! ô illa visio & spectaculum pulcrum! ecce in Babylonia pulcra sunt quæ tenent; non teneant, non decipiant. Aliud est solatium captiuorum, aliud gaudium liberorum.

Facile potest demonstrari captiuos nos esse: Non enim respiramus iam in anfractus libertatis; non enim fruimur libertate veritatis; delectationibus temporalium rerum tentamur, & colluctamur quotidie, cum suggestionibus illicitarum voluptatum. Vix respiramus, vel in oratione; captiuos nos esse intelligimus. Ibidem.

Illi autem qui captiuos duxerunt nos, quando intrant in corda hominum & interrogant nos, & dicunt nobis: *Cantate nobis verba canticorum*: Quid respondemus? Babylonia te portat, Babylonia te continet, Babylonia

te nutrit, Babylonia de te loquitur; non  
nōsti capere nisi quod fulget ad tempus;  
æterna meditari ignoras, non capis quod  
interrogas. *Quomodo cantabimus canticum  
Domini in terrâ alienâ?*



LIBER

## I.

Adiuro vos, filix Hierusalem, si inue-  
neritis dilectum meum, vnūcie-  
tis ei: quia amore langueo. *Cant. 5.*

**C**oelestes anima, Solyma cœlestis alumna,  
Qua teritis niueo carula templa pede;  
Vosego, vos numquam violando carmine testor,  
(Si meus est vobis fortè repertus amor)  
Dicite, quodd cœcâ sic eius langueo flammâ,  
Languet vt Assyrio flosculus vstus agro.  
Nempe suas nuper cùm spargeret ille sagittas,  
Delituit proprijs mistus arundinibus:  
Et summâ trifidi præfixus cuspidè teli,  
Cor mihi, ceu Parthi, canna redunca fidit.  
Ah quibus, ah quantis tum pectus amoribus arsit!  
Non furit Aetneo senior igne rogus.  
Nunc igitur cupidus de me si plura rogabit,  
(Namque solent cupidi multa rogare proci)  
Dicite, languentis qua sit mea visa figura;  
Pluraq;, languentem non potuisse loqui.  
Si roget, an lento mihi febris inastuet igne;  
Dicite, quod nullo febris ab igne coquar.  
Si roget, an mortis propior sim visa periclo?  
Dicite qua vobis, ore tacente, loquor.  
Dicite, nulla meis vos reddere nuncia verbis,  
Sed fati tantum reddere verba mei.  
Si lubeat nostros tamen illi noscere vultus,  
Nec grane sit vobis dicere, qualis eram:

Hâc, precor, aut simili, tum me depingite formâ,  
 Quâ sciat & morbi quâ sit origo mei.  
 Dicite, quod iaceam tenebris ex sanguis abortis,  
 Succiduo in nudum corpore lapsa solum.  
 Sintq; hebetes oculi, mediâ ceu morte natantes,  
 Inq; sinu iaceat languida facta manus:  
 Nec rosa picta genis, neque viua corallia labris,  
 Venâq; vix, quamuis pollice tacta, micet:  
 Iamq; diu nullo constet me viuere signo,  
 Quàm quod anhelanti pectore sæpè gemam.  
 Quodq; mihi certam non possim fingere causam,  
 Cur toties nullo laesa dolore querar:  
 Non possim, nisi fors gemitu se prodere cogat,  
 Qui gemitum toties pectore rupit Amor.  
 Hac reor, hac nostri fuit vnica causa doloris,  
 Et quid amans esset nescij, amansq; fui.  
 Hoc fuit, hoc toties me si spirare coëgit,  
 Per gremium iniussa cum flueretis aqua.  
 Hoc, fuit, vt quamuis toties aliena loquenti,  
 Illius assidue nomen in ore foret.  
 Ergo meis, oro, Dilecto hac dicite, verbis;  
 Illius immodicâ quod cremor agra face:  
 Dicite, quod lento sic torreo illius igne,  
 Vt rosa cœlesti torrida facta cane.  
 Dicite, quod longâ sic eius languero flammâ,  
 Vt languent siccâ lilia cana coma.  
 Dicite quodq; mei causa vnica sit languoris,  
 (Qui simul est mortis causa futurus) Amor.



*Adiuro vos, filia Hierusalem, si inueneritis Dilectum meum, ut nuncietis ei: quia amore langueo. Cant. 5.*

**P**ROBAVIT dilectionem suam nobis præclarus ille procius animarum nostrarum CHRISTVS, quâ adductus etiam tum, cum adhuc peccatores essemus, pro nobis mortuus est. Idcirco sponsa vicissim, amore incensa erga illum, qui ipsam dilexerat, demonstrat latens in se dilectionis telum, imò in pectore.

Nyfl. ora.  
13. in Cânt.

Sagittarius autem eiacularus hoc telum, est ipsa dilectio, & Deum esse dilectionem, sacris è litteris didicimus, qui quidem, telum electum, Deum illum vnigenam, ad eos mittit, qui seruantur; spiritu vitæ, triplicem cupidis aciem inungens, ut eum in quem immissa fuerit, vnâ cum telo, & ipso sagittario, is vnum colligat. Itaque videt iam anima per diuinos gradus in sublime deducta dulcedinem dilectionis, tamquam telum in sese quo vulnerata est. O præclarum vulnus! ô dulcem plagam, per quam vita ad interiora penetrat, quasi quoddam ostium & ianuam sibi aperiens ipsâ diuisione.

Orgi. hom.  
2. in Cânt.

Quàm pulcrum est, quàm decorum, vulnus à charitate accipere? Alius iaculum carnei amoris accepit, alius terreno cupidine vulneratus est; tu nuda membra tua, & præ-

T;

be

be te iaculo formoso; siquidem Deus sagittarius est. Audi scripturam de hoc eodem iaculo; imò vt ampliùs admitteris, audi ipsum iaculum quid loquatur: *Posuit me in sagittam electam, & in pharetrâ suâ seruauit, & dixit mihi: magnum est tibi hoc vocari puerum meum.* Intelligence sagittam, quid dicat, & quomodo à Deo sit electa. Quàm beatum est, hoc iaculo vulnerari!

Hier. epist.  
104. ad  
Principiâ,

Nec mirum si sponsus habeat plures sagittas, de quibus in 119. Psalmo dicitur: *Sagitta potentis acuta.* His sagittis & Cleophas, in itinere, cum altero vulneratus aiebat: *Nonne cor nostrum ardenserat in nobis?* Et in alio loco legimus: *Sicut sagitta in manu potentis, ita filij excussorum.* His sagittis totus mundus vulneratus & captus est. Paulus sagitta fuit Domini, qui postquam ab Hierosolymis vsque ad Illyricum missus arcu Domini, huc illucque volitauit; ad Hispanias ire festinans, vt velox sagitta, sub pedibus Domini sui, Orientem Occidentemque prosternat.

August.  
med. c. 40.

Quid ergo dicam? quid faciam? quo vadam? Vbi eum quæram? vel quando inueniam? quem rogabo? quis nuntiabit Dilecto meo, quia amore langueo?

Aug. folij.  
cap. 1.

O vita, cui omnia viuunt, vita quæ das mihi vitam; vita quæ est mea vita! per quam uiuo, sine quâ morior; vita per quam resuscitor, sine quâ pereor; vita per quam gaudeo, sine

sine quâ tribulor; vita vitalis, dulcis & amabilis, semper memorialis, vbi quæso es? vbi te inueniam, vt in te deficiam, & in te subsistam? propè esto in animo, propè in corde, propè in ore, propè in auribus, propè in auxilio, *quia amore langueo*, quia sine te morior?

Anxia vota, suis nesciunt esse contenta meritis; ideò alienæ precis mendicant suffragia: *Adiuro vos*, inquit, *filie Hierusalem*; vos nunciate, quibus pater ad dilectum familiaris accessus; vos nunciate, quæ nostis ex parte, quâta sit amatorij virtus languoris, quàm sit fortis vt mors dilectio.

Sed quorsum sic adiurat? Nónne Dilectus cûcta nouerat, & in his amorem Sponsæ amantis? si Petrus dixit: *Tu scis, quia amo te*, quanto magis, ô dilecta, tam prudens, tam fidelis, per temetipsam absque internuntijs dicere poteras Dilecto, & frequenter sine dubio dixisti; dilecte nullum tibi absconditum est cor, nullius occultus amor, *tu scis, quia amore tui langueo*. Quorsum igitur, tendit hæc adiuratio? Nónne vt percussa, percutiat? vt vulnerata, vulneret?

Nunciate ei, non quasi ignorâti (nihil enim ei incognitum est) sed quia gaudet, quæ nouit de dilecta etiam ex aliis intelligere.

Narrate & annunciate, & exaudiet vocem vestram, vt refoueat vota mea, *Annunciate, quia amore langueo*. Non languet amor, sed languet

Guilb.  
Abb. ser.

46, in Cât.

Rupert. in  
Cant.

Guilb. apud  
Delrio  
Cant.

Guilb.  
Abb. ser.  
64, in Cât.

languet amans; vbi viget amor, ibi viget languor, si absit, quod amatur; languet animus dum æstuantis voti nimietate conficitur; liquefactus se fugit animus amoris violentiam ferre non valens. Sic enim in cōsumptâ materiâ & iam deficiente, languidiora redduntur ignis incendia. Et *Deus noster ignis consumens est*. ò potens & præpotens passio charitatis! si non temperatur, non toleratur. Lure potens, quæ animum, quem possederit, sui ipsius efficit impotem.

Rupert. in  
Cant.

*Annunciate, quia amore langueo*, præ magno faciei eius videndæ desiderio; vitæ tædium patior, & vix præsentis exilij moras sustineo.

Guilb.  
Abb. ser. 66  
in Cant.

Singultus de imis prodeuntes præcordiis, crebri gemitus, nōne sunt quædam eructationes spiritus & conceptæ gratiæ? nōne talibus indiis se probat languor amoris? Non est occultatus languor, quādo gemitus non est absconditus. Ipse se prodit languor, cum hæc producit indicia.

Guilielm.  
apud Del-  
rio in c. 5.  
Cant.

Lingueo, in amore mei, præ amore Sponsi cœlestis, Amoreius languidum & remissum in me facit amorem mei ipsius. Meo amanti mortua, viuo ego, iam non ego, sed viuit in me Sponsus. Me namque amo, non amore mei, sed amore sponsi qui me amat. Non amo me, in me, sed me in ipso, & ipsum in me.

Bona. foli-  
lo cap. 2. §

Eia dulcissime IESU, transige saluberrimo

mo vulnere amoris tui, medullas animæ  
 meæ, vt verè ardeat, *languet*, & liquefiat, &  
 solo tuo desiderio deficiat; *cupiat dissolui, &*  
*effe tecum*. Te solum semper esuriat panem  
 vitæ, qui de Cælo descendisti. Te siviit fon-  
 tem vitæ, fontem æterni luminis, torrentem  
 veræ voluptatis. Te semper ambiat, te quæ-  
 rat, te quæ inueniat, in te dulciter requiescat.







*Fulcite me floribus, Etipate me malis, quia  
amore languo. Cantic. a.*

## II.

Fulcite me floribus, stipate me malis; quia amore langueo. *Cant. 2.*

**O** Amor! ô quantis torres mihi viscera flammis!

O Amor! ô animi blande Tyranne mei!

O Amor! ah tantos quis pectore comprimat ignes?

Parce, vel in vapidos dissolior cineres.

Parce Amor, ô toties repetitis parce sagittis!

In noua pars animi, vulnera nulla vacat.

Parce Amor, & nocua procul abijce tela pharetra.

Proxima quam iacies figet arundo necem.

Ah perij! neque nota mihi suspiria duco,

Quæ sonat, ignoto vox ab amore sonat.

Scilicet arcanos penitus grassatus in artus,

Iam mea, victor ouans, regna subegit Amor.

Me miseram! tantos nemo miserabitur ignes?

Nemo vel è terris, nemo vel è superis?

Tuq; meus (tanti causa vnica qui tormenti es).

Tu meus, hæc sicco lumine cernis Amor?

Vos saltem Aetherij Cælo properate coloni,

Vos, quibus à simili mens calet idæa face:

Ferte rosas, date mala, & odora Chloridis herbas,

Quicquid & Alcinoüs, Floraq; quicquid habet.

Ferte rosas, date mala ardentibus obuia flammis,

Mitior in malis est amor, inq; rosis.

Ferte rosas manibus, calathis effundite mala,

Forserit hinc nostris certa medela malis.

Sed

Sed quid ago? quid posco rosas? quid postulo mala?

Est dolus in malis, est dolus inq. rosis:

Forſan Amor falſi tegitur velamine mali,

Aut ſua ſpiniferis occulit arma roſis.

Periuro ſimplex malo deluſa Cydippe eſt,

Et Venus armata cuſpide laſa roſa.

Nolo tuas Cy. heres roſas, tua mala, Cydippe.

Nefcia perfidia mala roſaſq. volo.

Quales Dorothea ſuperis tulit Ales ab hortis,

Canag. quae ſupuit Bruma rubere roſas.

Quale tibi Elyſiis venit, Luduina, viretis

Angelico carptum pollice liliolum.

Has mihi poſco roſas hac mala, hac lilia poſco,

Nefcia perfidia lilia, mala, roſas.

His mihi vernantem viridi ſuper aggere lectum.

Piſtaq. puniceis ſernite fulcra crocis.

Fiſinaq. è lento fiat puluvis hibico,

Fiſcina quam viridi farciat herba toro.

Iungite vimineis collecta liguſtra quaſillu,

Et pluſat in laxos lutea Caltha ſinus:

Lunceaq. egregijs onerate caniſtra Hyacinthis,

Miſceat & calyces Bellis amœna ſuos:

Spicaq. Narciffuſq. & apex ſtellaris Amelli,

Pulcraq. ceruleis cum Cyanis Anemon,

Et Nymphaea marina, immortialeſq. Amarantibi,

Iridis & Viola multicoloris opes.

Iunctaq. Smilacibus Peonia regia paruis,

Cunctaq. qua Paſto diuite ſerta virent.

Addite deceptas Arabo de cortice frondes,

Et Myrimum & Daphnen Cecropiumq. Thymū.

Serpil-

Serpillumq̃, Chamamelumq̃, Aloeq̃, Ciperumq̃,  
 Et Nardum & Tymbrā, Cynnamaq̃, & Castia:  
 Et Costum & Staecten, & olentis germen Amomi,  
 Et Cilicum totā sternite messe solum.  
 Sternite, & hoc anima quidquid super exspirādum  
 Roscidulū, finite, elangucat in folijs. [est,  
 Tunc ego sic moriens componam leniter artus,  
 Vt Rosa deciduas vngue resecta comas.  
 Aut moritura graues inclinant Lilia culmos,  
 Quaq̃, halant animas gramina messā suas.



*Fulcite me floribus, stipate malis; quia  
amore languéo. Cant. 2.*

Bern. ser.  
51. in Cāt.

**C**REUIT amor, quia incentiua amoris plura solito processerunt. [sed] post illa omnia, Sponso (more suo) secedente; illa, languere amore se perhibet, id est, præ amore. Quod enim grauiorem fuerat experta præsentiam, eo postmodum absentiam molestiorem sensit. Subtractio nempe rei quam amas, augmentatio desiderij est, & quod ardentius desideras, eo cares agrius. Rogat proinde ista interim odoramentis florum ac fructuum confoueri, quo vique denuo reuertatur, quem molestissime sustinet remorantem.

Giffen. in  
c. 2. Cant.  
expof. 1.

[Nempe] quod amentibus sæpè euenire solet puellis, vt præ amore ad illius quem depererant absentiam, & corporis languorem & animi patiantur deliquium, hoc Sponsæ frequentius in Cantico Cant. euenisse comperimus. Nam in huiusmodi deliquio constituta prima illa protulit verba: *Osculetur me osculo oris sui*, hanc ægritudinem sese opprimentem, Sponso, vt nuncient, socias supplicibus exorat verbis; cùm defatigata iam esset in illo quærendo, dicens: *Adiuuro vos filia Hierusalem, si inueneritis Dilectum meum, vt nuncietis ei, quia amore languéo; quin*  
imò



imò & hoc ipso amore, eadem in somnum dicitur incidisse, ita vt Sponsuseam miserratus, in ea ipsa proruperit verba. *Adiuvo vos, ne suscitetur.* At nullibi sanè clariùs describitur istiusmodi eius deliquium, quàm in presenti sententiâ, in quâ ipsamet ægritudinē suam, simul cum illius causâ exprimens illa exposcit remedia, quæ præsentanea ijs exhiberi solent, qui talem patiuntur languorem, flores, odores, vina, & poma.

Bonus certè languor, cum infirmitas <sup>Idē ibid. expof. 3.</sup> hæc non sit ad mortem, sed ad vitam, vt glorificetur Deus per eam. Cum ardor, febrisve ista, non sit ab igne consumente, sed ab igne potius perficiente. Porro quod aduertitur in ægritudinibus corporalibus, vt languens (cum sibi integrum non sit voluptatem capere ex ciborum varietate, vel gelidarum refrigeratione) ne omni penitus careat delectatione, cubiculum sibi curet viridi frondē conuestiendum, ac varijs & odoratis floribus; pomisve exornandum, quibus visum & defessum mœstumve soletur animum: Illud idem prudens efficit anima, quæ ardentissimo laborans Diuini amoris languore, cum humanos gustus nequeat percipere, diuina verba audire exoptat, & roto laborat studio, vt actiones, operaque sibi recenseantur CHRISTI dilecti sui, & istiusmodi florum ac pomorum

morum suauissimo odore ac pulcritudine, vires sibi ad seruiendum Deo, & spiritus suppeditandos confidit.

Delsio in  
c 2, Cant,

*Fulcite me floribus, ô columnas admirabiles! ô noua fulcra! quomodo flores columnæ fiunt? quomodo queunt retinere nitatē? quid ni sustineant, nixam lacerti fortissimorum athletarum & gigantum, quorum robur inexpugnabile fuit? quidni sunt columnæ, & quidem adamantinæ, quæ duratione sunt æternæ, celsitate cælum, altitudine, (inferno terribiles) ad tartara vsque penetrarunt.*

Ibidem.

*Stipate me malis.* Non vult super fundamentum CHRISTI ædificare lignum, non fœnum, non stipulam; quia hæc ignis absumet; sed poma suauissima.

Nyssen.  
orat. 4. in  
Cant,

Quodnam enim spectaculum elegatius excogitare quis possit, malorum compositione? cum ordine continuo fructus, hîc bellè collocatus atque in loco confertim positus varietatem quamdam aspectui exhibet; rubedine, cum colore subalbo, permistâ.

Greg. in  
c. 2. Cant,

Sponsa [verò] quia amore languet; fulciri se floribus, & stipari malis appetit; quia; dū se æternitatis desiderio afficit; dum, qualiter illuc perueniat, totâ anxietate perquirat (eò quòd perfectionem, dum in carne viuit, omninò non inuenit) fatigata in desiderio suo requiescit; & in hoc solo gaudet, si circa se respicit, vel quibus ipsa proficiat, vel in quo-

rum

rum profectiōe consolationem, de languore suo, recipere possit.

Fidem[ergo] florem; fructum, actum in-Begg. ser.  
tellige. Nec incongruè vt opinor id tibi vi-<sup>st. in Gât.</sup>  
debitur, si aduertas quomodo instar floris  
necessario præcedentis fructum, bonū quo-  
que opus, fide oporteat præueniri. Alioqui  
sine fide, impossibile est placere Deo. Itaque  
nec sine flore fructus, nec sine fide, opus  
bonum. Sed & fides sine operibus mortua  
est; sicut inutiliter quoq; flos apparet, vbi nō  
sequitur fructus. *Fulcite me floribus, stipate me  
malis, quia amore lægueo.* Cū præsto est quod  
amatur, viger amor; læguet cū abest: quod  
non est aliud, quàm tædium quoddam im-  
patiētis desiderij, quo necesse est affici men-  
tem vehementer amantis, absente eo quem  
amat; dum totus in expectatione, quantam-  
libet festinationem, reputat tarditatem. Et  
ideò ista postulat sibi accumulari bonorum  
operum fructus, cum fidei odorem, in  
quibus moram faciente sponso, interim re-  
quiescat.



*Dilectus meus mihi et ego illi qui pascitur inter  
lilia; donec asperet dies et inclinentur umbrae. Cant. a*  
33.

Dilectus meus mihi & ego illi, qui  
pascitur inter lilia, donec aspiret  
dies, & inclinentur umbræ. *Cant. 2.*

**F** Elices anima populus genialis Amantuin,  
Quas amor irruptâ neclit vtrinq; fide!  
Non ego pra vestrâ, fortunam optauero Regum;  
Nam puto Cœlicolum vos ego sorte frui.  
Sed neque iam Siculi mirer noua vota Tyranni,  
Optantis, Pythia tertius esse Comes.  
Ecquis enim socijs medijs neget esse duobus,  
Quos sibi tam sancto fœdere iunxit Amor?  
Aurea conditio, quoties redamantur amantes,  
Reddit & alternas mutua flamma vices!  
Hâc ego me toties optaui lege beatam,  
Ad sua cùm trepidam signa vocaret Amor.  
O quoties dixi, si quando cogar amare,  
Non nisi qui pariter me redamârit, amem!  
Audiit optantem volucrum Deus ales Amorum,  
Et quid, ait, dubitas? vt redameris, ama:  
Vicino extimui presentis Numine Diui,  
Attonuiq; meum vox inopina caput.  
Ecquid inexpertam puer, inquam, perfide castris,  
Auspiciisq; iubes ara merere tuis?  
Sapè quidem iuueni mihi narrauère sodales  
Gaudia quanta suis polliceatur Amor.  
Sapius at contra monuit me sedula nutrix,  
Cum veheret gerula sarcina parua sinu.



- Vera nimis reputa Peligni oracula vatis,  
Qua cecinnit castis ingeminanda choris:*
- „ Quot lepores in Atho, quot apes pascuntur  
in Hyblâ,
- „ Carula quot baccas Palladis arbor habet;  
„ Littore quot conchæ, tot sunt in amore do-  
lores,
- „ Res est solliciti plena timoris Amor.  
*Semper enim miseros timor ille flagellat amantes,  
Ne fors non redamet, quem tamen alter amat.  
Fida vel alternis si sint rata fœdera vinclis  
Tum grauis, vt consent fœdera, cura subit.  
Curre per hystorias; quotus, heu! securus amauit?  
Hunc breuis, hunc fictus ludificauit Amor.  
Quâ Paris Oenone sine viuere posse negabat,  
Oenonem potuit deseruisse Paris.  
Dilecti Hypsiphile non mansit Iasonis vxor,  
Non mansit reducis, sicut euntis erat.  
Thesea crudelem quoties Ariadna vocauit,  
Nauigio numerum quæstæ deesse suum?  
Quin etiam leuibus monstras, Puer improbe, penni,  
Quàm citò succedat, quàm citò cedat amor.  
Ite igitur, leuibusq; animas modò credite flammis  
Cum sua non aliter sceptrâ Cupido gerat.  
Et leuis est multo quæ iuis ventosior alis,  
„ Gaudiaq; ambiguâ datque negatq; fide,  
„ Tum pudor audaces tinxit tibi perfide, malas,  
Teg; leuem celeri fassus es esse fugâ.  
Tuncq; ego, Cyprigena detectâ fraude, triumphans,  
Instabilem inisi lata valere Deum.*

Et tibi, Dius Amor (dixi) tibi fœdera iungam,

Et tuus ignis ego; tu meus ignis eris.

Donec ab aëreis labentur montibus vmbra,

Et reducem fugient vmbraq<sub>3</sub>, noxq<sub>3</sub>, diem.

Oliquida ambrosia! ô Divini nectaris haustus!

O amor! ô quanti pocula mellis habes!

Quid totis Te, Dius amor, sit amare medullis,

Expertus nisi sit, dicere nemo potest:

Quid verò sit amare, iterumq<sub>3</sub>, abs te redamari,

Sit licet expertus, dicere nemo potest,

Omnibus hisq<sub>3</sub>, etiam supereminet illa voluptas,

Fidus hic æternum quòd sibi constet amor.

O Amor! ô mea dulcedo! mea vita, meum mel!

Aut melli geminum si quid Hymettus habet!

O Amor! ô quoties, ô qua mihi gaudia misces,

Dum, quòd amās redamer, dū, quòd amere, subit!

Dumq<sub>3</sub>, iterum æternos recolo fore fœdere nexus

O Amor! ô quantis gestio latitij!

Non habet hic miseros Amor, vt levis ille, timores:

Affluit hic latis, ingemit ille malis.

Pascitur in riguis, vbi candent, lilia, campis,

Et sua Virgineos ducit in arua greges.

Scilicet æthereum decet hic flos purus Amorem,

Et benè tam castas pascit hic ortus oves.

*Dilectus meus mihi, & ego illi, qui nasci-  
tur inter lilia; donec aspiret dies &  
inclinentur umbra. Cant. 2.*

Bern. ser.  
67. in Cāt.

**Q**UID est hoc quod dicit, *Ille mihi, & ego illi*? Nescimus quid loquitur, quia non sentimus, quod sentit. O sancta anima, quid tuus ille tibi? quid tu illi? Quanam, quæso, hæc inter vos tam familiariter fauorabiliterque discurrens exhibitio & redhibitio? tibi ille, tuque vicissim illi; sed quid? id ipsum ei tu, quod tibi ille? an aliud? si nobis, si ad nostram loqueris intelligentiam, euidenter quod sentis, edicito: quousque animas nostras tollis? An secundum Prophetā, secretum tuum tibi? Ita est. Affectus locutus est, non intellectus; & ideo non ad intellectum. Ad quid ergo? Ad nihil, nisi quod mirabiliter delectata & affecta vehementer ad desideratos affatus, finem illo faciente, ne tacere omnino quieuit, nec tamen, quod sentire exprimere. Neque enim ut exprimeret, sic locuta est, sed ne taceret. Ex abundantia cordis, os locutum est; sed non pro abundantia. Habent suas voces affectus, per quas se etiam cum nolunt, produnt. Timor, meticulosas; dolor gemebundas; amor iucundas. Eiusmodi certum est, non nutu prodire animi, sed erumpere motu. Sic flagrans ac vehemens amor præsertim Diuinus, cum se intrā cohibere

bere non valet, non attendit quo ordine, quâ lege, quâve serie, seu paucitate verborû ebulliat, dummodo ex hoc nullum sui sentiat detrimentum. Interdû nec verba requirit, interdum nec voces omninò vllas; solis adhuc contētus suspirijs. Indè est quod spōsa sancto amore flagrans, idque incredibili modò, sanè pro captandâ quantulacumq; euaporatione ardoris quem patitur, nō considerat, quid, qualiter eloquatur, sed quicquid in buccam venerit, amore ingenti, non enunciat, sed eructat *Dilectus meus mihi, & ego illi*. Nihil consequentiæ habet, deest orationi. Quid indè: Ructus est. Quid tu in ructu? quæras orationum iuncturas, sollempnia dictionum? quas tu, tuo ructui leges imponis vel regulas? Non est dubiû; duorum quidem hoc loco amor mutuus flagrat; sed in amore summo, vnus profectò felicitas, alterius miradignatio; neq; enim inter pares est cōsensio seu complexio hæc. Ait itaque: *Dilectus meus mihi, & ego illi*, principiû *Dilecto* tribuēs; in consequentibus; *Ego*, inquit, *Dilecto meo, & Dilectus meus mihi*: cōsummationem æquè illi concedens. Nunc iam videamus quid dicat: *Dilectus meus mihi*. Si enim hoc recipitur, vt subaudiamus, intēdit, & sicut Propheta ait: *Expectans expectavi Dominû & intēdit mihi*: ego in verbo isto sentio, nescio quid, non planè exiguum, nec mediocris prærogatiuæ.

Bern. ser.  
sequenti.

Audite gaudium meum quod sensi; & vestrū est, audite gaudentes sponsa locuta est, & dixit, sponsum intendere sibi. Quæ est sponsa, & quis est sponsus? Hic, Deus noster est; & illa, si audeo dicere, nos sumus; gaudeamus. Nos sumus in quos intendit Deus. Quanta tamē disparilitas! quid terrigenæ & filij hominum corā illo? quid sibi vult ergo ista inter tam dispares comparatio? Aut illa in immensum gloriatur, aut is in immensum amat. Quā admirabile est quod illius intentionem ista quasi sibi propriam vēdicat, dicens: *Dilectus meus mihi*. Nec eo contenta tamē pergit amplius gloriari; respondere se illi, quasi ex æquo morem gerere, rependere vicem. Sequitur enim, & ego illi, insolens verbum, & ego illi; nec minus insolens: *dilectus meus mihi*, nisi quod utroque insolentius, verumq; simul. O quid audet cor purum & conscientia bona, & fides non ficta! *Mihi*, inquit, *intendit*. Itāne huic intenta est illa maiestas, cui gubernatio pariter & administratio vniuersitatis incumbit, & cura sæculorum, ad sola transfertur negotia, imò otia amoris & desiderij huius. Ita planē. Prouidentiam cæteris creaturis non negamus; curam sponsa vindicabit sibi. [Sed & propterea utrumque ponit, dicens: *Ille mihi & ego illi*. Ille mihi, quia benignus & misericors est; ego illi, quia non sum ingrata; Ille mihi gratiam ex gratiā; ego



ego illi gratiam pro gratiâ; Ille meâ libera-  
tioni, ego illius honori, ille salutî meâ, ego  
illius voluntari; ille mihi & non alteri, quo-  
niam vna sum columba eius; ego illi & non  
alteri, nec enim audio vocem alienorum.

Anima[enim] ex eo quod se diligere & Bern. ser.  
vehementer diligere sentit, etiam diligit ni- 62. in Cât.  
hilominus vehementer non ambigit, ac de  
suâ singulari intentione, sollicitudine, curâ,  
operâ, diligentia, studioque, quo incessanter  
& ardentèr inuigilat, quemadmodum pla-  
ceat Deo, æquè hæc omnia in ipso indubi-  
tante agnoscit, recordans promissionis eius;  
*in quâ mensurâ mensi fueritis, remetietur vobis*, er-  
go nec dubitat se amari, quæ amat. Ita est.  
Amor Dei amore animæ parit.

Et vnde tibi, ô humana anima, vnde tibi Bern. serm.  
hoc? vnde tam inæstimabilis gloria, vt eius Domin. 1.  
sponsa merearis esse, *in quem desiderant Angeli post octa.*  
*prospicere?* vnde tibi hoc, vt ipse sit spôsus tuus, Epiph.  
*cuius pulcritudinem Sol & Luna mirantur*, ad cu-  
ius nutû vniuersa mutantur? Quid retribues  
Domino pro omnibus quæ retribuit tibi? vt  
tis socia mēſæ, socia Regni, & socia thalami  
vt introducat te Rex in cubiculum suum,  
vide quibus brachiis vicariæ charitatis redâ-  
mandus, & amplectēdus sit, qui tanti te esti-  
mauit, imò qui tanti te fecit. Desere carna-  
les affectus, sæculares mores dedisce, con-  
suetudines noxias obliuiscere. Quid enim  
V 5 putas?

putas? Nonne stat Angelus Domini, qui se-  
cet te mediam, si fortè (quod auertat ipse)  
alterum admiseris amatorem?

Auth. Sca-  
lx paradyfi  
c. 9. tom. 9.  
August.

Zelotypus est sponsus iste si fortè alium  
amatorem acceperis, si alijs placere studue-  
ris, statim discedet à te; & alijs adhærebit  
adolescentulis.

Bern. ser.  
70, in Cât.

Quis huic iam imputet præsumptioni vel  
insolentiæ, si se dicat inisse societatem cum  
illo qui nascitur inter lilia? etiam si inter syde-  
ra pasceretur, eo solo quo pasceretur, nescio  
quid magnum videri possit, cum eiusmodi  
amicitias seu familiaritatem habere. Non  
ignorat[ur] sponsa jnum esse, & qui nascitur,  
& qui pascit; inter lilia commorantem, &  
regnantem inter sidera: Nam qui in altissi-  
mis est Dominus, in imis est Dilectus; super  
sidera regnans, & inter lilia amans. Amabat  
& super sidera, quia nusquam & numquam  
potuit non amare. quia amor est: sed donec  
ad lilia descēdit, & pasci inter lilia comper-  
tus est, nec amatus est, nec factus dilectus;  
quia non potuit antè diligi quàm agnoscī, ô  
verè amandum & totis medullis cordis am-  
plectendum sponsum! quærenda in spiritu  
hæc resectio inter lilia; nam corporea cogi-  
tare, ridiculum est. Quin ipsa lilia spiritualia  
à nobis demonstrāda erunt. Quæ ergo sunt  
illa lilia è quibus species decoris eius? Proce-  
de, inquit, & regna. propter veritatem & mansue-  
tudinem

*modum & iustitiam.* Bonum liliū *veritas*, candore conspicuum, odore præcipuum. Est & *mansuetudo*. Quod autem *iustitia* liliū sit, recordamini de scriptura; quia *iustus germinabit sicut liliū*. Sunt multa apud sponsum, & alia lilia præter hæc: quis illa enumeret? nempe quot virtutes, tot lilia. Et fortasse propterea ipse se liliū appellauit, quòd totus versetur in lilijs; & omnia quæ ipsius sunt, lilia sint: conceptio, ortus, conuersatio, eloquium, miracula, sacramenta, passio, mors, resurrectio, ascensio. Quid horum non candidum, & non suauissimè redolens?

Nimirum hic est præclarus ille pastor, qui non fœnum gregi, pabuli loco præbet, sed puris lilijs oues alit, non ampliùs fœno fœnum nutriens. Est enim fœnum brutorum naturæ proprium, ac peculiare alimentum; homo autem, cùm rationis sit particeps, verâ ratione pascitur. Quod si eiusmodi fœno saturaretur, & ipse in fœnum commutaretur. Est enim præscriptum, *omnis caro fœnum est*; quamdiu scilicet caro existit; at si quis spiritus fiat è spiritu progenitus, non ampliùs victu gramineo pascetur, sed spiritus ei pro nutrimento erit, id quod puritas & fragrantia lilij obscuriusculè denotat. Quin etiam ipse, liliū fragrans ac purum erit, in naturam ipsius alimenti commu-

Nyssin  
orat. 4. in  
Cant.

commutatus, atque hoc sibi vult; *Dies per radios diffusa* siue *perflans*, quemadmodū Divina vox loquitur, cū diffusionem, per spiritum radiorum factam, *perpirationem* appellat, per quam umbræ huius vitæ remouentur, in quas studiosè defixis oculis respiciūt, qui necdum luce veritatis animi oculum illustrarunt, quasi umbram ac vanitatem sic intuentur, quasi reuera quiddam subsistens, quod autem verè existit, quasi non existeret, negligunt. At qui lilijs vescuntur, hoc est, quorum animus ex puro ac fragranti alimento pinguescit, omni fraudulentâ, amorisq; consimili rerum specie (quæ res hâc in vitâ caræ ducuntur) reiectâ ad veram ipsarum rerum substantiam respiciunt, effecti lucis ac diei filij.

Bern. ser.  
71, in Cât.

Tu ergo qui hæc audis, vel legis; cura habere lilia penes te, si vis habere hunc habitatorem liliorum habitantem in te. Opus tuum, studium tuum, desiderium tuum lilia esse protestentur, moralis quidam rerum ipsarum candor atque odor. Habent & mores colores suos, habent & odores. De colore. Conscientia consulatur; de odore, fama: sponſus itaque & cū sit virtus; in virtutibus complacet sibi; & cū sit lilium, libenter inter lilia commoratur; & cū sit candor, delectatur candidis.

Aug manu  
c. 24.

O anima mea, insignita Dei imagine, dilige

lige illum, à quo tantùm dilecta es! Intende illi, qui intendit tibi! Quære quærentem te, ama amatorem tui, à quo amaris; cuius amore præuenta es, qui est causa amoris tui. Esto sollicita cum sollicito, cum vacante vacans, cum mundo munda, cum sancto sancta. Elige illum amicum præ omnibus amicis tuis, qui cum omnia subtracta fuerint, solus tibi fidem seruabit: in die sepulturæ tuæ, cum omnes amici tui recedent à te, ille te non derelinquet, sed tuebitur à rugientibus preparatis ad escam.







*Ego dilectio meo; et ad me conversio eius. Cantu. 7.*

Eg  
M  
lan  
For  
Ob  
A  
Erg  
Ab  
Viu  
Vni  
S  
Qu  
N  
Nos  
Me  
V  
Qu  
Auf  
Aut  
S

## I V.

Ego dilecto meo, & ad me conuersio eius. Cant. 7.

**M**œsta cupressiferi nemoris spatiabar in vmbra,  
Tristitiam lacrymis compositura meis:

Iamq; snum tepidis submerferat imbribus vnda,

Concideramq; meis panē subacta malis.

Fors Chelys ex humeris pendebat eburnea nostris,

Mœstitia quondam certa medela chelys:

Obruta tristitiâ frondente sub arbore sedi,

Associans querulis talia verba modis:

Ergo mei vidui, sine lusibus, ibitis anni,

Nullus & in nostro carmine viuet amor?

Ah! precor, eueniant hæc hostibus omnia nostris,

Et procul his flamma tam bona tela cadant!

Viuerē se iuret, non hunc ego viuere credam,

Qui trahit hoc vacuos frigidus igne dies.

Vnicus est homini, viuendi fructus, amare;

Solus amans, vixi, dicere iure potest.

Qualis, in ima, suo desidit pondere tellus,

Et subit ærias, ardua flamma, vias;

Nos ita fax animi, violento cogit amore,

Abripimurq; omnes, impetu quisque suo.

Me quoque natiuâ stimulari sentio flammâ,

Visq; adhibet tacitas, nescio, quanta faces.

Quo meus ergo suos Amor etaculabitur ignes;

(Primitia nostri namque calor is erunt)

Auferat humana furiata Cupedine tede,

Cognata Angelicis stirpsq; sororq; chorus?

Aut mea mortales venient in colla laerti,

Quæ sum immortalī Sponsa creata Deo.

Ab,

Ab, super hæc hiemes, nostri rapiuntur amores,  
 Terra parem thalamis non habet ista meis.  
 Nympha puellarum pulcerrima Romulearum  
 Agnes, Ausonio sponsa petita proco;  
 Absit, ait, iuuenis mea ne tibi fœdera speres,  
 Iam mea cœlestis fœdera sponsus habet.  
 Sic nostra ætherios ambit quoque fax Hymenæos,  
 Inde petendus erit qui mihi sponsus erit.  
 Hunc ego, non alium, solum hunc ego diligo sp̄sum,  
 Nemo potest vno tempore amare duos:  
 Illius ante oculos mihi semper oberrat imago,  
 Ante oculos, quamuis longius absit, adest.  
 Et loquor absenti momentis omnibus, absens,  
 Absentisq; sonos illius aure bibo.  
 Sic vbi magnetis vim ferrea linea sensit,  
 Semper ad agnati vertitur alta poli.  
 Ei sua Sydonijs patet hinc Cynosura carinis,  
 Seruat & hinc Helicen cymba pelasga suam;  
 Sic lasi sequeris studiosa pedissequa Phœbi  
 Dilectam Clytie, flos modò facta, facem:  
 Bisq; die quouis, verso iubar ore salutans,  
 Manè precaris Aue; serò precare Vale.  
 Obuia fraternos ita spectas Cynthia vultus,  
 Et reparat vultus ignibus ille tuos.  
 Sponse, ego sum Clytie, Tu Sol; ego Cynthia, Phœbū  
 Quâlibet obuerso persequor ore meum:  
 Et mihi, sponse, Helyce, Cynosuraq; duplicis Arcti  
 Quo trahis, huc oculis ad tua signo volo.  
 Quid mirum, alterno si respondemus amoris?  
 Magnetem sequitur linea tacta suum.

Ego

*Ego dilecto meo, & ad me conuersio eius.*

*Cant. 7.*

**I**Mpossibile est, vt non semper humana Orig. in  
prologo  
Cant.  
natura aliquid amet, omnis namque qui  
ad id ætatis venerit, quam pubertatem vo-  
cant, amat aliquid, seu minùs rectè, cùm  
amat, quæ non oportet; seu rectè & vtiliter,  
cùm amat quæ oportet.

Cor meum per multa dispergitur, & huc, Bern. me:  
dir. ca. 9.  
illucque quærit vbi requiescere possit, &  
nihil inuenit, quod ei sufficiat donec ad ip-  
sum redeat.

Duo enim amores, alter bonus, alter ma- Aug. medi:  
cap. 35.  
lus; alter dulcis, alter amarus, non se simul  
in vno capiunt pectore. Et idè si quis præ-  
ter te aliud diligit, non est charitas tua,  
Deus, in eo, amor dulcedinis & dulcedo  
amoris. Amor non crucians, sed delectans,  
amor sincerè casteque permanens in sæcu-  
lum sæculi, amor qui semper ardes & num-  
quam extingueris, dulcis **CHRISTE** bone  
**IESV**, charitas, Deus meus, accède me totum  
igne tuo, amore tui, suauitate & dulcedine  
tuâ, ita vt nullus pateat in me locus adulte-  
rinis amoribus.

Nam Christo & mundo quisquis partitur amo- Nazianz.  
de laudib.  
Virgin.  
rem,

Huius amor planè leuis est & frigidus; atqui

X

Totam

Totam animi flammam penitus defixit in vno,  
 Ille procul dubio, constans & certus amator.  
 Quin etiam latomi sollertes, quiq; fabrilem  
 In lignis artem exercent; cum linea recta  
 Quæritur, exactaq; operâ captatur amussu,  
 Ex oculis vnum claudunt, & lumine toto  
 In socium fuso, visus acieq; coactâ,  
 Recta se quente tenent duro vestigia ferro.  
 Sit collectus amor, propius coniungit amanti  
 Pectora casta Deo; cupientem qui cupit, atque  
 Cernentem cernit, sitq; obuius aduenienti,  
 Quem quo plus quisquam cupit, hoc magis cernit  
 eundem,  
 Quôq; magis cernit, tantò magis expetit illum  
 Cernere: Sicque bonus semper conuoluitur  
 orbis.

Bern. ser.  
 68. in Cât.

Carissima illa est, vna vni, non adhærens  
 alteri sponso, non cedens alteri sponsæ.  
 Quid ista non audeat apud tam ambitiosum  
 amatorem?

Bern. ser.  
 69. in Cât.

Paueant quæ non amât. Ego verò amans,  
 amari me, dubitare non possum, non plus,  
 quàm amare: nec possum vereri vultum cu-  
 ius sensi affectum.

Bern. ser.  
 69. in Cât.

Ego diligentes me diligo, & qui manè vigila-  
 uerint ad me, inuenient me. Vide quomodo  
 non solum de amore suo certum te reddat  
 si quidem tu ames illum; sed etiam de solli-  
 citudine suâ quam pro te gerit, si te senserit  
 esse sollicitum sui? vigilas tu? vigilat & ille.  
 Consurge



Consurge in nocte in principio vigiliarum  
tuarum, accelera quantum vis, etiam ipsas  
anticipare vigilias; inuenies eum, non præ-  
uenies. Temerè in tali negotio vel priùs ali-  
quid tribuisti tibi vel plus: & magis amat &  
antè.

Reperiuntur imagines quædam eo arti-  
ficio à peritis pictoribus depictæ, vt qua-  
cumque ex parte inspiciantur, semper vi-  
deantur habere oculos ad intuentes con-  
uersos. Huiusmodi sanè imagines, ex par-  
te suâ, semper ad quoscumque conuersæ  
sunt qui in illo reperiuntur cubiculo, vbi  
ipsæ fuerint: quod si quis minimè perci-  
piat ab illis se respici, id haud ab eis, sed ab  
ipso prouenit potius, qui suam auerit fa-  
ciem; ideoque vt primum is ad illas sese cõ-  
uerterit, eas pariter ad se animaduertet con-  
uersas: Quid simile & in re nostrâ fieri cen-  
sendum est.

*Ego dilecto meo, & ad me conuersio illius.* AC Greg. Papa  
in Cant.  
si diceret: quoniam fide ac dilectione, soli  
CHRISTO adhæreo, solum sequor, so-  
lum videre concupisco; respectiois eius  
suauitatem, visitationis benignitatem, con-  
uersationis dulcedinem gaudenter expe-  
rior.

Ille quippe singularis amor est, qui soli  
non adiungit alterum, & æternus, qui nec  
primo secundum.

Hugo de  
S. Vi& fero  
de Assunt.

Bern. ser.  
23. in Câr.

Magna res amor, si tamen ad suum recurrat principium, si suæ origini redditus, si refusus suo fonti, semper ex eo sumat, vnde iugiter fluat. Solus est amor ex omnibus animæ motibus atque affectibus in quo potest creatura, & si non ex æquo, respondere auctori, vel de simili mutuâ rependere vicem. Verbi gratia: si mihi irascatur Deus: num ego illi similiter redirascar? non utique. Ita si me arguat, non redarguetur à me. Nec si me iudicabit, iudicabo ego eum. Si dominatur, me oportet seruire: si imperat, me oportet parere. Nunc iam videas de Amore, quàm aliter sit; nam cum amat Deus, non aliud vult quàm amari; quippe non ad aliud amat, nisi ut ametur; sciens ipso amore beatos qui se amauerint.

Aug manu  
cap. 29.

Reuera hæc est vera cordis requies, cum totum in amorem Dei, per desiderium figuratur, nec quicquam aliud appetit, sed in eo quod tenet felici quâdam dulcedine delectatur, delectando iucundatur. Si verò vanâ aliquâ cogitatione, vel rerum occupatione, indè aliquantulum abstractum fuerit, summâ cum festinatione illuc redire festinat (exilium reputans alibi) quàm ibi moram facere.

Aug. med.  
cap. 25.

Si enim homo hominem tantâ diligit dilectione, ut alter alterum vix patiatu abesse: si sponsa sponso, tanto conglutinat

mentis

mentis ardore, vt præ magnitudine amoris,  
nullâ perfrui valeat requie, Chari sui absen-  
tiam non sine magno mœrore ferens; quâ  
dilectione, quo studio, quo feruore anima,  
quam desponsasti fide & miserationibus,  
debet diligere te, verum Deum & pulcerri-  
mum sponsum.





*Anima mea liquefacta est, vt dilectus  
locutus est. Cantic. 5.*

## V.

Anima mea liquefacta est, vt dilectus locutus est. *Cant. 5.*

**T**E semel vt cursim tantum, mea vita, viderem,  
Quot iuga, quot sylua, quot loca visa mihi!  
Vt semel audirem tantum, mea vita, loquentem,  
Ah! quot inaccessis rura petita viis!  
Aëry montes, metuendaq; culmina rupes,  
Saxa q; syluiuagis vix adeunda feris.  
Nec tamen, ecce, tui data spes fuit vlla videndi,  
Vix q; vel alloqui spes fuit vlla tui.  
O quoties dixi! qua te, mea vita latebra,  
Quae caua, qua terra, qua nigra lustra tegunt?  
Sed neque lustra meum, neque rus solata dolorem,  
Respondit lacrymis sylua nec vlla meis.  
Fors semel ignotos, me duxerat error in agros,  
Solut vbi ante oculos campus, & error erant.  
Metior hic oculis Caelos, clamoribus agros;  
Sed neque vox Caelis, nec data vox ab agris.  
Inde deerranti vallis se monstrat opaca,  
Vociferor, nullus sit mihi valle sonus:  
Ecce cauâ densum, procul haud à valle, viretum  
Adiacet, æstiuo textilis vmbra gregi:  
Hic erit, hic forsân, dixi, mea vita, latebit;  
Heu dolor! vt vidi, nulla latebra fuit.  
Ergo amens tandem lacrymansq; ad littora curro,  
Littora, qua refluis Nereæ tundis aquis:  
Hic Pharos ingenti se tollit in ardua cliuo,  
Vnde suam ratibus nauita captat iter.



Scando Pharon, totoq; oculos circumfero ponto,  
 Et quantâ possum littora voce voco.  
 Littora, littora, vos cautes, vosq; equoris vnda,  
 An latet aquoreis lux mea mersa vadis?  
 Vix prior attigerat resonantia littora clamor,  
 Cum citò littoribus vox geminata redit.  
 Ambigo, num scopulis fallax responderit Echo,  
 Et nimidum pronâ lusit aure fidem:  
 Tristibus ergo iterum caua littora pulso querelis;  
 Littoribusq; iterum vox repetita redit.  
 Vox redit. & vox nota redit, Tua vox, mea vita,  
 Et mihi voce Tuâ, reddita vita fuit.  
 Ibam semianimis, subitò ad tua verba reuixi,  
 Ne penitus mererer, vox satis vna fuit.  
 Scilicet ora loquens, quoties cœlestia seluis,  
 Magnum aliquid verbis, fulminis instar inest.  
 Igniuoma non quale nucis, testudine clausum  
 Efflabas Syria fraudibus, Euna, Dea,  
 Quale sed in comites, Emmautia rura petentes  
 Sparxisti stygijs Dux reduiue plagis,  
 Frigida cum subitis arserunt pectora flammis  
 Pectora colloquio, lux mea, iacta tuo.  
 Hinc mihi succensis caluit quoq; flamma medullis,  
 Istaq; cœlesti vocis ab igne fur:  
 Et licet Oceano, gelidis licet vndique saxis,  
 Vndiq; ceruleis obfita cingar aquis;  
 Intus agunt flammæ sic liquor ab ignibus intus,  
 Liquitur vi lento pinea teda foco.  
 O vtinam, mea vita, animam liquamur in vnam,  
 Vnaq; vita duos iungat Amorq; duos!

Anima

*Anima mea liquefacta est, ut dilectus locutus est. Cant. 5.*

QVid est hoc quod sentio? quis est ignis August.  
solil. c. 34.  
qui calefacit cor meum? quæ est lux quæ  
irradiat cor meum? ô ignis qui semper ardes  
& numquam extingueris, accède me! O lux,  
quæ semper luces, & numquam obfuscaris,  
illumina me! O utinam arderem ex te, ignis  
sanctè! quàm dulciter ardes, quàm secretè  
luces, quàm desideranter aduris.

Sicut cera fluit à facie ignis, sic anima succen- Guilb.  
Abbas ser.  
44. in Cât.  
sa est à facie eius; *Anima mea liquefacta est, ut  
dilectus locutus est.* quàm dulcis hora, quando  
anima huic igneo torrenti, liquefacta misce-  
tur, quàm subtilis est in illo momēto, quàm  
extenuata, quàm mobilis! Nihil tunc torpo-  
ris habet, nihil duritiæ reliquum, nihil rigo-  
ris, tantummodo calens & liquēs. Cognata  
sunt sibi inuicem liquidum & calidū; in his  
duobus contēplationis vsus cōsistit. Quod  
liquidum est, calorem citiùs cōcipit, & con-  
ceptus calor vice versâ, quod liquidum re-  
perit, liquidius reddit. Quod dico calidum  
& liquidum, hoc alijs nominibus, est suc-  
censum & sincerum. O mira vis verbi & ig-  
nita vehementer! inflamat cor commu-  
tat renes, in nihilum (in cōspectu suo respec-  
tu Dei sui) animum redigit; à seipso lique-

scere & deficere facit, vt iam anima non fit tecum.

Ibid. supr.

Ausculda & recale, quid locutus Mariæ Magdalenæ, quid mulieri in adulterio deprehensæ, quid Samaritanæ, Chananæ, Zachæo, Petro, Centurioni? Ad tot pietatis sermones & clementiæ, cuius nō mollescat affectus viscera liquecant! Ad tam vehementes flatus Austrinos, etiam de durissimo petore, quantumlibet annosa poterat glacies dissolui. Sentio me affluentis olei liquore perfundi & simili affectu liquefcere, quoties misericordiæ tuæ opera & verba perfecta recenseo. *Ignitum eloquium tuum vehementer, & seruum tuum dilexit illud.*

Greg. in c.  
5. Cant.

Dum[enim] CHRISTVS se per spiritum suum animæ desideranti infundit, omnem duritiam cordis mox dissoluit, & aliquando mentem in tantas lacrymas liquefacit, vt vix capere possit hoc quod se capere intra se exultat. & intus miretur quid fuerit & quid factam subito se ipsam videat. Quem liquore dum sentit, perfectius apprehendere concupiscit, & aliquando dum hoc ipsum cogitat, hoc quod modò sentiebat, iam non sentit.

Greg. c. 39.  
in c. 3. Iob.

Quia nimirum mens dum occulte locutionis aspiratione tangitur, à statu suæ fortitudinis infirmata, ipso quo absorbetur desiderio, liquatur.

Guill. Abbas

Sed res corporeæ cum per calorem extrinsecus

secus liquefiunt, in semetipsas resoluuntur; anima verò, cum per calorem intimum liquefiunt, non in semetipsas resoluuntur, sed in resoluentem. Resoluuntur à semetipsis, sed non in semetipsas; resoluuntur igne Dei, ab amore sui, in amorē sponsi cœlestis. Hoc Paulus insinuans, *qui adheret*, inquit, *Domino, vnus spiritus est*. Et suam animam hoc modo liquefactam indicās: *Viuo*, inquit, *ego, non iam ego, viuit autem in me* CHRISTVS.

Quid verò congruentius est quàm amori tribuere hanc liquefactionem, quā id, quod alioquin durum est, redditur fluens; cum exploratum sit eos esse præcipuos amoris effectus, vt animā impellat ad amatum, eundemque cum illo vniat; quæ certè vnio tunc fit pulcrius, cum amor ipse sit mutus, atq; adeò & ambos amantes ad alterutrum fluidos faciens. Nec ignoramus, dilectum piarum animarū IESVM CHRISTVM dixisse, in Psalmo 21. *Factum est cor meum tamquam cera liquefcens*. vnde si liquefacta anima fluat ad IESVM, qui & liquefactus vt cera, fluit ad ipsam animam, quid exinde consequitur nisi perfecta vnio;

Anima mea liquefacta est, vt dilectus locutus est, ô mira & inestimabilis virtus amoris! Deum inclinat ad terram, mentē eleuat ad patriam & Deum & animam vel hominem simul conglutinat ad gloriam; Deum facit

apud Des-  
rlo cap. 5.  
Cant.

Gist. in c. 5  
Cant. ex-  
pol. 3.

Bonauen.  
stimuli  
amoris,  
part. 1. c. 8.

facit hominem & hominē facit Deum; temporalem facit æternum, immortalem occidit, mortalem facit immortalem, & imum excelsum constituit, inimicū facit amicum, seruum facit filiū, & abominabile facit gloriosum, frigida facit ignea, obscura facit clara, dura facit liquida. Nam *anima mea liquefacta est*. O verbum admirabile! ô verbum nimium delectabile! Ego vilissimus & nequissimus seruus tuus Domine Deus meus, qui etiam non sum dignus aliqua creatura tua vocari, nec esse, quomodo sū tibi tanto vinculo charitatis colligatus, vt ad verbū tuum, præ amore, fuerim liquefactus? O ardor amoris qui intima mentis in Deū infundis! Nam adamātina erat anima mea; & eius intima nimium solidata. Nunc amore liquefcit, nūc extra se exit, & in Deum tota se diffundit, proprium locum relinquit, & in Deum currit, absorbetur à Deo & obliuiscitur sui. O amor! quid tibi tribuā, qui me fecisti diuinum? *Viuo ego, iam non ego, viuit autem in me* CHRISTVS. Inenarrabilis est virtus tua, O amor, qui lutum in Deum transfiguras! Quid ergo te potentius, quid dulcius, quid iucūdius, quid & nobilius, obsecro? O desiderabilis amor, qui summis delicijs repletes egentes! sed si liquefacta es, ad verbum eius, ô anima mea, quomodo sustines amplexus eius? Quomodo non es assumpta ad oscula eius?



## V I.

Quid enim mihi est in cœlo, & à te  
quid volui super terram? *Psal. 72.*

**Q**uid cœlo, mea lux, terræ, maris requirā?  
Nec cœlum, sine te, terra, nec vnda placet.  
Non equidē ignoro, quæ, quantaq; gaudia Cœlum,  
Terraq; quas fundat, vndaq; condat opes.  
Sed sine te, mea lux, mala sunt, quæcumq; vel æther.  
Vel tellus gremio, vel tegit vnda salo.  
O cœlum! ô tellus! ô cœrula marmora ponti!  
O tria delicijs regna superba suis!  
Delicias cumulus vestras licet aggerat vnus,  
Non sint delicia, si meus absit amor.  
Sapē tulit, fateor, raga per diuortia mentem  
Hinc Thetis hinc Tellus, arduus inde Polus.  
Sed totum iniectis, mundum si metiar vlnis,  
Non tamen hæc vlnis par erit vlna meis.  
Mens aliquando fuit grauidam recludere terram,  
Æraq; diuitibus vellere fulua cauis,  
Aurumq; argentumq; nitentis germina vene,  
Quæq; metallifero nutrit arena sinu.  
Ferro igitur magna Matris suffodimus aliuum  
Totaq; telluris gaza coacta fuit.  
Quid iuuat? aggestas licet aurum fregerit arcas,  
Non tamen est animo nausea pulsa meo.  
Ergo sub aquoreos rapuit me cura penates,  
Quâ subit Eges Indus adustus aquas.

Quid

Quidquid & aurifluis gemmarum nascitur vndis  
 Carpere sub liquido gurgite feruor erat.  
 Et pressum roseis conchylibus edere rorem,  
 Rideret patulis purpurâ si qua labris.  
 Et sparsas rutilis baccas conquirere ripis,  
 Diues Hydaspæi quâ niter vnda vadi.  
 Hei mihi tam vario lectis ex equore gemmis,  
 Littoribus totidem fluminis atque maris,  
 Tot cyanos tot chrysolitos tot iaspidas inter,  
 Nulla mea potuit gemma sat esse fici.  
 Quid facerem, votis, terraq<sup>3</sup>, mariq<sup>3</sup>, negatis?  
 Sidereos, dixi, vota subire lares.  
 Visa igitur superi circumuaga machina mundi,  
 Templaq<sup>3</sup>, luciferis fulgida lampadibus.  
 Obstupui stabili currentes ordine flammæ,  
 Astraq<sup>3</sup>, perpetuos ducere nexa choros:  
 Inter at indigenas tot Olympi pensilis ignes,  
 Flamma capax anime non fuit vlla meæ.  
 Nempe ita cum totum requieuit in Hercule Cælum,  
 Non illi requies sidera, pondus erant.  
 Ah! piget è terris Cæli conuexa tueri,  
 Iam super alta feror nubila, terra vale.  
 Iam cuncta ex oculis, turreq<sup>3</sup>, vrbesq<sup>3</sup>, recedunt,  
 Iam coit in minimam pendula terra pilam:  
 Iam lune, solisq<sup>3</sup>, Iouisq<sup>3</sup>, superuehor orbes,  
 Et septena premens sidera, calco pede:  
 Iamq<sup>3</sup>, pauimentum stellarum illustre pyropis,  
 Sub pede despicitur, quod modo culmen erat:  
 Altiq<sup>3</sup>, iam cingunt flammantis mœnia mundi,  
 Et propior cæli regia tota patet.

Quin

Quin properant volucres pennata examina, ciues,  
Et sociant varijs verba fidesq; modis.  
Saltantesq; obeunt pedibus plaudentibus orbem,  
Latag; ceu festo personat Aula die.  
O calum! ô calum! ô fulgentia lumina stella!  
O, nisi fideris, atria digna choris!  
O volucres anime, rutili respublica Regni!  
O chelys Angelicis associanda modis!  
O ubi sum? prope facta sui immemor, exciderat mēsa  
Sed redit ut sponsum sensit abesse suum.  
Astra valete, valete Poli; Volucresq; valete;  
Nil mihi vobiscum est, si meus absit amor.  
Iam video, mihi quid terraq; poloq; petendum,  
Si meus absit amor, Terra, Polusq; vale.  
Magnanimas iuuenis lacrymas, Pellæ, dedisti,  
Nulla tibi domito terra quod orbe foret:  
Quid mihi millenos si fregero viribus orbes?  
Non satis est votis gloria tanta meis.  
Ah, minus est animo, quidquid sola disita terrarū,  
Astriferaq; obeunt moenia vasta plage!  
Quod neq; terra capit, neque regna liquentia ponti,  
Non hominumq; lares, non aviumq; domus;  
Quod neque fideret claudunt amplexibus orbes,  
Id voto spes est, resq; petita meo.  
Hactenus heu fateor, vacuas dum prendimus auras,  
Semper ab amplexu mens malè lusa suo est!  
Tu mihi Terra, Deus, mihi tu Mare, tu mihi cœlū,  
Denique cuncta mihi es, Te sine, cuncta nihil.

*Quid enim mihi est in cælo, & à te quid  
volui super terram? Psalm. 72.*

Hugo de  
S. Victore  
in arrhâ  
Animæ.

**D**Ic mihi, quæso, anima mea, quid est  
quod super omnia diligis? ego scio  
quod vita tua dilectio est, & scio quod sine  
dilectione esse non potes. Aspice mundum  
& omnia quæ in eo sunt, multas ibi species  
pulcras & illecebrofas inuenies, quæ huma-  
nos affectus alliciunt, & secundum varias  
vrentium delectationes ad fruendum se, de-  
sideria accendunt. Habet aurum, habent  
lapides preciosi fulgorem suum; habet de-  
cor carnis speciem, picta tapetia & vestes  
fucatæ colorem, Dic ergo, obsecro, mihi;  
quid de his omnibus vnicum tibi feceris,  
quod singulariter amplecti, quo semper  
perfrui velis? Certus enim sum, quod aut  
horum quæ videntur aliquid amas, aut si  
iam postposuisti vniuersa hæc, aliud habes,  
quod præ omnibus his diligas.

August. in  
Psalm. 143.

Quid tibi placet in sæculo? quid est quod  
vis laudare? quid est quod vis amare? quo-  
cumque corporeis sensibus te conuerteris,  
occurrit tibi cælum, occurrit tibi terra. Quod  
amas in terrâ, terrenum est; quicquid amas  
in Cælo corporeum est. Iam ergo diu occu-  
pata vixisti, & desideriorum diuersitate ver-  
berata, portas plagas, faucia, diuisa per amo-  
res

res multos, ubique inquieta, nusquam sæcra. Colligere ad te ipsum; quicquid tibi foris placebat, quære quem habeat auctorem. Nihil melius in terrâ, verbi gratia, quàm hoc & illud. Aurum, argentum, animalia, arbores, amœnitates, totam terram cogita; quid melius in Cælo, solo, lunâ, sideribus? Totum cogita; omnia ista simul bona valdè, quia fecit Deus omnia bona valdè; vndique pulcritudo operis, quæ tibi commendat artificem. Miraris fabricam, ama fabricatorem. Non occuperis in eo quod factum, & discedas ab eo qui fecit: hæc enim quibus occuperis sub te fecit, quia sub se ipso te fecit.

Anima humana quæ ad Deum appetendum facta est, quicquid infra Deum appetit, minus est, ideoque iure ei non sufficit, quod Deus non est. Sed caue, anima mea, ne non spõta, sed adultera dicaris, si munera dantis plusquam affectum amantis diligis. Væ tibi, si oberras in vestigijs suis, si nutus suos, pro eo amas, & nõ aduertis purgatæ mentis intelligentiâ, quid innuat lux illa beatissima, cuius nutus & vestigia sunt omnium creaturarum decus & forma. Adhuc si fortè ignoras *te õ pulcerrima mulierum, egredere, & abi post vestigia gregum*, id est, irrationabilium creaturarum, quæ sunt vestigiũ Creatoris tui; tu verò speculum sanctissimæ Trinitatis. Ergo omnibus dignior & excellentior comprobaris.

Bona. s. l. cap. 1.



Et pascere oves tuas, iuxta tabernaculum pastoris, id est, conuerte cogitationes tuas ad choros Angelorum, quibus quodammodo similis es in naturâ & concivis eris in gloriâ.

Bonaug. c. 1.  
solilo.

Heu Domine, nunc intelligo, sed confiteri ei iubeſco, ſpecies & decor creaturarum decepit oculum meum, & non aduerti, quia ſpecioſior omnibus creaturis es tu, quibus tantummodo vnam guttam tuæ inæſtimabilis pulcritudinis cōmunicasti. Quis enim ornauit cælum ſideribus, ærem volucribus, aquam piſcibus, terram plantis & floribus? ſed quid ſunt hæc omnia, niſi tuæ pulcritudinis modica ſcintilla? dulcedo etiam Creaturarum decepit guſtum meum, & non aduerti, quòd melle dulcior es. Tu enim melli & omni creaturæ dulcedinem tuam, imò tuam commodasti. Decepit etiã odor creaturæ olfactum meũ, & ignorauit quòd odor tuus, o bone Ieſu, redolet ſuper omnia aromata. Decepit etiam ſonus falſus ſine fallax creaturarum, auditum meum, & neſciui nec ſenſi quàm dulcia faucibus electorum tuorum eloquia tua.

Bern. med.  
cap. 9.

Cor meum, à cogitatione in cogitationem ducitur, & per varias occupationes & affectiones variatur, vt ſaltem varietate ipſarum rerum impleatur, quarum qualitate ſariari non poteſt.

Auguſt.

Sed hoc ſcio Domine Deus meus, quia  
vbicum-

vbicumque sum sine te, malè est mihi præ-  
te; non solùm extra me, sed etiam in me;  
qua omnis copia, quæ non est Deus meus,  
mihi est egestas. *Satiabor tunc cùm apparuerit  
gloria tua.* folio c. 13.

Anima[enim] quam creasti, ita facta est  
capax maiestatis tuæ, quòd à te solo & à nul-  
lo alio possit impleri; quando autem te ha-  
bet plenum est desiderium eius, & iam nihil  
aliud quod desideretur ex eius, restat. Dum  
autem aliquid ex eius desiderat, manife-  
stum est, quòd à te non habet interius; quo  
habito, nihil est quod ultra desideret: cùm  
enim sis summum, & omne bonum, non ha-  
bet quod desideret amplius, sed possidet te  
omne bonum. Aug. solil.  
cap. 30.

*Bruma, calens æstas, ver, Autumnusq; vicissim,*

*Spectra duo vitæ, nox simul atque dies;*

*Cælum, æquor, tellusq; nouũ nihil est mihi prorsus,*

*Non quæ sunt motu prædita, quæq; carent.*

*Nil moror hæc, aliũ mihi da, Rex optime, mundum,*

*Propter quem hic prompto tot mala corde fero.*

*Cætera quæ terris voluuntur, nil moror ipse*

*Amplius, humanis linquere cuncta libet.*

Ad quodcumque me conuertero, vile scit  
mihi adeptum, quamuis acciderit desidera-  
tum. quando satiabitur desiderium meum  
in bonis? non satiabor de mortalibus, non  
satiabor de temporalibus; aliquid æternum  
donet, aliquid æternum concedat. Bonum

Nazian.  
carm. de  
externi  
hominis  
vilitate.

August. in  
psal. 102.

tuum quære, ô anima. Est enim bonū aliud alteri, & omnes creaturæ habent quoddam bonum suū, integritatis suæ & perfectionis naturæ suæ interest, quid cuique rei imperfectæ necessarium sit, vt perficiatur: Quære tuum bonum, *Nemo bonus nisi vnus Deus*, summum bonum, hoc est tuum bonum. Quid ergo deest, cui summū bonum, bonum est? sunt enim & inferiora bona, quæ alijs & alijs bona sunt: Pecori quid bonum est, nisi implere ventrem, carere indigentia, dormire, gestire, viuere, sanum esse, generare? Tale tu bonum quæris? Cohæres CHRISTI, quid gaudes, quia focius es pecori? Erige spem tuam ad bonū bonorum omnium [ad eum] qui *satiât in bonis desiderium tuum*.

Chrysthō.  
5. in epi. ad  
Roman.

Audi quid Propheta dicat: *Quid enim mihi est in Cælo?* & illud: *A te quid volui in terrâ?* ac si dixisset nullius prorsus alterius rei, nec cœlestis, nec terrestris, sed tuo vnus desiderio teneor.

Hoc est; Tu portio mea es, abundas mihi ad omnia, nihil quæsiui aliud, nisi vt te partem haberem; nullas sæculi huius diuitias & voluptatum illecebras concupiui. Nullius ego qui à te assumptus sum, nec superest in cœlestibus quod ampliùs quæram. Nihil habens omnia habeo, quia CHRISTVM habeo; omnia ergo in illo habens, aliam non quæro mercedem, quia ipse rem-

merito

Ni

aliud

iam ex

illud

à te qu

cor me

eternu

licitat

quam

deside

ta per

ctum

in cub

fruat

Vic

giran

rei in

auris

non d

sed, qu

habeo

cum n

quid v

diuiti

te in t

bent

pecun

famil

quod

merces est vniuerforum.

Nihil[enim] aliud desiderat anima, nihil  
 aliud à Deo quærit, quàm ipsum Deum, vt  
 iam ex affectu cordis, atque sentiētia clamet  
 illud de Psalmo: *Quid enim mihi est in cælo, &  
 à te quid volui super terram? Defecit caro mea, &  
 cor meum, Deus, cordis mei, & pars mea Deus in  
 æternum.* Neque enim suum aliquid, non fe-  
 licitatem, non gloriam, non aliud quid-  
 quam tamquam priuato sui ipsius amore  
 desiderat anima, quæ istiusmodi est, sed to-  
 ta pergit in Deum, vnicumque ei ac perfe-  
 ctum desiderium est, vt introducat eam Rex  
 in cubiculum suum, vt ipsi adhæreat, ipso  
 fruatur.

Bern. de  
 diuers.  
 affectio-  
 nib. animæ

Vidit[nempe] quid ibi seruaretur, & co-  
 gitans & æstuans in cogitatione cuiusdam  
 rei ineffabilis, quam nec oculus vidit, nec  
 auris audiuit, nec in cor hominis ascendit;  
 non dixit: Illud aut illud mihi est in Cælo,  
 sed, *quid mihi est in cælo?* quid est illud, quod  
 habeo in Cælo? quantum est? quale est? &  
 cum non transit, quod habeo in Cælo, à te  
*quid volui super terram?* seruas tu mihi in cælo  
 diuitias immortales, te ipsum; & ego volui à  
 te in terrâ, quod habent & impij, quod ha-  
 bent & mali, quod habent & facinorosi,  
 pecuniam, aurum & argentum, gemmas,  
 familias, quod habent & scelerati multi,  
 quod habent multæ fæminæ turpes, multi

August. in  
 Psal. 72.

viri turpes? Hæc pro magno desideravi à Deo meo super terram, cum scruet se mihi in Cælo Deus meus.

Aug. med.  
cap. 40.

Defecit gaudium cordis mei, versus est in luctum risus meus; *defecit caro mea & cor meum Deus cordis mei & pars mea Deus in æternum.* Renuit consolari anima mea, nisi de te, dulcedo mea. *Quid enim mihi est in cælo, & à te quid volui super terram?* Te volo, te spero, te quaero; *Tibi dixit cor meum? Quasi vultum tuum, vultum tuum Domine requiram, ne auertas faciem tuam à me.*

Ambt in  
orationib.

Scis igitur, occultorum cognitor Deus, quia non solum terrâ & omnibus quæ in eâ sunt, sed ipso Cælo, & omnibus quæ in eo sunt, tu mihi carior, tu acceptior, tu amabili-  
liores; diligo enim te supra Cælum & terram, & cætera omnia, quæ in eis sunt.

Aug. solil.  
cap. 20.

Quidquid enim cæli ambitu continetur, inferius ab animâ humanâ est, quæ facta est ut summum bonum superius possideret, cuius possessione beata fieret.



## VII.

Heu mihi quia incolatus meus pro-  
longatus est! habitavi cum habi-  
tantibus Cedar, multum incola  
fuit Anima mea, *Psalms. 119.*

**A**N peragit solitis Phœbi rota cursibus annum,  
Sidereumq; suo tempore finit iter?  
Credideram fractis currum consistere loris,  
Tempora tam lentis ire videntur equis.  
Hei mihi, decretos iam dudum explevimus annos,  
Nec tamen è vitâ cedere Parca iubet!  
Cur mea tam longo ducuntur stamina filo?  
Debueras, Lachesis deproperasse colum.  
Ecquid in his adeò delectet vivere terris?  
Quidve quod inuitet, tristis hic orbis habet?  
Quælibet, ah! simili mihi mors minus aspera vita  
est,

Si genus hoc mortis vita vocanda fuit.  
Nampe gradu stabili nihil hic immobile constat,  
Cuncta sed assiduâ mobilitate fluunt.  
Manè dies oritur Phæbeo splendidus auro,  
Squallidus emoritur, nocte premente, dies.  
Nox subit Astrorum rutilus comitata choreis,  
Nox iterum Cælo, sole fugante, fugit.  
Nunc Zephyro gremium tellus spirante recludit,  
Nunc claudit gelidos, flante Aquilone, sinus.

Nunc

Nunc canet niubus, nunc spargitur alba pruinis,  
 Nunc tepidi solis veris amicta vires.  
 Molha iam liquidas pandunt freta nauibus vndas,  
 Iam tenet inclusas vnda gelata rates.  
 Nunc agitant tumido ventisera praelia Ponto,  
 Nunc stagnat placidis cœrula Tethys aquis.  
 Humidus effusis nunc liquitur imbibus æther,  
 Nunc aqua nitidus stat sine nube Polus.  
 Num fragor horrono Cœli quatu omne tumultu,  
 Nunc fileat, & superas pax tenet alta plagas.  
 Denique, quæ reliquos sperant incommoda casus)  
 Mœsta ferè in medijs vita trahenda feris.  
 Quæq; domus hominū magè sunt spelœa serarum,  
 Quicq; homines, hominum nil nisi necmen habent.  
 Scilicet insidia, fraudeq; doliq; triumphant,  
 Nec, nisi quod rigido, ius datur ense, viget.  
 Exultat hinc pietas, terrisq; Astræa recessit,  
 Falsq; relegatum sub pedibusq; iacet.  
 Adde loci sacrum; locus est inamabilis, & quo  
 Libera vix risu solvere corda queas.  
 Martius, heu! sauis ardet furor vndiq; bellis!  
 Nec numerat plures altera terra nece.  
 Hostibus in medijs, inter gladiosq; sacresq;  
 Hæc geris arma manu, quæ feris arua manu.  
 Quis velit in tantis tolerare laboribus annos,  
 Sortis & assiduis istibus esse scopus?  
 Hæc mihi, decretos, iam dudum expleuimus annos!  
 Tempora cur fati sunt ita lenta mei?  
 Tempora cum numero (numero quæ sapius exul)  
 Iure grues damnata nostra querela moras.

Nec

Nec scio quæ cæcas hebetent obliuia mentes,  
Omnia quæ longi sunt sua vota, dies:  
Crediderim misera nescire pericula vita,  
Nec quàm sit grauis hic conditione locus.  
Nam bona fideret si nossent maxima mundi,  
Arceri patriâ se quererentur humo.  
Sed procul absentes cælestia gaudia fallunt,  
Raraq; de Cælo nuncia rumor habet.  
Hei mihi, quàm procul his distas, mea patriâ, terris!  
Quàm procul à cæli finibus exul agor?  
Exulibus quondam tellus fuit vltima, Tybur;  
Me profugam fatis vltimus orbis habet.  
Et nondum infaustas colui satis incola sedes,  
Squallentes tenebris, tristitiaq; domos?  
Sexta Ceres cæsis quoties procumbit aristis,  
Seruus ab Hæbreo pilæ sumit hero:  
Cur ego non etiam serui emancipor agro?  
Et rudis immunem verberare virga facit?  
Cur patriæ, fines portusq; relinquere cogor,  
Nec sinor ætherios exul adire lares?  
Deferit externas peregrina Cyconia sedes,  
Inq; suas reuolat, per mare vecta, domos.  
Nuncia veris auis, nidos quoque mutat hirundo,  
Cum redit ad notos Bistonis ales agros.  
Urbe relegatus, patrijs Antistius oris,  
Redditus, exilij sine fauente, fuit.  
Hei mihi, cognatus cur exul ab arceor afris?  
Nec sinor illa meo tangere regna pede?  
Lux mea, rumpe moras, satis his habitauimus oris,  
Aut quo non potui corpore, mente ferar.

*Heu mihi quia incolatus meus prolongatus est! habitans cum habitantibus Cedar, multum incola fuit Anima mea, Psalm. 119.*

Aug. med.  
cap. 11.  
Aug. ser.  
42 de verbis Domi.  
ni.

Aug. med.  
cap. 21.

**T**ÆDET enim me, Domine, valde vitæ huius, & istius arumnosæ peregrinationis! Tota quippe vita ista, intelligentibus tribulatio est; sunt enim duo tortores animæ, non simul torquentes, sed cruciati alternantes. Horum duorum tortorum nomina sunt, timor & dolor. Quando tibi benè es, times; quando malè es, doles.

Vita hæc, vita misera, vita caduca, vita incerta, vita laboriosa, vita immunda, plena miserijs & erroribus, quæ non est vita dicenda sed mors; in quâ momenti singulis morimur, per varios mutabilitatis defectus, diuersis generibus mortium. Mors ista vitalis, & vita mortalis; licet his alijsque sit respersa amaritudinibus, proh dolor! quàm plurimos suis capit illecebris, & quàm multos suis falsis promissionibus decipit.

Orig. hō. 1.  
in Psalm. 38.

Dulcem [namque] hanc lucem, quâ nunc vitimur, illi dicunt, qui dulcedinem veræ lucis ignorant, sed ne auspicia quidem viri luminis vlla senserunt, nec sciunt Angelicam vitam sperandam esse animæ, cùm ex vanitate huius vitæ euaserint.

Quid

Quid amissa cælesti patriâ, repulsus homo  
delectatur exilio?

Vitium [hoc est] nostræ infirmitatis, qui  
voluptate corporis, & delectatione vitæ  
istius capimur, & cursum hunc consumma-  
re trepidamus, in quo plus amaritudinis  
quàm voluptatis est. At non sancti ac sapi-  
entes viri, qui longævitatē vitæ huius in-  
gemiscebant, dissolui & cum CHRISTO esse  
pulcrius æstimantes: denique idem gene-  
rationis suæ execrabantur, sicut ille qui ait,  
*Pereat dies illa in quâ natus sum.* Quid enim est,  
quo hæc vita delectet? plena ærumnarum &  
sollicitudinum, in quâ innumeræ calumniæ  
& multæ molestiæ, & multæ lacrymæ eo-  
rum qui affliguntur molestiis, & non est, in-  
quit, qui eos consoletur, & ideo laudat Eccles.  
*defunctos magis quàm viuentes.*

Vita [certè] mea, vita fragilis, vita cadu-  
ca, vita quæ quanto magis crescit, tanto ma-  
gis decrescit; quanto magis procedit, tanto  
magis ad mortem accedit. Vita fallax &  
vmbratica, plena laqueis mortis; nunc gau-  
deō, nunc statim tristor, nunc vigeo, iam in-  
firmor, nunc viuo, statim morior, nunc felix  
appareo semper miser, nunc rideo, nunc  
fleo; sicque omnia mutabilitati subiacent,  
vt nihil vna hora in vno statu permaneat.

*Nec terra intrepida est, quatitur sed turbine venti,*  
*Inq; vicem cedunt tempora prompta sibi.*

Greg. I. re-  
mor. in ca.  
14. Iob.  
Ambr. de  
bono mor-  
tis cap. 2.

August. so-  
lilo cap. 20.

Nazianz.  
carm. de  
humani-  
Nat.



Nox tegit atra diem, tempestas æthera fuscatur,  
 Astrorum obscurat sol radiansq; decus.  
 Sol tegitur nebulis, rediituaq; luna resurgit,  
 Dimidiâ Cælum parte latetq; sui.

Carm. de  
 externi  
 hominis  
 vilitate.  
 Chryf. in  
 Psal. 119.

Quæ vita hæc tumultum? à tumulto peto rursus, &  
 Post tumultū rursus me tumultabit edax (ignis  
 Idq; ipsum est, quod viuo, velut rapidissimus amnis,  
 Qui sursum exorians semper ad ima fluit.

Est enim præsens vita Incolatus & quid dico  
 incolatus, cum res sit vel incolatu inferior,  
 vnde Christus etiam ipsam vocauit viam,  
 dicens: angusta est porta, & arcta est via qua ducit  
 ad vitam.

Greg. l. 23.  
 mor. c. 24.  
 in c. 33.  
 Iob.

Via quippe est vita præsens, quâ ad patriâ  
 tendimus; & idcirco hîc occulto iudicio,  
 frequenti perturbatione conterimur, ne  
 viam pro patriâ diligamus. Solent enim  
 nonnulli viatores, cum amœna fortasse in  
 itinere prata conspiciunt, pergendi moras  
 innectere, & à cœpti itineris rectitudine de-  
 clinare; eorumque gressus tardat pulcritudo  
 itineris dum delectat. Electi ergo suis ad se  
 pergentibus Dominus, huius mundi iter as-  
 perum facit, ne dum quisque vitæ præsentis  
 requie, quasi amœnitate vitæ pascitur; magis  
 eum diu pergere, quàm citius peruenire de-  
 lectet; ne dum oblectatur in viâ, obliuiscatur,  
 quod desiderabat in patriâ.

Chryf. in  
 Psal. 119.

Sed hæc est doctrina optima atque aded  
 prima, scire nos esse inquilinos in vitâ præsentî.  
 Qui

Qui  
 super  
 est ho  
 ribus  
 ri, ne  
 quem  
 hil ne  
 stitua  
 eam  
 more  
 tibus  
 dis ei  
 quan  
 mur  
 num  
 taten  
 oculi  
 senti  
 tante  
 præte  
 nâ re  
 rusal  
 de en  
 quoc  
 cūtal  
 mea:  
 alien  
 senti  
 labo  
 & cu

Qui rerum quæ hîc sunt est hospes, erit rerû  
 supernarum ciuis. Qui eorum quæ hîc sunt,  
 est hospes; non lubêter versabitur in præsenti-  
 bus. Nô domus, non pecuniæ, nō alimen-  
 ti, nec alterius eiusmodi curam gerit, sed  
 quemadmodum qui in aliena versantur, ni-  
 hil non agunt & procurant vt patriæ suæ re-  
 stituantur, & quoridie vigent & festinant, vt  
 eam quæ eos tulit, videant. Ita etiam qui a-  
 more futurorum tenetur, nec rebus præsen-  
 tibus aduersis animum demittet, ne cæcun-  
 dis efferet, sed vtrasque prætercurret tam-  
 quam qui viam ingreditur. Quocirca iube-  
 mur etiam dicere in Oratione: *Adueniat Reg-  
 num tuum*, vt illius diei desiderium & cupidita-  
 tem animo nostro versantes & ipsium præ-  
 oculis habentes, ne videamus quidem præ-  
 sentia. Si enim Iudæi Hierosolymâ delide-  
 rantes, etiam postquâ liberati sunt, desent  
 præterita; quænâ dabitur nobis venia, quæ-  
 nâ relinquetur defensio, si nō supernæ Hie-  
 rusalem teneamur vehementi desiderio? Vi-  
 de ergo quomodo hi quoque lamentantur,  
 quod cum illis versentur: *Habituau dicentes,*  
*cū tabernaculis Cedar, multum incola fuit Anima*  
*mea:* Hîc enim non solum desent quod in  
 aliena habitent, sed etiam cū Barbaris ver-  
 sentur. Neque enim hæc vita est ed tantum  
 laboriosa, quod plurimam habet vanitatem  
 & curas importunas, sed quod etiâ multus

fit malorum prouentus. Nihil est autem grauius & molestius, quàm quæ est cum huiusmodi hominibus congressio. Est Barbarorum, cum ijs in quos imperium obtinuerunt, instar ferarum agere; ut qui tugurijs & tentorijs vrantur, & ad immanitatem ferarum sint redacti: sed his multo sunt efferatiores, raptores, auari & qui impudice, ac libidinosè & in delicijs vitam tranfigunt. *Multum incolæ fuit anima mea*; non multum propter multitudinem, sed propter rerum difficultatem. Et si enim sit exiguum, videtur esse multum ijs qui affliguntur. Nonnulli è vulgo, pusilli & abiecti animi, qui etsi per multos annos vixerint eos paucos esse dicunt. Quibus, quid esse potest à ratione alienius? quid verò crassius ijs, qui cælo proposito, & ijs bonis quæ sunt in cælis, quæ *nec oculus vidit, nec auris audiuit*, ore hiantes umbras stupent, nec volunt vitæ præsentis Euripum transire, in perpetuis fluctibus, tempestatibus & naufragijs volutati?

Ang ser,  
49 ad fratres in  
Eretno.

O vita quæ tæros decipis, de proprijs tantos seduxisti, tantos excæcasti! Quæ dum surgis, nihil es: dum videris umbra es, dum exaltas fumus es, Dulcis es stultis, amara sapientibus; qui te amat, non te cognoscit; qui te contemnunt, ipsi te intelligunt. Væ qui tibi credunt! Beati qui te contemnunt! vera non es vita, quam te ostendis. Alijs ostendis  
te

te lo  
volu  
non  
mo i  
Don  
est t  
quid  
Et  
meus  
fum  
vbi e  
tidie  
lugub  
dū re  
pedes  
Heu q  
Heu q  
Heu q  
Omnin  
Census  
Fama,  
Infe  
riculo  
quia o  
Adhu  
rantes  
patria  
mari te  
ramus  
do ad

te longam, vt perdas in finē, vt faciant quod volunt; alijs breuē, vt dum pœnitere volunt, non permittas. Sic est vita nostra, quasi homo in domo alienâ, nesciēs quâ horâ vel die Dominus domus dicat: vade foras, quia nō est tua domus in qua es. O sæculum vanum! quid nobis tanta promittis, dum decipis?

Erraui fateor, *sicut ouis perdita, & incolatus* Ambr. in orationibus.  
*meus prolongatus est*; atque procul proiectus

sum à facie Dei mei, in hanc exilij cœcitatē, vbi expulsus à Paradyfi gaudiis, deploro quotidie mecū super miserias captiuitatis meæ, lugubre carmen, ingentēq; lamentationes, dū recordor tui, mater Hieru salē, dum stant pedes mei in atrijs tuis sancta & decora Siō!

*Heu quassa nostra* CHRISTE *mi, vis concidit!*

*Heu quas procellas excitat corpus mihi!*

Nazian. ad  
Christum.  
Alibi optāt  
finem vitæ

*Heu quàm incolatus se meus longè extulit!*

*Omninò rerum sum sater presentium,*

*Census, inopia, gaudij, molestiæ,*

*Fama, decoris, hostium, & chari gregis.*

Aug. Solil.  
cap. 35.

Infelices quorū vita est in exilio, vita in periculo, finis in dubio, nesciens finē nostrum quia omnia in futurum referuantur incerta. Adhuc in Pelagi fluctibus versamur suspirantes ad te, portum maris. O patria nostra! patria secunda! à longè te videmus, ab hoc mari te salutamus, ab hac valle ad te suspiramus, & nitimur cum lacrymis, si quomodo ad te perueniamus.

Aug. med.  
cap. 18.

Sed quia dum sumus in corpore peregrinamur à te Domine, non habemus hic ciuitatem manentem, sed futuram inquirimus, nosser autem municipatus in calis est Id. ò duce gratiâ tuâ, ingredior in cubile cordis mei: & canto tibi amatoria, Rex meus, & Deus meus, gemens inenarrabiles gemitus, in loco peregrinationis meæ, vbi cantabiles mihi sunt facta visitationes tue. Et recordans Hierusalem, extendo in eam, sensum cordis; Hierusalem patriam meam, Hierusalem matrem meam, teque super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium & omnia bona, ineffabilia simul omnia, quia vnum summum & verum bonum.

Aug. solilo  
cap. 55.

O gaudium super gaudium, vincēs omne gaudium, extra quod non est gaudium. Quando intrabo in te, vt videam Deum meum, qui habitat in te? Ibo illuc, & videbo visionem hanc grandem. Quid est, quod me detinet? Heu me quia incolatus meus prolongatus est! Heu me quamdiu dicetur mihi; vbi est Deus tuus? Quamdiu dicetur mihi expecta, reexpecta: & nunc, quæ est expectatio mea? nonne Deus meus? Saluatorem expectamus Dominum nostrum IESUM CHRISTUM, qui reformabit corpus humilitatis nostræ configuratum corpori claritatis sue. Expectamus Dominum quando reuertatur à nuptijs, vt inducat nos ad suas nuptias.



## VIII.

Infelix ego homo, quis me liberabit  
de corpore mortis huius? *Ad*  
*Roman. 7.*

**I**nfelix! vbi nunc bona tot, quæ perditæ plango,  
Sed frustra, planctu non reuocanda meo?  
Tot bona! quid repetit dolor? ah! meminisse nocebit:  
Amisse cruciant dum memorantur opes.  
Vtilius veteris fortuna nescius esses,  
Cum mala sors fato deteriore premis.  
Passim hominum satira est, decepti noxa parentis,  
Stultitia solus scilicet ille reus.  
Adam, Adam simplex, Adam, Adam vxorius audit;  
Pluribus, aut totidem vapulat Eua probris.  
Non ego sic: sed, si gemitus finit edere vocem,  
Pars, fateor; mundi in crimine, magna fui.  
Te quoque, cui primos studium damnare parentes,  
Peccati memorem conuenit esse tui.  
Cum vitæ & mortis non felix alca iacta est,  
Collusor proavi dilapidantis eras.  
Credite posteritas, Adam vos estis & Eua,  
Et vestra pomum corripuere manus.  
Hinc nudi, gens pelliceâ dignissima zonâ,  
Et pudor & dolor, & Numinis ira sumus.  
Non querar acceptæ tot publica vulnera cladis,  
Materies elegi sum satis apta meis.

Ordior à cunis; hic mecum lacryma nata est,  
 Hic docuit vitæ syllaba prima, queri.  
 Mensis erat Maius, mensis gratissimus orbi,  
 Sed, mea si reputem fata, December erat.  
 Septima lux ibat, quæ si suprema fuisset,  
 In cineres issæt muta querelâ meos.  
 Cùm tandem post luctû vteri, horribilesq; vlulatus,  
 Progenies cerua parturientis eram.  
 O Mater, scio, tunc Mater, noua facta Rebecca es,  
 Tunc serus subijt virginittis amor.  
 Dirigit nutrix, pallens pater ora retorset,  
 Et cunæ in leuissimum procubuisse latus.  
 Horror & horror erat, vox omnibus, omnibus vna,  
 Heu puer, heu quantis gignitur ille malis!  
 Atræ dies, Aegyptiacâ dignissima nocte;  
 Quâ de me, licuit dicere; Natus homo est.  
 Atræ dies! neque te Titan, neque Cynthia nôrit,  
 Nec stæta qui Cœli tempora, Ianus agit.  
 Illa dies, abeat Grætiæ orsura Kalendas,  
 Nullus eam cupiat mensis, habere suam.  
 Si redeat, redeat piceis frontem obsita nimbis,  
 Et gelidum densâ grandine tussa caput.  
 Tum tonitru & fulmen funesto aduerberet igne,  
 Et sib; sic hostem nouerit esse Deum.  
 Sentio iam, quod fatidici plorastis amici:  
 Mentitur, vita, cephysdra nulla mea.  
 Tanti erat hæc soboles, lacrymis assuecimus indè,  
 Indè oculos raro deseruere meos  
 Nam postquâ posita est prætexa, nuceq;  
 Et bulla ad patrios victima facta lares;

Tunc

Tunc ego, quæ melius nescirem, discere cœpi:  
Præmissus erat, sortem plangere posse, dolor.  
Et vix posse datum est, sæpè oblectata fuit mens,  
Natura impatiens sub pede colla premi.  
Surgere sæpè adnixa, suoq; irrumpere Cælo,  
Nec poterat pigra tollere corpus humo.  
Tum vibrans oculos, oculos tristi imbre natantes,  
Ah superi! dixit, (cætera fletus erant)  
Et rursum ah! ah! (sed per luctifonos singultus  
Ipse sibi obfistens non finit ire, dolor)  
Sic puto Rex fremuit, dum crescere cornua sensit  
Quibus ex homine est, de boue factus homo.  
O Deus, ô superi, patientia vincitur! ô quis,  
Qui me mortali corpore soluat, erit?  
O quis erit? nostris qui cantet in auribus, istud  
Quod voueo toties, ilicet, ô quis erit?  
Ille, necaturum mihi mergat in ilia ferrum,  
Pocula Thessalico misceat ille sauo.  
Nec liquido plumbo, nec auaro terrore vnco,  
Mors misera quâuis conditione placet.  
Aeratos gemitu doceam mugire iuuenços,  
Supposito quamuis excrucienda rogo.  
Aut etiam iubeam (quamquam pudor ista vouere)  
Inter Vlyssæos exululare lupos.  
O Deus, ô superi, patientia vincitur! ô quis  
Qui me mortali corpore soluat, erit?  
Parce Deus, ne crudelem vox impia iactet,  
In furias quando præcipitata ruit.  
Hic propè barbaries poterit clementia dici,  
Ad pœnas veniat si stupefacta meas.

Corpora corporibus coniunxit mortua viuis  
 Ille, hominem quem vix dicere samapoteſt.  
 Me, viuum cruciat (magis hoc ferale) cadauer;  
 Nec, quæ diſidium ſiniat hora, venit.

*Infelix ego homo! quis me liberabit de  
 corpore moriis huius? Ad Rom. 7.*

Ambr. ſer.  
 22. in Pſal.  
 118.  
 Naz. an.  
 Ora. 16.

**Q**uomodo viuit anima operta mortis.  
 inuolucro? Corpore quoniam modo coniunctus ſim,  
 haud equidem ſcio; quoque pacto ſimul &  
 Imago Dei ſim & cum cœno voluter; quod  
 & cum pulcrâ valetudine eſt, bello me la-  
 ceſſit; & cum beato premitur, mœ. ore me af-  
 ficit: quod & vt conſeruū amo, & vt inimi-  
 cum odi atq; aduerſor; quod & vt vinculum  
 fugio & vt cohaeres vereor: ſi debilitare illud  
 & conficere ſtudeo, iam non habeo quo ſo-  
 cio & opitulatore ad res præclariffimas vtar;  
 ſin contra, vt cum ſocio & adiutore mihiis  
 agam, nulla iam ratio occurrit quâ rebellan-  
 tis imperum fugiam, atque à Deo non exci-  
 dam, compedibus degrauatus, vel in terram  
 detrahentibus vel in eâ deſinentibus. Hoſtis  
 eſt blandus & placidus, inſidioſus amicus.  
 O miram coniunctionem & alienationem!  
 Quod metuo, amplector; quod amo perti-  
 meſco. Antequâ bellum geſſerim, in gratiam  
 redeo; antequam pace fruâr, ab eo diſſideo.

Cur

*Cur carnis laqueis tu me Pater. implicuisti?*

*Cur vita misera, cur coenosoq; barathro?*

Naz'an.  
carm. ad  
Christum.

Ecce corpus quod corrumpitur, aggravat animam. Vitam ergo habet anima in corpore corruptibili. Qualem vitam? onera patitur, pondera sustinet. Ad ipsum Deum cogitandum (sicut dignum est ab homine cogitari Deum) quanta impediunt veluti interpellantia de necessitate corruptionis humanæ? Quanta reuocant? quanta à sublimi intētionē detorquēt? quanta interpellant? quæ turba phantasmatū? qui populi suggestionum? [Iam] quis nō ægrotat in hac vitā? quis non longum languorem trahit? Nasci hīc in corpore mortali, incipere ægrotare est. Quotidianis medicamentis fulciuntur indigentia nostræ. Quotidiana medicamenta sunt refectiones omnium indigentiarum. Fames, nōne te occideret, nisi medicamentum apponeret? Sitis, nōne te perimeret, nisi eā tu bibendo non penitus extingueres, sed differres? reductura est enim sitis paullulū tēperata. Temperamus ergo istis fomentis ærumnam ægritudinis nostræ. Stādo lassatus eras, sedendo reficeris: ipsum sedere medicina est lassitudinis. In illa medicina rursus lassaris, diu sedere non poteris. Quicquid est, ubi fatigationi succurritur, alia fatigatio inchoatur.

Aug. in  
Rial. 102.

Quod melius ostendimus; si prius carnis, Greg;

& post



c. 22, in c. 7  
Iob.

& post, pondera mentis exprimamus, ut enim accamus hoc, quod dolores tolerat, quod febribus anhelat, suâ quâdam ægritudine cōstringitur. Ipsa hæc corporis nostri, quæ salus vocatur, ægritudo est. Nam otio tabescit, opere deficit, inediâ deficiens, cibo reficitur ut subsistat; refectione lassescens, abstinentiâ releuatur, ut vigeat; aquâ perfunditur, ne arescat; linteis tergitur, ne ipsa nimis perfusione lique fiat; labore vegetatur, ne quiete torpeat; quiete refouetur, ne laboris exercitatione succumbat, fatigatur vigilijs, somno reparatur; oppressa somno, vigilijs excutitur, ne suâ penus quiete lassetur; vestibus tegitur, ne frigoris aduersitate penetretur; quærito calore deficiens, aurum flatu refouetur; cumque inde molestias inuenit, unde vitare molestias quæsiuit, malè sauciata ( ut ita dixerim ) de ipso suo medicamine languescit. Remotis ergo febribus, cessantibusq; doloribus, ipsa nostra salus ægritudo est, cui curandi necessitas numquam deest. Quot enim solatia ad viuendi vsum quærimus, quasi tot, ægritudini nostræ medicamentis obuiamus. Sed ipsum quoq; medicamentum, in vulnus vertitur, quia exquisito remedio paulò diutius inhærêtes, ex eo grauius deficimus, quod prouidè ad refectionem paramus. Ipsa quoque mens nostra, à secreti interioris securo gaudio exclusa, modò spe decipitur,

cipitur, modò pauore vexatur, modò dolore deijcitur, modò falsâ hilaritate releuatur; transitoria pertinaciter diligit, eorumque amissione incessanter atteritur, quia & incessanter, cursu rapiente, permutatur.

Habes, ô anima mea inimicum domesticum. hostem amicum, aduersarium propinquum, qui tibi malum pro bono reddidit, & sub specie amicitiae crudelior existens inimicus, his omnibus & alijs infinitis bonis te priuauit! Hic hostis, (saluâ tuâ reuerentiâ) est caro infelix & misera, multû tamen tibi dulcis & dilecta. Hanc cum pauisti, inimicum pessimum contra te existi. Hanc cum honorasti, hostem crudelissimum contra te armasti. Scio, inquit, Bernardus, ô anima, quemdam qui plures annos tecum vixit, ad mensam tecû sedit, cibû de manu tua sumsit, & in sinu tuo dormiuit; cum voluit, tecum colloquiû habuit. Hic ture hæ. editario seruus tuus est, sed quia delicatè nimis enutristi eum, & virgæ pepercisti, leuauit calcaneum super caput tuum, & te in seruitutem redegit O anima miserabilis & misera, quis te liberabit de vinculo improprietij huius! Recordare, ô anima primordia tuâ; attende quod es insignita Dei imagine. Quid tibi cû carne, vnde ista pateris? si diligenter condiciones eius aduertis, numquã vilius sterquiliniû vidisti; si eius miseras enumerare velis, quã onusta

Bonau. c. 16.  
folio.

onusta sit peccatis, pruriens concupiscentiis,  
occupata passionibus, polluta illusionibus,  
cōfusione plena, & ignominia repleta, quid  
de eā habes aliud quā cogitationes foedas  
& immundas?

Nazian.  
carni. ad-  
uerſ. carnē.

*Exuioſa caro, Belia tenebroſa procella,  
Exuioſa caro, quā ſluit omne ſcelus!  
Canum, maſſa grauiſ plumbi, limoſa catena,  
Bellua pugnaci prodicta materiā.*

*Peſtiſer aſtus, heraq; tua vinclum atque ſepulcrum  
Forme, quæ ſuperā venit ab arce mihi.*

Bern. ſer.  
de tr. pl. gē.  
cogita.

*Non tunc cauſā dictum eſt; hominem plaſ-  
matum, nō de terrā quālibet, ſed de limo. Vi-  
de enim quā limoſum ſit corpus, quod ipſi  
quoque ſpiritu tam fortiter, & penē indiſ-  
ſolubilit̃ inhaeret, vt vix cum multā affli-  
ctione poſſit aliquando ſeparari.*

Nazian.  
car. de  
hum. nat.

*Eia age mens; nam te tunc alloquar, atq; ea dicam,  
Quæ fore narratu non aliena puto.*

*Ecquid eſ. o mea mens? & quis tibi contigit ortus?*

*Atque cadauer olens quū tibi fortē dedit?*

*Quis ſolidis vine aſtrinxit grauiuſq; catenis,  
Pendentem aſidue lumina fixa ſolo?*

Orig. hom.  
1. in Ph. 8.

*Vniuerſa vanitas omnis homo viuens, qui autem  
de hāc vitā accipitur iſta ſentētia; audi Ec-  
cleſiaſten proteſtante & dicente laudauit om-  
nes qui mori ſunt ſuper omnes qui viuūt, cuiuſq;  
ipſi viuunt uſq; modo, & bonus ſuper iſtos duos qui  
nondū natus eſt. Laudat ergo mortuos pluſquā  
viuos; quia illi hoc ſalutē iucris habēt, quōd de  
vinculis huius corporis liberati ſunt, nec vl-*

tra carne ac pellibus induti sunt, nec ossibus ac nervis inserti sunt, nec ultra subiacet necessitati corporis. Si ergo intellexisti, quale sit vivere in carne (etiam si Moyses sit quis, vel quisquis ille est) molestum ipsi est ista vita. Non enim à corruptione resolvitur, quæ mortali corpore, terrenoq; circumdatur: vide ergo, quoniam *universa vanitas est omnis homo vivens*; contemnamus istam vitam, & festinemus ad sanctam vitam & beatam ac veram & in illam animo & mente tendamus, omni vanitate discusam.

Ex quo enim quisq; in isto corpore morituro esse cœperit, numquam in eo non agitur, ut mors veniat. Hoc enim agit eius mutabilitas; toto tempore vitæ huius, si tamen vita dicenda est, ut veniatur in mortem.

Et idem laudat Ecclesiastes defunctos magis quam viuentes, & *optimus*, inquit, *supra hos duos qui nondum natus est*. Et alibi idem Ecclesiastes, meliorem longævo viro asseruit, quem ab ortu eiecit mater sua, quia non vidit hæc mala, quæ sunt in hoc mundo, nec in has venit tenebras, nec in vanitate ambulavit sæculi. Quid enim boni est homini in hac vitâ?

Cognovit se Paulus in miseriâ, in gemitu, in rixâ, in contentione; ipse secum tibi non concordans, à se dissonans, à se resiliens. Et quid ait optans pacem, pacem veram, pacem supernam? *Infelix ego homo, quis me liberabit de corpore mortis huius?*

Aug. l. 13.  
de Cin.  
cap. 10.

Ambr. lib.  
de bono  
mortis c. 2.

August. in  
Psalm. 102.



*Corrector autem e' duobus; desiderium habens dissolui  
et esse cum Christo. Ad Philip. 1.*

39.



## I X.

Coarctor è duobus , desiderium ha-  
bens dissolui , & esse cum CHRI-  
STO. *Ad Philip. I.*

**Q**uid faciam gemini flammata , cupidine voti?  
Anteferam terras? anteferámne Polum?  
Terra tenet, cælum reuocat, lis magna moratur,  
Iamq; volentē animū pondere mēbra premunt.  
Sed procul illecebra; semel impete rumpere modum  
Præstat, & è vinculis eripuisse pedes.  
Pergite festina persoluerè stamina Diuæ,  
Nec Letho clausæ sint veniente fores.  
Aspice, lux, quanto luxentur brachia nifu,  
Vtq; ferè à membris distrahar ipsa meis.  
Distrahar vt mediam tibi me coniungere possim,  
Vnaq; sit saltē pars tibi nexa mei.  
Non simus, & rides nil proficiētia vota,  
Quodq; negis toties, vis tamen vsque peti.  
En peto quod renuis, geminaq; exporrigo palmas,  
Et tibi, quas nequeo nectere, tendo manus.  
Sapè mihi de re, mendacia dulcia fingo,  
Vincula ceu positâ compede fracta forent:  
Et dico, meus hic, prendq; & prendere certat,  
Meq; sed vt video, dissimulanter amat.  
Tam bona credulitas erat haud indigna sapore,  
Debueratq; meos expedisse pedes.  
Si tamen implicitam pedicis, cupis vsque teneri,  
Hic ego conatū deficiente cadam.

Ast redit, & velut allabens sese ingerit ultro,  
 Spemq; iterum nutu sollicitante facit.  
 Surgam supremumq; amplexibus obuia curram,  
 Collig; furtivâ fraude, negata petam.  
 Quàm propè, quàm propè sum! vestis pars ultima  
 Iam puto, vicinâ prendere posse manu. (tacta est,  
 O Amor! ô dolor! affectum deludis hiantem,  
 Decipit Amplexus mobilis aura meos!  
 Et licet aut diguis tribus aut vix quattuor absis,  
 Semotus medio crederis orbe mihi:  
 Nempe pater Pelopis sic poma fugacia captat,  
 Poma datam toties fallere docta fidem.  
 Dum modò prona arbor patulo super incubat ori,  
 Osq; iterum, fructu decipiente, fugit.  
 Ludicra res Amor est, fallig; & fallere gaudet,  
 Sed fraus supplicio non caret illa suo.  
 Decepti, quo tormento crucientur amantes  
 Exemplo poterit discere quisque meo:  
 Quisque alium ludit (sed rarum est ista fateri)  
 Ipse suo patitur vulnera facta dolo.  
 Nescieram, mea lux, istis te fraudibus vtri,  
 Sed nimis expertam iam sua pœna docet.  
 Ut canis indomitâ iactans cervice catenas,  
 A populo solui praterente rogat;  
 (Nisi faciat, querulis vlulans latratibus auras,  
 In sua conuerso vincula dente furit)  
 Sic queror & supplex toties ad vota recurro  
 Ut prestes, quam me poscere cernis, opem,  
 At postquam implacido vertisti lumina vultu  
 Nec placuit pedibus demere vincla meis.

Cla-

Clamaui ; ô truculentum & inexorabile pondus!  
Quin etiam dicta est sæpè catena nocens.  
Hæc trahat Autolycus, trahat hæc furiaſtus Oreſtes,  
Aut qui tardipedes vertit in antra boues.  
Sentiat hanc Scyticâ damnatus rupe Prometheus;  
Aut Scinis, aut ſclerum quis feritate prior.  
Scilicet à nimio venit hac dementia luctu,  
Error & hic, ſeſe quo tueatur, habet.  
Compedibus facile eſt ſæuq; ignoſcere ferro,  
Durior at vinculis qui ligat illa, ſuis.  
O vbi littoreâ vinctam qui rupe puellam  
Bellerophon volucris retulit ales equo?  
En ego barbarica conſtringor mole catena  
Seruus vt à rigido transfuga vinctus hero.  
Et quoties patrias aſſurgere nitor in auras,  
Deprimor hoſpitij pondere victa mei.  
Nempe ita dat pueris captus ludibria paſſer,  
Dum fugit & reuocant ſila reducta fugam.  
Et licet è dominis cœnèſſe, bibârſe labellis,  
Maueſcit in ſyluas liber abire ſuas.  
Sic quamuis nitidâ paſta bene corte palumbes,  
Anteferant cauea ruſq; nemuſq; ſua.  
O mea ſi lacrymis molleſcere vincula poſſent!  
Dudùm eſſent lacrymis mollia facta meis.  
Lux mea, tende manus; contra tibi tendo catenas,  
Has niſi qui vinxit ſoluere nemo poteſt.

*Coarctor è duobus, desiderium habens  
dissolui, & esse cum CHRISTO. Ad  
Philip. i.*

Aug. med.  
cap 37.

**Q**UID faciam misere ego, grauedine com-  
pedis mortalitatis meae constrictus?  
quid faciam?

Nazian.  
cor de ani-  
mæ calam.  
August. in  
Plal. 78.

*Quenam hæc lex? cur me constringunt vincula  
carnis?*

*Spiritus & socium tam graue corpus habet?*

*Compedes sunt infirmitas & corruptibilitas  
corporis, quæ aggrauant animam; ab his  
compedibus concupiscebat dissolui Apostolus  
& esse cum CHRISTO.*

Aug manu  
cap 8.

*Vtinam remissa peccatorum mole, me[quo-  
que] vltimum seruorum CHRISTI, iuberet  
Diuina pietas, hanc carnis sarcinam depone-  
re, vt in suæ Ciuitatis gaudia æterna repau-  
sands transireim!*

Nazian.  
carm. de  
animæ ca-  
lamit.

*Corporeâ nec mole grauis mens vergat ad ima,  
Ac velut plumbi massa profunda petat.*

Nazian. in  
luctu.

*Me miserum, caro quem remoratur perfida, cali  
Ad Dominum, cursu dum properante feror!*

*Echeneidis instar*

Nazian.  
præcep. ad  
virgines.

*Quæ velut iniectâ properantem compede puppim  
Detinet.*

Ab

*Ab grauibus me solue, Pater supreme, catenis,*

*Inq. Beatorum me trahē sancte choros!*

Nazianz.

in luctu.

Ambr. de

bono mor-  
tis, cap. 3.

*Solumur enim hoc nexu animæ & corporis,*  
cū recedimus: vnde & Dauid ait, *dirupisti*  
*vincula mea.* Mors igitur solutio est animæ &  
corporis. Denique & in Apostolo docuimus  
lectum; *dissolui & cum CHRISTO esse multo*  
*melius.* Solutio autem ista, quid aliud agit,  
nisi vt corpus resoluatur & quiescat; anima  
autem conuertatur in requiem suam, & sit  
*libera,* quæ si pia est cum CHRISTO futura  
sit, Quid igitur in hac vitâ aliud iusti agunt,  
nisi vt exuant se huius corporis contagioni-  
bus, quæ velut *vincula* nos ligant, & se ab  
his molestijs separare contendant, renun-  
cient voluptatibus atque luxuriæ, fugiant  
flammas libidinum?

Iustos enim quamuis nullus desideriorū  
carnalium tumultus possideat; duris tamen  
*vinculis* eos in hac vitâ positos, suæ molestia  
corruptionis ligat: scriptum quippe est: *Cor-*  
*pus quod corrumpitur aggrauat animā.* Eo itaque  
ipso quo adhuc mortales sunt, corruptionis  
suæ pondere grauantur, & astricti molestiâ *vin-*  
*cti sunt,* quia in illa adhuc libertate vitæ incor-  
ruptibilis nō exurgunt. An non duro molestia  
*vinculo* ligantur, quorum nimirum mens, sine  
labore, in ignorantia soluitur, & non nisi  
cum studio laboris eruditur? quæ coacta  
exigitur, libens iacet, ab infimis vix leuatur,

Greg. l. 4.

mor. c. 40.



& tamen eleuata protinus labitur semetipsā laboriosè vincendo, superna conspicit, sed reuerberata. An non duro molestiæ vinculo ligantur, quos cū accensus spiritus ad finem pacis intimæ pleno desiderio pertrahat, seruēte certamine, caro perturbat? Quibus exceptis etiam ea vincula sustinent, quæ grauis exteriùs necessitas astringit; esurire quippe sitire, lassescere, vincula corruptionis sunt, quæ scilicet solui nequeunt, nisi cū in illam immortalitatis gloriam, nostra mortalitas permutatur.

Idem cap.  
sequent.

Sed cū corruptibili carne exuimur, quasi ab his, quibus nunc astringimur, molestiæ *vinculis* relaxamur. Præsentari namque iam Deo cupimus, sed adhuc mortalis corporis obligatione præpedimur. lure ergo *vincti* dicimur: quia adhuc *incessum nostri desiderij, ad Deum liberum non habemus*. vnde bene Paullus æterna desiderans, sed tamen adhuc corruptionis suæ sarcinam portans, *vinctus* clamat: *Cupio dissolui, & esse cum CHRISTO*; dissolui enim non quæreret, nisi se procul dubio *vinctum* videret. Hæc autem *vincula*, quia certissimè rumpenda in resurrectione conspexerat, iam quasi rupta gaudebat Propheta cū diceret: *Dirupisti vincula mea, tibi sacrificabo hostiam laudis*.

Ambr. lib.  
de bono

[Sic] Simeon se dimitti postulabat à Domino, quasi à *vinculis quibusdam ad libertatem*

rem festinaret. Sunt enim velut vincula quæ mort.ca.26  
dam corporis huius, & quod grauius est vin-  
cula tentationum, quæ nos alligant & ad iniuriam  
captiuitatis astringunt quâdam lege peccati.  
Quid igitur tâtopere istam vitam desidera-  
mus in quâ, quanto diutius quis fuerit, tan-  
to maiore oneratur sarcinâ peccatorum? vnde  
Iacob dixit: *dies annorum vite mee, centum tri-*  
*ginta, minimi & mali*; non quia dies mali, sed  
quia nobis accessu dierum, malitiæ incre-  
menta accumulatur.

Nullus enim dies sine nostro peccato præ-  
terit: vnde egregiè Apostolus ait: *mihî viuere*  
*CHRISTVS est. & mori lucrum*; aliud ad ne-  
cessitatem vitæ referens, aliud ad mortis  
vtilitatem. Et addidit. *Dissolui enim & esse cum*  
*CHRISTO multo melius*; permanere autem in  
*carne magis necessarium propter vos.*

Sed sicut auceps animum aut visco aut reti in Chryl. ser.  
grano aliquo captum, tenet passerem, & manu de pœnis,  
suâ subtilissimo funiculo ligatum retinet, & quasi  
dimittens laxû de manu suâ; dat ei liberam  
volandi potestatem; at ille audius ad volan-  
dum, elapsusquæ; se putans, alacer altiora ap-  
petit; sed iste summum funiculû tenens, re-  
stringit eum cùm volauerit, & ad se trahit ab  
spe volandi & viuendi deceptum; ita & dia-  
bolus versutus venator & per spiritum præ-  
sumptionis, laqueo suo deceptum implicat  
hominem. Qui semel hæserit, vult quidem

ab eo euelli, sed vinculum velox venator tenens, reuocare captum. semel in laqueo & reuolutum premit.

Idem hō.  
ss. ad pop.  
Anno.

Quousque[ ergo ] hīc erimus affixi ad hāsimus terrā tamquam vermes, in cœno volutamur: corpus de terrā nobis Deus contulit, vt ipsum & in cœlum reuehamus, non vt animā per ipsum *ad terram detrahāmus*. Terrenum est, sed si velimus efficitur cœlestis? trahē te ipsum ad illum, qui te sursum tollit, *pondere quodam vetut asis grauaris.*

*Erige te mea mens, capiant te obliuia mundi,*

Nazian. ad  
anim  
Bonau. c. i.  
solilo.

*Nec trahat in vitium te malè blanda caro.*

Eia dulcissime IESV, transige saluberrimo vulnere amoris tui medullas animæ meæ, vt verè ardeat, langueat & liquefiat, & solo tuo desiderio deficiat, *cupiat dissolui & esse tecum*. Te solum semper esuriat, panem vitæ cœlestis qui de cœlo descendisti! te sitiat fontem vitæ, fontem æterni luminis, torrentem veræ voluptatis, te semper ambiat, te quærat, teque inueniat, in te dulciter requiescat!

## X.

Educ de custodiâ animam meam,  
ad confitendum nomini tuo.

*Psalm. 141.*

**L**ibera quâ potui spatioſo ludere Cœlo,  
Cernis, vt anguſto carcere clauiſa premar?  
Heu dolor! vt miſeras me lux effudit in auras.  
Ipsa loco cauea membra fuere mee.  
Pes compes, manicaq; manus, neruiq; catena,  
Oſſaq; cancellis nexa cataſta ſuis.  
Quo mihi cognati natua repagula clauſtri,  
Dammur vt hoſpitiꝝ carcere vincti mei?  
Siccine, more Chelys, breuius tegar abdita conchis,  
Regia cui Cœli vix ſatis ampla domus?  
O quoties quaſita fuga fuit anſa pudenda!  
In votis quoties reſtis & vnda fuit?  
Sapè quidem raptò felix Lucretia ferro,  
Fauſtaq; combibito Porcia dicta foco eſt.  
Viſa nec Aſſyria triſtis mihi ſica puella,  
Heu nimis in geminas prodiga ſica neces!  
Sed negat hac animis Numen ſolatia captis.  
Nec finit hâc vinctos fata preire viâ.  
Ergo Syracofius malim iacuiſſe cauernis,  
Aut Danaëſ rigidâ delituiſſe ſerâ:  
Nec verear curui Cretæa volumina ſepti,  
Vnde citam rapuit Dædalis ala fugam.  
Proſugus immeriti damnet pia clauſtra rigoris,  
Qua ſibi ſollicitam non rennuere fugam.

Si mihi siderijs pateat vel rimula tectis  
 Non querar immites AEtheris esse fores.  
 Donec at hac captam retinent ergastula mentem,  
 Mens nequit agnati templa subire poli.  
 Quin sueta imperijs iacet hic captiua voluntas,  
 Nec bona qua veller, vincula velle sinunt.  
 Euge semel nostra, mea lux, succede catasta,  
 Quantula sit nobis experire domus.  
 Sit tamen infidie vel abena repagula terrent,  
 Fac pateat demptâ ianua laxa serâ.  
 Captiui gemitu fertur reuocasse Magistrum,  
 Oblitus cauea psittacus ipse sua.  
 Eia graues referas, noue Iane patulcie, vestes;  
 Non erit hac dextra gratia prima tua.  
 Angelico, memini, patefactas impete portas,  
 Claustraq<sup>3</sup>, suffractis dissiluisse seris;  
 Cum stupuit lapsis manibus, pedibusq<sup>3</sup>, catenas,  
 Vixq<sup>3</sup>, Petrus patulas credidit esse fores.  
 Nullus obit nostris obses vadimonia vinculis?  
 Liberat Herculeâ Thesea nullus ope?  
 O vbi nunc Minyis fidiſſima turba maritis,  
 Vincula pro captis ausa subire viris!  
 Aut qui Vandalicis obses ergastula neruis,  
 Ipse sui capitis insit abire lytro?  
 Lux mea, pande fores, in amonag, claustra resolue,  
 Et sine sidereas aetheris ire vias.  
 Aut spectanda tuo vis ducar prada triumpho,  
 Vt Scythicus cauea pompa Tyrannus erat?  
 En manus, en digiti rimis hiscentibus extant,  
 Cur ego non digitos tota manumq<sup>3</sup>, sequor?

Qua



Qu. i caput, hâc reliqua subrepi cauda colubra, &  
 Cur mihi serpentis lubrica pellis abest?  
 Cortis obit toties volucris captiva fenestras,  
 Et notat an tacita rima sit vllâ fuga;  
 Nexaq; sollicitans fartuo vimina rostro,  
 Natiuas nemorum tentat adire domos.  
 O Catharis, niueiq; polo comes agminis Agnes!  
 O casta Vrsulidum, Sophiadumq; cohors!  
 Vos ego, dimidium vestri modò nobile testor  
 (Dimidium vester quod sibi iunxit amor)  
 Pandite ferratos, ergastula barbara, postes,  
 Inserat vt vestris dimidiata choris.  
 Dimidium felix, vinclis socialibus exfors,  
 Cui licet in plenâ iam caluisse faces!  
 Lux mea, tam durum residet tibi pectore ferrum,  
 Vt neque captivâ commouere prece?  
 Non ego, sed nostræ Tu maxima causa querelæ;  
 Spectat enim laudes ista querela tuas,  
 Non benè conueniunt rigidis tua carmina clathris,  
 Quis queat in caueâ cantibus esse locus?  
 Libera quæ cantat vernis auis Attica syluis,  
 Captâ silet, solitos neq; ciet ore modos.  
 Eia age, pande fores inamœnâq; claustrâ resolue,  
 Et sine fidereas ætheris ire vias.  
 Aut tua si cupidam præconia dicere temnis,  
 Inuidus in laudes efficiere tuas.

Educ de custodia animam meam, ad confitendum  
 nomini tuo. Psal. i 47.

L A V D O quantum possum, tenuiter, exi-  
 liter, infirmiter. quare? quia quamdiu

August. in  
 Psal. 14.

sumus in corpore, *peregrinamur à Domino.* Quare sic laudas Dominum? non perfecte, non stabiliter? Interroga scripturam; quia *corpus quod corrumpitur aggrauat animam, & deprimit terrena cogitatio sensum multa cogitantem.* Tolle mihi corpus quod aggrauat animam & laudo Dominum. Tolle mihi terrenam habitationem, deprimentem sensum multa cogitantem, vt à multis in vnum confluum & laudo Dominum. Quamdiu autem ita sum, non possum; prægrauor.

Chrys. in  
c. 4. Matth.  
hom. 14.

Nihil enim *presens vita* differre videtur à carcere, sed sicut cum triste illud introimus habitaculum, circumdatos ac vinctos videmus catenis, ita etiam nunc, si (extra omnia nos phantasmata collocantes) vnus cuiusque ingrediamur vitam, eiusque animam contemplemur, videbimus eam durioribus ferro vinculis colligatam.

Ambr. lib.  
de bono  
mortis, c. 2.

In exitu ipso videamus, quemadmodum anima decedentis, paulatim *soluat se vinculis carnis, & ore emissa, euolet tamquam carcere corporis huius exuta gurgustio.*

Greg. c. 17.  
in c. 7. lob.

*Carcere homo circumdatur, quia plerumque & virtutum profectibus, ad alta exurgere nititur, & tamē carnis suæ corruptione præpeditur, quā bene exui Psalmista deprecatur, dicens: Educ de carcere animam meam.*

Sancti autem viri, quia scriptum est, *corpus quod corrumpitur, aggrauat animam, intentione*

tionem  
fed  
mori  
clauso  
sum eg  
ac si a  
videl  
tus) q  
iniqu  
suæ c  
iam æ  
huc n  
Vi  
tenari  
ci. &  
tolera  
plicia  
scij).  
virgen  
gere, v  
crentu  
dia. Ip  
Qu  
carcer  
ne car  
troclu  
rò ab o  
mæ. E  
diutiū  
dignit

tionem iam quidem ultra semetipsum eminet,  
sed tamen adhuc infirmitatis suae incertis  
motibus subditi corruptionis suae se *carcere  
clusos* dolent. Ait ergo Iob; *numquid mare  
sum ego, aut cetus, quia circumdedit me carcere?*  
ac si aperte diceret; mare vel cetus (iniqui  
videlicet, eorumque auctor malignus spiri-  
tus) quia effrenari ad solam perpetrandam  
iniquitatis licentiam apperunt, recte poenae  
suae carcere constringuntur; Ego autem quia  
iam aeternitatis tuae *libertatem desidero*, cur ad-  
huc meae *carcere corruptionis* premor?

Videmus in hoc saeculo *inertos nexibus ca-* Ambr.in  
*tenarum reos*, in specie pompae miserabilis du- Psal. 118.  
ci, & nonnumquam patiuntur insontes, ut  
tolerabilius sit mori, quam talia subire sup-  
plicia. Optant utique audiri bene sibi con-  
fiscij. Optant etiam hi qui grauibz flagitijs  
virgentur, poenam, mortis celeritate transi-  
gere, ut aliquanta compendia poenarum lu-  
crentur, Spes est etiam de iudicis misericor-  
dia. Ipso exilio *claustra carceris* duriora sunt.

Quemadmodum [ igitur ] eorum qui in Basil.in  
carceres conijciuntur; hi quidem in afflictio- hom.in  
ne carcerum vinculorum detinentur, in Martyr.  
introclusi diuturniore temporis mora; illi ve- Iulianam.  
ro ab ea calamitate submouentur, sic & ani-  
mae. Etenim haec distinentur in praesenti vita  
diutius; aliae minus, pro cuiusque merito,  
dignitateve, iuxta Divinae sapientiae profun-  
ditatem,

ditatem, sic vt mens nulla hominum, ea possit attingere, quæ de vnoquoque nostrū ipse Creator præuidit. Non audis dicentem David: *Educ de carcere animam meam?* Non audisti vt sancti eius exsoluta anima est? quid rursus Simeon, Dominum nostrum pro vlnarum astringens complexu, cuiusmodi vocem emisit? nōne hanc? *Nunc dimittis seruum tuum Domine.* Ei enim qui ad supernum & cœleste domicilium festinus contendit, supplicio omni, *omni carcere* grauior est hæc inhabitatio corporis.

Ansel. in  
prolog.  
cap. 14

O misera fors hominis cū hoc perdidit ad quod factus est! ô durus & dirus casus ille! heu quid perdidit & quid inuenit! quid abcessit, & quid remansit? perdidit beatitudinem ad quam factus est; inuenit miseriam, propter quam factus non est. Abcessit sine quo infelix est, & remansit quod per se, non nisi miserum est, *Ærumnosi!* vnde sumus expulsi? quo sumus impuls? vnde præcipitati? quo obruti? A patriâ, in exilium; à visione Dei in cœcitatem nostram; à iucunditate immortalitatis, in amaritudinem & horrorem mortis. Misera mutatio! de quanto bono, in quantum malum! graue damnū, grauis dolor, graue totū! sed heu me miserum vnum de alijs miseri, filius Eux elongatis à Deo! quid incœpi? quid effeci? quò tendebā? quò deueni?

*Dissolue*

*Dissolue me, oro, à vinculis, quibus constrictus  
gencor, vt relinquēs ista omnia, tibi festinem,  
tibi soli inhæream, soli intendam.*

*Hinc me, CHRISTE potēs, educ iam, qua sō malisq;*

*Queis crucior medicam protinus asser opem.*

*Vnum homini est certumq; bonum, fixumq; beata  
Vita; animus cuius languet amore meus.*

*Felix anima, qua terreno resoluta corpore libe-  
ra cælum petiit! secura est & tranquilla, non ti-  
met hostem neque mortem: habet enim  
semper præsentem, cernitque indefinenter  
pulcherrimum Dominum, cui seruiuit, quem  
dilexit, & ad quem tandem læta & gloriosa  
peruenit.*

*Tu[ergo] Domine expectatio Israël desi-  
derium ad quod suspirat cor nostrum quo-  
tidie; festina, ne tardaueris; surge, propera &  
veni, vt educas nos de isto carcere, ad consistendum  
nomini tuo.*

*Veni Domine, & noli tardare, veni Do-  
mine Iesv, veni & visita nos in pace; veni &  
educ vinctos de carcere, vt lætemur corā te, cor-  
de perfecto; veni Saluator noster; veni desi-  
deratus cunctis gentibus; ostende faciem  
tuam & salui erimus; veni lux mea, Redem-  
ptor meus, educ de carcere animam meam, ad  
consistendum nomini sancto tuo! O verē felices,  
quē carcere ad palatium peruenerunt!*

Hugo de  
S. Viçt. l. 4  
de anima  
cap. 4.  
Nazianz.  
carm. de  
exter.  
hominis  
vtilitate.

Aug. med.  
cap. 13.

Aug. soli-  
loq. cap. 23

Aug. soli-  
loq. cap. 25





Quomadmdu desiderat ceruus ad fontes aquarum; ita desiderat anima mea ad te Deus. Psal. 42.

Qu  
a  
a  
S  
Nec  
A  
Nec  
C  
Ah!  
A  
Sicc  
A  
Vis  
Nem  
C  
Aut  
C  
Ille f  
C  
Ant  
Hic  
H  
Hau  
T

## X I.

Quemadmodum desiderat ceruus  
ad fontes aquarum, ita desiderat  
anima mea ad te Deus. *Psal. 41.*

**S**ire cupis, mea lux, quibus intus amoribus vrar?  
Quantaq; slama tui pectora nostra coquat?

Nec satis extulero sitientis imagine prati,

Aut viola, nimio qua iacet vsta die.

Nec satis astifera depinxero fulmine stelle,

Cum canis ardenti fidere torres humum.

Ah! quam pulvereæ Libyes patiantur arena.

Aestuât hæc, nostro sicciore sitis.

Siccior Icaro quam dum canis imminet astro,

Aut viola tosto flos cadit vstus agro:

Vis dicam, mea lux, quam te meus ardor anhelet?

Cervus vt irriguis fontis anhelat aquas.

Nempe venenifiro pastus serpente medullas,

Cervus agit totis hausta venena fibris;

Aut humeros tinctit traiectus arundine teli,

Carpitur infestâ viscera tacta luc:

Ille furit, pectusq; citatus anhelitus vrget,

Cacag<sub>2</sub> per sylvas saucias antra petit:

Antra petit fugiens salientibus humida lymphis,

Vt sua fontano guttura rore lauet.

Hic riuus scatebris fumantia temperat ora

Pellit & amne sitim, pellit & amne luem.

Haud aliter scelerum mihi mens temerata veneno;

Tela venenatâ combibit vnctâ manu.

Et modò combibitum populatur pectora virus,  
 Ardet & in tacito noxia flamma sinu.  
 Nempe graues, animi sunt toxica vindicis, ira,  
 Et tua qua iaculas tela, venena, Venus.  
 Quæq; grauant nimio spumantia pocula Baccho,  
 Pocula qua diro gramine pota necant.  
 Aspicias vt tumido turgescunt pectora fastu?  
 Pectoribus fastus virus inane tumet.  
 Quo sitiens igitur peterem de flumine lympham,  
 Cum mea tam varium viscera virus edit?  
 Ah! nisi te, nullo sitis hac placatur ab haustu,  
 Tu potes hanc solus, fonte domare sitim.  
 Scis etenim, mea lux, quàm te, meus ardor anhelet,  
 Cereus vt irrigui fontis anhelat aquas.  
 Cereus odori sequi fugitiuus ab ore Molossi,  
 In laqueos nullo sæpè sequente ruit:  
 Tunc densam aspicias venantùm, hinc, indè coronã,  
 Tela super, saltu corpora fertur agens.  
 Exoritur clamorq; canum, strepitusq; sequentùm,  
 Ille fugit, tergo cornua celsa locans;  
 Ambiguusq; pauet ne sit comprehensus, & ipsa  
 Qua iam præterijt tela, canesq; timet  
 Respectansq; metu, per saxa, per auia currit,  
 Igneus atque illi spiritus ore micat.  
 Guttur aq; ardenti flagrant arentia linguâ  
 Quæq; sitim releuet, querit anhelus aquam.  
 Tum fontis medijs venas rimatus arenis,  
 Fontano rabidam mergit in amne sitim;  
 Et bibit & potis largè se proluic vndis,  
 Haurit & exhausto robur opemq; lacu.

Sic

Sic ego tartareis cingor, mea vita, sagittis,  
 AEgraq; flammata torreo ora siti.  
 Hinc puer Idalius, premit hinc ad retia Bacchus,  
 Et multa ancipitem trudit vterq; cane.  
 Sublimes leuis hinc suspendit Gloria casses,  
 Hinc tumidus pedicis fallere tentat Honor.  
 Inde cohors magnis sociorum hortatibus instat,  
 Et docet exemplo crimina quisq; suo.  
 Hei mihi quot circum venabula stricta minantur!  
 Ceu fera, cum cincto clausa tenetur agro.  
 Mille vias repetens, infrag; supraq; pererro,  
 Si qua mea pateam hospita lustra fuge.  
 Tum mihi per fidas stris astuat ignea venas,  
 Et sensim vapidas decoquit igne fibras.  
 Fontis inops igitur ad flumina quæque recurro,  
 Flamma sed hæc nullo flumine victa fugit.  
 Sic cadit obscænos miles defessus in haustus,  
 Sit licet infami turbida lympha luro.  
 Sperabam effosis æstum compscere rivis,  
 AEstus at infusa gurgite creuit aquæ.  
 Qualis in amne leuem sectatur faucibus vndam  
 Tantalus, & fallit, quam dedit vnda fidem.  
 Mobilibusq; inhiat, deluso gutture, lymphis,  
 Semper aqua locuples, semper egenus aquæ.  
 Scilicet haud simili calor hic extinguitur haustu  
 Nec domat hanc cœni turbida lympha sitim.  
 Cœlestes animus sitit insatiabilis vndas,  
 Ceruus vt irrigui fontis anhelat aquas.  
 Ite igitur pigro torpentia flumina stagno.  
 Non bibit è vili gurgite nostra sitis.

*Ite graues stygij serpentibus, ite lacuna,  
Noxia Tartareis flumina pasta vadis:  
Ite, sitit superi dias mens fluminis vndas,  
Cervus vt irrigui fontis anhelat aquas.*

*Quemadmodum desiderat Cervus ad  
fontes aquarum, ita desiderat anima  
mea ad te Deus. Psalm. 41.*

Chrylost.  
homil. in  
Psalm. 41.

**H**ic est mos amantium, amatorem non celerare, sed enunciare vicinis, & dicere, se amare. Ardens enim res est natura dilectionis, nec potest anima sustinere vt eam silentio teneat. Ita hic beatus Deum amans, & ardens in amore, non potest in animo inducere vt taceat, sed aliquando quidem dicit: *Quemadmodum desiderat Cervus ad fontes aquarum; aliquando autem; Deus, Deus meus, ad te de luce vigilo.*

August. in  
Psalm. 41.

Quis est qui sic cantat? si volumus, nos sumus; Et quid quæris extrâ, quisinam sit, cum in tuâ potestate sit, esse quod quæris? Eia fratres, simul amemus, simul in hac siti exardescamus, simul ad fontem intelligendi curramus. Desideremus velut Cervus fontem, desideremus illum fontem, de quo scriptura dicit: *Quoniam apud te est fons vita.* Ipse enim fons & lumen est, quoniam in lumine tuo videbimus lumen. Si & fons & lumen est; merito & intel-



intellectus est; quia & satiat animam anidam sciendi. Curre ad fontes, desidera aquarum fontes. Apud Deum est fons vitæ, & in siccabilis fons; in illius luce, lumen inobscurable. Lumen hoc desidera; quemdam fontem, quoddam lumen, quale non norunt oculi tui; cui lumini videndo, oculus interior præparatur; cui fonti hauriendo sitis interior inardescit.

Salutaris nimirum aquâ, quæ noxiam huius mundi sitim, & vitiorum ardorem prorsus exstinguit, sordes omnes peccatorum eluit, animæ nostræ terram cœlesti imbre irrorat atque fœcundat; & ad solum Deum anhelos spiritu mentem humanam sitientem reddit. Hâc aquâ largiter potatus fuit Propheta, cum totus ad Deum suspirans dixit: *Quemadmodum desiderat ceruus ad fontes aquarum, ita desiderat anima mea ad te, Deus!*

Cyrl. lib. 5  
in Ioan.  
cap 10.

Curre ad fontem, desidera fontem, sed noli utcumque, noli ut quaecumque, animal curre, ut *Cervus* curre. Quid est? ut *Cervus*? Non sit tarditas in currendo; impigrè curre, impigrè desidera fontem. Inuenimus enim in signe velocitatis in *Cervus*, sed fortè non hoc scriptura solum nos in *Cervus* considerare voluit, sed & aliud audi: Quid aliud est in *Cervus*? serpentes necat, & post serpentium internecionem, maiori siti inardescit; peremptis serpentibus ad fontes acrius currit.

August. in  
Psal. 41.

Serpentes, vitia tua sunt; consume serpentes iniquitatis, tūc amplius desiderabis fontem veritatis. Avaritia fortē in te tenebrosū aliquid sibilat, & sibilat aduersus verbū Dei, sibilat aduersus præceptum Dei. Et quia tibi dicitur Contemne aliquid, ne facias iniquitatem; si mauis facere iniquitatem quā aliquid commodum temporale contemnere, mordei magis eligis à serpente, quā perimere serpentem. Cū ergo faueas adhuc vitio tuo, cupiditati tuæ, auaritiæ tuæ, serpenti tuo, quando in te inuenio tale desiderium, quo curas ad fontem aquarum? quando concupiscis fontem sapientiæ, cū adhuc labores in veneno malitiæ? interfice in te, quicquid contrarium est veritati, & cū te videris tamquam vacare à cupiditatibus peueris, noli remanere, quali nō sit quod desideres. Quæris fortē vnde deleſceris; Desidera vnde deleſceris: *Desidera ad fontes aquarū*, habet Deus vnde te reficiat, & impleat venientem ad se, & sitientem post interemptionē serpentium, tamquam velocē Ceruum. Est aliud quod animaduertas in Ceruo. Dicuntur Cerui, vel quando in agmine suo ambulānt, vel quando natando, alias terrarū partes petunt, onera capitum suorum super se inuicem ponere; ita vt vnus præcedat & sequantur qui supra eum capita ponant; & supra illos alij, consequentes, & deinde alij, donec

donec agmen finiatur. Ille autem vnus, qui pondus capitis in primatu portabat, fatigatus redit ad posteriora, vt alius ei succedat qui portet quod ille portabat, atque fatigationem suam recreet posito capite, sicut & cæteri ponebant. Ita vicissim portādo quod graue est, & viam peragunt & inuicē se non deserunt. Nōne quosdā Ceuos alloquitur Apostolus dicens: *Inuicē onera vestra portate, & sic adimplebitis legē Christi*. Talis ergo Ceuus, in fide constitutus, nondum videns quod credit, cupiens intelligere quod diligit, paritur contrarios Ceuos, non solū obscuratos intelligentiā, in tenebris interioribus constitutos, vitiorum cupiditate cæcatos, insuper insultantes, & dicentes homini credenti, & quod credit, non ostēdenti, *vbi est Deus tuus?* quid ergo iste Ceuus fecerit cōtra hæc verba, audiamus; vt ipsi, si possumus, faciamus. Primò, expressit sitim suam. *Quemadmodum,* inquit, *Ceuus, desiderat ad fontes aquarum, ita desiderat anima mea ad te Deus.* Quid si Ceuus ad fontes aquarum, lauandi causā desiderat? vtrū ergo bibendi, aut lauandi causa, nescimus? audi quod sequitur & noli quære. *Stiuit anima mea ad Deum viuum.* Quid sitiuit? *quando veniam, & apparebo ante faciem Dei?* hoc est, quod sitio, venire & apparere, sitio in peregrinatione, sitio in cursu, sariabor in aduentu. Sed quoniam sicut Ceuus

desidero ad fontes aquarum, & est apud eum fons vitæ. Quid agam vt inueniam Deum meum? Considerabo terram; & facta est terra: Est magna pulcritudo terrarum, sed habet artificem; Magna miracula sunt seminum, atq; gignentium, sed habent ista omnia Creatorem: Ostendo magnitudinem circumfusi maris; stupeo, miror; artificem quero. Cælum suspicio & pulcritudinem siderum; admiror splendorem solis, exercitio diei sufficientem; lunam nocturnas tenebras consolantem. Mira sunt hæc, laudanda sunt hæc, vel etiam stupenda sunt hæc, neque enim terrena, sed etiam cœlestia sunt hæc. Nondum ibi stat sitis mea. Hæc miror, hæc laudo, sed eum, qui fecit hæc, sitio.

Aug. manu  
cap 20. Anima [enim] quam tangit amor Dei, nihil aliud potest cogitare, nihil desiderare, sed frequenter suspirat, dicens: *Sicut Cervus desiderat ad fontes aquarum, ita desiderat anima mea, ad te Deus meus.*

Aug. foli-  
loq. ca. 35. O fons vitæ, vena aquarum viuentium, quando veniam ad aquas dulcedinis tuæ, de terrâ desertâ, inuiâ & inaquosâ, vt videam virtutem tuam & gl'oriam tuam, & satiet ex aquis misericordiæ tuæ sitim meam? Sitio, Domine, fons vitæ es, satia me. Sitio Domine, sitio te Deum viuum.

August. in  
psalm. 62. *Stimul in te anima mea, quàm multipliciter tibi caro mea.* In aliâ vitâ, cùm resurrexerit caro; satia-

fariabitur; modò ex corruptione fragilitatis  
si non manducemus, deficiamus & esurimus;  
si non bibamus, deficiamus, & sitimus. Si diu  
vigilemus, deficiamus & dormimus; si diu ste-  
mus, fatigamur, idè sedemus; & si diu se-  
deamus, fatigamur, & idè surgimus. In istis  
omnibus multiplicibus defectionibus no-  
stris, sitimus illam incorruptionem; & sic ca-  
ro nostra, *multipliciter sitit Deo*. In ista Idu-  
mæa, in isto deserto, quàm multipliciter la-  
borat, tam multipliciter sitit; quàm multi-  
pliciter fatigatur, tam multipliciter sitit il-  
lam infatigabilem incorruptionem, in terrâ  
desertâ, sine viâ, & sine aquâ, talis enim est  
mundus iste.







*Quando ventiam et apparebo ante faciem  
Dei? Pal. 42. 42.*

Q

A

Eug

A

Heu

Iam

S

Qui

I

Iam

E

Qua

Q

Aspi

Q

Osa

V

Oqu

Q

Scili

S

Nec

I

Mox

I

## XII.

Quando veniam & apparebo ante  
faciem Dei? *Psalm. 41.*

**A**H quoties, mea lux, mihi seria verba dedisti,  
Nulla secuta tamen, seria verba fides!  
Euge breui venies, toties dixisse recordor;  
Adde fidem verbis, dic semel, Euge veni,  
Heu mihi, quàm longæ sunt expectantibus horæ!  
Plus aui spatium creditur vna dies.  
Iam, mea lux, lapsi menses, tot aguntur & anni,  
Spemq; facis toties spem tamen vsque negas.  
Quid miseram spatijs tam lentis ferreus vrus?  
Et toties, paruo hic tempore, dicis, eris.  
Iam lacerant falsis me publica compita sannis,  
Et tuus ille Deus, dic, vbi? quisque rogat.  
Quando igitur veniam? quando tibi libera sistar?  
Quando adstabo oculis obuia facta tuis?  
Aspicias vt misero consumar squallida luctu?  
Quâ careo, facies hæc mihi damna facit,  
O facies animi crudele mei, tormentum!  
Vnica quæ præsens esse medela potes.  
O quando, facies toto spectabilis orbe,  
Quando tuo dabitur lumine posse frui?  
Scilicet vt grauis est terris, absentia Phœbi,  
Squallet & obscurus, sole latente, dies:  
Nec color est hortis, nec amœnis gratia syluis,  
Iamq; silent homines, iamq; filetis aues:  
Mox vbi purpureo roseum caput extulit ore,  
Læta micat radijs, luce nitente, dies;

Et suus est hortus color, & sua gratia sylvis,  
 Iamq; strepunt homines, iamq; loquuntur aues:  
 Sic ego, te viso, moriens, mea vita, resurgo;  
 Vitaq; non viso protinus emorior.  
 Sape iubes, alio me pascere lumina vultu,  
 Multaq; conspectu corpora palera refers.  
 Aspice prae: a, inquit, formosos aspice flores;  
 Picta mei multum prata coloris habent.  
 Aspice ceruleo palantes orbere stellas;  
 Ha quoque de nostro lumine, lumen habent:  
 Aspice & humanis praestantia corpora formis;  
 Est meus humano multus in ore decor.  
 Sicci e, Lux, nostris sperasti illudere votus?  
 Falsaq; supposito vendere frustra vitros?  
 Non ego polliceor mortalis imagine forma,  
 Ah, mea fax facies est, mea vita, tua!  
 Illa, o digna Deo facies! grauis ille suauis  
 Mixtus in ore timor, parq; timoris, amor.  
 Illa supercilij maiestas, dia, cadentium  
 Calituum prono quam colu: ore tremor.  
 Nam quot a pars tanti sedet vlla in fronte decoris,  
 Lux mea quanta tua fronte, genusq; sedet?  
 Ah, neque si faciem coeat decor omnis in vnam,  
 Tanta sit vllius gratia, quanta tua!  
 Lux mea splendidior quanto supereminet astris  
 Lucifer, & quanto Cynthia Lucifero;  
 Ipsaq; quanto iterum superatur Cynthia Phaebo,  
 Tanto formosis omnibus ore praes.  
 De tribus id melius narrabit testibus vnus,  
 Qui tibi tum comites vertice Thabor erant:

Cum

Cum testata Deum facies tibi flammea luxit,  
Cinxit & auratas fax radiata comas:  
Nampe aliquis tanta captus dulcedine lucis,  
Et nimio forma saucius igne tua;  
Immemor & patriæ, oblitusq; suiq; suorumq;  
Optabat stabiles figere monte lares.  
Nec tamen augustum, qualis, quantusq; videri  
Cœlitibus solitus, viderat ille Deum.  
Viderat aërios abfistere vultibus ignes,  
Vt solet accenso candida mica foco.  
Videras ardenti rutilantem vertice flammam,  
Quale lacegitum Sole refulget ebur.  
Viderat, vt placidis Lucina videris in vndis,  
Cum tuum in nitidis fluctuat ardor aquis;  
Aut qualis pelago Cœli vibratur imago,  
Vnda repercussæ cum tremuit igne poli.  
Quid dicturus erat, totâ si luce coruscas  
Vidisset, circum tempore bina faces?  
Quid si oculos? quid si faciem sine nube micantem?  
Quodq; polo facies lumen utroque iacit?  
Quando erit ille dies, mea lux, rex ille dierum,  
Numinis ambrosio cum sinar ore frui!  
Sapè quidem vestros specto sub imagine vultus,  
Cum vultus obeunt spica, merumq; tuos:  
Magna, equidem fateor, tamè imperfecta voluptas,  
Pro facie, faciem nube regente frui:  
At mihi mens alio stimolata cupidine flagrat,  
Ardet & innubes lata videre genas.  
Quando erit ergo dies, cum te, sine nube, videbo?  
Impedient faciem vela nec ulla tuam?

Solaq;

Solaq<sup>ue</sup>, quæ fueras animo libata voluptas,  
 Tandem oculis etiam percipiere meis?  
 Illa dies, fausto si quando affulserit astro,  
 Iuro, erit his oculis carior illa dies.



Quando



*Quando veniam & apparebo ante faciem Dei? Psalm. 41.*

**S**I inuenis meliùs quàm videre faciem Dei, illuc te præpara. Væ tali amoris tuo, si vel suspicaris aliquid pulcriùs, quàm est ille, à quo est omne pulcrum, quod te teneat, ne illum cogitare merearis. August. in  
Psalm. 43.

Dulcissime, amantissime, benignissime, carissime, pretiosissime, desideratissime, amabilissime, pulcerrime, quando te videbo? *quando apparebo ante faciem tuam?* quando fatiabor de pulcritudine tuâ, quando educes me de hoc carcere tenebroso, vt confitear nomini tuo. Aug. med.  
cap. 37.

Dic nunc totum cor meum, dic nunc Deo; *Quero vultum tuum, vultum tuum Domine requiro.* Eia nunc ergo, Tu Domine Deus meus, doce cor meum, vbi & quomodo te quærat, vbi & quomodo te inueniat. Quibus signis, quâ facie, te quæram? numquam te vidi, Domine Deus meus; nō noui faciem tuâ, quid faciet altissime Domine, quid iste tuus lōginquus exul? quid faciet feruus tuus anxius amore tui, & longè proiectus à facie tuâ? anhelat videre te, & nimis abest illi facies tua. Dominus Deus meus es, & Deus meus, & nondum te vidi. Tu me fecisti & refecisti, & omnia mea bona tu mihi contuli- Ansel. in  
prolog.  
cap. 1.

sti, & nondum noui te. Denique *ad te videndum* factus sum, & nondum feci propter quod factus sum.

Aug. foli-  
loq. ca. 36.

Hæc est plena beatitudo, & tota glorificatio hominis, *videre faciem Dei sui*, videre eum, qui fecit Cælum & terram, videre eum, qui fecit eum, qui saluauit eum, & qui glorificauit eum. *Exquisiuit te facies mea, faciem tuam, Domine, requiram*, faciem Domini virtutum, in quâ solâ, consistit tota gloria sempiterna beatorum.

Aug. foli-  
loq. ca. 35.

O quando veniam & apparebo Domine *ante faciem tuam*? putâsne, videbo diem illam, diem, inquam iucunditatis & lætitiæ, *diem quam fecit Dominus, ut exultemus & lætemur in eâ*? O dies præclara & pulcra, nesciens vespere, non habens occasum, in quâ audiam vocem laudis, vocem exultationis & cōfessionis; in quâ audiam, *intra in gaudium Domini tui*! intra in gaudium sempiternum, in domum Domini Dei tui, vbi sunt magna & inscrutabilia & mirabilia, quorum non est numerus. Intra in gaudium sine tristitiâ, quod cōtinet æternam lætitiâ; vbi erit omne bonû, & non erit aliquod malum; vbi erit quicquid voles, & non erit, quicquid noles; vbi erit vita vitalis, dulcis & amabilis, semperq; memorialis; vbi non erit hostis impugnans, nec vlla illecebra, sed summa & certa securitas, *secura tranquillitas, & tranquilla iucunditas*

cunditas, iucunda felicitas, felix æternitas, æterna beatitudo, beata visio, quæ est gaudium Domini Dei tui.

Hanc verò, dulcedinem, vt gustauit Petrus, omnium inferiorum oblitus, clamauit quasi ebrius, dicens; *Domine bonum est nos hic esse, faciamus nobis hic tria tabernacula.* hîc moreremur, te contemblemur, quia nullo alio indigemus. Sufficit nobis, Domine, *videre te*, sufficit, inquit, tantâ dulcedine satiari: vnam enim stillam dulcedinis ille gustauit, & omnem aliam fastidiuit dulcedinem. Quid putas dixisset, si magnam illam multitudinem dulcedinis Diuinitatis tuæ gustasset, quam abscondisti timentibus te?

Vide quoque ardentem hominem [Davidem] vide inflammatum, sciens enim scum hinc recesserit, eum esse *visurum*, ne expectat quidem dilationem; morâ enim non patitur; & si esset quidem priuatus aliquis, humilisque & abiectus, & viuens in paupertate, magnum quiddam esset, vel sic, vitam præsentem contemnere; sed non esset adeò magnum vt nunc est, vtpote Rex est, & tantis fruitur delicijs, tantâque est gloriæ particeps, & est innumerabiles victorias consecutus, multaque bella vicit, & est omni ex parte clarus, insignis & illustris; hæc qui omnia irrideat, diuitias & gloriam & omnes delicias, ad futura autem aspiret & inhiat,

Aug. foli-  
loq. ca. 226

Chrysost.  
homil. in  
Psalm. 41.

hoc est magni cuiusdam & excelsi animi,  
hoc est animæ, quæ tenetur studio sapien-  
tiæ, & cœlesti amore verè capta est.

August. in  
Plal. 138.

Moyſes ſic deſiderauit & concupiuit vi-  
dere ipſam ſpeciem Dei, & loquenti ſecum  
Deo dixit: *Si inueni gratiam ante te; oſtende mihi  
temetipſum, adimplebis me lætitiâ cum vultu tuo.*

Augu. ſoli-  
loq. cap. 23

Et ego paruulus, inter paruulos familiæ  
tuæ, Deus pater, & virtus mea, *quando veniam  
& apparebo ante faciem tuam*, vt qui nunc tibi  
confiteor ad tempus, ex tunc confitear tibi  
in æternum: Beatus ero ſi fuero admiſſus ad  
videndam claritatem tuam. Quis mihi hoc  
tribuat, vt ad hoc venire permittas me!

August. in  
Plalm. 41.

Sed *quâdo veniam*? en quod citius eſt Deo,  
tardum eſt deſiderio. *Quando veniam & appa-  
rebo ante faciem Dei*? ex illo deſiderio eſt &  
hoc, quod clamatur alibi: *Vnâ petij à Domino,  
hanc requiram, vt inhabitem in domo Domini,  
per omnes dies vitæ meæ.* Quare hoc: vt contem-  
pler delectationem Domini. *quando veniam  
& apparebo ante faciem Domini.* Interim dum  
meditor, dum curro, dum in viâ ſum, ante-  
quam veniam, antequam appaream, fuerunt  
mihi lacrymæ meæ panes die ac nocte, cum dicitur  
mihi *per ſingulos dies; vbi eſt Deus tuus.*

Aug. med.  
cap. 40.

Eia, iam Domine! eia, appare mihi & con-  
ſolatus ero! Exhibe præſentiam tuam, & cõ-  
ſecutus ero deſiderium meum, reuela glo-  
riam tuam, & erit perfectum gaudiũ meum,

*Sitiuit*

Sitiuit  
caro  
m  
min  
exp  
qu  
rit  
ab  
ſi p  
ſiti  
pan  
De  
ſpo  
O  
te, l  
ſpi  
Dil  
le  
ne  
ma

Sitiuit in te anima mea, quàm multipliciter tibi  
 caro mea! Sitiuit anima mea ad Deum fontem vi-  
 tum; quando veniam & apparebo ante faciẽ Do-  
 mini. Quãdo venies consolator meus, quem  
 expecto? ô si quando videbo gaudiũ meũ,  
 quod desidero? ô si satiabor, cum apparue-  
 rit gloria tua, quam esurio! ô si inebriabor  
 ab vbertate domus tuæ, ad quam suspiro! ô  
 si potabis me toriente voluptatis tuæ, quam  
 sitiolo! sint mihi, Domine interim lacryma mea  
 panes die ac nocte, donec dicatur mihi, Ecce  
 Deus tuus: donec audiat anima mea, Ecce  
 sponsus tuus.

Ostende te mihi, consolator meus, *videam* Aug. soli-  
loq. cap. 1,  
 te, lumen oculorum meorum, veni gaudium  
 spiritus mei; *videam* te lætitiã cordis mei.  
 Diligam te vita animæ meæ. Appare mihi, de-  
 lectatio mea, solatium meum dulce, Domi-  
 ne Deus meus, vita mea, & gloria tota ani-  
 mæ meæ!





*Quis dabit mihi pennas, sicut columba, et  
volabo et requiescam? Psal. 54. 43.*

Qu  
I

M

Si ta

Q

In tr

I

Tan

N

Pace

R

Mon

C

Sed

L

Offi

N

Non

I

Sed

I

Qu

S

Viv

I

## XIII.

Quis mihi dabit pennas sicut columbæ, & volabo & requiescam?

*Psalm. 54.*

**M** Agne opifex rerum, generis mortalis origo,  
 Corpora nostra tuâ sunt fabricata manu.  
 Si tamen aduersis liceat contendere verbis,  
 Quos habeant naues corpora nostra, querar.  
 In tria ius homini vastissima regna dedisti;  
 In maria, in terras, ætheria sq; domus:  
 Tanta sed vt iustus tria regna gubernet habens.  
 Non quantum hæc possit machina, robur habet.  
 Pace, parùm timide temeraria verba loquenti,  
 Plus operi vitij, quàm reputetur, inest.  
 Momus abesse homini, fertur, doluisse fenestram,  
 Cætera tam nitida membra probasse domus:  
 Sed fueritne foris, fueritne foraminis vsus,  
 Lis erit arbitrio, Momus, secunda tuo.  
 Officit humana, me iudice, turpius æli,  
 Nulla quod obsequium squamma vel ala ferat.  
 Non quod opus squammis vt terra regatur & aliis;  
 Imperium terræ squamma nec ala iuuat.  
 Sed simul ætherias homo cùm moderetur habenas,  
 Et simul æquorea cærulea sceptrâ plage;  
 Quâ nisi sint pinna, tumidas reget ante procellas?  
 Quâ nisi sint penna, nubila lege premet?  
 Vt volet, æriâ volucris petit ardua, pennâ;  
 Piscis vt æquor aret, squammea pinna facit.

*Sed*

Sed neq<sup>3</sup> pinna vices homini, neq<sup>3</sup> penna ministrat,  
 Et simul hic fluctus & simul Astra reget?  
 Nec pelago piscis, neque nubibus imperat ales,  
 Cur opus his, pennâ, remigioq<sup>3</sup> fuit?  
 Scilicet, ingenij minus, orbis & artis haberet,  
 Ni streperet pennis stridula musca suis.  
 Nec stabili geminus penderet cardine mundus,  
 Bina nisi querulas ala moueret, apes.  
 Quid, quod & in triplici, volucrum vilissime, regno,  
 Principis instar, iter Mergæ natator, agas:  
 Et modò gramineâ pedes expatieris in herbis;  
 Mox aus, alta petas; mox freta nauta, feces.  
 Quin potius triplu is cecidit tibi regia mundi,  
 Per tria qui pennis hospita regna volas?  
 Aut tria si fuerint hominis loca credita cura,  
 Cur homini, triplici non licet ire viâ?  
 Cerulus equorei Nereus pater ipse profundi,  
 Non nisi squammigeris, currere fertur equis:  
 Iuppiter, ærium qui flectere fingitur orbem,  
 AEtheris ipse vehens alite; carpit iter.  
 Nec leuitas hominem celeri feri plumea pennâ,  
 Nec liquidas pinnâ remige findit aquas.  
 Et flectet geminum iustis sine viribus, orbem,  
 AEthere factus aus, factus in anne ratus?  
 Vt tamen vndisfraga careat moderamine pinna,  
 (Plurima cum pinnis corpora cassa natent)  
 At sine præpetibus nulli patet ardua pennis,  
 Quæ patet aligero Regia sola gregi:  
 O liceat vacuas mihi tollere corpus in auras,  
 Altaq<sup>3</sup> fiderea visere regna plage!

Aspice,

Aspice, quos inter iaceat mea patria mores,  
Indignus patria nomen habere locus.  
Aspice, nec quod amem volucres, mirabere pennas,  
Me grauior, quàm quæ Persea, caussa mouet.  
Pegaseis vtinam rapiar super æthera plantis,  
Aut moueat volucres Perseos ala pedes!  
Aut agiles humeris aptes mihi, Dædale, ceras,  
Icarijs quamuis fabula labar aquis!  
Aut lapsas agitem pennato pectore plumas,  
Quas vultit variopicta columba sinu!  
Astra columbinis meditabor protinus alis,  
Et ferar ante tuam, Iuppiter, ales auem.  
O stulta volucres, gens nata palustribus vlnis,  
Suenta cauernosæ turba natæ lacus!  
Non ego, si vestras mihi Dædalus applicet alas,  
Littora vel scopulos imago saxa legam.  
Non ego, flumineæ volitem leuis accola ripæ,  
Aut mea percussas penna flagellet aquas:  
Non mea torpentes circumvolet ala paludes;  
Vt propior segnes cadit hirundo lacus.  
Non meâ, ceu mœstis Ceyx dum plangitur vndis,  
Humida vicino se lauet ala freto.  
Persequar ætherum sublimior ales Olympum,  
Altaq, mox solitis nisibus astra petam.  
O quondam felix hominum, modò turba volucrum,  
Quos amor, in celeres iraq, vertit aues!  
Cur mea non capiunt agiles quoq, brachia plumas,  
Induit aut motas hispida penna manus?  
Quot ludunt liquidis examina plumea campis,  
Aligerog, secant nubila celsa pede!

Si mihi, Nise, tuo plumescant brachia fato,  
 Crurag, Scylla is vestiar hirta comis;  
 Si leuis Admo fierem certamine pica,  
 Aut, Cytheraa, tuâ verterer ales aue;  
 O mea si tangant aliquod suspiria Numen,  
 Muter vt in pennas casta columba, tuas!  
 Scilicet aduectâ, ceu Chlōnis ales, oliuâ  
 Reppitj notatecta Noëa ratus;  
 Protinus aligeris raperer super æthera velis,  
 Nostra nec has iterum viseret ala plagas.





*Quis mihi dabit pennas sicut columbe,  
& volabo & requiescam? Psal. 54.*

**I**NARDESCIT & suspirat omnis peregrinus in seculo. Patria bona, patria celestis, patria contemplationis, Angelorum patria! ubi nullus moritur, quo nullus hostis admittitur. Patria ubi habes sempiternum Deum amicū, ubi nullum timeas inimicum,

Augustin.  
serm. 145.  
de temp.

*Quis dabit mihi pennas sicut columbe, & volabo & requiescam? Nihil mihi tam dulce, quam cum Domino meo esse, præbe, mihi, rogo, pennas, quibus indutus, ad te volitem sursum.*

Aug. med.  
cap. 37.

*Quas pennas, nisi duas alas, duo præcepta charitatis, in quibus duobus præceptis tota lex pendet & Prophetæ? has alas, has pennas, si recipiam, possum fugere à facie tuâ ad faciem tuam; & à facie irati ad faciem placati. Iam volumus spe & desiderio habentes alas geminæ charitatis. Hoc meditemur, hæc sit spes nostra, hæc sit consolatio nostra. Recipiamus pēnas per charitatem, quas amisimus per cupiditatē; cupiditas enim viscum facta est pennarumstrarum; elisit nos de libertate aëris nostri, id est, aurarum illarum liberarū spiritus Dei. Inde elisi perdidimus pennas, & fuimus quodāmodo captiuati in aucupis potestate. In istâ vitâ, inter tanta scandala, inter tam multa peccata, inter tantas turbas tentationum quotidianarum, quotidianarum*

Augustin.  
Psal. 138.

fugge-

suggestionum malarum: quid facio?

Ambr. de  
fuga fi-  
culi cap. 5.

Omne tempus in sollicitudine, omnis vi-  
ta in molestijs: *in medio*, inquit, *laqueorum am-  
bulas*, & alius; *in viâ quâ ambulat*, exteros sibi, sed  
absconditos laqueos querebatur, ne deprehensus  
caderet; volebat fugere *sicut passer*, sed adhuc  
*laqueus contritus non erat*. *Perijt*, inquit, *fuga à  
me*. Grauatius habebat pennas periliam tene-  
brofam aquam in nubibus aeris, & fortasse euo-  
lare non poterat. Denique illas pennas quære-  
bat accipere, vt euolaret & requiesceret sicut  
f. n. tum est: *Quis mihi dabit pennas sicut colum-  
bæ, & volabo & requiescam?*

Ambr. 1. 4.  
in cap. 4.  
Luc.

Etenim quasi clavis quibusdam suffigitur  
anima, corporis voluptatibus, & cum semel  
adhæserit cupiditatibus demersa terrenis,  
difficile in altum potest. vnde descendit, sine  
Dei fauore reuolare. Actuum enim suorum  
laqueis vineta & deliciarum sæcularium il-  
lecebris obnoxia iam tenetur.

Ambr. ser.  
70.

Volare non potest nisi quod purum leue  
atque subtile est, cuius nec sinceritas intem-  
perantiâ retardatur, nec alacritas, nec velo-  
citas mole grauatur. Grauari autem *volatum*  
dico non tam mole membrorum quàm de-  
lictorum; vnde puto etiam in ipsis auiibus  
ideò velocius *columbam* panè præ omnibus  
volitare, quòd alacritatem & innocentiam  
comitetur. Denique S. Dauid cum puritate  
mentis volare concupisceret, non alterius  
animan-

animantis nisi *columba optauit alas*; dicens, *quis dabit mihi pennas sicut columba, & volabo & requiescam!* Intelligebat enim quodd aliora facilius penetratur simplicitate mentis, quam leuitate pennarum.

Conceperat amorem verbi Dei, & cupiebat ad ipsum volatu celeri peruenire dicēs: *Quis mihi dabit pennas, sicut columba, & volabo & requiescam?* volabo sensibus, volabo intellectibus spiritualibus, & requiescam, cum apprehendero sapientiæ & scientiæ eius thesauros. Puto enim, quia sicut qui mortem CHRISTI recipiunt, & mortificant membra sua super terrâ, consortes efficiuntur similitudinis mortis eius; ita & hi qui virtutem Spiritus Sancti recipiunt, & sanctificantur ex eo, & donis eius replentur (quia ipse in specie columba apparuit) etiam ipsi columba fiant, vt de terrenis & corporeis locis euolent ad cœlestia, pennis Sancti Spiritus eleuati.

Bene factum est vt pennas acciperetis sicut columba, & volaretis ad requiescendum. Nam in terrâ non erit requies, sed labor & dolor & afflictio spiritus. Quid ergo timendum est sic volanti? nisi fortè cadaver, vel simile aliquid videat in terrâ, cuius desiderio tractus, videatur a venatoribus illis pessimis, & preparatis laqueis capiatur, & sint nouissima hominis illius peiora prioribus?

Etenim tamdiu transilire debemus, quid

Orig. hō. 4  
in Cant.

Bern. ser.  
super  
B. ut qui  
habitant.

August. in  
Psalm. 76.

quid nos impedit, quicquid irretit; quicquid  
*visco quodam illigat, & onere aggrauat volatum*  
*nostrum* donec perueniamus ad id quod suf-  
 ficit, ultra quod nihil est, infra quod sunt  
 omnia, ex quo sunt omnia.

Ang. med. Da, quaeso, toto desiderio & omni studio,  
 cap. 37. tendere quo te ascendisse credimus, vt in  
 presenti quidem miseriâ solo tenear corpo-  
 re, tecum autem sim cogitatione semper &  
 auuiditate; vt ibi sit cor meum, vbi tu es the-  
 saurus meus desiderabilis, & incôparabilis,  
 multumque amabilis. Assumat Domine, as-  
 sumat, rogo, spiritus meus *pennas & voluet &*  
*non deficiat*, volet & perueniat vsque ad de-  
 corem domus tuæ, & *locum habitationis gloriæ*  
*tuæ.*

Ibidem, § Tene cor meum manu tuâ, quia sine te  
 ad altiora non rapitur, illic festino, vbi sum-  
 ma pax regnat & iugis tranquillitas rutilat.  
 Tene & rege spiritum meum, & assume il-  
 lum secundum voluntatem tuam, vt te du-  
 ce, ascendat ad illam regionem vbertatis,  
 vbi pascis Israel in æternum pabulo verita-  
 tis.

## X I V.

Quàm dilecta tabernacula tua Do-  
mine virtutum ! concupiscit &  
deficit anima mea in atria Domi-  
ni. *Psalm. 83.*

**O** Qui sidereas ducis fortissime turmas,  
Cui cingant decies millia mille latus!  
Quàm tua Regifico radiant Pratoria luxu!  
Mens stupet, & tante languet amore domus,  
Mœnia Tenario defendunt marmore muros,  
Limina sunt Parius portag<sub>3</sub> celsa lapis.  
Vestibulo rutilant adamantum lumine valvae,  
Amplaq<sub>3</sub> magnificus culmina splendor habet.  
Fulgurat excelsis fuluum laquearibus aurum,  
Et camera auratâ cedrina fulta trabe.  
Tectum angustū, ingens, gemmisq<sub>3</sub> auroq<sub>3</sub> superbū,  
Quale putes ipsum posse decere Deum.  
Stratus humi calcatur onyx, vitreiq<sub>3</sub> plateas  
Stellarum fundant, marmora fulua globi.  
Iam sua temperies placido mitissima Cælo est;  
Qualis vbi vernis aura tepet zephyris;  
Nec glacialis hiems tremulo pede pulsat Olympum,  
Icta nec hibernâ grandine tecta sonant;  
Nec pallent viso moritura sole pruina;  
Nec stant marmoreo flumina vincta gelu;

D d

Nec



Nec coquit astiui Cererem iuba saua leonis,  
 Solstitij medius nec furit igne dies.  
 Nec viridis solijs sanguis feruore recedit.  
 Nec tostus nimio sole satiscit ager.  
 Perpetuum ver astra colunt, frigūq; caloremq;  
 Inter, Cœlicola tempora veris agunt.  
 O qui fidereas habitas, Rex maxime, sedes,  
 Quam tua praeterris inuidiosa domus!  
 Quin absunt gelidi brumae intractabiles imbres,  
 Quig; regat madidos imbrifer hœdus agros;  
 AEoliag; silent anime tranquilla per alta,  
 Quassag; nec venti murmure spica tremit.  
 Stat placidus positus Aquilonum flatibus aether,  
 Seruat & aternus longa serena tenor.  
 Sed neque flammâtes liquido lauat equore currus,  
 Nec subit occiduas Sol fugitiuus aquas.  
 Nec premit astra dies, neq; Sol fugat aethere stellas,  
 Nec premitur lassus nocte fugante dies.  
 Nulla polos tacitis nox obruit atra tenebris,  
 Nigrag; subducto somnia sole vocat.  
 Exulat aethereis longè nox horrida terreo,  
 Et nitet aeterno lumine clara dies:  
 Clara dies, iucunda dies, setemplice Phœbi,  
 Fulmineam nostri lampada, luce premens.  
 O qui fidereas habitas, Rex maxime, sedes,  
 Quam tua praeterris inuidiosa domus!  
 Sollicita procul hinc, proficere cubilia cura,  
 Et metus & tristi luridus ore dolor,  
 Et caput atrato luctus velatus amictu,  
 Lessu, & impexis nania mœsta comis.

Et labor & toto gemitus proscriptus Olympo,  
 Et lis & rabidi iurgia rauca fori,  
 Rixæq<sub>3</sub> inuidiaq<sub>3</sub>, cruentaq<sub>3</sub> sanguine bella,  
 Monstrag<sub>3</sub>, quæ secum plurima, bella trahunt.  
 Pauperies febrisq<sub>3</sub>, famesq<sub>3</sub>, sitisq<sub>3</sub>, luesq<sub>3</sub>,  
 Quæq<sub>3</sub> sequi solita Martia astrâ neces.  
 Hic clausa Bello porta, & sine militis armis  
 Oria cœlicola mollia pacis agunt.  
 Non galeæ, non scuta micant, non classica clangunt,  
 Mitescunt positis aurea sæcla tubis.  
 Tabificiq<sub>3</sub>, absunt, examina pallida, morbi,  
 Quæq<sub>3</sub> cohors Letho præuia sternit iter.  
 Quin etiam Letho interdictum mœnibus vrbis,  
 Nec quidquam in Superum corpora iuris habet.  
 Letitiæ data cura domus, quæ sedula fletum  
 Elysij longè sinibus arcet agri,  
 Instruit auratis conuiuia Regia mensis,  
 Quas recreant festis gaudia sancta iocis.  
 Non quia Cœlicola dapibus ieiunia soluant,  
 Aut ullus Superum proluat ore liquor.  
 Absq<sub>3</sub> epulis, hic omnis amor compressus edendi,  
 Omnis & absque meri munere pulsa sitis.  
 Non istis temerant Superi conuiuia mensis,  
 Aut Regio similes suggerit illa dapes.  
 Elysium sine carne epulas Bacchoq<sub>3</sub> ministrat  
 Cœlicolumq<sub>3</sub>, venit nullus in ora cibis.  
 Cælestes onerant, incognita fercula lances,  
 Quales nemo hominum, contigit ore cibos.  
 Ambrosia, Superos hilarat, quis nescio, succus,  
 Deus, & atherio nectare potus alit;

Dd 2

Sicq<sub>3</sub>

*Sicq̃, super strato aeternum discumbitur ostro,  
 Gaudet & auratis gens epulata toris.  
 Gaudet, & Angelicos placidis bibit auribus hymnos,  
 Et salit, & rutilam sub pede plaudit humum.  
 O qui fidereas habitas Rex maxime sedes,  
 Quot tua delicijs affluit illa domus!  
 Iam flagrat & studio nimis inflammata videndi,  
 Mens desiderio deficit egra suo.*

*Quàm dilecta tabernacula tua Domine  
 virtutum! concupiscit & deficit ani-  
 ma mea in atria Domini. Psal. 83.*

Aug. med.  
 cap 25,

**M**ATER Hierusalem, Ciuitas sancta  
 Dei, charissima sponsa CHRISTI, te  
 amat cor meum, pulcritudinem tuam amat  
 cor meum, pulcritudinem tuam nimium de-  
 siderat mens mea. O quàm decora, quàm  
 gloriosa, quàm generosa tu es. Tota pulcra  
 es, & macula non est in te. Felix anima mea,  
 semperque felix in sæcula, si intueri merue-  
 ro gloriam tuam, beatitudinem tuam, pul-  
 critudinem tuam, portas & muros, & pla-  
 teas tuas, & mansiones tuas multas; nobi-  
 lissimos ciues tuos, & fortissimum Regem  
 tuum in decore suo. Muri namque tui ex la-  
 pidibus pretiosis; portæ tuæ ex margaritis  
 optimis; plateæ tuæ ex auro purissimo, in  
 quibus incundum alleluya sine intermissio-  
 ne concinitur; mansiones tuæ multæ, qua-  
 dris

dris lapidibus fundatæ, saphyris constructæ,  
laterculis coopertæ aureis, in quas nullus  
ingreditur, nisi mundus, nullus habitat in-  
quinatus. Speciosa facta es & tuavis in deli-  
cijs tuis, mater Hierusalem; nihil in te tale,  
quale hîc patimur, qualia in hâc miserâ vi-  
tâ cernimus. Non sunt in te tenebræ, aut  
nox, aut quælibet diuersitas temporum, sed  
Deus de Deo, lux de luce, Sol Iustitiæ sem-  
per illuminat te, Agnes candidus & imma-  
culatus, lucidum & pulcerrimum est lumen  
tuum; Sol rursus & claritas tua, & omne bo-  
num tuum, huius pulcerrimi Regis indefi-  
ciens contemplatio: Ipse Rex Regum in  
medio tui, & pueri eius in circuitu eius.

Ibi Hymnicidi Angelorum chori. Ibi so-  
cietas supernorum Ciquiû. Ibi dulcis solen-  
nitas omnium, ab hâc tristi peregrinatione  
ad tua gaudia redeûtiû. Ibi Prophetarum  
prouidus chorus. Ibi duodenus Apostolorû  
numerus. Ibi innumerabiliû Martyrum vi-  
ctor exercitus. Ibi Sanctorum Confessorum  
sacer conuentus. Ibi veri & perfecti Mona-  
chi. Ibi sanctæ mulieres; quæ voluptates sæ-  
culi, & sexus infirmitatem vicerunt. Ibi pue-  
ri & puellæ annos suos sanctis moribus trā-  
scenderunt. Ibi oues & agni, qui iam huius  
voluptatis laqueos euaserunt. Exultant om-  
nes in proprijs mansionibus, dispar est glo-  
ria singulorû, sed communis est lætitia om-

nium. Plena & perfecta ibi regnat charitas, quia Deus est tibi omnia in omnibus; quem sine fine vident, & semper videndo in eius amore ardent, amant & laudant, laudant & amant. Omne opus eorum laus Dei sine fine, sine defectione, & sine labore. Felix ego & verè in perpetuum felix, si post resolutionem huius corpusculi, audire meruero illa cantica cœlestis melodiarum; quæ cantantur ad laudem Regis æterni, ab illis supernæ patriæ ciuibus beatorumque spirituum agminibus! Fortunatus ego, nimiumque beatus, si & ego ipse meruero cantare ea, & assistere Regi meo & Duci meo!

Aug. med.  
cap. 22.

O tu vita, quam præparauit Deus ijs, qui diligunt eum! vita vitalis, vita beata, vita secura, vita tranquilla, vita pulchra, vita munda, vita casta, vita sancta, vita ignara mortis, nescia tristitiarum, vita sine labe, sine dolore, sine anxietate, sine corruptione, sine perturbatione, sine varietate & mutatione, vita totius elegantiæ & dignitatis plenissima, vbi non est aduersarius impugnans, vbi nulla peccati illecebra, vbi est amor perfectus, & timor nullus, vbi dies æternus & vnus omnium spiritus, vbi Deus facie ad faciem cernitur, & hoc vitæ cibo, nescis sine defectu satiatur. Libet me tuarum ingredi claritatum, delectant me bona tuarum audio corde. Quanto plus valeo tecum considerare, tanto plus amore tui lægueo, tui vehementi



hement idesiderio tuiq; dulci memoriâ admodum delector. Libet itaque, libet in te oculos cordis attollere, statû mentis erigere, affectum animi cōservare. Libet sanè de te loqui, de te audire, de te scribere, de te conferre; de tuâ beatitudine & gloriâ quotidie legere & lecta sapiûs corde reuoluere, vt vel sic possim ab huius mortalis periturâq; vitæ ardoribus, periculis & sudoribus sub tuæ vitalis auræ dulci refrigerio transire & transiens, sinu tuo fessum caput dormiturus vel paululum reclinare. O tu vita felicissima! ô Regnum verè beatum carens morte, vacans sine! cui nulla tēpora succedunt per æuum, vbi continuus sine nocte dies nescit habere tempus, vbi victor miles, illis hymnidicis Angelorum sociatus choris, cantat Deo sine cessatione canticum de canticis Sion.

Quæ cantica, quæ organa, quæ cantilenæ, quæ melodix ibi sine decantantur! sonant enim semper melliflûa hymnorum organa, suauissima Angelorum melodia cantica canticorum mira, quæ ad laudem & gloriam tuam à supernis ciuibus in perpetuum decantantur.

Hugo de  
S Victore  
lib. de ani-  
ma cap. 4.

O anima, suspira ardentem, desidera vehementer, vt possis venire ad illam supernam Ciuitatem, de quâ tam gloriosa dicta sunt, in quâ sicut latantium omnium habitatio est!

Aug. manu  
cap. 24.

Quanta erit illa felicitas, yti nullum erit

22. de  
Ciuit. Dei,  
cap. 30.

malum, nullum latebit bonum ! vacabitur  
Dei laudibus, qui erit omnia in omnibus !  
Admoneor etiam sancto Cantico, vbi lego:  
*Beati qui habitant in domo tuâ Domine, in secula  
seculorum laudabunt te.* omnia membra & vis-  
cera incorruptibilis corporis, quæ nunc vi-  
demus per vsus necessitatis varios distribu-  
ta, quoniam tunc non erit ipsa necessitas, sed  
plena, cetera, secunda, sempiterna felicitas,  
proficient in laudibus Dei.

Vera ibi gloria erit, vbi laudantis nec er-  
rore quisquam nec adulatione laudabitur.  
Verus honor, qui nulli negabitur digno, nul-  
li deferetur indigno. Vera pax ibi est, vbi ni-  
hil aduersi nec à seipso, nec ab alio quisquã  
patietur. Præmium virtutis erit ipse, qui vir-  
tutem dedit, cuique seipsum, quo maius nihil  
possit esse, promissit. Quid enim est aliud  
quod per Prophetam dixi: *Ero illorum Deus, &  
ipsi erunt mihi plebs*; nisi ego ero vnde satien-  
tur, ego ero quæcumque ab hominibus hone-  
sta desiderantur, & vita & salus & victus &  
copia & gloria, & honor, & pax, & omnia  
bona ? sic enim & illud rectè intelligitur,  
quod ait Apostolus, *ut sit Deus omnia in omni-  
bus ipse finis erit desideriorum nostrorum*, qui sine  
fine videbitur, sine fastidio amabitur, sine fa-  
tigatione laudabitur. vbi vacabimus & vi-  
debimus, videbimus & amabimus, amabi-  
mus & laudabimus, Ecce quod erit in fine,  
fine

sine fine. Nam quis alius noster est finis, nisi peruenire ad Regnum cuius nullus est finis?

O Anima, quid dicere valeo, cum futurum gaudium aspicio? Iam pœnè præ admiratione deficio, quia gaudium erit intus & extra, subtus & supra, circum & circa. Gaudebis igitur in omnibus, gaudebis de omnibus.

Bonau. folio, cap. 4.

O Anima, qualis tibi erit dies illa, cum ad hanc felicem choream fueris assumpta, & cum omne tormentum tibi (si piè vixeris, si patienter sustinueris) conuertetur in æternum iubilum! Tunc de omnibus his laudabis Dominum Deum tuum, labijs exultationis, dicens: *Misericordias Domini in æternum cantabo.*

Bonau. folio, cap. 4.

O domus Dei æterna, post CHRISTI dilectionem, tu esto lætitia mea & consolatio; dulcis memoria tui beati nominis, sit releuatio mœroris, tædiorumque meorum; Tædet enim me valde vitæ huius & istius erumnosæ peregrinationis.

Ambr. in orationib.

O domus Dei luminosa & speciosa, dilexi decorem tuum & gl'oriam habitationis gloriæ Domini mei fabricatoris & possessoris tui. Tibi suspiret peregrinatio mea die ac nocte: tibi inhiet cor meum, tibi intendat mens mea, ad societatem tuæ beatitudinis peruenire desideret anima mea.

Ambr. in orationib.

Quando transibo in illam admirabilem  
& pul-

August.

med.c.37. & pulcerrimam domum tuam, vbi personat  
 vox lætitiæ & exultationis in tabernaculis  
 Iustorum? *Beati qui habitant in domo tua Do-*  
*mine, in sæcula sæculorum laudabunt te!* Beati &  
 verè beati, quos elegisti & assumpsisti in il-  
 lam Cœlestem hæreditatem. Ecce *sancti tui,*  
*Domine, florent ante te sicut lilium;* replentur e-  
 nim ab vbertate domus tuæ & torrente voluptatis  
 tuæ potas eos, quoniã tu es fons vitæ. O quàm  
 mira, quàm pulcra, quàm acceptabilia sunt  
 domus tuæ habitacula, Domine virtutum,  
 concupiscit intrare in ea hæc peccatrix ani-  
 ma mea! Domine *dilexi decorem domus tuæ, lo-*  
*cum habitationis gloriæ tuæ. Vnam petij à Domi-*  
*no, hanc requiram, vt inhabitem in domo Domini*  
*omnibus diebus vitæ meæ.*

Aug. foli-  
 loq. ca. 35.

O verè beati! ô terque quaterque beati,  
 qui iam omnium malorum exuti, securi de  
 suâ immarcessibili gloriâ ad te, Regnum de-  
 coris, peruenire meruerunt! ô æternum Re-  
 gnum, Regnum omnium sæculorum! vbi  
 lumen indeficiens & pax Dei quæ exuperat  
 omnem sensum, in quo sanctorum animæ  
 requiescunt, & lætitia sempiterna super capita eo-  
 rum; gaudium & exultationem obtinebunt, & fu-  
 giet dolor & gemitus. O quàm gloriosum est  
 Regnum, in quo tecum, Domine, regnant omnes  
 Sancti.

Greg. in  
 Psal. 7.  
 penitent.

Ibi est lux sine defectu, gaudium sine ge-  
 mitu; desiderium sine pœnâ, amor sine tri-  
 stitiâ;

stitiâ; satietas sine fastidio; sospitas sine vitio, vita sine morte, sanitas sine languore. Ibi sancti & humiles corde, ibi spiritus & animæ iustorum, ibi cuncti cœlestis Patriæ ciues, & Beatorum spirituum ordines, Regem in decore suo videntes, & in gloriâ virtutis eius exultantes. Perfecta viget in omnibus charitas, vna omniû lætitia, vna iucunditas.

BONE IESV, verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, vt à spiritu tuo bono deductus, ad beatam illam perueniam Ciuitatem, vbi est dies æternus, & vnus omnium spiritus; vbi est certa securitas & secura æternitas, & æterna tranquillitas, & tranquilla fœlicitas, & fœlix suauitas, & suavis iucunditas; vbi tu Deus cum Patre & Spiritu Sancto viuus & regnas per infinita sæculorum sæcula, Amen.





*Fuge dilecte mi, et asfamiliar caprea, hinnuloq;  
ceruorum super montes aromatum. Cant. 8* 45.

Fuge dilecte mi, & assimulare capreæ hinnuloq; ceruorum super montes aromatum. *Cant. 8.*

**O** Cyus aspectu, mea Lux, te proripe nostro;  
Ardeo, nec tantas mens capit ista faces.

O mala, quæ dudum timui tibi dicere verba!  
Quam, mea Lux, mallem dicere posse, mane.

Non etenim tua me presentia tempore lassat.  
Ab sine te, grauis est qualibet hora mihi  
Sed prohibent nimis incendia dulcia flammis,  
Vel fuge, vel nocuam, Lux mea, condesacem.

Hæc mihi Tu, fateor, si iussa aliquando dedisses,  
Ex animis misero lapsa dolore forem.

Parce, iubet seuis Amor ignibus, haud ego mando,  
Stare velim totos in mea vota dies.

Si possem, cuperem non persuadere quod hortor,  
Si potes, inuitas aure repelle preces.

Ergo mane, mea lux, monitis neq; flectere nostris,  
Nec, precor, audieris quæ modò iussa dedi.

Trans mare precipites rapiant verba irrita Cauri,  
Non mea, sed stolidi verba fuere meus.

At prohibet rapidus fibras qui pascitur ardor,  
Æstuo nec tantas mens capit ista faces.

Ergo fuge & celeres pedibus præuerte capellas,  
Anteuola ceruos, anteuola hinnuleos.

Sed fuge respiciens, tamquam discedere nolles,  
Vt qui spectari, dum fugit, antè cupit.

Deus in Ephremi cum pectore ferueret ignis;  
 Non ego par flammæ quin fugis, inquit, Amor?  
 Ille triumphato clarus Xauerus Indo,  
 Saucius et heriâ pectora sæpè face;  
 Cælestis quoties ardebat arundinis ictu,  
 Ab satis est, satis est dicere suetus erat.  
 Cum flagrat iuuenis sceptri laus magna Poloni;  
 Corda rigat gelidis Stanesilauis aquis.  
 Quis mea pectoribus compono pectora tantis?  
 Non ego sum toti, lux mea, par pharetra.  
 Carpe fugam, pedibusq; leues prauerte capellas;  
 Anteuola ceruos, anteuola hinnuleos.  
 En iuga vicino coelos tangentia cliuo,  
 Thuris vbi madido cortice gutta tumet;  
 Cedrus vbi, Laurusq; & copia plurima Myrrhe,  
 Mixtaq; puniceis Cinnama lata crocis.  
 Huc fuge pennigeris super alta cacumina plantis,  
 Sen tua, Mons Amanâ, Libane siue tua?  
 Alta super iuuenum fastigia Seraphicorum,  
 Cherubicosq; apices, Astraq; summa super.  
 Scilicet insoliti non sunt his montibus ignes,  
 Pectora quos imis vallibus ista timent.  
 Vna potest flammare meas scintilla medullas,  
 Non ego par totas, lux mea, ferre faces.  
 Carpe fugam, pedibusq; leues prauerte capellas,  
 Anteuola ceruos, anteuola hinnuleos.  
 Sic tamen, vt fugiens oculis huc sæpè recurras,  
 Longius aspectu nève vagère meo.  
 Qualis at oppositum spectat soror aurea Phœbum,  
 Cum plus de radijs, quo magè dictat, habet.

Parce

Parce, suas vires, mea lux, vitiumq<sup>3</sup> satenti,  
Nec tecum possum viuere, nec sine te.  
Ardeo, si properas; rigeo, si fugeris; hei mi,  
Et procul, & praesens, igne geluq<sup>3</sup>, nocet!  
Quid facies, mea lux, sine te non esse volenti?  
Fac caleam, toto non tamen igne cremer.  
Ergo fuge, alipedesq<sup>3</sup>, celer praeuerte capellas,  
Antevola cervos, antevola hinnuleos.  
Interea viridem fabricabor arundine cannam,  
Et referet laudes fistula facta tuas.  
Post, vbi vox longo modulamine sessa silebit,  
Ore silente nouum dextra capeffet opus.  
Arboribusq<sup>3</sup> meos solisque, insculpet amores,  
Amborumq<sup>3</sup> vno cortice nomen erit.  
Scriptaq<sup>3</sup> praeteriens ne noscat signa viator,  
Littera confusum nomen virumq<sup>3</sup> reget.  
Post opus hoc, reliqua si qua super hora diei,  
Illa mihi in somnos hora quietis erit.  
Sic tamen vt vestri sit mixtus imagine somnus,  
Et mihi stes clausos peruigil ante oculos.  
Dum loquor, en tacitis gliscunt incendia flammis,  
Ocyus ingrata lux mea carpe fugam.  
Carpe fugam, veluti cuperes tamen ante videri;  
Vtq<sup>3</sup> breui redeas, non Tibi dico Vale.

Fuge

*Fuge dilecte mi, & assimilare capreae,  
hinnyloq̃s ceruorum, super montes  
aromatum. Cant. 8.*

Guil. Ab-  
bas apud  
Delio in  
c. 8. Cant.

**S**PONSUS plerumque præproperè & præ-  
maturè fugatur, & ante tempus dicitur  
ei, *Fuge*. quippe tempus manendi sponso &  
tempus fugiendi. Tempus dicendi ei; *Mane  
nobiscum Domine*; & tempus dicendi ei; *Fuge  
dilecte mi*. Tempus dimittendi eum, & tem-  
pus dicendi ei: *Non dimittam te nisi benedixeris  
mibi, nisi auxeris incrementa frugum iusti-  
tiæ meæ, ut suo tempore dimittam te.*

Beda in c. 8  
Cant.

[Sed] quis eum quem diligit, à suâ fugare  
præsentia velit? quod ergo ait, *Fuge dilecte mi*,  
non optando loquitur, sed eius potius vo-  
luntate feruendo.

Author  
Scalæ Pa-  
radyti, to. 9  
Aug. ca. 5.

Sicut enim in quibusdam carnalibus offi-  
cijs adeò vincitur carnalis concupiscentia,  
quod omnem visum rationis amittit, & fit  
homo quasi totus carnalis; ita meritò in hac  
supernâ contemplatione, ita consummuntur  
& absorbentur carnales motus ab ani-  
mâ, ut in nullo caro spiritui contradicat.

Idem c. 6.

Namquid huius consolationis & letitiæ  
testes sunt & nuncij, suspiria & lacrymæ? Si  
ita est, noua est antiphrasis ista & significa-  
tio inusitata; sed quid huius secreti collo-  
quia proferimus in publicum?

*Dimitte*



*Dimitte me, iam enim ascendit Aurora :* datâ Idem c. 7.  
ergo benedictione, mortificato neruo femoris & mutato nomine de Iacob in Isiaël, paulisper secedit Sponsus, diu desideratus, citò elapsus.

Sed ne timeas, ô Sponsa, ne desperes, ne existimes te contemni, si paulisper tibi subtrahit sponsus faciem suam. Omnia ista cooperantur in bonum, & de accessu & recessu lucrum acquiris; tibi venit, tibi & recedit; venit ad consolationem, recedit ad cautelam, ne magnitudo consolationis extollat te. Hanc gratiâ cum vult & quâdo vult Sponsus attribuit, non iure hæreditario possidetur. Vulgare prouerbium est, quod nimia familiaritas parit contemptum. Recedit ergo, ne fortè nimis assiduus, contemnatur, & absens magis desideretur, desideratus audiùs quærat, diu quæsitus tandem gratiùs inueniatur. Ne ergo exilium deputemus pro patriâ, arithâ pro pretij summâ, venit sponsus & recedit vicissim, nunc consolationem afferens, nunc vniuersum statum nostrum in infirmitate commutâs, paulisper nos permittit gustare, quàm suavis est; & antequam plenè sentiamus, se subtrahit, & ita quasi alis expansis supra nos volitans prouocat nos ad volandum.

Meritò proinde quærenti illum anima respondetur. *Altissimum posuisti refugium tuum.* Bern. ser. 9, *super.*

Beati qui,  
habit.

Neque enim sic Deū sitiens anima, aut cum Petro, ei in terreno monte. Facere tabernaculum, aut cum MARIA deinceps, eum tangere vult in terrâ, sed planè clamat: *Fuge dilecte mi assimulare caprea, hinnuloq, ceruorum.*

Ambr in  
b. no mor-  
ti cap. 5.

Hortatur, enim, vt fugiat, sponsus, quia iam sequi potest etiam ipsa terrena fugientem. Dicit autem, *vt similis sit damula*, quæ euadit de retibus. Vult enim & ipsa fugere & euolare supra mundum.

Beda in  
c. 8. Cant.

*Assimulare caprea, hinnuloq, ceruorum super montes aromatum*; multum oprando ac sup-  
plicando profectur, sciens hanc sibi maxi-  
mam in præsentî vitâ esse felicitatē; vt quia  
continuâ visione non valet, saltem crebrâ  
eius visitatione cōsoletur, quæ nimirum fœ-  
licitas illis solū conceditur, qui contēptu  
terrestriū & gaudiorū appetitu cœlestium,  
appellari spiritualium merentur montes a-  
romatum. assimilatur enim *caprea hinnuloq,  
ceruorum* apparentibus *super montes aromatum*,  
cū rursus, vt opportunū ipse iudicauerit,  
collatâ ibi luce sui præsidij, siue obsidentia  
rentationū pericula tollit, seu consueta quæ  
subtraxisse videbatur, virtutum dona resti-  
tuit: constat enim de nostrâ paruitate, quia  
nequaquam vno atq; indissimili modo sem-  
per orationum dulcedini insistere, lacrymas  
(vel pro reatus nostrî cōscientiâ, vel pro de-  
siderio patriæ cœlestis) fundere valemus;

ita vt

ita vt nonnumquam multum conati, his  
vti bonis nequeamus. Ac rursus aliquando,  
etiam minùs ipsi studentes, horum copiâ  
potiamur. Quod, vnde agitur, nisi nunc fu-  
git dilectus; nunc mentem nostram reuifit.

Quis verò mihi huius mutabilitatis refe-  
ret Sacramenta? quis mihi explicet ire, & re- Bern. ser.  
75. in Cât.  
dire *Verbi*? numquid leuitate vitur sponsus?  
sensu animæ, non motu verbi, ista fieri sen-  
tiamus. Cùm sentit gratiam, agnoscit præ-  
sentiam; cùm non, absentiam queritur, &  
rursus præsentiam quærit: sed fortè idè se  
subtrahit sponsus, quo auidius reuocaretur,  
teneretur fortius? Nam & aliquando simu-  
labat se longiùs ire; non quia hoc volebat,  
sed magis volebat audire: *Mane nobiscum quo-  
niam aduersperascit.* Nunc verò constar in ani-  
mâ fieri huiusmodi vicissitudines euntis &  
redeuntis *verbi*, sicut ait: *Vado & venio ad vos.*  
Item, *modicum & non videbitis me.* O modi-  
cum & modicum! ô modicum longum! Pia  
Domine, modicum dicis, quòd non vide-  
mus te? saluum sit verbum Domini mei,  
longum est, & multum valdè nimis.

Sed *fuge dilecte mi*, quia non possum ad- Ansel. in  
c. 8. Cant.  
huc sociari tibi in thalamo sicut vis.

O vocem dignam auditu dilecti! vocem Rupert. in  
c. 8. Cant.  
de corde fideli & mente humili! hoc enim  
est, quod anima quæuis fidelis & sapiens di-  
cere consuevit: Domine non sum digna vt

intres sub tectum meum; non sum digna, ut in me ostendas frequens aliquod præsentiæ vel visitationis tuæ miraculum. *Euge*, inquam, *dilecte mi*, & saltus huiusmodi similes saltibus *capræ* aut *binuli ceruorum* effice, non super me, sed super montes aromatum, super præcella merita sanctorum, atque perfectorum.

Aug. 10.  
confess.  
cap. 40.

Aliquando intromittis me in affectum multum inusitatum introrsus, ac nescio quam dulcedinem; quæ si perficiatur in me, nescio quid erit, quod vita ista non erit; sed recido in hæc, ærumnosis ponderibus, & re-forbeor solitis; & teneor, & multum fleo, sed multum teneor.

Aug. solilo  
cap. 22.

Domine consolator meus; in hac vitâ *renuit consolari anima mea*, ut digna habeatur consolationibus æternis.

S Eu. in  
vitâ suâ,

*Recede à me, Domine, parumper*; quoniam vasis huius infirmitas ferre non potest.

## S Y L L A B V S

## LIBRI PRIMI

## GEMITVS

## ANIMÆ POENITENTIS.

## I.

**A** Nima mea desiderauit te in nocte. Isaix 26.

## I I.

Deus tu scis insipientiam meam, & delicta mea  
à te non sunt abscondita. Psalm. 68.

## I I I.

Miserere mei Domine, quoniam infirmus sum,  
sana me Domine, quoniam conturbata sunt ossa  
mea. Psalm. 6.

## I V.

Vide humilitatem meam, & laborem meum,  
& dimitte vniuersa delicta mea. Psalm. 24.

## V.

Memento queso quod sicut lutum feceris me, &  
in puluerem reduces me. Iob. 10.

## V I.

Peccaui: quid faciam tibi, ô custos hominum!  
quare posuisti me contrarium tibi? Iob. 7.

## V I I.

Cur faciem tuam abscondis, & arbitraris me  
inimicum tuum? Iob. 13.

## Ee 3

## VIII.



## VIII.

Quis dabit capiti meo aquam, & oculis meis fontem lacrymarum, & plorabo die ac nocte? Hier. 9.

## I X.

Dolores inferni circumdederunt me, praecipuerunt me laquei mortis. Psalm. 17.

## X.

Non intres in iudicium cum seruo tuo, quia non iustificabitur in conspectu tuo omnis viuens.

Psalm. 142.

## X I.

Non me demergat tempestas aqua, neque absorbeat me profundum. Psalm. 68.

## X I I.

Quis mihi hoc tribuat, ut in inferno protegas me, & abscondas me, donec pertranseat furor tuus? Iob. 14.

## X I I I.

Numquid non paucitas dierum meorum finietur breui? dimitte ergo me ut plangam paululum dolorem meum. Iob. 11.

## X I V.

Vtinam saperent, & intelligerent, ac nouissima prouiderent. Deut. 32.

## X V.

Defecit in dolore vita mea, & anni mei in gemitibus. Psalm. 30.

S Y L L A B V S  
LIBRI SECVNDI  
V O T A  
ANIMÆ SANCTÆ.

I.

**C**oncupiuit anima mea desiderare iustificatio-  
nes tuas. Psalm. 118.

I I.

Vtinam dirigantur via mea ad custodiendas  
iustificaciones tuas. Psalm. 118.

I I I.

Perfice gressus meos in semitis tuis, vt non mo-  
ueantur vestigia in ea. Psalm. 16.

I V.

Confige timore tuo carnes meas, à iudicijs enim  
tuis timui.

V.

Auerte oculos meos ne videant vanitatem.  
Psalm. 118.

V I.

Fiat cor meum immaculatum in iustificationsi-  
bus tuis, vt non confundar. Psalm. 118.

V I I.

Veni dilecte mi, egrediamur in agrum, commo-  
temur in villis. Cant. 7.

VIII.

## V I I I.

Trabe me post te, curremus in odorem vnguentorum meorum. Cant. 1.

## I X.

Quis mihi det te fratrem meum sugentem vbera matris meae, ut inueniam te foris, & deosculer te, & iam me nemo despiciat. Cant. 8.

## X.

In lectulo meo, per noctes, quasiui, quem diligit anima mea; quasiui illum. & non inueni. Cant. 3.

## X I.

Surgam & circuibō ciuitatem; per vicos & plateas, queram quem diligit anima mea; quasiui illum, & non inueni. Cant. 3.

## X I I.

Num quem diligit anima mea, vidistis? paululum cum pertransissem eos, inueni quem diligit anima mea; tenui eum, nec dimittam. Cant. 3.

## X I I I.

Mihi autem adherere Deo bonum est; ponere in Domino Deo spem meam. Psalm. 72.

## X I V.

Sub vmbra illius, quem desideraueram, sedi. Cant. 2.

## X V.

Quomodo cantabimus canticum Domini, in terrā alienā? Psalm. 136.

S Y L L A B V S  
LIBRI TERTII  
S V S P I R I A  
ANIMÆ AMANTIS.

## I.

**A** Diuro vos, filia Ierusalem si inueneritis Dilectum meum, vt nuncietis ei, quia amore languo. Cant. 5.

## I I.

Fulcite me floribus, stipate me malis, quia amore languo. Cant. 2.

## I I I.

Dilectus meus mihi & ego illi, qui pascitur inter lilia, donec aspiet dies & inclinentur vmbra. Cant. 2.

## I V.

Ego dilecto meo, & ad me conuersio eius. Cant. 7.

## V.

Anima mea liquefacta est, vt dilectus locutus est. Cant. 5.

## V I.

Quid enim mihi est in caelo, & à te quid volui super terram? Psal. 72.

## V I I.

Heu mihi quia incolatus meus prolongatus est, Ee s habi-

habitavi cum habitantibus Cedar, multum incolam  
fuit anima mea! Psalm. 119.

## V I I I.

Infelix ego homo! quis me liberabit de corpore  
mortui huius? Rom. 7.

## I X.

Coarctor est duobus, desiderium habens dissolui  
& esse cum CHRISTO Philip. 1.

## X.

Educ de custodia animam meam, ad confiten-  
dum nomini tuo! Psalm. 141.

## X I.

Quemadmodum desiderat cervus ad fontes a-  
quarum, ita desiderat anima mea ad te, Deus.  
Psalm. 42.

## X I I.

Quando veniam & apparebo ante faciem Dei?  
Psalm. 41.

## X I I I.

Quis dabit mihi pennas sicut columba, & vola-  
bo, & requiescam? Psalm. 54.

## X I V.

Quam dilecta tabernacula tua, Domine virtu-  
tum; concupiscit & deficit anima mea, in atria  
Domini! Psalm. 83.

## X V.

Fuge dilecte mi, & assimulare caprea, hinnuloq;  
cervorum, super montes aromatum. Cant. 8.

F I N I S.



FLORENTIVS

DE MONTMORENCY,  
Præpositus Prouincialis Societa-  
tis IESV per Flandro-Belgicam.

**C***um Pia desideria à P. Hermanno  
Hugone Societatis IESV Sacerdote  
conscripta, quatuor designati eiusdem  
Societatis Patres legerint probarintq;  
potestate ab admod. Reuerend. Patre no-  
stro Mutio Vitellesco ad hoc mihi factâ,  
ut typis excudantur, permitto. In quo-  
rum fidem has litteras manu meâ sub-  
scriptas, officij mei sigillo muniui. Bru-  
xellæ, 28. Aprilis Anno 1624.*

Florentius de Montmorency.

## Approbatio Censoris.

**H**Æc Pia Desideria, Gemitus & Suspiria  
animæ Christianæ, Elegijs, Emble-  
matis, & SS. Patrum scriptis illustrata à R. P.  
Hermannò Hugonè Societatis I e s v  
Presbytero, pererudita sunt & solida, at-  
que perlucidam semitam continent; quâ  
æterna Veritas, & vera charitas, & chara  
æternitas obtineatur, ab his qui in tenebris  
& in ymbrâ mortis sedent ad dirigendos  
pedes suos in viam pacis. Datum Bruxellæ  
x. Idus. Nouembris, M. DC. XXIII.

*Henricus Smeyers S. Theologiæ Licenciatus  
Scholasticus Bruxellensis Librorum Cen-  
sor.*

SVMMA PRIVILEGII.

**P**HILIPPVS IV. Dei gratiâ Rex  
Castellæ, Legionis, Arragoniæ,  
vtriusque Siciliæ, &c. Archidux Au-  
striæ, Dux Burgundiæ, Lotharingiæ, Bra-  
bantia &c. Comes Flandriæ, Arthesiæ  
&c. Diplomate suo sanxit ne quis citra  
voluntatem HENRICI AERTSSENS  
Typographi Antwerp. librum cui titulus  
est PIA DESIDERIA à R. P. Her-  
manno Hugone, Soc. IESV, Presby-  
tero edita, proximo sexennio impri-  
mat alibi ve impressum in hæc ditiones  
invehat venalem ve habeat. Qui secus  
faxit, confiscatione librorum, & aliâ  
gravi pœnâ multabitur, uti latius patet  
in litteris datis Bruxellæ 3. Febr. 1629.

Signat

I. Cools.

ANTVERPIÆ,  
Apud HENRICVM AERTSSENS,  
M. DC. XXXI.



